

* ISLAM DETROIT 409

Rosa rugosa

~~MC7 R294t~~

30679 ★

McGILL
UNIVERSITY

K 321

1750

2.10.77

MCT
R. 2945

Reza'zade Mahmud Ekrem
Tale'at ed-De'at

تَعْلِيْمُ الْاَدْبِيَّاتِ

قسم اول ————— برنجی سنه

اثر

محمود اکرم { رجائی زاده }

عن اعضای شورای دولت

مکتب ملکيه شاهانه نامنه ۱۲۹۶ سنه مجريه سنده تأليف اولنه رق
مکرراً طاش باصمه سيله طبع اولمشیدی. بوکره بعض تصحیحات دخی اجرا
اولنه رق معارف نظارت جلیله سنک رخصت رسمیه سی اوزرینه حروف ایله
دفعه اول اولتی اوزره طبع اولمشدر

« سوزك احوال وجدانيه يي تحويلة اولان تأثير
بليغته مبنی بر بيوك فائده سی دخی ملتك حسن
تربيتنه خدمتيدركه حقيقت حالده لفظاً ادبياتك
مأخذ اشتقاق ادب ايسه معنا ادبك مصدرا نشاری
ادبياتدر دينله بيلير
برده اتحاد مدنيت هرملتك بر مشخص مثال ذی
حياتيدركه لساني ادبياتدر . او جهته ادبياتسر
ملت ديلسز انسان قيبيلندن اولور »

کمال

استانبول

۱۳۳۰

۲۵۵

ایکی سنهده تدریس اولنمق ایچون ایکی قسم اوزرینه مرتب اولان
تعلیم ادبیاتک بو برنجی قسمی درستیجه افاده مرامه مقتدر اولنه جق قدر
اصول کتابته آشنا بولنان طلبه یه بر سنه طرفنده اسالیب مقبواله
عثمانیه نك قواعد اساسیه وفوائد مهمه سنی اوکرتک - اوزان مشهوریه
موافق هر بولده اشعار عثمانیه یی موزون اوقومغه الفت حاصل ایتدیرمک -
منشور و علی الخصوص منظوم برچوق منتخب پارچه لر ازرلتمک - اثرلرندن
باشلیجه مثال الشمس اولان مشاهیر ادبانی، مختصر ترجمه حاللریله برابر
یکدیگرینه اولان رجحان فضیلتلرنی دخی بیلیمک شرطیله، طائقی والحاصل
ادبیات و ادبای عثمانیه حقنده صورت عمومیه ده برخیلی معلومات مفیده یی
قازاندا یرمق مقاصدینه کوره یازلشد

معارف نظارت جلیله سنه تقدیم اولنان استدعانا مه نك

صورتیدر

عطوفتلو افندم حضرتلری

مکتب ملکیه شاهانده من غیر حد ادبیات عثمانیه معلمی بولندیقدن
اعطا ایتکده اولدیقم درسلدن متشکل اولق اوزره (تعلیم ادبیات) نای
ویریلان کتابك سنه بسنه شاگردان طرفندن برر نسخه سی تدارك اولمق
لازم کلوب بونك هر بیل مکتبجه طاش باصمه سیله طبع و تمثیل صعوبت
وتکلفی وباصیلان نسخه لرك اکثر یا ککشلی چیقمنی وشکل وهیئتجه مطلوب
اولان انتظام ومطبوعیتك حصوله کله مامسنی موجب اولدقدن بشقه
درسدن اول طلبیه توزیعی اقتضایدن جزء لرك بعضاً کونلرجه کروقالسی
محدور قویسنی دخی مستلزم اولدیقدن وبویله بر اثری از هر جهت نقصانی
وبالوجه دکر سز لکی ایله برابر خارجدن ده آلوب اوقومق ایستیانلر
بولنه بیله جکندن حروف ایله طبعی ارزواولنه رق قسم اولندن شمدی به قدر
طبع اولنه بیلا لرك تصحیحلی بر نسخه سی حضور عالی جناب نظارت پناهیلرینه
تقدیم قلندی . بوقسم اولك مابعدی دخی قریباً عرض ایله مساعدت
رسمیه سی بشقه جه استحضال اولنه جفندن شمديك تقدیم اولنانلرك طبعنه
مباشرت اولمق اوزره رخصت لازمه نك اعطاسی خصوصنه مساعدت علیه
جناب نظارت پناهیلری شایان بیورلق بابنده امر وفرمان حضرت من له
الامر کدر .

فی ۲۸ صفر سنه ۱۲۹۹

رجائی زاده

۱۰م اکرم

بسم الله الرحمن الرحيم

اوج سنه دنبری تألیف و اصلاحیه اوغراشدیغ اثر حقیرانه نك
برنجی قسمی کسوة طباعته کیره دك حالده اولدجه انتظام حصوله
کلدیکندن عمومك انظار مطالعه سنه کندی کندیسی عرض
ایدیور .

برچوق مساعی مقدمانه نك محصولی اولان بواثر ناچیزك
مؤلفه نسبت نه قدر قیمتی اولسه ترقیات عصریه نك نوبنو تزئید
وتشدید ایتدیکی احتیاجاته نسبت هیچ براهمیتی اولدیغی اعتراف
ایدرم : (تعلیم ادبیات) اونوع مؤلفاته مخصوص اولان احتیاجی
ایضا ایچون دكل ایما ایچون میدانہ چیقارلدی .

مؤلفی بونك ترتیب وتحریرنده دها اول یازلمش اولان آثاره
مراجعتدن مستفید اولدیغی کبی اربابنك بعدما دها مکمل اوله رق
وجوده کتیره جگه لری بویولده مؤلفات ایچون بونك دخی ایشه
یارایه بیلمسی احتمالدن بعید دکلدر مادامک هرشیده حصول
ترقی تلاحق افکاره محتاجدر .

اثر حقیرانه مده مشهود اوله جق نقایص ونواقصدن کلیسی
مؤلفك بضاعه سز لکنه ، عدم اقتدارینه راجع ایشه دم بر طاقیده
اثرک یکیلکنه عاٹد اولمق اقتضا ایدر . ایلریده تکرار
طبعی نصیب ومیسر اولورسه او زمانه قدر تدریسات متمادیه
ایله حاصل اوله جق تجاربه کوره علی قدر الطاقه بدرجه دها
اصلاح واکالی مؤلفنجه ممکندر .

مع مافیه اثر حقیرانهم شو حالیه - محب وطن و طرفدار
ترقی اولان - ارباب علم و ادبک نظر نقادانه لرینه مصادف
اولوبده موأخذه ویا بیان مطالعیه شایان کوریلورسه افتخار
ایدرم .

البته او تنزلی ایده جک ، او همتی بیدریغ طوته جق ذوات
معارفسمات مؤلف عاجزک بونی ترتیب ونشره جرأتنده کی حسن
نیتی و برده (موأخذه آسان ایسه ده صنعت قولای دکلدور)
حقیقتی نظر انصاف و مروتدن بعید بواندیره مزله .

رجائی زاده

محمود اکرم

فی ۶ ذی الحجه سنه ۱۲۹۸

وفی ۱۷ تشرین اول سنه ۱۲۹۷

تحدیث نعمت و عرض محمدت

اثر حقیرانه می زیر حمایت معارف پیرایه حضرت ملوکانه ده
بولنقله مشرف و فیضیاب اولان مکتب ملکیه شاهانه ده من
غیر حد معلم ادبیات اولدینم جهتله او سایه ده وجوده
کتیردم . وطنه آز چوق فائده لی آثاردن عد اولندی
حاله بوموفقیته دخی مکتبی آن بان نائل مساعدات
وترقیات و معلمین و شاگردانی دمبدم مظهر تشویقات
و تلطیفات بیوران ذات خلافتسمات حضرت پادشاهینک
سائر مآثر موفقیات مجددانه لرینه لاحق و بواساقتله اثرک
مؤلف حقیری نه درجه مفتخر اولسه لایقدر .

معارفک نشر و تعمین شدت التزامده اسلاف عظامک
مسابق و ارباب علم و ادبک الکیوک حامیسی الکی برنجی
مشوق اولان پادشاه دل آگاه و شهریار مراحم پناه افندمرک
سایه سعادتوایه ظل الاله لرینک تمادیمی ایله ان شالله ملک

وملت دها زیادہ واصل معموریت و نائل رفاهیت اولور،
 بزم ذمت صداقت مزہ بورج اولان ایسہ دعوات خیریه حضرت
 پادشاهی بی دایماتکرار ایله وظیفه شکر کداری یه چالشمقدر.
 جناب حق ولی نعمت بیتمنز سلطان غازی (عبدالحمیدخان
 ثانی) افندمز حضرت تلری نی کمال عافیت و سعادت له تحت عالیخت
 سلطنت سینه لر نده برقرار بیورسون .

ظل حق پادشاه ذیشانک
 ملکنه لطیفدر مفیض حیات
 بونجه آثار ، بونجه تأسیسات
 محض احسانیدر او سلطانک
 یراشیر دینسه عهد اجلالی
 ملتک دور فیض و اقبال
 متواضع ، کریم ، بنده نواز
 متورع ، رحیم ، داد آور
 قدردان ، ملتفت ، ستوده اثر

اهل پرور، ذکی، سخن پرداز
نامور، کامین، همایون بخت
تاجدار وقور دارا تخت
نامی (عبد الحمید ثانی) در
ذیل عنوان شوکتی غازی
اولمده دولتک همسازی
جد و اقدامی بی مدانیسدر
ایلسون چوق زمان جناب خدا
تخت عالیسنه شرفبخشا

محمود اکرم

متن نسخه ذاتی شروح صنوف کلمات ایله محشی ،
مؤلفات علمیه و ادبیه سی دارالکتب معارف شرقیه به بحق
رونق بخشانحریر یکانه زمان دولتلو جودت پاشا حاضر تلری
اثر حقیرانه می بوندن اول شرفیاب نظاره معارف پروریلری
بیور مشلرایدی . بود دفعه ده مجرد مؤلف حقیر ی تلطیف
وتشویق مقصد عالی قدر دانسیله بر مقاله مقبوله ادیبانه
اسطار و احسان بیور دقلرندن زیور سر لوحه مفخرت فلندی .

ذوق بلاغت ایله حلاوتیاب حقیقت اولان ادبیه واضح
و عیاندر که اصل لسان عثمانی ترکیه اولدینی حالدہ عربی و فارسی
ایلہ مخلوط و ممزوج بر لسان لطافت رساندر .

کویا در زخانه معانیده طرز عرب اوزره یچلمش و اصول
فارسی اوزره دیکلمش اولان دیبای زیبای ترکیه بورنمش بر
شاهد شیرین ادای بدیع الیاندرد .

ذاتاً صیغ تصریفیه جه اک مکمل بر لسان اولدینی حالدہ
السنة سائر هـ دن اخذ و اقتباس ایلدیکی الفاظ ایلہ خیلدن خیلی
زنکیندر . و عربی و فارسی نیکه خواص و مزایای سی محتوی
اولق حسبله ادبیاتجه دخی غایت نازک و رنگیندر .

لكن ادبیاتی بالسهوله تحصیلہ وسیلہ اولہ جق اصول مطردہ
وضع اولنماش اولدینی جہتله همان خلف سلفک اثرینه اقتفا
ایله اکتفا ایدہ کلشدر .

حالبوکه یوز سنہ انسان ایچون بر عصر ولسان ایچون
بر دور در . و مرور اعصار وکروور ادوار ایله کرک هیئت
اجتماعیہ انسان وکرک لهجه وشیوہ لسان نیجه تبدلات وتغیراته
دوچار اولور .

ابکار افکار صانکه هر موسمه بر کونه قباى لطافت نمایه
بورینور وهر جمعیتده بر نوع حلی نکت ومزایا ایله کورینور .
بناء علیہ هر لسانک اصول تعلیم ادبیاتی مزاج دوره توفیق
اولنقی لازم کلور .

اشبو عصر معارف حصر حمیدی آثار حمیده سندن اولمق
اوزره بوکره ادبای عصرک ممتاز و سر بلندی محمود اکرم بک
افندی اثار اسلاف و اخلافی تتبع ایله استنباط ایلدیکی قواعد
وضوابطی جمع ایدرک ادبیات عثمانیه نک تعلیمی حقنده بوکتاب
مستطابی تألیف ایتمش ولسانمیزک ترتیب اصول ادبیاتنه راغب
وطریق ادب عثمانی یه سالک اولنلره شاهراه دلالت اوله جق
برکوزل چغرا آچمشدر . جعل الله سعيه مشکور او هذا الاثر مبرور
منا التفريض والذکر الجمیل ومن المولى التعویض والاجر الجزيل .
کتبه التفقیر

احمد جودت

قبل الشروع

(ادبیات) تعیری خصوصیه بش اون سنه دبری ارباب قیم
اره سنده اك چوق زبازد اولمش تعیرلردندر. بودرجه مأنوس
بودرجه کثیر الاستعمال بر تعیرك شبهه سز مدلولی دخی قوللانا نلرجه
معلوم اولمق ایجاب ایدر. مع مافیه بونك قبول ادبایه
شایان اوله جق صورتده بر تعریف تحمل ومنقحه شمدی یه قدر
تصادف اولنه مامشدر. بوجهته اولیه بر تعریفك برنجی اوله رق
طرف احقرانه مدن ایرادی بیوجك جسارتلردن معدود اولدیغی
بیلدیكم حالده وظیفه تدریس ایله بوکا مجبور اولمش وطلبه یه شو
صورتله اكلاتش ایدم:

[پك واسع یعنی عمومی بر نظرله باقیلیرسه (ادبیات) تعیری
محصولات افكارك كافه سنه شامل طوتلق اقتضا ایدر. چونكه
هرنوع محصولات فکریه یی بر ضابطه و رابطه تحتنه اله جق
شی فن کتابتدر. بو حالده فن کتابت دخی اصل الاصول
ادبیات اعتبار اولمش اولور و بوکا تعلق ایدن هرشی بالطبع
ادبیاتدن معدود بولنور. حال بوکه ادبیاتیك زیاده ذوق وحس
وخیالدن متولد ورد و قبولی ینه اك چوق بونلره عائد بر صنعت
ناز که اولمق اوزره تلقی و حیثیت و مزینتی اوصورتله تقدیر ایلان
ارباب تدقیق بونك تعریفده (اك مشهور ارباب قلمك اك منتخب

اك مقبول اثر لرندن استنباط واخذ اوانان اصول وامثالك
معرفتيدر (ديرلر .

في الحقيقة ادبياتك مدلول عموميسنه كوره مثلا بر اصناف
تذكره سنی و يا خود بر خانه اعلانی ده اثار ادبيه دن بر شی عد
ایتمامن لازم كله جك . حالو كه بونی عمومه قبول ایتدیرمك ممكن
دكدر . اویله اولدینی حالد هركسجه ملایم عقل و وجدان
اولسی لازم كلان تعریف ، ادبیاتی بالنسبه محدود بر دائره
حصر و مستثنا بر موقعه ارجاع ایدن تعریف ثانیدر .

حوزه ادبیاته داخل اولان اثار و مؤلفات ایسه ایکی شكلده
عرض وجود ایدر كه بریسی نثره و تعبیر دیگرله انشا - دیگری
نظم و تعبیر اخرله شعر در .

اثر منشور تابع اولدینی شیلر لسانمرك قواعد عمومیه میله
علم منطقك مقتضیات احكامندن و ذوق وجدانی و آهنگ سلاست
تعبیر ایتدیكمز ایکی مهمه ادبیه نك اصول عمومیه سندن عبارتدر .
منظوماتده فضله اوله رق اوزان و قوافیه دنخی رعایت اولنمق
ایجاب ایدر .)

ادبیات عثمانیه ده ذوق وجدانیدن منبعث اوله رق جاری
اولان اصول و قواعد اوقاعده لر در كه جمع و تدوین و مثاللریله
توضیح و تبیین اوله جق اولورسه اندن بدیعی دنخی حاوی اوله رق

(عثمانلیجهیه مخصوص بر علم بیان) و تعیر دیگرله بر (بلاغت عثمانیه) کتابی میدانه کلیر [*]

(تعلیم ادبیات) ک بوقسمه اولی اثار ادبیهجه اک اول اعتنایه شایان اولان افکار و حسیاتک مزیات و طبایعندن ، اسالیب کلامک شرائط عمومیه سندن و بلاغت عثمانیه نک ذاتاً یک چوغنی عریجه دن النمش و دهاته ادبامزک اثار بدیع ه سنه کر چکدن مدار زینت بولنمش اولان قواعدندن یعنی انواع مجاز ایله سائر تزینات اسلوبیدن باحث و مبحثلرک اکثرینه استطراد صورتنده ذیل اولنان بر چوق مطالعات مخصوصه یی و تأیید و تنویر اصول ایچون مشاهیر ادبا و شعرا مزدن النان بر خینی اثار منتخبه یی حاویدر .

اثرک ترتیبنده فرانسزجه بعض اثاره مراجعتدن چکنم دیکم کبی . نلرک تدقیقات و تعریفات ادبیه سندن بزجه ده فائده سنه قائل اولدیغ شیلرک نقلنده دخی تعصب ایتمدم .

ادبیاتک اذهان و وجدان اوزرینه تأثیرات کلیه سی و بوجهته تربیه افکار و تهذیب اخلاق خصوصنجه فوائد عظیمه سی ، اهمیتی ، مزیتی ، قیمتی هر کسجه معلوم و مصدق برشی اولدیغندن بومسئله دن بحثه حاجت کورلیدی .

بوقسم اولک نهایتنه ادبی برطاقم ملاحظات و امثال و فقرات

[*] ایسته اویولده بر (بلاغت عثمانیه) نک تألیفنه جودت پاشا حضر تلی طرفندن همت بیورلنده اوله رق ختام بولان بر پارچه سی دخی کچنده طبع و نشر اولنشیدی .

وبعض منتخبات علاوہ سیلہ برابر اثار بلیغانہ لرندن الدیغی مثالہر (تعلیم ادبیات) ک زینت بخش صحافی اولان مشاہیردن بر حیات اولیانلرک مقصدہ یارایہ جق صورتہ برر مختصر ترجمہ حالی دخی درج و تحریر ایتدم .

(تعلیم ادبیات) مکتب ملکئہ شاہانہ مستعدان طلبہ سنہ تقریر اولنان درس لردن تشکل ایتمش اولدیغندن بونده کندیلرینہ خطاب یولنده بولنان افادات حالیلہ ابقا اولمشدر .

﴿ قسم اول ﴾

معنی یاخود فکر - لفظ یاخود اسلوب

کړک شفاهاً وکړک تحریراً افادۀ مرآمده ذهنه اک اول لایح
اولان شی معنی و تعبیر دیگرله فکردر. صورت و تعبیر دیگرله
اسلوب افاده درجه ثانیه ده دوشونیلور. بناء علیه افکارک درجات
و طبقاتی و خواص و کیفیاتی تقدیماً تعریف ایده جکز که بوصورت
هرشیده رعایتی واجب اولان ترتیب طبیعی به دخی موافقت ایدر.

برنجی فصل

قوای ذهنیه نك ادبیآده فعلی

بوفصلك مندجانی: ذهن - (۱) افكاره - افكارك مزینات عمومیه سی: حقیقت. سلامت. وضوح. انتظام. - افكارك مزینات خصوصیه سی ساده لك. ساده دلانه لك. انجه لك. شدت. پارلاقلق. علویت. مبحث. (۲) حسیات. - حسیات حقیقیه. حسیات طبیعیه. (استطراد: حقیقی اولان برحس مطلق طبیعی دخی اولق لازم كنز) حسیاتك طبایع مختلفه سی: ساده دلانه لك. رقت. مهیجلك. علویت. مبحث (۳) حسن طبیعت یا خود ذوق وجدانی. مبحث (۴) قوه خیالییه. مبحث (۵) ظرافت. مبحث (۶) قوه حافظه. - (استطراد: توارده نه دیمكدر. - دهاء وهنروری. - صنایعده كوزلك نه دن عبارتدر؟)

ذهن

ذهن اوقوتدرکه مادی ومجرد کافه اشیا آنکله فهم وادراك وتفریق اولنور. خدمتی خارجاً وساطت حواس ایله داخلا وجدان ومحاکمه عقلیه ایله اکتساب حقیقت ایتمکدر. ذهن خدمتنی ایفایه باشلادینی زمان بَرده بر طاقم افكار وملاحظات حاصل ایدرکه آنلره كرك مغویاتدن اولسون وكرك مادیاتدن بولسون اشیانك عكوس داخلیه سی دنیله بیلیر. هر بر اثر ادینك روحی افكاردر. اسالیب ایسه اشكال خارجیه دن عبارت قالیر.

برنجی مبحث

— افکار —

افکارك عمومیت و خصوصیت اوزره بر طاقم مزیاته مالك
اولسی ایجاب ایدر .

عمومی یعنی هر فکری وجودی لابد اولان مزیات شونلردر :
۱ — حقیقت ، ۲ — سلامت ، ۳ — وضوح ، ۴ — انتظام .
خصوصی یعنی افکارك بعضیلرنده بولنه جق اولان مزیتلر
دخی شونلردر :

۱ — ساده لك ۲ — ساده دلانه لك ۳ — اینجه لك ۴ — شدت
۵ — پارلاق ۶ — علویت .

— افکارك مزیات عمومییه سی —

۱ — فکر طوغریدر — اگر عرض ایتدیکی شی موافق
نفس الامر اولورسه . سلطان سایان قانونینك بردستور حقیقت
توصیفنه شایان اولان :

اولیه دوات جهانده بر نفس صحت کبی

مصراع مشهوری عین حقیقت افاده ایدر . زیرا دین و دنیاچه
وظائف انسانیه نك اقدمی اولان معبوده عبادت فریضه سنك
ایفاسی دخی صحت بدنییه متوقف اولدیغنه باقیلیرسه عافیت

وجودك عالمده اك برنجی دولت ، اك برنجی سعادت اولدیغی
قطعاً شبهه كوتورمز.

حال بوكه شاعر مشهور نایینك :

غرور جنبش بقرا طپانه سی طورسون
فقط لقایی حکیمك مریضه ثقلتدر

فكرنده حقیقت بوله میز . چونكه بعض مریضه كوره اطبانك
خوشه كیتمیه جك اوضاعی بولنسه بیله اكثیریت اوزره خسته لرك
طیپلرینی كوردكاری زمان حس ایده جكلری حال ثقلت دكل
بالعكس تسلیت اولق برامر طبیعیدر.

قدمای ادبامرك ائارنده وخصوصیه منظوماتنده بوقیلدن
حقیقته مغایر فكرلر چوق بولتور. بونك نظمده بر سببی ده
(ارسال مثل) یولنده سوز سویلكه اولان مراقلریدر . از جمله
ینه نایینك :

اولور فیض تواضعله درخت پست بار آور
قومشدر میوه دن محروم سروی سرفراز اولق

فكرنده ایکی جهته حقیقته مباینت كورینور. بر كره میوه دار
اولق ایچون اغاجلرك پست اولسی طبیعتجه بر قانون عداولنه جق
قدر عمومی دكل. زیرا هر یرده هم میوه ویرر هم ده چنار قدر
بیور اغاجلر كوریلور . ثانیاً سرو اغاجنك ده - هر نه قدر
مأكول دكسه ده - میوه سی واردر.

۲ فكر سالندرکه - اكر حاوی اولدیغی شیئه - هر هانکی

جهتدن باقيليرسه باقيلسون - موافقت تامه سی بولنورسه. بوحاله
کوره فکرده سلامت حقیقتدن دها مفید دیمک اولور وسالم
اولیان برفکرک موافق حقیقت اولمسیده ممکندر
سلامت فکر ایچون شناسینک :

حق یول آرامق واجبه در عقل سلیمه
توفیقی اینترسه خدا راهبر ایلر

بیتی بر مثال موافقدر. چونکه بر صاحب عقل سلیمک کنديسینه
تعین ایده جکی مسلك صحیح - موفق اولوب اولیه جغنی ده
دوشونمکسزین - دائماً تحری حقایق اشیا ایله مشغول و مقید
اولمقدن عبارت بولمق لازم کله جکنی ینه عقل سلیم تسلیم ایدر.
فکرده عدم سلامته مثال ایسه نفیعینک :

بردوش کبدر حق بوکه معنیده بو عالم
کیم کوز یوموب آچنبه زمانی کذر ایلر
بر یرده که آرامه بومقدار اوله مهلت
اربابی نیجه کسب کمال و هنر ایلر

بیتلریدرکه بونلرده مندرج اولان فکر نوعما حقیقه مطابق
ایسه ده سالم دکلدر. زیرا حاوی اولدینی شیئه ازهر جهت ملایم
دوشمنز: مدت عمر بشر، زمان دینیلان بعد غیر متناهی به نسبت
واقعا هیچ حکمنده ایسه ده اکتساب فضیله تنویر انسانیت ایده جک
قدر تحصیل علم و عرفان ایتمه کفایتی مصدقدر. شاعرجه
مقصود اولان کمیت، شوعا جز انسان ایچون از لده مقدور اولیان، کمیت

مطلقا ایسه آنک اکتسابی بیک سنه ده یا شانسه ینه قابل اوله مز. ایشته بونقطه دن نظر اولورسه فکرده سلامت اولمدینی کوریلور .

۳ — فکر واضحدر — اکر موضوعنی معین و مصرح اوله رق مفید اولورسه. بومقوله افکار واضحی — کافه نکات و دقایقه برابر قوه مدرکه نك بالسهوله ادراك ایتمی اقتضا ایدر.

فکرده وضوحه مثال :

ضیای ثقل ایله تفریق حسن و قبح اولور
که نور مهر در الوانی ایلان تشبیر
شناسی

عدم وضوحه مثال :

قابل ژنک اولیان اولز بزی رای جلا
اغبرار خاطر اکسیر مسرتدر بکا
راغب پاشا

۴ — افکارک انتظامنه کانیجه بوده حقیقت و طبیعتک و آره لرنده کی روابط و مناسباتک تعیین ایتدیکی ترتیب آلتنده بولنسیله حاصلدر.

افکارک مزیات خصوصیه سی

— ساده لك —

ساده لك دیدیکمز مزیت ذهنده بالسهوله و بلا اشکال حاصل

اولان و آچیق و سهل الادراك حقیقتلری افاده ایدن افکاره
مخصوصدر . فضولینک :

البته کیدر کلان جهاننه

مصراعنک متضمن اولدینی حقیقت کی .
واقعا بوفکر ساده اولدینی کی تعییراتیده سادهدر . لکن
دیگر براسلوب مزین ایلهده افاده اولنسه مزیت اصلیهسی اولان
ساده لکی ضایع اولمز .

مثال :

دست جلاد اجلدن نه جوان قوی خلاص اولور نه پیر زبون (اناالله
وانا الیه راجعون)

کمال

دیگر مثال :

عاقبت جمله منک منزلی خاک اولسه کړک
کیمه ایتمش بوفلک کام و مرهم اوزره وفا
رئیس الکتاب عارف

بومقوله ساده فکرلری اسلوب رنگین ایله شعشعه دارزینت
ایتمک مقتدر مؤلفله مخصوصدر . مع مافیه هر برفکر ساده نی
حد ذاتنده دکرسز ظن ایتمایلیدر . خصوصیه بعض ساده
ملاحظه لر واردرکه هر نه قدر تأملسز وطبیعی اوله رق ایراد
اونورسدهده ماهیه طبقه عالیدهده حائر موقعدرلر .

مثال :

هپ کوردیکمز کبی یازمقده نه ترقی اوله بیلیر؟ برازده دوشوندیکمز
کبی یازملی یز . انسان هان کورمکه دکل کوسترمکه ده مستعددر .
عبدالحق حامد

— ساده دلانه لک —

ساده دلانه لک ، ظاهرده منشأی صافدرونلقدن عبارت
اولدینی حالده حقیقتده، بر تعریضی، بر مقصدخفی بی متضمن اولان
و مخصوصی اولیوبده تصادفی کبی کورینان فکرلرده بولنور.
فضولینک شکایتنامه مشهورندن نقل ایتدیکمز شو پارچه هان
سراپا ساده دلانه بر طاقم فکرلری شاملدر .

« جمعیتلری دام جیل ، حضار مجلسلری (اولک کالانعام بلهم اضل)
حرکات ناهموارلری مثابه سوهان روح و کلمات بر آزارلری مشابه امواج
طوفان نوح . سلام ویردم رشوت دکلدر دیه آلدیلر . حکم کوستردم .
فائده سزدر دیه ملتفت اولدیلر . اکرچه ظاهرده صورت اطاعت کوستردیلر
اما زبان حال ایله جمیع سؤاله جواب ویردیلر . دیدم : - یالیهالاصحاب!
بونه فعل خطا و چین ابرودر ؟ دیدیلر : - « بزم عادتزم متصل بودر »
- دیدم ؟ - تم رعایتی واجب کورمشلر و بکارات تقاعد ویرمشلرکه
اوقافدن همیشه بهره مند اولم و پادشاهه فراغتله دعا قیلهم - دیدیلر :
- « ای مسکین ! سنک مظالمکه کیرمشلر و سرمایه تردد ویرمشلرکه مدام
فائده سز جدال ایده سک و نا مبارک یوزلر کوروب ناملایم سوزلرلر ایشیده سک »
- دیدم : - بر اتمک مضمونی نه ایچون صورت بولیز ؟ دیدیلر :

(زوائدر حصولی ممکن اولز .) - دیدم : بویله اوقاف زوائدسز اولورمی ؟ - دیدیلر : (ضروریات آستانه دن زیاده قالسه بزدن قالورمی ؟) - دیدم : وقف مالنی زیاده تصرف ایتمک وبالدر . - دیدیلر : (ایچقه منزله صاتون المشر . بزه حلالدر) . - دیدم : حساب آلسه لر بوسلو ککزرک فسادی بولنور . - دیدیلر : (بو حساب قیامتده صوریلور .) دیدم : دنیاده دخی حساب اولنور . - دیدیلر : (یالکزر خبرینی ایستمشز . اندن دخی پاکمز یوقدر . کاتبلری راضی ایلمشز دره .)

کوردیم که سؤاله جوابدن بشقه بر نسنه ویرمزلر . و بو برات ایله حاجتم روا قیلانی روا کورمزلر . ناچار ترک مجادله قیلدم و مأیوس و محروم کوشه عزیمته چککدم . بن براتمدن اهانت چکدیکم ایچون منفعل ، براتم بندن فائده سز عذاب کوردیکی چون خجل . اول شاهد مجروح کبی تقریردن پشیمان ، بن مدعی کاذب کبی تشیعدن پریشان . اول آیه منسوخ کبی ممنوع العمل بن امت محسوخ کبی مقطوع الامل .

بن اکا فتنه اول بکا آفت

منتفر بن اندن اول بندن

بن اکا غصه اول بکا محنت

متکدر بن اندن اول بندن

— ایتمیه لک —

ایجه لک ظواهرندن زیاده معناری تحتوی اولان افکاره عائد مزیتدر . بومقوله افکارک نکته لرینی آکلامق انسانه باعث ذوق اولور .

مثلاً « اوراق پریشان » ده یازلدینی وجهه حضرت فاتحک،
بر کون شکارده کنز رکن اخوت اسلامیہ اوزرینہ تأسیس مدعا
ایدرك ملك و مالک نصفی طلب ایدن، درویشہ - هله شو
براقه یی آل کیت اوتہ کی قرداشن مرطوبار سه حصہ کہ اوقدرده
اصابت ایتمز - یولندہ کی جوابی غایت دقیق ونکتہ لی بر فکری
شامل و بونکتہ یی اکلامق ایسہ صحیحاً ذوقی موجبدر. عبدالحق
حامد بکک بر اثرندہ مندرج

حقارت رد اولنور بخیردر

مصر اعندہ کی فکردخی افکار دقیقه نک ال کوزلر ننددر.
افکار دقیقه ذکا و ظرافت مخصوصاتندن دکلددر. قلبہ دخی
سایح اولور. حتی یوقیلدن اولانلر دیکر لرینہ ده مرجحدر.
انجق کرک مخصوصات ذکا ئیہ ده و کرک سنوحات قلبیہ ده دقیقه
قابل تعلیم وتعلم دکلددر. زیرا ایکسیسیدہ طبیعتہ وحسہ عائذ
شیلرددر.

مشهوردر کہ فؤاد پاشا مرحوم کندیسنک بعض اجرا آتی
علینہ اعتراضات شدیدہ سردیلہ آثار قابلیتینی دائماً افکار حریت
ایچندہ کوسترمکدن مصرانہ خالی اولیان، بر صاحب قلم ایچون
لطیفہ یولندہ « فلانی اصمہ لیدہ صکرہ ده آلتہ کیدوب اغلامہ لی،
دیہرک نکتہ پردازلق ایتمشیدی.

- شدت -

افکارده شدت - محتویاتی عظمتلی کوسترمک وحسیات قلبیہ یی
محرك و انسانده بر طاقم ملاحظات اصیلانہ یه باعث اولمغله تحقیق ایددر.

حضرت سلیم اولك خریطه عالمه نظر ایتدیكى ائنده « دنیا
برپادشاهه کفایت ایدجك قدر واسع دگش! » یولنده کی کلامی
بر فکر شدیدی حاویدر .

کذلك وطن یاخود سلستره اویوننده امرادن صدق
بکک کوکلی ضابطی اسلام بکه واقع اولان: « دشمنك جیخانه سنی
اتشله یه بیلیر میسک ! » سؤالی اوزرینه بریکنك . « آتشله یه
بیلیرم حتی اقتضایدرسه اوزرینه اوطوررده اویله آتشلرم » یوللو
مقابله سی دخی علوه متله فدا کارلقدن منبعث بر شدت فکری کو ستر .
شدت افکار قول واملده مبالغه و افراط ایتکله علی الاطلاق
اظهار تجلیدن عبارت ظن اولمسون . مبالغه ادیبانه یالان
سویلك دیمك اوله رق شدت افکار ایسه دائماً امکان عادی تحتنده
کورینان احواله مخصوص اولمقله برابر علو جناب کبی حماسه
کبی جلالت کبی انتقام کبی تولعات و احتراصاتک سوقیله غیر
اختیاری بر صورتده اظهار اولنان فکر لردر .
ادبیات جدیده مز شدت افکارک اکثر انوعنه عرض امثال
ایدر از جمله نشیده آتیه داعیه انتقامدن ایلری کلان شدت
افکاره مثالدر .

هله بولمده ایم تسلیمی
سنی بن مطلق ایلرم اهلاک
قائده کورسه م بتون شوافلیمی
آتسه یانسه سرتر افلاک
ینه بن سندن اخذثار ایدرم
خوم اولسه ک سنی نثار ایدرم

- عبدالحق حامد - تزرندن

پارلاقلق -

پارلاقلق خاصه سی ، لطافت و علویتلریله برابر غریب خیالاتی، پارلاق پارلاق تصوراتی دخی متضمن اولان فکرلرده بولنور . بومقوله افکاری شامل افاداتک قیمت و مقبولیتلری یالکیز معانییه منحصر دکل الفاظه دخی مفتقردر . بناءعلیه اویولده افکار اسلوب رنگین افاده دن هیچ بروقتده آریله مز آشاغیده کی مثاللرده اولدینی کی :

کویا بر صحراده اعثم . کونش هنوز اوفقدن چیقمه باشلادی . فقط ضیاسی بزم بیلدیکمرکی دکل مایع حالنه کلشیدی . اوغرادی یئرلری شعه سنه غرق ایدردی . الوان بزم کوردیکمز کی دکل کویا که برجوه سیال اولشدی . برجسمه تعلق ایتسه ده ینه میدانده کورینوردی . بر حالده که ایکی اوچ دقیقه کچر کچمز آغا جلردن ، چیچکلردن طاغلردن ، طا شاردن ، یئرلردن ، کوکلردن نور آقغه رنگ یاغمفه باشلادی . یاپراق لرتلونده برر ابر سحر دن ، میوه لر التاعده برر نجم منوردن نشان ویرردی .

کمال

دیگر مثال

خوشا نزهت آباد جنت سرشت
که خاکنده مدغم مزاج بهشت
زمیننده کسترده دیبای هور
فضاسنده جاروب کیسوی حور

دیرلش نهالان کل سو بسو
قطاريله گلش مکر رنک و بو
لب حوضی ماه نوک پاره سی
ثریا فشان آب فورده سی
رخامنده وار اول قدر فروتاب
که یاننده چون شمع روز آفتاب
ایدر طبیی فورده سی در کمند
اورر موجی عمرک ایاغنه بند
ندیم

— علویت —

مزیات خصوصیه نک بشنجیسی اولان علویت اک بلند اک
عظمتلی اک صفا بحش وجدان اولان فکرلر خصوصیاتنددر .
بویه فکرلرک محتویاتی الهیات کبی حسیات دینیه کبی محبت
وطنیه کبی مقدس و روحانی شیلر اولدیغنه کوره قدر جلیلی
اعلاء سماوی لفظیه دخی توصیف ایده بیلورز ایشته اشاعیده کی
مثالر افکارده علویتی شاملدرلر .
مثالر :

تضرعات

برمبد عسک که عدم خزائنه ابداعکدر . بر موجودسک که یوقلق
وسیله اختراعکدر . عقل دور بن افق ذروه کمالکی کوره من . وهم نیز بر
دامن سرادق جلالکه ایره من .
نسر طائر خاطر انسانی که هروقت موجودات علوی و سفلی شکار

مخواب و منقادرد، بر نفس ربوبیتك هوا سنده پر آچوب اوچه من. و طاوس
عقل و فکرت آدمی، که روز و شب فضای ملکوت و صحرای جبر و تنده جلوه
سازد؛ بر قدم الوهیتك ساحه سنده سیاحت ابد من.

بر علمك، که عالمکه غایت یوق. بر قدیرك، که قدرتکه نهایت یوق.
قدیمك، عقول متقدمین و متأخرین دائره قدمکه قدم باصه من حکیمك.
حکمای اولین و آخرین حکمت و معرفتکدن دم اوره من.

سنان پاشا

دیگر مثال

حق تعالی عظمت عالیک پادشهی
لامکاندر اوله من دولتک تختکهی
خاصدر ذات الهیسنه ملک ازلی
بی حدود آنده اولان کوکبه لم یزلی
اثر حکمتیدر یرله کوکک بنیادی
طولی بوش جمله ید قدرتک ایجاد ی
عزت و شانی تقدیس قیلار جمله ملک
ایلیز سجده ایدر پیش جلانده فلک
امری وجه اوزره بر ایلیز کیجه کوندوز حرکت
دکیشور تازه نور موسم فیض و برکت
پرتو رحمتک لمعه سیدر آیه کونش
تاب خشمند آلور آله جهنم آتش
شناسی

دیگر مثال

برک درختان سبزدر نظر* هوشیار[*]
هرورق دفترست معرفت کردگار

صفحات کاشانده مرموز اولان آثار قدرت الهیهک استقصای حقایقه
توغل اولنسه کافه عناصر و مولداتک ماه الحیات. حیاتی بر بحر بی پایان

[*] بوبیت، عجم شعرای مشهوره سندن، شیخ سعدی مرحوم مکرده.

معنی فیضانیله مستمر الجریان اولدنی تعقل اولنور. آنجق ماجرای حالات
روحانیه دن مکنوز اولان اسرار ربوبیتک کیفیت استطلاعی طاقت حواس
بشریه دن بیرون اولوب نفس ناطقه نك انجلا والتماغه متوقف ومنحصر در.
سابرین معنأ اختیار مشاق ریاضت و استیثار متاع عبادتله کسوف
کشفات جسمانیه دن صبرلغه همت و کرمی محبتله تصفیة درونه عزیمت
ایدنلرک مصباح صباح استمداد لری ظهور تجلیات پیایله انجلیله آغاز
ایدیحک چشم حقیقت بدیلرینه بو عالم حس و شهود برهستی بود و نابود
کورینوب لنادید طلیات فانیه سندن پر هیز و ترهد متاع و بضاعه دنیه سندن
تعری و تجردله نیجه عوالم باقی و نورانی استکشافنه راه ظفر بولدیلر.
سامی پاشا

دیگر مثال :

خواب پر اضطر ایدر بو حیات
طوغمشز اولک اوزره واحیفا!
وار ایسه ذره قدر ذوقیاب
آئیده قهر دهر ایدر افنا
کیدرز بویله جهل و غفلت ایله
قعر کرداب موته حسرت ایله
درلو محنتله بیک مشقت ایله
محو و کنتام ایدر بزی دنیا
بزسه سیر ایلیوب بو بنیادی
آراز طرحنه نه در بادی
خالق ، خلق ، سر ایجاد
جاهانی بیلیمک ایسترز حالا!
ایک بو سر مهمک حلی
عقله تیسیر اولنماش بللی
آدمه تیجز و غفلت و جهلی

ایتدیرر لر خطا ایچنسه خطا
صیریلوب روح ظلمت تندن
سوزیلوب ایله کده عزم وطن
اوزمان حل اولور بوشبه وطن
ییلنور حاصلی نه در معنی !

ژان ژاق روسو [*] - ترجمه پرتو پاشا»

ذهنه لائح اوله بیله جک افکارک اره لرنده کی فرقلر تعداد
ایتدکرمز دن عبارتدر دینه مز .

انجق بز افکارک باشلیجه خواصنی بیان ایله اکتفا ایتدک
دیگرلری فروعدرکه اصلره تابع وانلرک هپسنده از جوق
موجوددر . مثلاً شدت افکار ایچون ایراد اولنان مثاللردن

[*] حکمای ادبادن (ژان ژاق روسو) آثار قلمیه سیله فرانسه نك شمیدیکی
حالی انتاج ایدن ترقیات کلیه نك مسیبلر ننددر . (جنوه) ده طوغمش (ارمنو
نویل) ده وفات ایتددر . میلاد (۱۷۷۸-۱۷۱۰)
اك مشهور آناری (امیل ، نوول الوئیز ، تو نظر اسوسیال ، قونفسیون) دن
عبارتدر .

(امیل) ی مرحوم ضیا پاشا کاملاً لسانزه نقل ایتش و (نوول
الوئیز) دن برقچ مکتوب بعض ارباب قلم طرفلرندن ترجمه ایدلش اولدینی
کبی حکیم مشهورك اك اولکی اثر قلمی اولوب (دیژون) افاده میسنجه مظهر
تقدیر و مکافات اولش اولان مقاله مشهوره سی دخی بو دفعه سعید بك
افندی جانبدن بك کوزل صورتده ترجمه اولنه رق بر قسیمی کچنده طبع ونشر
اولتمشدر .

حضرت سلیمك : « دنیا بریادشاهه کافی اوله جق قدر واسع
 دكش ! » كلام جهانگیرانه سیله کوکلی ضابطك « جبخانه یی
 آتشله یه بیلیرم حتی اقتضایدرسه اوزرینه اوتوررده اویله آتشلرم »
 یولنده کی تهکم جلادت پرورانہ سی ارسنده ماهیة برملکتی یرك
 دینه کچیرمك ایلہ برقلہ یی برهوا ایتك بینده کی قدر فرق واردر.
 فقط ایکسینده ده اساساً موجود اولان مزیت شدت افکاردر.
 افکار كرك شدید وجانی اولسون كرك لین ونازکانه
 بولسون موضوعك طبیعتنه موافق اولمزه هیچ قیمتی اوله مز .
 زیرا موقعنده اولیان افکار حد ذاتنده نه قدر قیمتدار اولورسه
 اولسون هیچدر .

افکاری حسن انتخاب و ترتیب ایچون ایسه اك ای رهبر
 ذوق وجدانی ایلہ ذکادر .

ایکنجی مبحث

— حسیات —

افکاردن صکره واسالیدن اول ماهیت و مزیتنه اطلاعی
 لازم اولان برشی واردر که اوده حسیاتدر. زیرا ادیبانه برشی
 یازمق ایچون یالکز لفظ و معنی یوللرینی ملاحظه ایلک یعنی افکار
 واسالییه حصص نظر ایتك کافی دکلدر . ذهنمزه چارپان شیلردن
 قلباً متأثر اولماز و دوشوندیکمز شیلری حس ایتماز دخی اقتضا
 ایدر .

حیات دیدیکمز شیلر اشخاص و اشیا نك قلوبمزدده حاصل
ایتدیکی میل ویا خصومت ، مسرت ویا محزونیت ، مرحمت ویا
نفرت کی تأثرات متخالفه دن عبارتدر .

حسیات مفرط ، شدید و دائمی اولور واربابی مغلوب
ایدرك افکار واملالرينك مدار منفردی بولنورسه احتراصات
نامنی آیر . ادبیاتده حس و احتراصه برر لسان ویرمك لازمكلسه
رينك كنده اعتدال و حلاوت - دیکرينك كنده شدت و حرارت
کوریلور . مثلاً بری لمعه دركه قلبی نوره غرق ایدر . دیکری
علودرکه مفکره یی یا قار . بو حاله کوره (ایلی نامه فضولی) ایله
(زواللی چوجق) برر تألیف حسی اوله جنی کی (حسن و عشق)
ایله (وطن یا خود سلسیره) دخی برر تألیف احتراصی صاییلیر .
کافه حسیات و احتراصاتمز ایکی منبع اصلیدن جریان ایدرکه
بری محبت دیکری عداوتدر . آرزولریمزه موافق اولان ، طیب
خاطریمزی ایجاب ایدن ، مفتونیتمزى جلب ایلیان و الحاصل
بزجه حسن تأثیری موجب اولان اشیا و اشخاص و افعاله محبت ایدرز
بو محبته دخی آنلرك لطافته فضیلتنه عالیتنه کوره رغبت کی
مفتونیت کی اعتبار و حرمت کی اسملر طاقارز . کذلک مشرب
و مذاق مزه اویمیان آرزولریمزه توافق ایتمیان وجدان مزه طوقونان
و الحاصل بزجه سؤ تأثیری ایجاب ایدن اشیا و اشخاص و افعاله
خصومت ایدرز . بو خصومته دخی آنلرك غلظتنه ردائته
سفلیته کوره استکراه کی تأسف کی تحقیر کی ناملر ویریرز .

حسیات قلبیه افعال و معاملات حیاتیہ داخل اولدینی کبی
مؤلفات ادبیہ یه دخی کیرر . قلبك هیچ بروجهله مداخله
ایتمدیکی برتالیف فنونه منسوب اوله بیلیرسه ده ادبیاتدن معدود
اوله مز . بر حقیقتی بیان ایتک اعلا اولدینی کبی آنی جالب نظر بر
صورتده کو سترمک علی الاعلادر . فقط یالکزایی فی قنای طاتمق
کفایت ایتمز . ایی سودرمک قنادن ده نفرت ایتدرمک
لازمدرکه بوده حسه عاند بروظیفه در .

حسیات قلبیه بلاغتک معلم اولی عداولنسه شایاندره اکثریا
قوه اقناعیه نك عاجز قالدینی یرده حسیات غلبه سنی تأمین ایدر .
طبیعیدرکه هر بر مؤلف قارئینك قلوبنی تسخیر ایتک ایستر . بو
خصوصده مظفریتی حاضر لیان فکر و صورت حکمیدر . انجق او
مظفریتی قازاندران حسیاتیدر . تحریک قلب اقناعدن ده امیندر .
و بعض وقت بر طامله کوز یاشی بر برهاندن ده قوتلیدر .
ایشته درجه اهمیت ادبیہ سی شوتعرفاتدن ا کلاشیلان
وبراز اشاعیده انواع و طبایعندن بحث اولته جق اولان حسیات
— حقیقی و طبیعی اولدقجه — جائز قیمت و اعتبار اوله مز . بناء علیه
هر بر حسده اساساً وجودی لابد اولان حقیقت و طبیعتیدر .

— حسیات حقیقیه —

حسیات حقیقیدر . اگر جعلی بر کوسترش ایچون اولمز سه زیر ا

او مقوله حسیات خود بخود قلبدن طوغار. وتأمل واراده نك آنده
هیچ دخلی بولماز . ابوالسعود مرحومك اولادویا احفادن
برسی حقنده مرثیه یوللو سویلش اولدینی نشیده آتیه
حسیات حقیقیه بی شاملدر .

كل ای خجسته خصال و ملك جام كل
دو كندی حسرت ایله طاقت و مجالم كل
سنی بقاده قویوب بن فنا بوله دم دیردم
وجود بولدی اندیشه مجالم كل
سنگله ملك وجودم تمام عامر ایدی
یتلیدی جمله اولدی خراب عالم كل
بوروز کارایسه ای ابرایدن یاشك سیلاب
بنیده اغلادان اولدر كل اغلاشالم كل
نیاز و دعوت ایسه ایلدك تمام ای دل
او یار كلدی كل باری بزواره لم كل

شایان دقت حقایق ادبیه دندر که بر مؤلف نه قدر ماهر
اولورسه اولسون کندی قلبنده حس ایتدیکی خلجانی بشقه سنك
قلبنده - صوله کتیرمکه مقتدر اوله مز .

--- حسیات طبعیه ---

حسیات طبعیه در ، اگر عقل و حکمتك تجویز ایتدیکی درجه بی
بجاوز ایتمز و کندیلرینی تحریك ایدن شیلرله متناسب و مبالغه دن

بری اولورسه. فضولینک حضرت حسین مظلوم (رضی الله عنه)
حقنده کی بر مرثیه سندن قطعه آتیه حسیات طبعیه ایچون بر میزان
صحت اعتبار اولمغه شایاندر .

تدبیر قتل آل عبا قیلدک ای فلک
فکر غلط خیال خطا قیلدک ای فلک
برق سحاب حادثه دن تیغلر چکوب
بر بر حوائه شیدا قیلدک ای فلک
عصمت حر مسرا سنه حرمت روا ایکن
پامال خصم بی سر و با قیلدک ای فلک
تحفیف قدر شرعدن اندیشه قیلدک
اولاد مصطفایه جفا قیلدک ای فلک
بر رحم قیلدک جگری قان اولانلره
غربته روزکاری پریشان اولانلره

— استطراد —

(حسیات حقیقی ایسه طبعی دخی اولمق اقتضا ایدر. بناءً علیه
اکا عقل و حکمتک و طبع سلیمک درجه جواب تعیین ایتسنه لزوم
قالنر) کبی کورینور. انجق بعض حسیات حقیقیه اولورکه عقلاً
مقبول اولان درجه بی متجاوز و اسباب تحریکیه سیله غیر متناسب

اولدیغیچون هیچ بر تأثیری، هیچ بر لطافتی اولمز. مثلاً بر مؤلف اثرنده،
چو جوغی وفات ایتش، بر والدۀ متألمه جزع و فزع ایتدیردیکی
صره ده « آه یا ورجم ! سن اوله جکنه کاشکی دنیا یقله یدی !...
فلک هر کسک اوچر بشر اولادنی کورمیدیه. نم بردانه جک اولادمی
المدن آلدی ! .. » یوللو بیان تأثرات ایتدیره بیلیر. لکن بودرجه سی
حقیقی ده اولسه معقول اولمدیغندن مؤثر و مقبول دخی اوله مز.
ادبیاتدن غایه مقصود ایسه هر فکری، هر حسی قارئین و سامعینه
تأثیر ایتدیرمکدن عبارت اولدیغیچون حقیق اولان بر حسی
معقول بر راده ده کو سترمک لازمدر که بوده حسیات طبعیه حقیقه کی
شرائط رعایتله حاصل اولور .

فضلی نامنده بر شاعر که بر مرثیه سندن آلتان شور قراچ بیت - که
صاحبنک ترجان تأثراتی اوله جق - حسیات حقیقه و طبعیه نک
ایکی سندن ده محر و مدر .

یقل ای طارم سپهر برین
سویوک ای شمع قبه زرین
بوزول ای امتزاج عصر چار
اوزل ای عقد عقدۀ پروین
طاغر ای جند بی شمار نجوم
طولوک ای ماه سرعتله همین
آغله ای ابر قیل یاشک باران
ایکله ای رعد آیدوب فغان وانین
ای سحر چاک قیل کریبانک

ای شفق ایله بغریکی خونین
 بورون ای شب لباس ماعکی
 قراروب ایله خاطرک غمکین

حسیاتک انواع مختلفه سی

علی العموم حسیاتک طبایعی تحقیق و تدقیق اولنجه کیمنک
 طفلانه، کیمنک نازکانه، بعضیسنک شدید و بعضیسنک دخی علوی
 واصلانه واقع اولدیغی کوریلور. ایشته بوندن طولانی حسیات
 دخی افکارکی بر بطاقم انواعه آیرلق لازم کلسدرکه باشلیجه سی
 درتدر . ۱- حسیات ساده دلانه ۲- حسیات رقیقه ۳- حسیات
 مهیجه ۴- حسیات عالیه .

حسیات ساده دلانه

حسیات ساده دلانه اولور، اگر ایچنده چوجوقجه حاللر
 و صاف درونلق، لا ابالیانه کی شیلر بولنورسه .
 (زوالی چوجوق) تیاتروسندن نقل ایتدی کمز محاوره آتیه
 حسیات ساده لانیه شامل اولان تماشالارک نازکانه سی، اک
 لطیفیدر .

شقیقه

صیقله بنی دیکله، بن اوکوندنیری سنی بتون بتون بشقه درلو کور بیورم.

نہ وقت یوزکہ باقسہم؛ کوزلرک صانکہ نیم عکسی غائب ایدوبده روح
تسلم ایدہجک قدر محزون طورییور. هانہی طورکہ دقت اینسم بکا
حال دلیاہ؛ «سندن آیریلیرسم اولورم» دیور!... نی سویورسک اویلہ می؟

— عطا —

براق الله عشقنه نی براق !

شفیقہ

دیکلہ! دہایتیرمدم. او کوندبری کوزلرکہ باقدقبہ خیالللہ برابر یورکمک
محزونلنی عکس ایدیورده انک ایچون بوقدر باغین طورییور صانیورم.
حالکی هوشوندکجہ: (عطادن آیریلیرسم یشامم) دیہ عین ایتمکدن بشقہ
یرشی کلپور. سنی سویورم دکلی؛

عبدالحق حامد بکک «نسترن» ندہ خسروک

ملکسک بوراسی سنک اوچاغک

سوزینہ نسترنک،

ملکسہم حنم سنک قوچاغک

یولندہ کی جوابی دخی حسیات سادہ دلانہی حاوی سوزلرک اک
کوزلرننددر.

— حسیات رقیقہ —

حسیات رقیق اولور، اکر خفی ودلپذیر برلطاقلہ قلوبہ
تأثیر ایلرہ.

مثال :

فنگ رنگی عکس ایدوب تنه
 یکی آچش که مثال اولمش
 انعطاف ایله باقی نه آل اولمش
 سروسپین صفالی کردنه
 بولماقتله اول نهال روان
 کیریور کوز یومنیجه رؤیامه
 بکزیور عینی کندی خویامه
 بوتصور طوقندی سودامه
 آه بویله زری هیچ جانان؟
 کل دکل ارقه سنده قانلی کفن
 سنه یسک سنه یسک غریت وطن!
 کال

حسیات رقیقه نك : ركمزده حصوله کتیره حکمی تأثرات
 — تحریک نسیم ایله آغاج یا پراقلرینک اوفاق اوفاق اهتزازه
 کلیشی قیلندن — حنیف و اعلیف بر صورت اولق اقتضایدر.
 بو حالده شو ایکی نشیده دخی حسیات رقیقه یی شامل اولان
 آناردن صاییلیر :

سورم بعض بن شب ماری
 ویر برم صبح نوبهاری آکا
 دوش نازنده زلف زرتاری
 کورینور یارمک خیالی بکا
 یتشوب حال اضطرار بده
 یوزمه نور حسانی سریر

صانیرم بر پری زرین پر
 طولاشیر کلبه خرابمه
 - بدالحق حامد - ترندن

دیگر مثال :

عجبا بلبله نه حال اولمش ؟
 درد حسرتله بی مجال اولمش
 اغلامش جسم زاری نال اولمش
 یوقسه حالا بهار کلدیمی
 مژده وصل یار کلدیمی !
 رفیق بك مرحوم

- حسیات مهیجه -

حسیات مهیج اولور، اگر قلوبم زده شدتلی خلجانلر حصوله
 کتیرروا شکر یز تاثر اوله جق مرتبه ده رقت و مزحمت می تحریک
 ایلر سه. بو حاله کوره حسیات مهیجه بهارک اکثر یا یا غمور کتیرن نا کھانی
 فورطنه لرینه بکنزه دل سه بجادر. پدری لسانندن اوله رقب برکنج قزک
 مزاری طاشنده کوردیکم شونشیده نک حاوی اولدیفی حسلر حسیات
 مهیجه دندر :

آه مدوحه م سنکچرن دیده لر قان اغلسون
 دیده لر دللر دکل جان اغلسون جان اغلسون
 کل بوزک، نرکس کوزک، غنچه فک یاد ایلیوب
 کیسوی دجلورلر کچون سنبلستان اغلسون

بولدم برچاره روحانی و جسمانی سکا
 درد کی اكدیقه بن عالمده درمان اغلسون
 سن جگر پاره من جنان باغنده كن كللر كي
 درد حسرتله باباك بچاره هر آن اغلسون

تبصره صاحبي عاكف پاشانك حفيده سي حقنده سويلديكي
 شو اوراق مرثيه دخي حسيات مهيجيه مثال اوله جق آثار
 نادره دندر .

طفل نازيم ونوتمه مني
 آيلر كونلر دكل كجسه ده ييللر
 تلخكام ايلدي فراقك بني
 چيقاري خاطر دن اوطاتلي ديملر!
 قيبيله من ايكن اوپمكه تنك
 شمدى نه حالده در نازلد به نك
 اكدیقه كلشنده غنچه دهنك
 يانسون آهم ايله كل اولسون كللر!
 تغيرلر كلوب جسم - مينه
 دوكلديمي سپاه برو جبينه
 صيرمه صاچلر ياييلديمي زمينه
 طاغله يمي قوقلاديم سنبللر
 فلنك كينه سي يرين بولديمي
 كل يئاغك رنگ رويي صولديمي
 عجباً چوريدى طوپراق اولديمي
 اوپوب او تشاديم او پاموق اللر

« طارق - یا خود - اندلس فتحی » تیا ترو سنده زهرانك رقیه
جائیداسی اولان صاحب بن ایوبك خبر ارنحالی الدینی زمان، موسی
بن نصیرایله باباقز وقوع بولان محاوره لری یورك صاحبی اولان
هر بر انسانی بای حال اغلا ده جق صورتده حسیات عالیّه مهیجه
ایله مشحون اولدیغندن نقل اولندی .

زهره

الله عشقنه سویله یكز ؟ نره یه کومدیلر ؟

موسی

نه ییاجسك ؟ : بلوطه کومشیر . او قدر اعتلا ایدم بیلیر . یسك ؟

زهره

زیارت ایدم جكم ، مکتوبنه مقابله ایدم جكم . سویله یكز .

موسی

بر مرحومك مزارى خیالئك طولاشدینی بر در ، وجودیك کوملدیکی
بر مقبر دکل مه در . عالم بقایه طوغور دیمك . . . مکتوبنه نـل مقابله
ایدم جكسك ؟ او مولود اخروی یه فاتحه دن بشقه شی کوندرلر چونكه
دنیا ده فاتحه دن بشقه ایستدیکی . ق ی . سكا کوندردیکی مکتابی نره یه
ایسترسك اورایه قوی . مزارینك طاشنه یازدیرمش ولورسك . او حاده
ایسه بلکه مطالعه سندن عبرت اله جق بر نظره تصادف ایدر .

باق بوکون ایاقلا رتنه آلنان یارین اوستنده طوتیلور . سن شمدی
حیاتدم یسك ؟ بن شمدی سنك نظر کده موجودیم ؟ هیات !

زهره ! بوندن یك سنه صکره سنكله سویله یلیری ز ؟ ایشته اوزمان
رحیات اولور ز . بن بویه برامیده مظهر اولسم یا نه جنم طوپراق دوشکی
رودریقك التون سریرینه ترجیح ایدردم . بوکونکی فتوحاتك افواه

ناسه دو ن مدایخی ایلریده اک عاجز مؤلف قلمنک (موسی) دیه جک
ص یرینه بیک کره دا اولسون!.. صلحایه آجیمه زهرا! غبطه ایت غبطه!

زهرا

آه! انسان نه باتسز مخلوق ایمنس.. هر شیه بر ابر عادت و طبیعتی ده دکی شیور.
پوکون کوریرسک، جهان برویرانه حالته کلسه قیدنده اولمز. یارین باقارسک،
بربنانک ایکی طاشنی دوشمش کوریرده اغلر!
طاغلر طیانه میان کدرلره تحمل ایدن انساندر. ینه انساندرکه دره ده
برحزنلی عکس خطاب ایشیدیرده متأثر اولور...

شاشقین.. صباحین اوغریب حیوانک فریاد ببلانه.. کلخنده صفایله
دیکایوردی. کیجه یاریسی برقهقهه قوشنک صدای جانغراشنی ایشتمش ده
اغلیور!.. کوریورمیسک بابا!.. زهرا بنت موسا! اغلیور...

موسی

باق بنده اغلیورم!.. زمان دها بیوکلرمزی.. دها قویلمزیده
اغلاذیر.. انسان کندینک نه اولدیفنی بیلیمک بر معرفتدرکه اولنجهیه قدر
تحصیل اوانسه ینه اکمال ایدلز. عبدالحق حامد

حسیات عالیه

حسیات عالی اولور، اگر بزی مافوقزده برمرتبهیه رفع
واعلا ایدر و کوکلزی اعجاز وحیرت و غرامایله مشحون ایلرسه
مثال:

مرحبا ای تنها خرابه زارلر! ای مقدس مزارلر! ایصسز دیوارلر! بن
سزدن استمداد ایدر و سلام و مناجاتی سزه عرض ایلرم. اوت. منتظره کز
انظار عامیه بردهشت خفیه ایراث ایدر سه ده نیم قلم سزک تماشا کردن

احساسات (*) عمیق و افکار عالیہ اکتساب ایلہ انشراح بولور . سزک
احوالکزی ملاحظہ یہ مقتدر اولان بر قلب حاصل ایدہ جکی تأثرات شدید دن
آلہ جنی عبرتہ مستفید اولزی ؟

بنون دنیا ایادی طلمہ دہ محکوم ایکن حضور لرندہ سز سکوت ایدر دیکز .
شمیدہ انلرک استحقار ایتدکلری حقایق اعلان ایتدیکز وجسدلری زیر
تحمیلرندہ بولنان تراب ایلہ آلودہ ایدوب احکام مقدسہ مساواتہ شہادت
ایلدیکز .

ایشته حریتک بر محب غریبی سزک ایچکزہ کلشدرہ او حریتک انک روحی
پیش نظر مدہ تمثل (**) ایتمکده لکن سبک مغزان عوامک تصور ایتدکلری
کی سیف و خنجر لہ مسلح دکل انجیق عدل و حقانیت صفتیلہ . اندہ بر
میزان مقدسکہ فائیلرک اعمالی ابدیت قبولرندہ انکله طاریلور .
وولنہی - ترجمہ آیہ اللہ

«اشبر» تیا تروسندہ اسکندرک ، محاربہ یہ پادر رکاب عزیمت
ایکن ، یولنہ ممانعت ایتدیکچون آتیلہ چکنہ یوب اتلاف ایتدیک
منحکوحہ سی (روکزان) آلودہ خون اولہ رق یاتدینی زمان حکیم
(ارسطو) کندی کندینہ بر طاقم سوزلر سویلرکہ حسیات عالیہ
ایچون شعرہ بولنہ جق مثاللرک انک کوزلر ننددر :

یارب بونہ شورش قیامت

هنکامہ حشره می علامت؟

(*) بو (احساسات) شمدی متروک اولہ رق انک یرینہ عموماً استعمال
اولنان ایسہ (حسیات) در .

(**) (تمثیل) کلہ سی برشی معینہ نسبتلہ قوللانیلہ جفیچون برادہ
مطابق تسزدر . مطابق اولان ایسہ مقصدہ کورہ (تجسم) و یا خود
(تشخص) کلہ لرندن بریسیدر .

اول نقش حریص پر لثامت
 ایتمزی بوفعلنه ندامت ؟
 برنام الهجق اوشاه ظالم
 دنیالری قاپلیور مظالم
 آلمز بونی حوصله م خیالم
 انسانده نه در بوجهل مظلم ؟

هم جنسینی مقبره دلالت
 ایراث مضرت وسفالت
 یارب بونه وحشیانه خصلت
 آیا بومی بزده کی عدالت ؟

قان آقهدده رایت ظفردن
 معدود اولیور بوزیب وفردن
 آزاده اوله یدیلر سفردن
 براردو چیقردی برنفردن

ایشته بوده یادکار ظلمی
 نقش غضب ونکار ظلمی
 اول داهیه نك شکار ظلمی
 عالم کبی دلفکار ظلمی

ای جسم لطیف خوابه رام اول!
 آسوده ظلمت غرام اول
 روحك کبی مائل خزام اول
 زیب آور منزل صرام اول

بومظلمه بی کتبرده یاده
 کز شوق ایله عالم ضیاده
 آج چشمکی نزد کبر یاده

نورك اوله دمبدم زياده
 بر سايه در اختتام دنيا ؟
 توقيف اولنورمى سايه آ ؟
 لشكرلرى محوه شه مپيا
 يا برنفرى ايدرمى احيا !

عبدالحق حامد

حسياتك دهـا بعض دقيق وخفى جهتلى بولنه بيليرسه ده
 ايريجه بحثه حاجت يوقدر . شوراسى دائما خاطر نشان اولمليدركه
 افكار وحسيات اثار ادبيهـك ايكي اهميتلى اساسيدر . انسان
 يازمندن اول اين دوشونملى وحسياتنده دخى حقيقت و طبيعت
 دائره سنى تجاوز ايتاملى در . بو حاصل اولدقدن صكره افكار
 وحسياتى شايان تقدير ايتمكه واسطه اولان اسلوب افاده يه عطف
 نظر اولنمق ايجاب ايدر .

ايسته افكار وحسياتنه دائر سويايه جكمز شيلر ختام بولنديغندن
 ارتق اسلوبك اصول و شرائطنه كچمه من طبعى ايسه ده اندن
 اول تركيباتنه بزم رهبر فكر ونظر اولان حسن طبيعت ونام
 دېكر ذوق سليم ايله انلرى شمعنه لندين قوه خياليهـك ظرافتك ،
 قوه حافظهـك ، دهـاء وهنرورى اطلاق اولان ايكي خاصه
 جليلهـك ماهيات وافعال وخدماتنه متعلق اولان خلاصه تحقيقات
 وتدقيقاتى بيلهـم من دخى مهم ونافع كورنديكندن شمديهـا كا
 شروع ايدىيورز .

- اوچنچی مبحث -

حسن طبیعت

عقل وحسك ايکسندن ده درجه متساويه ده مایه دار فیض
اولان حسن طبیعت - کوزلی چیرکندن، باطنی ظاهرندن؛ حقیقی
باطلدن تفریق دلالت ایتدیکه چون - صنعتک وجدانی حکمنده در:
برشئتک علویسنی سفلیشدیرمکه، ساده سنی عادیلندیرمکه سبب
اولان غایت دقیق فرقلری بزه اوکوسترر. تدریفنده بعضیلری
«نقایص» ایچنده بر فضیلتک و یا خود محاسن اره سنده بر تقیصه نك حسن
سریعیدر، دیرلر. اشیائی نظر دفته آلمق، اره لرند کی مناسباتی
تدقیق ایتک اوصاف و مزیات مختلفه سنی میدان چیقار مق صور تیله
حاصل ایده جکمنز خاصه تمیز - که حسن طبیعت عائد اولور -
کرک اثار بدیعه نك، کرک اثار متوسطه نك اسرار و غوامضه بزی
مطلع ایلر. حسن طبیعت افکار عامیانه نك. تصلفک، تکلفات
لفظیه نك، مبالغه مردوده نك دشمنیدر. حسیاتی مقبول و معقول
اولان حدود داخلنده تخیلاتی حقیقت و یا شبه حقیقت دائره سنده،
صنعتی ایسه طبیعتک حالتده بولندیرر. بر مشعله در که اشعه سی اثار
فکریه نك اک خفی گوشه لرینه قدر نفوذایه اک دقیق لطافت لرینی،
اک خفی، اک حسن اولمز قصور لرینی میدان وضوحه چیقارر.
مادامکه حسن طبیعت دیدبکمنز خاصه نفیسه شو مزیا ته

مالکدر کوزل یازمق آرزو سنده بولنا نلرده وجودی اهدر. کندسی
هر نه قدر طبیعی بر حاصه ایسه ده سعی ایله ده بر درجه یه قدر
ا کتساب اولنه بیلیر که چاره سی اثار نفیسه نک تعمیق فکر صورتیله
مطالعه سی و افکار و حسیاته دأما بر محاکمه شدیده دن صکره قرار
ویرلمسی ماده لریدر

— در دنجی مبحث —

قوة خیالیه

حسن طبیعت بر حکم ویا بر میز نامی ویرلسه متخیله یه ده
بر صانع بدایع دیمک یاقیشیر . بری حس ایدر ، تمیز ایدر ،
تصحیح ایدر سه دیکری ده ایجاد ایدر ، تنویر ایدر ، تزین ایدر ،
ادبیاتده قوه خیالیه صنعت ترسیمده الوان حکمنده در .

بو پارلاق ویا رادیجی قوته اشیا نك انعطافی غایت سریع و بدیع
اولور . بو قوتدر که اشیا یه اصالت علویت ویرر . ایستدیکي شکل
و صورته قور . اشیا ی حقیقه بوله مدینی زمان کندی عالمنده ایجاد
ایدر . جسم ویرر ، جان ویرر ، انلری حقیقت کسوه سنده کوسترر .

مثال :

بردشت سیهده اولدی کمره
یلدای شتا بلای ناگاه

بردشت بوکیم نعوذ بالله !
 جنلر جرید اوینار انده هرگاه
 بربرینه یأس و خوف لاحق
 که قاز یاغار ایدی که قراکاق
 دیجور ابله برف ایدنجه الفت
 برقاله کیردی نور وظلمت
 سرمادن اولوب فسرده مهتاب
 شبنم یرینه دوکولدی سیاب
 آهوی سفیده دوندی دیجور
 صحرا طولو مشک ایچنده کافور
 برباقه برف ایچنده دیجور
 مانند سواد دیده محصور
 بوزدن قیریلوب سپهر مینا
 دوشدی یره ریزه ریزه کویا

شیخ غالب

قوه خیالیه یره یرده تبعیت ایده بیلیرز . انجق حصافت
 وحسن طبیعت مقتضیات احکامنی مرعی طوتمق شرطیه .
 متخیله نك تشکیل ایتدیکی الواح دائما حقیقته مطابق ویا
 شبیه اولمق اقتضا ایتمز . شوقدرکه بونلر هیج اولمزسه قبول
 اولنور . وا کلاشیلیر صورتده اولمیلدر .

الحاصل عالم غرائبده کشت وکنذار ایچون قوه خیالیه نك
 رفاقتندن ممنون اولورز . شو شرطیه که هر حالده بزى اووادیلره

سوق ایدن شی مناسبتر لکدن، زوز کلکدن عبارت اولمالیدر.
 وخصافت اورالرده کندیسنی محافظه ایده ییلمیدر. مثلاً مشاهیر
 شعرا دن عزت ملا - (کلشن عشق) نده - فرهاد ایله برلکده
 کیتدکاری یولک خطر ودهشتنی، فرهادک قورقودن وفاتی،
 کندیسنک مغره ظنیه بر اژدرک اغزینه کیردکنی، اژدرک
 دفع مضراتی ایچون کوکه چکیلوبده اتشه یاقیله جفی زمان
 بوورطه دن خلاص اوله رقینه زمینه اینشنی شوغرب یولده
 تخیل و تعریف ایدر :

ایکی یول آره سنده مارستان
 الک کوچوک حییه برقایین اورغان
 نه ری کویا جهنمک دره سی
 بو ایش وادی غمک دره سی
 قالدی حیرته ایکی یار شفیق

.

خوف ایدرب اوردی تیشه سن خاکه
 روح فرهاد چیقدی افلاکه
 قالدی بیکس رفیق غمخواری

.

.

قورقوسندن صیغدی برغاره
 مکر اول بردهان اژدر ایش
 بومصیبت دخی مقدر ایش

.

.

نفس الدجّه حیه بدبو

ایچری درد و غم ایدردی غلو

قلبی قطران ایله طولو قزغان

ویل دوزخ قالیر یاننده جنان

.

.

ظلم ییحد ایدنجیه اول بیداد

مرحمت قیلدی ارضه رب عباد

.

.

ایندی کوکدن سلاسل واغلال

چکدیلر آتی کوکه دلو مثال

.

.

کلمه حال عزت زاره

اولدن قیره کیردی بیچاره

کاه کریان اولوب کهی سوزان

بومناجاتی ایتدی ورد زبان

یا الهی قصورمه باقه !

.

خلقی رنجیده ایلدیه ده مار

اره یرده بنم جرم وار ؟

سکا شایان دکدر ای مولا
بنی آنکله آتسه الفا

.
.

ای خدای جلیل همچو خلیل
بنی کلزار عشقه قیل تزیل

.
.

مستجاب ایلدی دعاسنی حق

.

اژدهایی براقدیلر ناره

یانمدن عزت ایندی کلزاره

نمونه

ایشته بو بر خیالدر، فقط نه حصافته نه ده ذوق سلیمه
موافق اولمدیغیچون رد اولتور. شاید رد اولنسه بیله خنده
استخفاف ایله تلقی ایدیلیر.

خیال، او طه سنده حبس اولنمش، بردلی حکم و اعتبارنده اولدیی
حاله بونک کندی عالنده قوشوب کز مسنه، کولوب اغلامسنه،
باغروب چاغرمسنه برشی دینلمز. لیکن همشیره لرینک حضورینی
سلبه یعنی دیگر قوتلرک اداره سنی اخلال وتشویشه و خصوصیه

حصافتی بر اراق پجهره دن اشاغی اتمغه قالقیشه جق اولورسه
ممانعت اولنمی ایجاب ایدر .

- بشنجی مبحث -

- ظرافت - یاخود - نیکته دانلق -

ظرافت - که اغتجه معناسنی زیرک و ذکی القلب اولوق و عند
البعض « کلامی وجه بلاغت و لطافت اوزره خوش آینده و نازک »
سویلکدر - دقت نظریه دن، حسدن، فراستدن، محاکمه عقلیه دن
متولد بر قوتدر . نظر معاینه یه الدینی شیرده یکی یکی نکته لر،
تحف تحف مناسبتر کشف ایدر. رموزو کنایاتک سرعت فهمی
والغاز و معیاتک درک وحلی بوقوته مقتدردر .
خاصه ظرافته مالک اولانلر صنایع معنویه دن استعارات
و تشبیهاتده حسن موقیتلرینی تأمین ایدرلر . یکدیگرینه ضد
و مخالف کورینان اشیا آره سننده بر موافقت دقیقه بولوب
چیقارمق و یاخود متشابه و متحد ظن اولنان مواد بیننده بر مخالفت
و ضدیت تعیین ایتک و بر شیئک و هله نظرده ادراکی متعسر
اولان احوالی درحال ا کلامق ظرافته وابسته در .
ظرافت دیدیکمز قوت موهبه حقدر . تعلم و سعی ایله ،
تبع انارویا اختلاط ارباب ذکا ایله اکتساب ظرافت قابل دکادر .

حافظه ، خیال ، حس ، حسن طبیعت و حتی فکر بیه ، سعی ایله
بیوک مؤلفلرک مطالعه ائاریله ، قابل تحصیل و توسعیدر . حالبوکه
ظرافتدن محروم اوله رق یرادلش اولانلر او خاصه یه مالک اولملرینه
امکان یوقدر .

انجق شو وارکه ادبیاتک عموم انواعنده صاحب نصاب اولق
خاصه ظرافتک وجودینه وابسته دکلدر . فکری ، حسی ، حقیقی
و طبیعی - قوه خیالیه سی پارلاق اولان و کندنده حسن طبیعت
بولان بر صاحب قلم ، صاحب ظرافت اولسه ده ائار قلمیه سی
خلقه بکندیره رک ، ادبا ایچنده کندیسیم چون بر موقع مستثنا تأمین
ایده بیلیر .

- التنجی مبحث -

قوه حافظه

حافظه اوقیمتدار قوتدرکه بیلدیکمز او کړندیکمز شیلری
ذهنده او واسطه ایله صاقلیه بیلیرز . قوه حافظ محسوسات
وجدانیه مزى دخی جوهر نفس ناطقه یه حک و نقش ایله هر درلو
تأثرات و انفعالاتمزى ، اسبابی بر طرف اولش اولسه بیه ، ابقا
وادامه ایلر . معلومدرکه قوه حافظه افکار و خیالات و حسیاتک

منشأی دکل محفظه سیدر . بونکه برابر فضیلتی یالکزر حفظ
افکار وحسیاته منحصرده دکدر . مستدرکات ماضیه وحالیه مزی
هر نه وقت ایسترسهك بزه صادقانه ارانه ایله قوای سائره
ذهنیه مزك توسیعنه، تقویه سنه دخی بالواسطه خیلی خدمت ایدر،
ذهن انسانی بوقوتدن محروم اولمق لازم کسه ایدی معلومات
ومکتسبات بشریه برطرفدن طوغه رق دیگر طرفدن محو
اولمق ، علوم وقنون اوهام وخیالاتدن عبارت قالمق وبناء علیه
هردرلو ترقیات مدنیه دائره امکاندن خارج بولمق اقتضا
ایدردی .

چونکه احوالده حقایق اشیایه کسب وقوف ایچون ذهنک
عملیات شاقه سنی دائماً تجدید ایتک ایجاب ایدردی .

قوه حافظه مزه مودوع اولان شیلر ایکی صورتله کنیدیسنی
کوسترر : بری تخطر ، دیگرى (توارد) در . تخطر صورتیه
پیش نظر ادراک مزه کلان شیلر صحیح ، صادق ومکمل اوله رق
کلیر . توارد صورتیه کلان شیلرده ایسه دائماً برقاریشلق ،
بر مبهمک ، براکسکلک کورنمک مقرر در مأخذ ومنشأی
تاریخی بیلیمک ایستسهك قابل اوله من . نخطر ارادهیه ، تأمله
تابعدر ، توارد ایسه غیر اختیاری بر کیفیتدر ، یعنی اونودلش
برشیئک کنیدی کنیدنه وبلا ترقب توارد ایدیورمسیدر ، مثلاً
تخطر برشاعرك بعض اشعارخی بزه روایت ایتدیرر ، توارد ایسه
یازدیغمز ویا سوبلدیگمز شیلرده بشقه لرینک افکار وعباراتی
کندیمزك دخی جبر من اولقسزین بزه استعمال ایتدیرر .

- استیضاح -

(توارد دیه اصطلاح شعراده ایکی ویا دها زیاده ذواتک،
یکدیگر لرندن خبری اولمقسزین، - سوبلدکاری سوزلر بربرینک عینی
ظهور ایتمک دینورکه بوده تاریخی متضمن اوله رق سوبیلان،
برمصراع ویا اک چوق بر بیت منحصر کیدر . افکارده
بربرینک عینی ظهور ایتمک ایسه کثیر الوقوعدر . لکن تخطرک
صورت اجرایی اولمق ادرده بیان ایتدیکمز توارد بوقیلدن
دکدر. اولجه بشقهلرندن ایشیدش ویا برارده کورلش اولان
افکار و عباراتک، برشی سوبلر ویا خود یازارکن بلا اراده
ویلمیه رک کندی کندینه لسانه ویا قلمک اوچنه کایور مسیدر.
بوحال پک بیوک ادباده بیله واقع اولور . شو قدرکه وقوعی پک
نادر اولدیجی ایچون معذور عد اولسور . یوقسه زمانمزده بمضاً
کورلدیکی کبی کثرت وقوعی حالده اوعادتا بیله رک ارتکاب
اولمش دیمک اوله جغندن نامنه توارد دکل سرقت واتحال
دیمک اقتضا ایدر . انسان بالفرض کثرت توارده مبتلا
ایسه او حالده ارتق تألیفدن ویا تعیر اخیله استنساخدن فارغ
اولمق ویا خود یازدیجی شیلری قبل النشر امنیت ایتدیجی برذاته
ارائه ایله توارد ایدن یلرینی تبدیل ایلمک زلام کلیر. انتهی)
قوه حافظه اشخاص اسانه کوره متفاوتدر. هرکس ایچون
اک جودتلی زمانی ایسه فکر ونظرک جولانی هنکامیدر .

برشی لایقیه ا کلا شلمزسه لایقیه بلنه مز . مأل ومزایای
ا کلا شلمیان شیلری از برملک ایسه حافظهیه بریوک بار تحمیل
ایلمکدر بویولده استخدام اولتان قوه حافظه لر از زمان ایچنده
دیگر قوتلرله برابر عادتاً سونر محو اولور .

حالبوکه جدی تحصیل ایله خدمت ایدیلان و تفکرات
وملاحظات ایله فیضلندیریان بر قوه حافظه ایستدیکی کبی
ایجاد وخیالات وحسیات ایله تغذیه اولمش اولان افکاری توسیعه
قادر بر قوه فعاله حانه کلیر .

دولاب حافظه سائرلرینه عاڈ اولان افکار و عبارات و صور
معانی ایله طولدینی وقت آندن آخرک مالی غضب و تصرفه دکل
بشقه لرینه عاڈ افکار واقوالی کندینک کیلرله موازنه و تطبیق
وانتقاد ایدرک او وجهله یکی یکی فکر لر، تازه تازه خیال لر، رنگین
رنگین تعبیر لر بولمق صورتیه استفاده اولمیلدر .

- دهاء و هنروری -

قوای ذهنیه سنده حدت و قریحه سنده جودت اولان هر بر
مؤلف افکار موجدانه سنی کمال فصاحت و بلاغتله افادهیه مقتدر
اولور که ایشه ا کا صاحب دهاء (*) و یا خود هنرور دینیلیر .

[*] « الدهاء بها وزنده غاية الغایه زیرکک وجوت رأی وحسن فکر
ودقت تدبیر معنسانه در . یقال به دهی ودهاء ای نکر وجوده رأی وارپ .
ودهی ودهاء ودهاءه مصدر اولور لر . برکیمسه پک زیرک وجودت
رأی وحسن فکر و تدبیر صاحبی اولمق معنسانه که جن فکر لو اولمق
تعبیر اولنور »
قاموس

دهاء خزینة فطرته پك آذواته احسان اولتور برقوت
مبتدعه دركه احمابی انكه مجهول كشف وغیر موجودی ایجاد
ایدرلر .

هنرورك ایسه ندرته دهاییه نسبة درجه ثانیه ده ایسه ده
خلاق عقول اولان فیاض مطلق حضرتلری بونیده قوللرینه
اوقدرمبذول ایتمامشدر. انسانك بشقه لرندن اخذوتعلم ایتدیکی
شیلری اصلاح وتنظیم اكمال ایلر برطرز جدید وجیدده اوله رق
میدانه قویمی هنرورك سایه سنده در .

دهاة اك چوق اس واصل ایلر اوغراشیر ارباب هنرشكل
و فرع ایلر مقید اولور. مثلا بری قاشی نسج ایدرسه دیکری ده
پرداخت ایلر .

— صنایعه کوزلك نه دن عبارتدر —

دهاء ویا هنر احمابنك اعز مقاصد بیلدکاری شی صنایع
نقیسه نك (*) وعلی الخصوص ادبیاتك مابه التیزی اولان کوزلكکی
استحصال و اظهار ایتکدر . افلاطونك تعریفنجه — « حقیقتك

[] صنایع نقیسه — که صنایع ناز که دینسه ده مناسب اولور —
رسم — حك — فن — معمارق — موسیقی دن عبارت ایسه ده بعضیلری شعری ودها
عمومی برتعبیر ایلر بلاغتی ده بوجله یه ادخال ایدیورلر .

شعشعۀ لطافتدن عبارت « اولان کوزللك طبعته، افکارده،
حسیاتده، افعالده اولسون حیرت و مفتونیتیزی جلب ایدن
و قلوبیزی شوق و غرام ایله مشحون ایلان شیدر .

صنایعده لطافت حواس ظاهره واسطه سیله، ادبیاتده ایسه
ذهن ایله تقدیر اولنور. امور صنایعده الوان و اشکال و اصواتک
آهنک امتزاجندن وجوده کلان کوزللك آثار ادبیسه ده افکار
و تعبیراتک تناسب و توافق تامندن حاصل اولور .

بوافکار و تعبیرات دخی حد ذاتسده حقیقت و طبیعت
و روح انسانینک یعنی نفس ناطقه نک آمال اصیلانه سنه موافق
اولمیدر .

ایشته نشیده آتیله بوتعریفی یالکیز ایضاح دکل تأییددخی
ایلیه جک بدایع نادره دندر .

قصر تعریفده

ای عالم مثالک سیاح هوشیاری
هیچ قصر صورتنده کوردکی نوبهاری !
کل کورمدکسه سیرایت اما صاقین غلظدن
تابنده غره صائمه اول چفت زرنکاری
ابرولرین زراندود ایتش عروس فیضک
مشاطۀ کلاک کلک خجسته کاری
باقی اول زمین خوب و دلجوی مشکوبه
سیرایت اوسقف پاک برنقش و پرنگاری

کویا ایدوب طبیعت کوی زمینی تسطیح
 تبت (*) اشاغی دوشمش چین وختن یوقارک (**))
 اول دکلو ساحه سنده فیض و نشاط وارکیم
 اولسه ایدی کر زمانک آسایش وقاری
 دیردم که کلش آنده طرح اقامت ایش
 چشید کامکارک ایام خوشکوار
 دیوار تابدار بن خلق ایلش منفش
 دوشمش بهشتک آکا عکس شکوفه زاری
 اولدی عجب عجب کیم ترکیب خلده قابل
 بز بویله بیلمز ایدک بو عنصر چهاری
 بریا که لانه زاری کشت پیاله جم
 بریا که کلستانی کانک خزینه داری

ندیم

اشیاده کوزللیکک ماهیت و حقیقته کانجه بحق تعریفه
 سمدی یه قدر موفق اولته مامش فقط هر کس وجودینی تصدیق
 ایدر وطبع سلیم اربابی ایسه انی مطمح نظر و مقصد اعلا
 بیلیرلر .

(*) تبت، تشدید بایله سکر و زننده مشرقده نیجه بلادی مشتمل بر
 علت آیدر . مسک ازفر اورایه نسبت اولنور . . .) قاموس
 (**) نکارجین ایسه مشهوردر .

- فصل ثانی -

اسلوب

بوفصلك من رجائی: اسلوب (استطراد: هر كسك اسلوبی كند یسنة مخصوص اولق لازم كلبر.) قوانین اسلوب. مبحث ۱ - فصاحت: (غلط تحكیمی. ضعف تألیف [استطراد: نه] اداتك صورت استعمالی [تعقید. غرابت. استطراد: ادبیاتك سابقا و حالیا غرابتدن قورتیله مامسنی موجب شیرل] تابع اضافات. كثرت تكرار. تنافر. شیوه یه مغایرت. املا سزاق - مطابقت الفاظ. - مشكل بسندلك. مبحث ۲ - وضوح. مبحث ۳ - طبیعت. مبحث ۴ - منقحیت [ایجاز اطناب حسن ایجاز قصر. ایجاز حذف. اكثر. - منقحیت اكثر دهن دها كوچ ودها زیاده سعی وزمانه محتاجدر. مبحث ۵ - آهنگ سلاست. [آهنگ عمومی. انتخاب وتنظیم كلمات. - حسن تألیف عبارات. آهنگ تقلیدی: الفاظ صوتیه. آهنگ عمومی ایله آهنگ تقلیدی ازه سنده کی فرق. مبحث ۶ - موافقت - [انواع اسالیب: اسلوب ساده. اسلوب مزین. اسلوب عالی] - علویت صرفه. علویت فكر. علویت حس. علویت خیال.

- اسلوب -

اسلوب دیدیکمز شی هر شخصلك افكار و ملاحظاتی تعمیرده کی طرز مخصوصیدر. هر كسك اسلوب افاده سی ایسه افكار و ملاحظاتك قالیدر: سوبلدیکی، یازدینی شیر اوقالبه

کیردکجه صاحبی تشخیص ایده جک قدر بشقه برصورت و شکل
اکتساب ایلر .

فرانسه ادبای حکما سندن (بوفون) ك (*) « اسلوب بیان
عینله انساندر » سوزی صحیحاً بر بدیعہ حقیقت دینک شایاندر .
زیرا دقت اولانسه هر شخصک اسلوب بیانی مزاجنک ،
اخلاقنک ، اطوارینک ، اوضاعنک مرآت انعطافیدر .

فکر صاحبه اولورسه اسلوبک هیچ اهمیتی قلمز . حالبوکه
فکرک مقبولیتی دخی اسلوبک کوزللیکندن استغنا بخش اوله مز
بونک ده بشقه جه بر مزیقی ، بشقه بر لطافتی وارددر . بلکه افکارک
قیمتی صورت افاده سنده تعیین ایدر . بوفکرکی اکلاتمق ایچوندر
وزیر ادیب قوجه راغب پاشا :

حسنى بالاتر ایدر جامه دوشنبه جسیان

نوعروس سخنه رونقی تعبیر ویرر

دیدیکی کبی شاعر مشهور ناجی دخی :

[*] قوت دو بوفونک بوسوزی افاده می به قبول اولندی کون رسماً
ایرادایتدیکی نطقنده مندرج بولتمشدر . مشارالیه ملل متمدنه بیننده مشهور
ومقبول اولان [تاریخ طبیعی] آنک مؤلفی اوله رق سکیان برسنه دن عبارت اولان
مدت عمرینک نصفندن زیاده سنی کاملاً اوآرک تصور وتحریر وتسحیحنه
حصر ایشدر . میلادی ۱۷۰۷ — ۱۷۸۸

حسن تعبیر و برر معنی نه حسن دیگر
شوکت حسنه جوق امدادی اولور اسلوبك (*)

دیه یلمشدر .

کوزل یازمق ای دوشونمک ، ای حس ایتک ، ای افاده ایتمکدن عبارتدر . ای دوشونمک موضوع فکری جهات مختلفه سنجه مجهول و مبهم بر نقطه براقیه جق صورتده احاطه ایلمکدر . چونکه افکارمن وضوح ویا مبهمیتجه نه مرتبه واقع اولور ایسه تعبیراتمزده اکا تابع اولور . یعنی برشی نه قدر ای اکلاشیلیرایسه اوقدر واضح افاده اولور و لغات و تعبیرات ایسه ذهنه بالسوله توارد ایدر .

اسلوب افاده فکردن ایری ؛ بتون بتون مستقادر . بوقضیه شونکله ده اکلاشیلیرکه دائماً سولنیلان برطاقم اهمیتسز شیلر برارالق اسلوب افاده نك دکیشیویرمسيله جالب نظر دقت اولور . انسانلرک اکثر امور عادی ده افکار و تصوراتی متحد در . اره لرنده کی فرق تعبیر لرنده یعنی اسلوب افاده لرنده کورینور .

(*) بوییده «شوکت حسن» دینه جکنه اشوکت فکر) ویاخود (قوت فکر) دیشه ایدی - موقعه دهامناسب دوشه جکیچون دکل-اولا(حسن) کلمه سی اوچنچی مرتبه ده اوغرادینی لطافتسز تکروردن محافظه اولمش وثانیاً (اسلوب) ایله (حسن) اره سنده کی موافقه سزاک محذورینه محل راقلمامش اولقله افاده تعیین ایتدیکی قاعده ادبیه نك هم تعریفی عمده برمثالی اولمش اولتی ایچون البته ده کوزل اولوردی .

اسلوب افاده افكارك اليياغيلرينه الك، عموميلرينه خصوصيتك
سادهلرينه، الك اهميتسز لرينه عطف وعلويت ويرير.

مشهور براديمز اسلوب افاده نك (*) اهميتنى كنديسنه مخصوص
اسلوب بليغ ايله بوندن برچوق زمان اول شوييله افاده ايتمش
ايدى :

« ايشته كلام مداوله تصور خدمته، قدرته مؤكل بر جسم
لطيفدر كه بيكلرجه سنه لر كچسه طراوت نوجوانيسنه
زوال ايرشمر . اما حيثيت كلى اعتبارنده بولنان صحت مآليه
تتلسب اندامى حكمنده اولان ترتيب انتظامى يرنده اولمليدر كه
هر كس غندنده محبوب قلوب واو حال ايله هر زمانده ممدوح
ومرغوب اوله بيلسون .

اكرچه سيرت ظريف اولنجه صورت لطيف اولمسه ده
تقايصدن معدود اولماق لازم كلير . فقط اثار ادبيه يي بلاغت
مؤدا فصاحت ادا احتياجندن وارسته ايدهمز . زيرا برتأليف كه
حسن اقاوده دن محروم اولور . حاوى اولديغى حقايق چيره دسقى

(*) هر بر ادبيك كنديسنه مخصوص اولسى لازم كلان طرزبىانى
افاده ايدمك بر كجه لسانمزه اولسه اولسه (اسلوب) كله سى اولمك
اومعاده بونى اختيار ايتدك * انجق كله نك اومقامده منفرداً استعمالى
تعمم ايتامش اولديغيچون - بعض ذواته كورم - بتون بتون وحشى كورنمك
محافظة اكثر يا (بيان) كى (افاده) كى الفاظه اضافته استعمالنه يعنى
(اسلوب بيان) وياخود (اسلوب افاده) ديمكه مجبور اولدق .

انتقال ایله مهارت قلمیه اصحابنك ملك یمینی صرہ سنہ پك قولای
انتقال ایدہ بیله جکچیون محفظہ سز جوہر حکمنده در .
کال

— استطراد —

صانع حکیم قدرت فاطرہ سیلہ چہرہ انسانی کی اوقدر
محدود برقطعه ده کوستردیکی بدایع اختلافات وتغیراتی حکمت
الغہ سیلہ ساحۂ بیان کی اودرجہ واسع بریرده دخی اظهار
ایلشدر . « سبحان من تحیر فی صنعہ العقول ! »

هرکسک سیماسنی تشکیل ایدن اعضا بر ، هپسندہ
وضیعت وتناسب بشقہ ! هرکسک اکثر احوالده ماہیت فکر
ونظری متحد ، صورت تبلیغ و بیانلری مختلف ! ایشته عمرو
زیدہ شخصاً نصل بکزه مزہ اسلوب افادہ لری ده شکلاً یکدیگری نہ
اویاہ جہ بکزه مزہ بربری آندیران اسالیب بیاندہ کی مشابہت ایسہ
ایکی برادرک مشابہت شخصیه لری قدردر .

اشخاصی کوزلہ تفریق ایتدی کمز کی اثارادیہ نی دده ذہنملہ
تمیز ایدرز . فقط سیماسنک بعض اعضاسی کیزلش ویا خود
صنعی اولہرق ویا بعض عارضہ لہلہ تبدل ایتش اولان اشخاصی
طایمقده کوجلک چکدی کمز ویا هیچ طانیہ مدیغمز کی تمامیتی
اولیان ویا بعض تبدیلات وتغیراتہ اوغرایان سوزلردہ هانکی

محرره منسوب اولديغنى تميزده دخی زحمت چکرز ويا هيچ
تميز ايدمیز .

ايشته بوحالدين کوچك عقللى مؤلفلردائما استفادايه شونك
بونك يالكز فكلرلرني، مطاعه لرني دكل عباره لرني، افاده لرني بيله
چالوب صاتمقدمه مهارت كوسترلرلر . اكثرتي الداديرلر .
ليكن خواصك ارباب انتقاديني الداته مزلر. زمانمزده دخی بوييه
ساخته محررلر موجوددر .

تقليد ايسه اثار ادبيهده بر درجه يه قدر ممكن اوله بيليركه
اودرجه سي اثر تقليدى مقلدن آيره ميه جق صورته ذهنلري
ترده دوشوره مز .

بيان ايتديكمز مهارت دزدانه ايله كچنان كوچك عقللى
محررلر اك بيوك اديبلري مفصلا تده تقليد داعيه سيله طفره فروش
ليكن ايكنجى اوچنجى درجه ده يازى يازان منشىلري بمحلا تده
بيله بالايحاج تقليد ايدم مامشلدرد .

الحاصل اساليب بيان اشخاص قدر متغاير الاشكال، امر جه قدر
متخالف الاحوالدر. طبعته ده استعداد ادب اولانلر اعظم ادبياتك
آثاريني دقتله او قوملى. تصورده، تصويرده انلري تقليده چالما لى فقط
ادبياتدن نصبي نه ايسه اك قناعت ايتلى . بشقه لرنيك اثرلرني
چالما لى . مقاله لرني، رساله لرني دوش دلاله بكز تما لى. شعرا دن
سنبلزاده وهى زمانك دزد سخلرندن عاجز قاله رق :

سرقه شعر ایدنه قطع زبان لازدر
 بویه در شرع بلاغته فتاوی سخن

دیمش ایدی . زمانمزه ادبیات خرسزلی ایچون جزای کافی قطع
 زبان دکل ، کمر قلم ده دکل ، اولسه اولسه تشهیر در !

اتمی

- قوانین اسلوب -

اسالیب نہ قدر متنوع اولور ایسه اولسون - قوانین
اسلوب - نامیلہ برطاقم شرائطہ تابعدرکہ مجموعی الی عددہ ابلاغ
اولنور : ۱ - فصاحت ۲ - وضوح ۳ - طبیعت ۴ - منقحیت
۵ - آہنک سلاست ۶ - موافقت .

- برنجی مبحث -

فصاحت

فصاحت اسلوب صحت افادہ ومطابقت الفاظیلہ تحقیق ایدر .
صحت افادہ

افادہ صحیح اولور : اکر غلط تحکیمدن ، ضعف تألیفدن ،
تعقیددن ، غرابتدن ، تنابع اضافاتدن ، کثرت تکراردن ، تنافردن ،
شیوہ مغایرتدن ، وعلی العموم املا سزلقدن بری بولنور ایسه .
غلط تحکمی . - جمهور ادبا طرفدن جواز ارامقسنزین
وضعه ویا قاعدہ مغایر اوله رق مفرداتده : اولاً کلماتک حروفی
تزئید ویا تنقیص ویا تبدیل ایلمکدر .

تزییده مثال : جبلت - جبلت یرینه ، ضعفیت - ضعف
یرینه یر - بر یرینه . یر - یرمقامنده . اگرچه - اگر موقعنده .
انکچون پنجه خورشید ایله ال (یر) ایدر مهتاب

حای

(دشمنانه) سینی زهر بار میر حسین مرد فرید
سامی پاشا

یوز سوردی زمین پای پیره
مانده سایه دوشدی (پیره)
عزت

(اگرچه) برادم ایچون کندی استفاده سندن اخوان و ابناى وطنی
دخی مستفید ایتسی دفتر حمیتده مقید بر بورج ایسه نم ایچون بو
بورجی احمد مدحت افندی — کائنات

ادات شرط اولان (اگر) و یا خود الفک ترکیله (کر)
اداتی قدمای ادبادن بمضیلری (اگرچه) موقعنده استعمال
ایتمشله سه ده برکت و یرسون بوصورت استعمالی ، خلقه برسؤ مثال
اوله جق قدر ، چوغالتمشله . اوجهته بوکونکی کونده (اگر
کچن هفته ظرفنده مکتبده بولنه مده سه ده اومده ینه درسلمله
مشغول اولدم) یولنده افاداته قائل اوله جق - حتی عوام
ایچنده بیله - برکیمسه بولنه مز دینه بیلیر .

(اگرچه) ویاخود الفک ترکیله (گرچه) نك ادات شرط اولق اوزره استعمالنی ایسه، هله بش اونسنه دئیری، علی العمیا تقلید ایدنلر پك چوق کوریلوب ایشیدلدیکندن و حال بوکه (شرطیه) اوله رق استعمالده بونلرک یکدیگرندن تفریق اولنماسی فصاحه جائز اوله میه جغدن بوندن آز بحق بحثه لزوم کورندی :

(اگرچه) اداتی (هر نه قدر) تقدیرنده اولدینی ایچون دخل بولندینی عبارات و افادته بر (ایسه ده) ویا الف ویا نك ترکیله بر (سه ده) لفظی ویاخود دیگر بر شیوهیه کوره (اما - انجق - لکن - فقط) کله لرندن بریسی ایراد اولنلق اقتضا ایدر .

(اگرچه) مکتبه کله مدم ایسه ده [یاخود کله مدمسه ده] اومده ینه درس لرمله مشغول اولدم (ویاخود) (اگرچه) مکتبه کله مدم ، اما اومده ینه درس لرمله مشغول اولدم (کبی . صورت ثانیه ده) (اما) یرینه (انجق - لکن - فقط) لفظ لرندن هر هانکیسی قوللانسه مساویدر .

منشورات و منظوماتك ایکیسندده دخی جاری اولان قاعده عمومیه بودر . یالکز شعرده شاذ اوله رق (اگرچه) ویاخود (گرچه) دیگر ادواتك استعمالندن مجرد و منفرد صورتده ایراد اولنه بیلیر . او حالده دقت اوانه جق شی افاده نك شیوده مغایرتله یاقیشقسز بولنماسیدر .

مثال :

دشمنلرمه سیر ایدم بن
 بوینده (اگرچه) یوقدی زنجیر
 کمال
 (اگرچه) بیلیرم انی که خطدر
 یلمن که صحیح یاغلطدر
 فضولی

تنقیصه مثال : تمیز - تمیز یرینه . ستغنا - استغنا یرینه .
 صالار - صالار مقامنده . بغچه - باغچه یرینه .
 [تمیز] نیک وبدعین ضرر درحرده بینانه
 بودفت جسمنی سوراخ یت ی غربالک
 سایی
 بوخوب وزشت جهانی [تمیز] ایدرمی اولان
 مثال آینه یکسان درون و بیرونی
 نایی
 حاصلی سرتابیا نازو [ستغنا] دراوشوخ
 پرتو
 دیعه قویون کبی مظلومدر مرایی به
 باشن [صالارسه] ده ماننده بز اخفش
 نایی

تبدیله مثال : دنیه - دنیا یرینه . طولاب - دولاب یرینه .
 سنطیر - سنطور مقامنده .

هرکیم اول جنت ایچون [دنیه ده] اچکدیک ایامی
 نجاتی
 چشم رغبت رخس استعدادمه [مهموزدر]
 حشمت

مانند چشم ترد و کرعین [طولاب] آب
سامی پاشا

یکدل اولوب اهل بزمه [سنطیر]

درد دانی ایدردی تقریر

عزت

ثانیاً حرکات حروفی تبدیل ایتکدر شجع و قافیه خاطری
ایچون اختیار اولتور .
مثال :

می عشقکله بر پیاله پر

صونوب افتاده کی [ایاقلندر]

ثابت

غنچه ترایدی کلبن ایچر .

چرخ انی قویدی [فلاخن] ایچر .

فاضل

سنسک اول کارکه آرای خرد کیم رایک

قومدی دهرده برامر عسیر و معضل [*]

سامی

یوزک کلدور صاچک سنبل دیشکدر

ولیکن عاشق اولدیرمک ایشک [در]

فغانی

بن خسته هجر لعل [یارم]

صهبادر اکا علاج هدم

عزت

ثالثاً ساکنی متحرک ویا متحرکی ساکن - مشددی مخفف
ویا مخففی مشدد قیلمقدر .

[*] امل - بدل عزل لغظ لرینه قافیه در

تحریر کے مثال :

بولدم لب (بخرده) بواب خوشکوارى
 حشمت
 حقہ تفویش (امرا) پیشہ افکارمدر
 ولہ
 (بزمده) قلقلی مینا ملک کيفتین سویلر
 راغب
 دربانلری وارکوز قیوده ال (دکنکده)
 روحی بغدادی
 برمصنع (ختم) ایدوب پیدا
 ناسه ایلر ثوابلر اهدا
 ثابت
 ازاده بیله اولسه (و) سایه سز اولز
 پرتو

تسکینه مثال :

دمیدر خامه کرطی ایلسه وادی* (هذیانى)
 نفی « سهام قضا » سندن

مخفیفه مثال :

کیمسه نك فورجاله عیبی ماسند خلال
 بلکه ستر ایتده هم (خاصیت) مسواک اول
 ثابت
 اندوه ودرده کوکلی صاحب تحمل ایت
 درده تحمل ایلیان اهل (رضا حق)
 فضولی

چنده صنع (حق) کرچه هرورق سويلر
 سنك بليقدر اما بيانك ای بلبل
 منيف پاشا
 نه فائده خرف بدکهر دیرایسه اگر
 ايم زمره اخضر (جدم) زبرجد در
 حامی امدی

تشديدۀ مثال :

لاجرم یرده بری حدت ايدر
 امديكك قانه سنی (دیت) ايدر
 شناسی
 هرقطره ناچیزی ايدر بردريكتا
 (تربيه) اکا یرده کرک اولهيم اسا
 حامی

رابعاً مقصوری مدویا ممدودی قصر ایلکدر ،

مده مثال :

صبح تابان کي (اصول اصول)
 عبدالحق حامد
 کل کل ای خال رخک ایکی (کوزمک) بیکی
 نجاتی
 حقیقه نظر (اولنسه) (یوزی) قاره سیدر
 باقی

قصره مثال :

یعنی خویکرده ایکن ابر (نیساندرکیسو)
 حضر اغازاده سعید

خلقه خلقه پایکه کوردم طولاشمش (کیسولر)

علی رشاد پاشا

کورنجه رخلرک کلر (اتشناک) اولدی رشکندن

سامی پاشا

خامساً جمع الجمع یا مقدر : لوازمات - غرائب - لواحقات

اشعارتیر کی .

مثال .

سمت استاده اکر پیرو اولورسهک حامی

کیوب اثواب کمال طاقک (آدابیرک)

حوادثات قدمدن خیر بیلور عاشق

خضر اغازاده سعید

سادساً ترکجهدن ویا فارسیدن ویا لسان اجنیدن عربی

قاعده سنجه مصدر یا پیغمه قالمش مقدر : واریت ، پریش - نیت ،

بندکیت ، قرالیت کی .

مثال : « اخذ ایتدکلری اسیرلری دوکمه ریک وانجتمیه ریک

سربستیت اوزره استخدام ایدوب ... »

جودت پاشا - تاریندن

حال بوکه رفاهک طوغریسی رفاهیت ، نزاکت کله سی بتون

بتون یا ککش ، کریمیت دخینه او قیلدن اولدینی حالده جمهور

ادبا طرفندن استعمال ایدیه کلدیکندن بونلری وسائر امثالنی

قولانمقده بز دخی تردد ایتیز .

غلط تحکمینک مرکباتده ایسه باشلیجه اون درت درلوسی کوریلور :

برنجیسی اسم مکن اولان و یاخود کندیلرنده مکانیت
بولان کله لره تکرار کانیت ویرمکدر .

بوتسه (ملاذکاه) درکده بنم فلک

درکاهم انتسابی ایله افتخار ایدر

عزت ملا

کویا که ویروب حدت بیجا

(کلشنکه) رخسارکه بخران

عبدالحق حامد

ایکنجیسی فارسی قاعده سنجه یاپیلان ترکیب وصفیلرده
موصوف جمع اولدینی حالده صفتک آخرینه (لر) ادات جمعنی
الحاق ایلمکدر .

حل قیدی ایله مسئله مشکل زلفک

شانه عجب (افکار مشوشلره) دوشمش

نابی

اوچنجیسی صفت موصوف مطابقتنه رعایت ایتمکدر .
(ادعای واقعه - وقوف کامله - افکار عادی دلائل قاطع) کبی .
ویا فارسی برلفظ ایچون عربی برکلهی و عربی برلفظ ایچون
فارسی برکلهی تأیث ایتمکدر . (چاره مؤثره - سامان موجوده -
حیات جاویدانیه - محبت درونیه - بهره علمیه) کبی .
مثال :

قالدی که ذکر اولنان وکلای معدوده [وسرکاران معهوده] یکه تاز
عرصه .. « — عاصم — تاریخدن

ویاخود منفصلاً یعنی اضافت فارسیه صورتنده اولیه رق بشقه
بشقه ایراد اولنان ویاخود اردسنه ادوات والفاظ فارسیه تداخل

ایدن صفت موصوفلر بیننده مطابقت ارامقدر (مدتی منقضیه
اولدی - حرکات نالایقه) کبی ،
مثال :

مائده فائده سی کرسنکلن علم وادب ملته [شامله وعائده]
علی پاشا

بوصفت موصوف مطابقی شعرده او قدر مرعی دکدر.

برقاپچ مثال :

فیلسوف دقیقه بیما کم
عقلی بر [حکمت الهیدر]
نفی

دلی کنج کور [معرفت ربانی]
سوزی مفتاح در مخزن سر توحید
وله

کنایه در غزلندن [دراری منظوم]
نمونه در سخنندن [لالی منشور]
عزت

[حقوق سابقه] حقارعايت ابتدی سلطام
سنی دستور ذیشان ایلدی مهران همتله
حای امدی

مثال [ادعیه مستجاب] او جسم لطیف
ته اسمانی کچوب لامکانه ابتدی صعود
سامی

ادبانك اسیکلرندن اکثریسی ویکیلرندن بعضیلری
وخصوصیله سامی پاشا مرحوم سجیع و ترصیع کی صنایع لفظیه
التزامیله نژده دخی (صفت موصوف مطابقی) شریطه سننه
بعضاً رعایت ایتمامش لر در .

بر قایچ مثال :

کاه حله تازی [وشقه جازی] ایله عرض جال ایلردی . اما بالایی
والاسی هنوز دیبای ترکی ایله ارایش بولامش ایدی . اگرچه که جال
با کمالی حذیه انواع السنه ایله خالی ایدی . اما پیرایه خال و خطی
[الفاظ ترکیدن] خالی ایدی . اول سبیدن [مدت مدید] وعهد بعد ایدیکه
خاطره بو خاطر وسویدایه بوسودا دوشمش ایدیکه . . .
هایوننامه

[آثار بحرینک] کوهر شناس غواصی ، [اجبارنهرینک] نسیم التباس
شناور خاصی . . .
وناسک خیر دعا لرینی مشتمل [بر تحفه غریب] و بر نسخه دلفریب
اولور که . . .
- عالی - کنه الاخبارندن

خواجهکیان بسیار مایه بندر کاه علوم ادله [جزئیات منشور و منظوم ایله . . .]
- ترکی -

ویا خود چار جهت ساهره وزمین مقم [نعم الهی] وطر اوتیافتنه
نامتناهی ایکن . . .
- ویسی خوابنامه سندن

ابواب مخازن معانی و اسباب [میامن روحانی] اماده اولوب . . .
- نابی - ذیل سیرندن

مترصدان (اخبار نوی) و متعبدان (آثار مصطفوی) بوجه اوزر...
- وله - ذیل سیرندن

لابد (نسبت فطردن) متسلب و انس قدیدن مجتنب اوله مهرانکچون
تازه کشمکش جاذبه حقیقتله بندا فکن قید حیات و قوادم جینان او جگاه
معاد اولسی استبعاد اولمز. انجق بواختاب روحانی وارسته (کشفات
جسمانی برلطیفه ربانیدرکه ...

- سامی پاشا - رموز الحکمندن

حالبوکه نثردهده نه سجع ملتزم نهده ترصیع مطلوب اولدیغنه
وهیچ اولمزسه او درلو صنعتلر قوانین اسلوبی و علی الخصوص
فصاحت و طبعیتی اخلاص ایتماک شرطیله مقید بولدیغنه نظراً
ادامزک بو خصوصده کی مبالا تسزانی هیچ جائز اوله میوب اولسه
بیله « هر طورینه اقتضایه لازم » تنبیه نه نمونه امتثال عد اولناملیدر
ظن ایدرم (۵)

دردنجیسی آخرینه (اق - - لک - سز - لر) کی
ادوات ترکیه لاحق اولمش اولان عربی و فارسی کله لری دیگر
عربی و فارسی الفاظه اضافت فارسیه ایله اضافه ایلکدر .

(طور کستاخلنی) ایتدیردی بکا یأس آم

اسیرک اولدی اما باقمه تقصیراته شاهم

شرف پاشا

کوکل سلطاندر هیچ (طرز خدمتکارانی) بیلمز

برنو

(*) پوسته خانه عامره - محررات تلغرافیه - کی غلطات رسمیه
ادبیات دائره سنه کیررشیلر اولدیغندن انلردن بحث اولنمه لزوم کورلمدی

سینه می دلدی بوکون بر (آفت چار پاره لی)

ندیم

(کمال بنده پرورلك وافتدیلکك) اعلاى درجه سنده اوله رق شمى یه
مظهر اولدیم لطف واحسان . . .

مغنی الکتاب

حالبوکه سامینک

روشن اولز دل خیال چشم خون آشامسز

شعله ریز اولز چراغم ر و غن بادامسز

بیتنه مصراع اولك - سز - ادات نفی - اشام - لفظه
دكل - خیال لفظه راجع اوله رق ارده ده کی لفظلردن بری
مضاف الیه و دیگرى بونك صفی اوله رق ارده ده کی لفظلردن بری
نفیک مرجعی دخی - بادام - لفظی دكل - روغن - لفظی
اولدیغدن بوییت یوقارده ده کی مثالله غیر مقیس و بناء علیه بو
یولده کی ترکیب لر جائزدر . مثلاً - (محبت وطنیه و غیرت ملیه سز
نه یاییله بیلور؟) - دیرز . چونکه عبارده ده کی - سز - ادات نفی
محبت و غیرت کله لرینه ارجاع اولنیور . حالبوکه (سعی بی قصور
ایتدم) یرینه - سعی قصورسز ایتدم - دیه میز چونکه بو
جمله ده کی - سز - اداتی قصور کله سنی تجاوز ایتیمور .

بشنجیسی بر وجودك اعضاسندن و یا خود بركلك اجزاسندن
اولان اشیانك تعددینه باقه رق کندیلرینه اسناد اولتان احوال
وافعالی دخی صیغه جمع ایله ادا ایلکدر . - (اللری تتریورلر -
کینک یلکنلری اچلمش لر - کوزلرم اغریورلر) کبی .

بویله چتره فیل عباره لر حائث مطبوعاته بش اون سنه دن بری
کورلمکه باشلادی . بویکی شیدن نشأت ایتک کر کدرکه بری
فرانسز جه دن ویاسائر برلساندن لسانزه برشی نقل اولنورکن
ترکجه شیوه سنک نظردن بعید طو تلمسی، سیکری ایسه ولایاته
تربیه اولمش اولان شیوه تکملری استانبولک کنه مغایر بولنان
بعض ذواتک نشریاتنده کی او یولده لقر دیلر طوغری ویا کوزل
ظن اولنوب تقلیدینه هوس اولنمیسدر .

معلومدر که مردولت و حکومتده خلقک لسان فصیحی پایتختده
ویامر کز اداره حکومت اولان محله جاری اولان لساندر . بو حالده
عثمانلیجه نیک معیار فصاحتی دخی استانبول شیوه تکلمی اولمق لازم کلیر .
استانبولده تربیه اولمش بر ترک ایسه هیچ بروقتده (کوزلرم اغریورکه
بکادیکیه دیک شمدی نادم اولیه جقدک) یولنده بچمسز سوزلر
سویله مز . بناء علیه بوقیلدن اولان افادات هانکی صاحب قلم
طرفندن یازیلیرسه یازلسون مطابق فصاحت و شایان قبول
وامتثال عد اولنه مز .

(التنجیسی) عددی معین اولان شیلرک آخرینه - لر -
ادات جمعنی کتیر مکدر - دوت کتابلر - اون فقرلر - کبی .
مثال :

اکلامیان مالی مجموعه کلک
عارف دکدر اوقوسه (یوز بیک کتابلر)
نجائی

(یدنجیسی) مفرد مقامنده جمع ویاخود جمع مقامنده
مفرد قوللا تمقدر . (بوچوجوق مکتبه دوام ایتمز لر) ویاخود
(افندیلر نیچون مکتبه کیتیمورسک) کی .

برنجیسنه مثال :

عطایه بویه روشن فکر (عطایای) آلهیدر
مشاهددر ضمیر پاکی پرتو مهر پرتابه
پرتو

ایکنجیسنه مثال :

داد و فریاد (الکندن ای افلاک)
یرینی ایلدک اوماهک حاک
فضلی

(اولاد - اساس - عجائب) کی جمع ایکن مفرد مقامنده
استعمال اولنان کله لر مستنادر .

سکزنجیسی فارسی کله لر حرف تعریف علاوه ایلمکدر .
لاجل الفروخت - بالکرفت - کی .

پرتو ذکا نوع بشرک باشنه قونمش بر نورانی هادرکه سایه
سعادتنی لزومی قدر تعمیم ایده جک واسطه بولمز . الا که شهبال
(مطبوع الاندای) حکمنده اولان صحایف مطبوعه نك وسعت انتشاریدر .
کال

طقوزنجیسی هر افضندن صکره جمع قوللا تمقدر - هر ملل -
هر انسانلر - کی .

مثال :

شاهدشه هریادشاهه فرمانروای (هر دول)

عنرت

دیگر مثال :

در اولور (هر قطانی) فم افتعاده بیه

فیضیاب گرمی اولسه سحاب نیسان

شناسی

اوتخیسی اسملرک، صفتلرک، وصف ترکیلرک اخیینه
 کله بیلان (آنه) اداتی مصدرلره دخی الحاق ایلکدر .
 تفاخرانه . تشکرانه . تجاها لانه . کبی .

مثال :

(تعریضانه) ایدوب خطابی

ویردم اوکروهه بوجوایی

شیخ غالب

اون برنجیسی : الفاظ ترکیه یی عطف فارسی ایله یکدیگرینه
 ویاخود فارسی و عربی کله لره عطف ایتکدر .

مثال :

جهانده دولت سرشار عمر کوتهدن

مفیددر بزه (صاغ واسنلیجکلر من)

نابی

آمدورفت خیال وصلتک ای سروقده

(کورفر و دریا) کبی سینه مده ایلر جذرومد

علی رضا پاشا

(اون ایکنجیسی) ایکی ترکیه لفظ آره سنه - باء الصاق -
 وضع ایتکدر .

مثال :

سوز تمام اولدی دعا ایت که ظهور ایتده در
(کون بکون) فیض خدا ایله اجابتدن اثر
عزت ملا

ایشته بووجهله (کون بکون) جسد فرسوده وصحت مختل اولور ..
منیف پاشا

اون اوچنجیسی تراکیب وصفیه ده موصوفک احوالی
بیان ایدن الفاظ متابعه اضافت فارسیه ویا عطف فارسی
ایله یکدیگرینه مربوط اولماقدور .

مثال :

بودر آنجق کناهم راستکوم یوق سوزم اصلا
حسود کج خیال وکج سخن ! - کج فهم نادانه
فهم

اون دردنجیسی الفاظ ترکیه واجنیه ایله عربی و فارسی
گله لری اضافت فارسیه قاعده منجه یکدیگرینه الصاق و اتباع
ایلسکدر . برچوق مثال :

عدنیا (مرغ کوکل) کز مردی نالان هر طرف
عدنی

اکر اویسه مشربی رندان عالمه ساق
بو ردی (رونق بیرای) جمعه ایشامی
نفی

بو دستگاهك اورمه ده (كمر كچی قضا)
تمغای لا ثبات الك اعلا متاعنه
نابی

سخنم ایتزم آمیخته (لوٹ بالان)
حشمت

(امضائی بلاغتہ) کلکک سکرزیدر
ندیم

او سمتہ شدی بن نارفته (بر راه صبا) بولدم
پرتو

صوبینہ قومشدی بو خرات فناده

(فسقیہ جشیدی) ترازوی محبت

ثابت

دیکلدی (سنجق زرین) نسخه خاور

خیالی

دردی چیمش [سوزکی مہدن] آلتش افتاب
حامی

انقاضی [اوجاغ کله] قیلدی خار و خس

عزت ملا

[پایہ آلتش برہ] باصدی قدم [*]

کاظم پاشا

یاقیشور (عد قرال) ایتسه انی مغیچکان

شناسی

زهی والا (اوتاع دلکشا) کیم کورمدی مثلن

راغب پاشا

[*] کاظم پاشا ، مصر اعلیٰ نیک « پایہ سی آلتش برہ باصدی قدم » بولنده
تصحیح اولتسنی بالمناصبہ تکلیف ایله ترک تحکم و اظهار انصاف بیورمشلردر.

ایلر جهانی (صدمه و اقباله) لرزه ناک
ضیا پاشا

(جمع کوکک) دور جورندن پریشان اولسون
قضولی

اولورسه کسور حسنگده [کر یساغ نکاه] *
خیال دیدیه کلزینه فراغ نکاه
سامی

مرهم اول سینهده کی یاره لره یار یش
یرسز قویمه بنی [یاره جانگاه] مدد
عنزت

بو نه احکام بد نه [بخت یمان]
عبدالحق حامد

لوئی فیلپک (ایام قرالیتیده) یو حال اوزره کیتدی
جودت پاشا - تاریخندن

میانه لرنده مصلحت وقت معناسنده اولان [پولتیقای افرنجی] اصل الاعمال
و دستور الافعال اولوب عاصم — تاریخندن

سروموزونی قامت ممتاز ، [قدان ارغوانی] بیک کی عشوہ ساز
حالت بک مرحوم

انجیق بومأمن الایام دروننده اثر اسدو (نمونه ارسالان) مشاهده ایتدیکمدن
اسعد افندی - ترجمه مستظرف

(اداره مانوره اوصاف) جیله لرله اوقاتکذار و بالخصوص باب خلعت نصاب

[*] یساغ و نکاه لفظ لرینی اضافت فارسیه دن بری ند ایتکه مصرع
ثانیکن قافیہ وردیفنده کی اضافتک وجودی مانعدر .

مهر و مبتده (مانند قراغول تفنگ در دست) ثبات و استقرار اولدیم حالد
عرفان پاشا
سلطان سلیم شیرینجه دنیلن (یاره ملتبه دن) طقوز بوز یکر می اتی
سنه سی صفر بنده ...
- خیراه - تاریخنندن

بودر لو اضاقلر لسانم زك فصاحتی اخلال ایدن خطیأك برنجیسی
عدا و لمتغه شایاندر. حال بویه ایکن - پك چوغی هر کسدن زیاده کندی
کندیلرینك مداح فصاحت و بلاغتلی اولان - ارباب شعر و انشامزك
آثاری تحریری اولمق لازم کلسه هان عمومنده بونوع خطاء فاحشه
تصادف اولنه بیه جکنه، الك مشهور لرندن یکر می یکر می بش قدرینك
اثر لرندن، ایراد ایتدیكمز مثاللر برهاندر. بونلر ك ایچنده مثلاً «مركجی،
قضا - سوزكی» مهتاب «ترکیلرینك موافق فصاحت اولدیغنه
قائل برکیسه نك وجودینه احتمال ویریه مز. اثرلرنده اویله خطالرك
وجودی ایسه ادباً و بلاغۀ برر فائده مهمه یه مبنی اولمدیغی حالد
یاسه و دن و یامساحه دن نشأت ایتمش اولمق ایجاب ایدر. بناء علیه
اودر لو معیوب اضاقلر اکثر ادبانك ائارنده کورلمکله مظهر قبوللری
اولمش صایله مز. حتی بونلری (غلطات تحکیمیه) صره سنده
ایراد ایدیشمزدخی ادبای مشارالیه مه بورجلی اولدیغمز حرمتیه مبنی
تأدادر. فی الحقیقه فصاحت لسانك اهمیتنی تقدیر ایدن بر صاحب
قلم ترکیه ویا اجنبی کله لرك عربی و فارسی الفاظ ایله قاعده فارسیه یه
توفیقاً اضافتی جوازینه نصل قائل اوله بیلیر که بو خصوصده
کوستریله جك مساعی برقید ایله تقید قابل اولسه بیه بر حد ایله

تحدید ممکن اولدیغندن وخصوصیه اضافت مسئله سنه اهمیت ویرلینجه دیگر برطاق اصول وقواعد فصاحتده او قدر حکمی قلمیه جغندن او حالده، ذاتاً بر انضباط تام التند بولنمان، لسانمزه بتون بتون هرچ و مرج او منسی نتیجه سنک ظهوری محققدر . بو وجهله او بولده مشوش اضافتله ممنوع عد اولماید .

مفردات و مرکباتده غلط تحکیمدن نشأت و اخلال فصاحت ایدن دها بر چوق شیلر بولنه بیلیر ایسه ده عمومیت اوزره بولنر ادبیات مسائلندن خارج وقواعد عادیه لسانیه دن معدود اولدیغندن و اثار ادبیه ده جابجا کوریلان فصاحتلر ایسه اک چوق بو تعداد ایدیلر دن نشأت ایلدیکنندن انلرک بیانی صرهنده بعض مرتبه تفصیلاته مجبور اولدق، فقط دیگر لرینک ایرادنن صرف نظر ایلدک .

شمدی بوبخده بر قید احتیاطی به لزوم کوندی : (غلط تحکمی) نامی التند یوقاریدنبری تعداد اولنان شیلرک برطاقنی هراسانده بولندیگی کی بزده دخی او منسی لازم کلان - (ضرورت شعر) دیگر بعضیسنی ده (مساحات ادبیه) قورتاره بیلیر . انجق بو ضرورت ایچون بر حد معروف تعیین اولمق ، بومساحاتده بعض فوائده مقابل بولمق اقتضاید . ضرورته عائد خصوصاتی ان شالله ستانمزه شعر قسمنده بالاطراف بیان ایدرز . مساحات ادبیه به عائد اولق اوزره دهاتک ائارنده کوریه بیله جک خلاف قاعده سوزلر ایچون ده مشکل پسندلک بمختنده بعض تفصیلات بوله جغز .

اخطار

تفعینک سهام قضا سنده کی بعض هجویات - سرورینک
 هوایی سوزلری ایچنده بعض هزلیات کی - اکثر مزاجه
 کوره خوش آینه ادرلیله برایی عصر دبری دائره ادبیاته صوقلمق
 ایسته دکلری حالده تراحت طبع اربابی طرفدن مظهر التفات اوله میان
 - خلیع العذارلری یولنده دکل فقط کاینک بعض ائاری کی مجاز اولان
 درجه ده لطیفه آمیز و مزاح انکیز ائار شعریه و نثریه نك مقصدی
 خلقه فائده بخش اولمقدن زیاده او قویانلری کولدر مک اولدیغیچون
 کندیلرنده اسلوبجه او قدر انتظام ، افکارجه او درجه منطق
 آرا مغلزوم اولدیغندن بو وادیده شیر قوانین اسلوبه و خصوصیه
 قانون فصاحتیه کندیلرینی مطیع و متقاد بیلملر .

مثال :

بن مکتوبده - رندانه معیشت بود و نبودی سیان طوتانلره خاص بر
 طور حکمتدر - دیمش ایدم . آتی سنک کی ادرا کی کوشک و محفظه مغزی
 (نمونه نمای دنبه لک) اولانلر تعقل و اذعان ایده منزلر سه معذور درلر .

کافی

نظمه مثال :

مرد (پس طبع) و سفیه بدشیم کیمدر دیم
 اهل سوق ایچره فقیر و محتشم کیمدر دیم
 سامی

دیگر مثال :

انکشت حموله سیاه کچن برقایی کلوب
فونده دمیر ایدنجه او (درپیش اسکله)
رجائی افندی مرحوم[*]

قومدیا دینیلان تیاترواویونلرینه کئنجه بونلرده مضحکاتدن
ایسهده اصل مقصدلری خلقه کوله کوله تهذیب اخلاق
ایتدیرمک اولدیغندن اقسام ادبک اهمیتلیرندن معدود اوله رق
فصاحتیه وقوانین سائرءاسلوبه موافقتجه دیگر مؤلفات ادبیهدن
فرق یوقدر . حتی فرانسهده قومدیا یازانلرک اک مشهوری
اولان (موایر) ک اناری هر درلو اصول وقواعد ادبیسهجه
مستشهداتنددر .

کتابمژده قومدیا حقنده دخی بر بحث مخصوص بولنه جقدر .
شمذیلک شوقدر جق بحث ایدیشمزه سبب مقصدی کولدر مکن

[*] مؤلف حقیرک پدریدر . زمانده شهرت فوق العاده ادبییه مالک
ایدی . مکرراً تقویم نظارتنه کلدرک مطبوعاتجه خدمات مشکوره سی سبقت
ایتمددر . بر جوق زمان اول طرف حقیرانه مدن قلمه آلمش اولان مفصل
ترجمه حالیه آثار قلمیه سندن جمع ایده بیلدیکم منشآت ومنظوماتنک
رخست رسمیه سی دخی استحصال ایدلش اولدیغی حالده هنوز طبع
ایتدیر یله مامشدر . (۱۲۱۸ - ۱۲۹۱)

عبارت اولان اثار حقنده کی اخطار مزدن دهنلره وارده بیله جک
بریا کلس ذهابه میدان ویرمامکدر .

— ضعف تألیف —

ضعف تألیف دیدیکمزشی کلامده علی الاطلاق مشوشلکدن
عبارتدرکه یا طبیعتی اخلال ویا فهمی تصعیب ویاخود معناجه
شمول پیدا ایتک حاللرندن خالی دکلددر . باشلیجه درت نوع
تقیصه دن ایلری کلیر .

(۱) کلامک اجزای مرکبه سی قاعده نک ویا طبع سلیمک تعیین
ایتدیکی موقعلرده بولنما مقدر . مثلاً (افندی بی کوردم فقط
دون بوکون کورمدم) عباره سندن مقصد افدینک یالکنز
دونکی کون کوریلوب بوکون کوریه مدیکنی آ کلامق اولدیغی
حاله عباره نک شو یولده ترتیبی اقتضا ایدر . (افندی بی فقط
دون کوردم بوکون کورمدم) ایشته بونی بزه قاعده تعیین ایدر .
نثرآ افاده مرآمده بوقاعده بی مرعی طومتغه هیچ برمانع
یوقدر . نظمده ایسه مثلاً ضیا پاشانک « مظلومه ظالم ظلم وغدر
وآل ایلرایکن کارنده اثم اولدیغنی خیال ایلز » سوزینی قاعده نک بزه
تعیین ایده جکی شو ترتیبده وزنه کتیرمکه امکان اولمدیغندن —
کلامجه هیچ برکونه مشوشلک حصولنه میدان ویرمامک شرطیه

— کله لږک بعضیښنی تقدیم و تأخیر ایدرک شاعر مشار الیه ایله
بر لږکده شویله افاده ایدرز:

مظلومه ظالم ایلر ایکن ظلم وغدر آل
کارنده آتم اولدیغنی ایلز خیال

ایشته بو ترتیبده بزه طبع سلیم ارأه ایلر . حالبوکه

(سرکشته) جستجو ایله عرفان اومهوشی
(اولدی) بنا برین شو غزلده ردیف آرار
عرفان پاشا

سعدالعود بخته ستغنا فروش اولور
باب سعادتینه ایدن انتساب دله
عاکف پاشا

ظهور ایدن بوجدلکیده بویله شور وشعب
جزای سیئه سوء حالندر هب
سامی

بیتلرندن برنجیسنده (سرکشته) و (اولدی) لفظلرندن هر
بری بر مصراعک اولته تصادف و آره یره برطاقم الفاظک
تداخل ایتمی، ایکنجیسنده (انتساب) کله سنک (ایدن)
کله سندن اول ایراد اولنماسی و اوچنجیسنده (جدلکه) ترکیبنک
(ظهور ایدن) سوزینه تقدیم اولنماش اولسی قاعدهیه موافق
اولدیغنی کی-سلامت مؤدائی اخلاص ایندیکيچون-طبع سلیمک

دخی قبول ایدمه چکی چاراشیق افاده لردن اولدیغندن هیچ
بریسنی ضعف تألیف نقیصه سندن بری عد ایدمه یز .

برده شو مثالره عطف نظر ایدمه :

.. و دیگر طرفدن تسهیل و تسریع تحصیل معارف حقنده موضوع
اولان اصول منتظمه و مکمله سایه سنده اخذ و تعلیمی پک چوق زمانلره محتاج
بولنان علوم و فنون نافعه متنوعه بی مدت قلیله ده اکتساب ابله احراز
سعادت جاودانی ایتکده یز . مغنی الکتاتب

بیک یوز ایکی سنه سی جاذبی لایخه سنک یکریمی التنجی کونی مصر
قاهره و الیسی اولان کتخدا احمد پاشا عازم داربقا اولدینی خبری ورود
ایتکله ... تاریخ راشد

برنجی مثالده کی ترتیب افاده یه کوره - «علوم و فنون نافعه
متنوعه» نک اخذ و تعلیمی پک چوق زمانلره محتاج بولنمی حد
ذاتنده میدر ؟ یوقسه «تسهیل و تسریع تحصیل معارف»
حقنده موضوع اولان اصول منتظمه سایه سنده میدر ؟ بوراسی
- روش کلامه تبعاً ذهک جریان طبعیسنجه بر بر سکتجه جک
عارض اولمق سزین - اکلایشله مدینی کبی ایکنجیسنده دخی
بیان اولسان تاریخ والی مصرک نصبه می یوقسه ارتحالده می
یوقسه خبر ارتحالک ورودینه می عأددر ؟ دفعه بیلنه مز . ایشته
کلامده ضعف تألیفدن طولایی حاصل اوله جق شمول بودرلو
شیلردر .

واقعا برنجی مثالده سیاق و سباق کی قرینه لر ایکنجی معنایی

ویرمکه مانع اولور ایسه ده اوقرینه لرك ملاحظه سی برطرفدن
ذهنه بر سکتہ خفیفه ایراث ایدہ جکی کبی دیگر طرفدن دخی
صورت افادہ دن بر نوع تعریض قصد اولمق احتمالی خاطرہ
کله بیله جکندن شو ایکی محذوری ده دفع ایچون قاعدیه ویا
مقتضای حال ومقامه موافق اولدرق افادی شو وجهله ترتیب
ایتملی ایدی .

ودیکر طرفدن اخذ و تعلیمی پک چوق زمانلره محتاج بولنان علوم وفنون
نافعہ متنوعه یی تسهیل وتسریع تحصیل معارف حقن ده موضوع اولان
اصول منتظمه ومکمله سایه سنده مدت قلیله ده اکتساب ایله الخ ...

ایکنجی مثالده اشارت اولنان تاریخ - وقوعاتک تعیین
ازمنه سنجه مؤلف کتابک تابع اولدینی اصوله کورده - ارتحال
خبرینک ورودینسه عائد اولمق لازم کلیور . انجق بوکا دقت
اولنمه جق اولورسه ذهن دیگر ایکی جهته دخی کیده بیلیر .
ایشته افاده یی بوشمولدن قورتارمق ایچون «مصر قاهره والیسی
اولان کتخدا احمد پاشانک عازم داربقا اولدینی خبری بیک یوز
ایکی . . . ورود ایتمکله » یولنده ترتیب ایتک ممکن ایسه ده بزم
دخی ایجاب ایتدکجه یایدیغمز کبی فقرده تاریخ وقعه یی اشعار
ایدن جمله دن بدأ ایله خبر کله سنه قدر اولان سوزلرک - که
برجمله معترضه تشکیل ایدیور - اول واخرینه شویولده (-)
برر خط فاصل چکلسه محذور مندفع اولور .

(۲) کلامده کلمات وادواتجه زیاده و نقصان بولمق ویاخود
ادوات کلام مقتضای مقامه مطابق اولمامقدر . مثلاً پرتوک بر
کوشک وصفنده کی نشیده سندن :

بویت ندئه بخشانک که ساقی نامه نفی
آتش کاغد تسویدیدر برکوشه ده کویا

بیتک مصراع اولنده کی (که) اداتی نه بونده ونه ده برقطعه
سعریه اولمق احتماله نظراً - کندیسنی تعقیب ایدن شو :

بویته نسبت ایله چارباغ اصفهان وصفی
مربع کفته طنپوری وش اولمز هله اصفا

بیننده بریره ربط اولنه مدیغندن زائد قالیور. حالبوکه بیت
اوقونورکن بو اوافاجق قصورک ذهنده نه بیوک برایلشک پیدا
ایتدیکنی تعریف اقتضا ایتمز .

راغب پاشانک :

بالاقتضا ایدرسه ده ابناء دهردن

راغب امید همت [اگر] همت ایستیز

بیتی دخی (اگر) اداتنک ناممحل قولالانسیله ضعف تالیقه
دوشمشدر .

- بر استطراد -

(نه) ادات نفی ایله باشلایان سوزلرک مطلقاً هر یرده تکرار نفی ایله می یوقسه اثبات ایله می نهایت بولسی لازم کله جکی هنوز قطعاً حل اولنه مامش بر مسئله در . بعضی افکاره کوره مطلقاً اثبات ایله و بعضیلرینک فکرینجه موقعک ایجابنه نظراً کاه اثبات و کاه نفی ایله نهایتلندیلمسی ایجاب ایدیور . سزک دخی نظر دقتکزی جلب ایتمک احتمالی اولان بومسئله دن شو صره ده بحث ایتمک فائده دن خالی دکدر . باخصوص یوقاریده - صفت موصوف مطابقی - بحثک نهایتده کی بر افاده ایچنده (نه) اداتلرندن صکره کله اثبات قوللانش ایکن بوندن بر از اولکی بر فقره ده یوقاریده کی استعمالک خلاقه کیدیشم بوبابده بشقه جه بر مناسبت پیدا ایلدی .

ظنمجه مسئله صرف شیوه لسانه عائددر . شیوه لسانده ایسه استعمال ناسدن قاطع حجت اوله من . فقط (نه) ادات نفی ایله ادا قلنان مقاصدک صور انشائیسه نه نظراً مسئله ده وجود عدیده حاصل اولدیغدن هر برینه آیری نظر ایتمک لازم کلیر . بو وجود عدیده دن برنجیسی جمله کلامیه لرک هر بری کندی کندینه تمام اوله رق آخر بر کله ربطیه محتاج اولماسیدر . (نه کوردم نه خبر وار) کی . ایشته بوناسک استعمالدر .

مشهور اولان :

نه كندی ایلدی راحت نه خلقه ویردی حضور
یقلدی کیتدی جهاندن طیانسون اهل قبور

بیتی و فاتحك اوراق پریشانده مندرج اولان «لالا! نه خزینه کی
ایسترم نه حیاتکه قصدم وار» سوزی بوضورت انشاییه موافقدر.
بونده جای تردد یوقدر. چونکه جمله لر ربط اولنق ایچون آخر
سوزه محتاج اولیورکه حتی اوسوزك مثبتی یوقسه منفیمی اولسی
لازم کله جکنی ملاحظه یه محل اولسون .

ایکنجیسی جمله کلامیه لری تمام ایدم جک کله ویا عبارده
بربرینک عینی اولدیغیچون جمله اولیده ایرادایله اکتفا اولنمیسیدر.
(نه علم وار نه خبرم) کبی . بوده ناسك صورت استعمالیدر.
رئیس الکتاب عارفك :

نه لسان وصفنه قادر نه زبان خامه
رنجش درد درونی نیجه تعبیر ایدم

بیتی ویوقاریده بشقه برشی ایچون ایراد اولنان برمثالك
شو : « دست جلاد اجلدن نه جوان قوی خلاص اولور نه پیر
زبون » فقره سی بووجه موافقدر. بعضاً جمله لری اکمال ایدم جک
سوز یکدیگرینک عینی اولدینی حالدده هپسندده تکرار ایدرلر .
(نه شاب اولدی نه شکر اولدی) کبی . فقط بونک بین الناس استعمالی
پك اندر اولدیغندن او قدر فصیح عد اولته مز .

اوچنجی وجه ایکنجینک عکسیدرکه جمله لك آخرنده ایراد

اولنه جق سوزی صوك جمله ده ایراد ایدوب اولکیلری اغنا ایلمکدر .
 (نه آنی نه ده اوتنه کینی کوردنم) کبی .
 ایشته بوناسک استعمالنه مخالف اوله رق ارباب قلمه مخصوص
 اسکی بر بدعتدر .

نابینک :

نه عزم کوشه راحت نه میل خواب ایده
 کیرنجه دامن مقصود اله شتاب ایده

بیتی و ترکسینک :

بروجهله که نه بازوی قوت وزور ایله تخلیص دامانه مجال ونه ده سپر
 شروشور ایله مدافعه زخم انتقامه فرجه احتمال بولور .
 فقره سی بوقیلدندر .

نظمده بو صورتک اختیارینه سبب اولان شی وزن وقافیه
 ضرورتی اولمیدر. نثرده ایسه بعضاً جل کلامیه ضروری اوزون
 اولدیغندن بونلری ربط ایده جک کله ویا عبارته نک یا لکیز ابتدا کی
 جمله ده ایرادیه اکتفا حالنده جمله اخیره بردن بره بجا قله کسلمش
 کبی فنا بر صورتده منقطع و بناء علیه سوزک ملنزم اولان آهنگی
 ضایع اولیور. نته کیم ترکسیدن کتیردیکمز مثالده تجربه و تطبیق ایله
 ا کلاشیلیر. اویله یا پللیوبنده ربطلر جمله لرك هر پرنده آیری آیری
 ایراد اولنه جق اولسه بوندنده فائده سز بر تکرر و محذوری حاصل
 اولیور .

ایشته ظن ایدرم که اهل قلمه مخصوص اولان بدعتک
 منشأ ظهوری بوماده لر در. هر نه حال ایسه بودر لو جمله لرك (نه خبرم
 نه ده علم اولدیغندن و - یا خود - اولدیغندن ...) یولنده کی

افاده لری - که او چنجی وجهدن آزمه اوله رق اعتقاد بجه عصر
 اخیره صورت انشامزجه حصوله کلان انقلابات نتایجندن
 اولمق اوزره کسیک عبارله بدل (اولدیغندن بولندیغندن - اولنمش
 بولنمش - اولنه رق بولنه رق) کی روابط معهوده یه بوغولان
 عبارات متسلسله ایله املاء صحائف اولمق صورتی یول الدقدن
 صکره چیقمشدر - اثبات ایله می یوقسه نفی ایله می بیتیرمک لازمدر؟
 و یا خود کاه اثبات و کاه نفی ایله بیتیرمک لازم کاورایسه مواقعی
 نصل تفریق ایتلیدر؟ ایشته اصل محتاج بحث و تدقیق اولان
 بودر.

اوت بونک مقتضای مقامه تابع اولدیغنه اتیده کی مثاللرله
 استشهاد ایدرز :

اثباته مثال :

« نه احکام قرآنییه واقف ونه ده آداب و شعائر اسلامییه عارف
 اولدقلرندن و دائماً . . . » - جودت پاشا - تاریخندن
 نفیه مثال :

و سرکره طوعاً قبول ایده میه جکنی بتون عالمه اعلان ایتدیکی برموده یی
 تکرار قبول ایده جک اولورسه نه انظار دولیه ده ونه ده کندی تبعه سی عندنده
 اعتباری قالیه رق

رشید پاشا

دیگر :

بوگونکی کون مسلم و غیر مسلم هیچ بر فردنه حریت ونه ده مالندن بر حکم
 قانونی و نظامی لاحق اولدقجه محروم ایدیله من .

۱۲۸۴ ده نشر اولنان قرمنی کتابدن

دیگر :

غلباتی فاتح عنوانی اختصاص ایدہ جک قدر تکثیر ایتدیکی حالہ نہ
شرقده نہ غربده دولتی حدود طبیعہ سنک خارجہ چقارمدی .
کال بک - اوراق پریشان

دیگر :

(رأیت اسدا - ی) قولنده اولان لفظ اسد مشبہ اولان سبع
مخصوصه موضوع اولوب نه مشبہ اولان رجل شجاع ونده مشبہ ایله
مشبہ به اعم اولان معنای شجاع کی برامره موضوعه دکدر که حتی اسد
لفظنک عبدالنافع افندی - ترجمه مطول

شومثاللرک هپسیده بر مؤلفه منسوب بولنه یدی البته دهها کوزل
اولوردی . فقط تصادف ایدہ مدک . شوراسی محققدر که (نه)
اداتلری بومثاللرک بعضیسنده نفی ، بعضیسنده تأکید ایچوندردیمکه
بر سبب اولیوب جمله سی بر حکمده در . ایله اولدینگی حالده برنجی
مثالده (نه) لردن صکره کله اثبات و دیگر لرنده کله نفی قولالاتسنی
بزه تعیین ایدن شی نه در ؟ ظنمجه سمع و طبعته در . فقط هر شیئک
بر جهت نظریه سی دخی اولمق اقتضا ایدہ جکندن آئیده ارامامز
لازم و اورادن بر قاعده عمومیه چقارامز ممکندر . و خصوصاً
نفعینک :

بنامه همزبان اولمز نه فردوسی نه خاقانی

مصر اعیله ، بونک یالکز بعض کله لرینک تقدیم و تأخیرندن
حصوله کلان (بنامه نه فردوسی همزبان اولمز نه خاقانی) و یاخود
(بنامه همزبان نه فردوسی اولمز نه خاقانی) افاده سی کی هیئت اصلیه سنه
کوره مطلقاً منفی اولمی لازم کدیکنده شبهه اولیان کله نک

تقدیم و تأخیر الفاظ ایله ترتیب کلام بعض مرتبه دیکشورینجه -
اثباته تحویلی لزوم قطعینی هر بر طبیعت حس ایتدیره جک اولان
ترا کیب ایسه وضعی ایجاب ایدن قاعده عمومی نك تحری و تعیینی
خصوصلرینی خلیجه تسهیل ایدرطن اولور . فقط بوکا خود بخود
جسارت ایدهمیه حکم کی مسئله نك اشکالی دخی منکر اولمديغندن
بو قدر جق تشریحات ایله اکتفا وسویلیه جککیز، یازه جغکیز
شیلرده مقتضای حال و مقامه توفیق قال و قلم ایتکیزی حسن طبیعت
و حکم وجدانکزه حواله ایلرم .
انتهی
کله لم مقصده :

ادوات کلامک مقتضای مقامه مطابق اولماسندن نشأت ایدن
ضعف تألیف ده حشمتک شو مطالعنده کورینور :
پرتوندن بیلیرزمه کی شهرت بولا (نك)
اکلارز رتبه سنی چرخده آدم اولانک
معلوم که مصراع اولک نهایتنده کی کله ده ادات اضافت اولان
(کاف) . هیچ لزوم یوقدر .

(۳) ازمئه افعاله مطابقت اولماق و عطف تفسیری صورتیه
قوللانیلان کلمات جنس واحدن بولنماقدر .
ازمنه جه مطابقتسز لکه مثال :

(ایدری) سجنی طلب جملة زلیخاده
(ایدهیدی) یوسف اکر جاهه میل جای قدر
حای آمدی

محتاج ایضاح دکلدرکه مصراع ثانیده (ایدهیدی) دینه بیلیمک
ایچون مصراع اولده (ایدرمیدی) دیمک لازم کلیردی .
کلمات جنس واحددن اولمدیغنه مثال :

سنسک اول پیرایه سر صفحه جلال کیم
غیرلردن جودنک (ممتاز ! ورچحان !) اولده
سامی

(۴) فقرات کلامده ارتباطسزاق ویاخود فقره لرك ربطنده
سقط بولمقدرد .

برنجیسنه مثال :

قابیل صورت مشروحه اوزره هابیلک قتلنی قصدو تصمیم ایدرک راقده
غضبنوب هابیله البته سنی قتل ایررم (!) هابیل جناب حق صالح ومتقی
قوللرینک قربانی قبول ایدرسن بنی قتله ال اوزادیرسن بن سنک قتلکه
ال اوزادیچی دکلیم . زیرا بن رب العالمیندن قورقارم وبن دیلر مکه سن بنی
قتلک وحق تعالی یه وپدریکه عصیانک سببیه اسحاب ناردن اولورسن (!)
هرنه حال ایسه قایلر برادری هابیلک گفتار ونصیحت ناجیه سنه الخ
تواریخ انبیا

ایکنجیسنه مثال :

حضرت آدم بطن اولده تولد ایدن ارکک قرن داشنه بطن ثانیده
اولان قزینی امر باری ایله تزویج ایدوب انجق قابیل ایله توأم طوغان
قزک اسمی (اقلیم) وکندوسی غایتله (حسنا) وهابیل ایله طوغان قزک
اسمی (لیوزا) وبونلر اولقدرد (حسنا) اولماغله !!! حضرت آدم علیه السلام
لیوزایی قابیله و اقلیمایی هابیله نامزدایتک استدکده قابیل بو حکم وقراره
راضی اولیوب بنم ایله طوغان قزکدشم کوزل اولماغله مطلق افی بن
ایسترم سن هابیلی زیاده سودیکندن اقلیمایی اکا ویرمک ایسترسن دیو

باباسنه تعریض و مخالفت ایندکده حضرت آدم امر الهی بوجیهه شرفصدور ایشدر اگر اینانمز سکزایکیکزده درگاه الوهیته قربان عرض ایدک قنغیکزک قربانی قبول بیوریلور ایسه اقلیمایی اکاعقدایدیم بیورملریله هایل قیون وکچی صاحبی بولندی جهته زیاده منتخبی اولان سمیز برکچی بی صورت تسلیمیتده! وقابیل زراعدن یعنی اکنجی صنفندن بولمغله مع الکراهه بندابی ضعیف ودانه سی قلیل بردسته بشاق کتوروب قبول اولور اولماز اقلیمایی البته آلورم اصرار یله کچی بی وبشاغی! بر محله وضع ایله صورت امر آلهینک ظهورینه منتظر اولدقلری حالد . . .

تواریخ انبیا

کلامده ضعف تألیفک هر نوعی فنا ایسه ده اک بر بادی تعقید لفظی یه سببیت ویردرک فهمی تصعب ایدندر .

— تعقید —

تعقید - که لغتجه زیاده دو کومله مک معناسنه در - فصاحت
 کلامک معنای مقصوده دلالتی واضح اولمامغه اصطلاح
 ایدلمشدر . بوده ایکی درلودر . بری (لفظی) درکه :
 (اولاً) کلامک ترکیبی مختل ومشوش اولمقدن ایلری کلیر .
 بوضعف تألیفدن بشته برشی دکدر .
 مثال :

بو باغچه مستزاد مصرع آزادی بیتک
 نیجه مصرع که زیب افزای صد دیوان بی همتا
 پرتو

دیگر :

لاآلی جامهٔ مرجانده کور یاره عرق چکدر
 اولور پیدا خوی برنک رویندن تعرفدن
 نابی

بو بیتلر هیچ معناسز دکل . فقط معنالی - خفیف - سیله
 محاط اولدینی زمان بر محلك ویاخود بر صو بولاندینی وقت
 زمینک کورونشی کی - خیال میال سچیلیور . بوکا سبیده بیتلرک
 مشوش الافاده اولسیدر .

(ثانیاً) مجرد صنعت و هنر ابراز ایده جکم دیه نتیجه سزو

دکړسز فکر لرله جناس کې، قلب کې ملاعب لفظیه التزامدن
نشأت ایدر .
برایکی مثال :

تمام اصفهان اولز ستانبول شهرينك وصق
ا کرچه جله نصف جهان وصف صفا هاندر .
ضیا پاشا

قینه کړدی اول غزا قلیجی
دون وکون دین ایچون غزا قلیجی
نشانجی محمد پاشا
ا کرچه واندن اولور نایانوا پیدا
ولیک راه حقیقت رها بوزندیسیدر

بونلرینه ا کلاشیلور. حالبوکه جناسه بوغولمش بعض افاده لر
وارد رکما کلاشلمق شانندن دکلدرد. بویولده افاده لر ایسه بالطبع
معقذک مرتبه سندن دوشه رک مناسبتر اکه تنزل ایدر. بر مجموعده
تصادف ایتدیکم شوبیت کې :

سرمه دن سورسرمه سورمه کوزدن ای قاشی هلال
مردم دل کریه خیز عین طاقتدر بکا

بوقیلدن اوله رق نایینک :

دومنکوشن قلندر روی بد فرجامه اویدر مش
شرابی صوفی انکوریدن آلمش جامه اویدر مش
پیتی جناس اوغورینه معنجاه ایدیلان فدا کار لقلرک اک
غریبلر نندرد .

(ثالثاً) بعض لغات و تعییراتی عرف و استعمال عمومه مغایر

معنای زنده قولاً لا تمقدّر . بومقوله لغت و تعبیر لر محتمل الضد
اولورسه دها قنادر .

مثلاً راغب پاشا مرحومك :

بن فقیری ایتمه تك (ممنون) ابنای زمان
حاصل ایتمه سهك دكل غم مطلبم یارب بكا

بیتمده ممنون کلمه سی - متدار - یزنده قولاً لا نلمش . بومعنی
انتیجه صحیح اوله بیلیر انحق کلمه ، عرف استعمال عمومده
(خشنود) معنایه واکثر آنک مرادی اوله رق کلدیکندن بونی شاعرك
قولاً لا ندیفی یولده استعمال ایتمك مقصدك اکلشما سنجه سرعت انتقال
ذهنه مانع اولدقدن بشقه ایستیلیرسه بیته (ابنای جنسندن
خشنود اولماق شاعرجه اقضای مطالب ایتمش) کبی بتون
بتون معکوس و خلاف آرزو معنا ویرمکه دخی مساعددر .
(رابعاً) الفاظ و تعبیر اتجه مطابقتمز لکدن حاصل اولوز .
مثال .

برمدتدنبرو ترك جامه حیات ایدن ارباب سخندن اکثرینك اثرلری قدرینی
بیایمان و یا خود مسالك اسلافه معارض اولان نورسیدكان الارینه کچوبده
اضاعه ایدلکدنمی هر نه وجهه ایسه ظهور ایتمکده اولغاه (مابعد حیات)
حسن ظن و اعتماددن ساقط اولدی

عرفان پاشا

بومثاله « مابعد حیات » تعبیری - وفاتدن صکره کی حال -
تقدیر زنده ایسه ده تعبیرده کی مطابقتمز لك افاده یی تعقیده
دوشور مشدر .

پرتوك :

هر بن موينده بيك دام المشر نخني
مرغ جانہ خالی دوگز دانه الله عشقنه

بينده کی (الله عشقنه) تعیری دخی قصد اولنديغی کبی
- فی سبیل الله - ویاخود - تهی ره - معناسنی مفید اوله مدیغی چون
مطابق تسزدر .

(خامساً) الفاظ غریبه استعمالندن حصوله کلیر .

مثال :

نام نامی کرامی فیضنک تأثیریدر
کاتبده (ظمأن) ماء لطفی ایله (اقتیات)
سامی پاشا

تعقید معنوی یه کلنجه کلامک سبکنده هیچ بر فائق اولمديغی
یعنی افاده تعقید لفظی بی دعوت ایدن تقایصدن بری بولنديغی
حالده معناسی ینه دفعهٔ ا کلاشیله مامق ویاخود ا کلاشیلان معنی
قناعت بخش عقل ووجدان اولما مقدر . بونوع تعقید اوچ
شیدن تولد ایدر .

برنجیسی کلامک معنای ظاهر یسندن ذهنجه انتقالی صعب
اولان دیکر بر معنای بعید مراد ایتکدر .

مثال :

بلبل اوباغیان بچه دن درسه باشلاسه
سافر کلیله قونلاشه جق بر لسان او تور
عرفان پاشا

بو بیتدن برچوق مطالعه لردن صکره شومعنائی استخراج
ایده ییلدک :

(باغچی زاده ساقزلی اولوق و بالطبع روم لسانه آشنا بولوق ملامسه سیله
بلبل اندن درس آلمق لازم کلیرسه ساقز کلپله کسب مناسبتیه مدار اولوق
ایچون کلک مملکتی لسانی روجه بی تحصیل ایدر) .

بیتک بشقه جهته مصروف بر نکته سی و ارایسه اکابرشی دیه میز.
اولدینی حالده بوکا ویریه جک معنارک الک موجهی بو اولسه
کر کدر. بومعناجه ایسه افاده پک معقد واقع اولمشدر . چونکه
یالکیز «ساقز کلی» قرینه سی هم باغبان زاده نک ساقزلی اولدیغی
همده بلبک اندن روجه تحصیل ایده جکنی ا کلاتمق ایچون
کفایت ایتمز .

(ثانیاً) بحث اوانان امور و احوال یا موهوم و یا خود عامه جه
نامعلوم اولمقدور .

فهم برهنری ایتدی وقف شعله داغ
خدا بزم دخی مهتابه ویر کتائیزی

و یا خود :

قو خواب غفلتی موی سیه حامی سفید اولدی
مزاج اعتدال نائی تغیر ایدر مهتاب

بیتلرندن اولکیسی مهتابک کتانه بالخاصه مضر اولدینی فکر قدیمی
اوزرینه مؤسس اوله رق موهوم اولدینی کبی بیت ثانی دخی
مهتاب کیجه لری بعض مزاجه کوره اویقوی قاجیر مق ماده
حکیمه سنه مستند و موافق حقیقت ایسه ده هر کسجه نامعلوم

اولدیغندن معناری عامه نظر نده مستور و یا خود معقد قالمق طبعیدر.
بونلر قیلندن اوله رقینه فهیمک :

اوکیک بوالعجز کریمه ناک و خنده اثر

که زغفران ایدرز خار آشیانغزی

بیتمدن نه مراد ایتدیکنی استخراج ایتمک هیچ اولمزسه نابینک :

روی زردم بسته لب بسته سن خندان ایدر

زغفران نوع نباتک خواجه نصرالدیندر

یولنده کی تحکمنی کورمکسزین ممکن اوله مز .

(ثالثاً) اضغاث واحلام نوعندن برطاقم تصورات وهمیه

و خیالات مردوده یه وجود ویرمک دقایق فروشلفه و یا مناسبتسز

و هیچ دکرسز برطاقم امور واحوالدن استنباط اصول ایدرک
حکمت پرورلکه اوزمکدر .

برقاچ مثال :

جهانی انجماد ایتدی احاطه خوفم آندندر

کایده ضمن جواهرده اولان آبه سرایتلر

تابی

درمانده سز نه لذتی وارشان وشوکتک

روینی بقلوانک آغادرر نشسته لر

وله

ضعفله روشن ضمیران شهره آفاق اولور

شکل بیتابی مه نوکی شهرتدر بکا

راغب پاشا

شوراسنیده اونو تمیه لم : نشئه تصوف اوزره سویلنان و

معنای او نشئه‌دن بهره‌مند اولیانله کوره آرزوق مخفی بولتان
سوزلر معقد دیمک ونظر استخفاف ایله باقی قطعاً جائز دکلدر.
زیرا انلر اربابی یاننده جلی المعنی و جلیل القدر سوزلردر. فقط
بونلرک خارجنده مثلاً سامینک مشهور اولان و برطاقم نو هوسان
شعر و انشایی معنی ویرمک ایچون کشمکش افکاره دوشورن :

حاضر اول بزم مکافاته ایامست غرور

رخنه سنک سیه پنبه میناندنر

یولنده کی عقلیات و تقلیاتدن برفکر وروایتله تأویل اولنمق
شانندن اولیان سوزلر - موزون و مقفی دخی اولسه معقد دکل -
قاعده سنه موافق اولمدیعی ایچون معنی ده دکل عادتاً بی معنی عد
اولنور. معلومدر که سوزا کلاشلمق ایچون سویلنور. کلاشلماق
ایچون سویلنه جکسه بتون بتون عبث اوله رق صرف انقاس و
یا تلف مداد و قرطاس اولندیغنه بیله دکنر !! وهله سویلنن
یا زیلان شیرلر ایچون سامعین و قارئینک قبول و تقدیرینه مظهرینه
بدل « المعنی فی بطن الشاعر » یولنده تعریضات ایله تلقیات هیچا
هیچلرینه دوچار اولمق هیچ چکلمز !!

لفظ و معنایه تعقیدی موجب اولمق اوزره تعداد اولنان
شیردن اجتناب مختصر و جل یسیره‌دن مرکب و مقطع سوزلرک
معقد ایکندن سلامتی تأمینه مدار اوله بیلیرسه ده مطول و مسلسل
افادات و مقالاتجه وجودی الزام اولان وضوح ایچون بونلرک صور

تألیفیه سنجہ دقت ورعایت اولئہ جق دیگر بعض شرائط دہا
وارد رکہ انلردہ وضوح بحثندہ بیان اولئہ حقدر .

- غرابت -

غرابت دینیلان شی وختی وغیرہ میوس لغات وتعبیرات
استعمالندن ترتب ایدن بیوک برتقیصہدر . بویولده لغت و
تعبیرلر درت صنفہ آریلہ بیلیر .

(۱) استعمالی بین الادبانتک نادر یعنی اوچ بش کشی یه منحصر
اولانلردر . بونلری قوللانش یا بتون بتون غرابتی التزامدن
ویا خود عرض فضیلت کبی برداعیہ تصلفکارانه دن نشأت ایدر .
اولیہ غرائب الفاظ وتعبیراتلہ املا اولئسان شیلر - نه مقصدلہ
یازیلیرسه یازلسون - عمومک نظرکاه قبول وتقديرینه عرض
اولئمغه صالح دکلدر . چونکہ بویله شیلری بکنہ جکلر براقلیت
جزئیہ دن عبارت قالہرق - حریت فکریہ سنی امور وعقاید دینیہ -
سندن بشقہ برشیلہ محکوم بولندر مق ایستیمیان - اکثریت مطلقہ
ایسہ برقاچ متصلف ادبک او یولده سویلیہ جکلری ، یازہ جکلری
شیلرک حل مشکلاتیلہ مقید اولمق ایستمز .

مثال :

(ہمارہ روضہ ترکیب بساطت ترکیب قیسی الادالری مہر رکشتارہ صدرہ

سبز خوشگذاری ورنکین بود مدرعه بهروز کامکاری ایله بالشکزین
دستوانه کاشانه عزورامش و جذل و عیص ترف و نطف ذات ایاسی
الذکاری ریشه کبری عضاضت و برومندی ورنک ربیع تضارت و سر
بلندی برله ازاده دهاریس کزند و کاهش اولق دعوائی رکاب السحاب
سحر خیز ایله بزم دلاویز عطر آمیز لرینه ابلاغ و اهدا و غفود الجان
ستایش و نیایشلری و شاح العه ر الحجال حسن ادا قلندی سیاقنده
عاکف پاشا

(۲) اعصار متقدمه مؤلفین و ادبایی طرفندن قوللانش

ایسه ده برچوغی ذاتاً متروک و برطاقی ده ادبیات جدیددن
مهجور اولان عربی ، فارسی ، ترکیه الفاظ و تعبیراتدر .

بونلر برنجی صنفه داخل اولانلر قدر درکسه ده ینه خالقه غریب
کورینه چکنندن ماعدا یازیلان شیلرک کهنه ادالغی استلزام
ایده چکنندن استعمال اولناملیدر .

بویولده الفاظ و تعبیرات اسکی و بعضاً یکی دیوانلرله سائر
انارادییه ده کثرتله موجوددر . بونلردن هیچ اولمزسه بش اون
قدرینک کیملر طرفندن ونه یولده قوللانش اولدیغی کوسترمک
ایچون مثالی چوغالدوبده بیهوده تکثیر سواد ایدلمکدن ایسه
اوقبلدن اولان لغت و تعبیرلردن خاطره کله ییلنلرک مجرد اوله رق
ایرادینی اولاکوردک .

اسله مک - ایلوبن - بونجلاین - طولتمق - طکلمق - قالوبدر
- هانا - بس - ایرته - چقان - قی - قو - مبادا - نه آن که
- بورسمه - اوبارمق - ایدیچک - ایتدی (سویلدی مقامنده) درر
(ادات خبر اولان - در - یرنده) نسته - کیمنسه - کرکمز -

- کیدنده - هرچند - اولیسر - وقس علیهم البواق

(۳) علوم وقنونه مخصوص اصلاحاتدر . فقط بونلر
هیچ قولالناملی دکل . سؤاستعمال ایدلاملیدر .

آثار ادبیهده اصلاحات علمیه قولالانیلور ، اگر حسن
مناسبت دوشر ویا فکری ایضاحه مدار اولهجنی اکلاشیلر
ویا خود مدلولتی دیکردها کوزل برتعییرایله کلاتمق قابل اولمزره
آتیدهکی مثالده علم حساب اصلاحاتندن اولان (فائض مرکب)
تعییری بیان اولتان شرائطه موافق وبناءعلیه مقبولدر :

مخاربه ایسه زمانمزده اولدینی کبی اسباب تخربیدن دکل استرقاق
واغتنام قاعده سنک فائده سی حربک نفوس و ثروتنجه طیبی اولان مضراتنه
جبر مافات صورتیله وبلکه فائض مرکب نسبتیله مقابله ایتدیکی ایچون
معموریت مملکتک اک بیوک وسائطندن بری ایدی .

کال

شو مثالده مندرج بعض اصلاحات علمیه دخی شریطه سنه
موافق و غرابتدن سالمدر :

ضرب نطق وطلاقت لسانی شهرتکیراولان قوال قلمنک آغزی دبی
قوریمغله (بطبع چون حرکات سپهر ناهموار) مدیحه سنه ماصدق اولان
مشرب مقوسنک (منطقه معتدله) راستیدن انحراف کلییه مائل وداثره
حمیت و (خط استوای) حقانیتدن بعد حقیقی ایله حسیض اسائنه نازل
اولدینی برقات دخی اثبات ...

عاکف پاشا

حالبوکه برعسکر ضابطنه یازلمش برمکتوبدن مستخرج

فقرات آتی‌دهه اصطلاحات عسکریه دن بعضیلری سؤ استعمال
ایدلمشدر :

تلطیف‌ناور مستدیلرینه دائر ارسال بیوریلان وفانامه بهترین علامه‌لری
رسیده‌جای احترام اولوب بوجمله سوق سپاه خاطر سازی و ترتیب مواکب
دلنوازی به همت بهیه لرندن فضای درون سینه‌دهه تحشدایدن لشکر سرور
و اتهاج سوزش حسرتک (نوبت آتشیله) بریوک شنگل اجرا و المراسله
نصف المواصله مدلولنجه خیال بمثال عالیلری پدش نظر اشتیاقده ارائه
« رسم مرو » ایله دیده حسرتکش عاجزانه می ...

عرفان پاشا

بر عسکر ضابطنه یازیله حق جوابده خلوص و محبت و آثار
توجه ابرازی مطلوب اولنجه مثلا - لطفنامه کزی الدم .
کوستردیککز آثار موالات و وفا کاریدن ممنون و منبسط اولدم
جناب حق جمله کزی و خصوصا ذات والا کزی بر خوردار
ایتسون حضرتده آسایشمز سز لرك محاربه به حاضر سلاح اولمکنزله
دائم اولور جنک اولدینی زمان دشمنک تجاوزندن مصونیت مزه قلیجکز
کافلدر، ایکی حالدهده بزی متدار ایدرسکز. بوجهته اولاد وطن
الیه دایما خلوص قلب ایله سزده عاجیدر. ذات والا کز ایسه
عسا کر پادشاهینک درایت و حمیتله کسب امتیاز ایش ضابطانندن
سکز آرده بوقدر حقوق و محبتده وار. ارتق کوکم ذات
عالیکزه نصل متوجه اولمق لازم کله چکنی تصور بیوره بیلیرسکز -
کبی حقیقت یوللری وار ایکن بوکا التفات ایتیوبده لطافتسز
وا کثریا مناسبتمز استعارات متعاقبه ایله املاء سطور ایتک طرز
قدما پسندانه سی اختیار اولنجه بر آدم شعر و انشاده نه درجه

ماہر اولسہ آثار قلمیہ سنی - سوزش حسرتہ (نوبت آتشی) -
شخص خیالی یہ « رسم کجید » اجرا ایتدیرمک کبی غریبہ لردن
بری بولندرمق ممکن اولہ مز .

(۴) عثمانیجہ دہ ہنوز مقابللری بولنہ مدینی ایچون شمدیکی
حالہ لسانمژک مفرد اتندن معدود اولان تیاترو کبی غزتہ کبی
تلغراف کبی پوستہ کبی واپور کبی سوزلر بالضرورہ مستثنا اولمق
اوزرہ علی العموم اجنبی لغت لریدر .

بولردن ماعدا کلامدہ غرابی استلزام ایدن ایکی شی دہا
وارد رکہ برنجیسی لغات مرکبہ نک شکل و وضعیتلرینی تبدیل
ایتمکدر . (قوس قزح) دیہ جک یردہ (قزح قوسی) (نوروز)
دیہ جک یردہ (روزنو) (تخت روان) دیہ جک یردہ (روان تخت)
دیمک کبی .

بوحال اصطلاحات علومک بعضیلرنده ایسہ غرابت اندر
غرابت اولور . (مراعات نظیر) یرینہ (نظیرہ مراعات) ویاخود
(نظیر مراعاتی) و (عدد صحیح) یرینہ (صحیح عدد) (حروف
علت) یرینہ (علت حروفی) (لفیف مقرون) یرینہ (مقرون لفیف)
دیمک کبی .

مثال :

صیغہز دہان دلبرہ حرف صحیح وعد
کویا وصال طایب مقرون لفیف آرار

عرفان پاشا

ایکنجیسی اسامی واصطلاحات مرکبه نك تركه دن عربی
 وفارسیه وبونلردن تركه یه حرفیاً ترجمه سنه قالمق سمدركه
 بو حرکت اغرب الغرائب صایغه سزادر. (یوزباشی - سرصد)
 (بال یمز - عسل نیمخورد) (زیتون برونی - انف الزیتون)
 (شبه جزیره - اطه بکیزی) کبی . غلط مشهور اولان « رسم
 کچید » ك یوقاریده کی بر مثالده کچدیکی کبی « رسم مرور » ایله
 ترجمه سی دخی دیگرلردن کری قالیر شی دکلدر .

— بر استطراد —

قدمای ادبامز صنایع بدیعه نك خصوصیه الفاظه عائد
 جهتلرنده التزام افراط ایله برابر لغات و تعیرات غریبه استعمالی
 بر فضیلت عدایدر لر و بو وجهله یازدقلری شیلرك مطالعه سی یه
 کندیلرینه یعنی خواصه منحصر بولنورمش . خواص ایسه
 بر برینك یازدیغی شیلرك تکلفات لفظیه دن عبارت اولان تزینات
 سوریه سندن استفاده خصوصنجه مستغنی بولنه جغدن مصنفات
 ادبیه لری خلقه جداً فائده بخش اولق مزینتدن بالطبع عاری
 اوله رق خدمتلیری یالکز کتبخانه تزینندن عبارت اولورمش .
 شمدی ایسه او یوله بیکلرجه کتابلر مظهر رغبت ناث اوله مدقلری
 ایچون کتبخانه لرده متواری حجره اختفا اولمقدن قورتیله میور

وحیفاً کہ برچوقلری دخی برطرفدن کندی کندینه چوریوب
کیدییور!

اسلافک زمانلرنجه، برمنشی مثلاً بر آدمک مهارت لسانیه سندن
بحث ایتک ایستدیکی حالده هیچ اولمزسه - اشهب سوار مضمار بلاغت
ونکته پروری ویکه تاز میدان فصاحت و سخنوری - قهرمان
عرصه جریزه و طلاق و رسم داستان بحث و مناظره - یوللو
ترکیلر یامدقجه ولو ذاتاً نه درجه مهارت پروران شعر و انشادن
اولورسه اولسون سویلدیکی، یازدیفی شیلری کیمسه یه بکندیره -
بیامک شویله طورسون حتی نشرینه بیله جسارت ایده مدیکندن
هپسیده خواه ناخواه معلوم اولان وادی یه کیدر لر مش که بوندن
طولانی بر درجه یه قدر معذور طو تلری ایجاب ایدر. یوقسه انلر
کبی نظمده، نقطه سز حر و فله دیوانلر ترتیب ایتک - هر مصرعی
عند الحساب طوغریدن طوغری یه و بونلرک احاد و عشرات
ومائی بشقه بشقه حساب اولنسه انلر دخی ایریجه برر تاریخ
چیقجه جق یولده قصیده لر سویلک. نژده ایسه هر سطرینک ایلاک
وصوک کله لری صره سیله یازلسه انلردن ده دیگر رساله لر پیدا
اوله جق صورتده کتابلر تألیف ایتک - الفاظ و عباراتنک ظواهر
معانی بروقعیه دلالتده نه قدر مکمل ایسه رموز و تلیحاتنک
لدنیات احواله اشارتی دخی اودرجه مطابق کوریه جک طرزده
تألیفاتنه موفق اولمق قیلندن خرد فرسا بر طاقم خوارق معرفت
وجوده کتیر مکه صالح ذکا ودها اصحابی عادتدن زیاده حقیقت

وطبیعتہ اتباع ایتسہ یدیلر شہہ یوق کہ شمدیکی طرزده دخی مهره
ارباب ادبی اعجاز فقط خلقی تمامیلہ مستقید ایلہ جک بدایع
عرفان بر اقریر لرایدی . او حالده هم لسانمز حائر اولدیغمز موقعه
لایق بر حالده بولمور ، همده خالقک بر جوق زمان اولدنبری
افکاری تربیه ایدلمش اولوردی !

بوتجر به زدن ، بو حقایقک ظهورندن صکره ادبیاتده حالا
طرز قدیمه طرفدارق ایدنلرک و یازدقلری شیلرده او یوله کیدنلرک
رأی وفکری ایسه اصرار و عناددن بشقه بر شئه محمول اوله مز .
بعض افکاره کوره ادبیات جدیدی مروج اولان ارباب
قلمک بو حرکتلری « المرء عدولما جهل » قاعده سنجه طرز عتیق
ادبی بیلمدکلرندن و او یولده شیلرله یازد بیلہ جک بضاعه دن محروم
اولدقلرندن طولانی ایتمش . طرز جدید ادب دیدیکمز یولک اوله
النه هر قلمه آلان ایچون سلمه السلام کیدیلویره جک و کیداسه دخی
موفقیته تأمین ایدیلہ جک قدر قولانی برشی اولوب اولمدیغی بحثی
بر طرفه براقه . مشاهیر ادبای متأخره مزدن طرز عتیق بیلمیان و او
یولده بر اثر وجوده کتیر مکہ بضاعه لری کافی اولمیان عاکف
ورشید پاشالر دکسه شنابی اقتدیلر ضیا پاشالر کمال بکار هیچ
اوله مز ؟ عاکف پاشانک طرز عتیقه بر جوق آثار و اشعار
وشمدیکی طرزده مقارب (تبصره) سی اولدیغی ورشید پاشانک :

خسته ناطقه به روح فزادر خامه

ذات عیسی کی اعجاز نمادر خامه

مطالعیه پاشالایان غزل مشهوری کی اثر لری و شمدیکی یولده بر جوق

محررات سیاسیه سی بولندیچی کبی شناسینک (ترسانه امینی زیور
افندی یه یازدینی بر مکتوبی کبی) طرز عتیق ده بعض ائاری، یکی یولده
ایسه « تصویر افکار » ی و بعض اشعاری ، ضیا پاشنک کذلک
اسکی یکی یولده بر چوق اشعاری و ائاری، کمال بکه کنبه انک ده
سکی اسلوب ده « بارقه ظفر » ی، یکی یولده ایسه بونجه اثری
اولدینی معلومدر . عجبا بو ذاتلرک اسکی یولده یازدقنلری شلر
صنایع لفظیه جه اونوع ائار سلفک هانکیسندن اشاعی قالیر؛ حالوکه
بونلر منسوب شوایکی یولده اثرلرک معاینه و موازنه سنده یکیلرینک
اسکیلرینه از هر جهت رجحاتی تسلیم ایتیه جک بر طبع سلیم بولنه
بیلیرمی؟. الحاصل طرز عتیق طرفدارلرینک طرز جدید مروجلری
حقیقه کی فکرلری طوغری دکادر . (انتهی)

الفاظ غریبه استعمالی - یازیلان شیلردن مقصود اصلی
اولان فائده و حسن تأثیر جهتلرینک انتفاسنه سبب اولدیغیچون -
بغایت اجتناب اوله جق شیدر . اثرلرنده، وحشی اغتر، ناشیده
تعبیرلر استعمالی اعتیاددن اربابنک تصور ایده بیله جکی بر فائده
وار ایسه اوده بعض ظاهر پرستلرک «شودات چوق لغت بیامور
پک فصل اولمیدر ! » یولنده کی تحسین خوانی عامیانه رینه
مظهریتدن عبارتدر . بوایه معنی پروران و حقایق جویان
ادبا نزدنده هوس اولنه جق برشان و مفخرت دکادر .

واقعا انسانده بیایدیکی شیئی عالمه عرض ایله اظهار فضیله
میل و طبعی درکاردر . بناء علیه هر صاحب قلم ائار ادبای سالفه ده
بالتصادف و یا خود لغت کتابلرینی بالتتبع بلله دیکی لغات غریبه یی

محلی کلمه صرف ایتک ایستر . انجق یوقاریدبری بیان اولنان
احواله نظر آ اصل معرفت او اغتری قوالا تمقده دکل ، بلکه او خواش
طبیعی به مقاومتله ، استعمال ایتکده در . مع مافیه مادامکه انسانک
بعض تمایلاتنه - حتی هوسات طفلانه قیلندن معاسز و صرف
یهوده شیلر اولدیغنی بیلدیکی حالده بیه - بعضاً مغلوبیتدن
کندیغنی اله مامسی مقتضای طبیعتدر ، مادامکه قاموس و برهان
وامثالی شیلر عثمانلی اغنی نامیله میدانده در ، مادامکه اسانمزک مفرداتی
معین و محدود اولمیه رق خصوصیه لغات مستعمله و مترادفدن
برطاقی ترک و الغایه شایان اولدیغنی کبی عربی و فارسیدن برچوق
اغترک دخی یکیدن استعاره ایدلمسه احتیاج مسلمدر ، مادامکه
ادبانک معاجه اولان اجتهادلری الفاظه دخی شاملدر ، و بوجهته
مادامکه هر صاحب قلم بر معنایه مطابقت و بر فکره وضوح دلالتنه
قائل اولدیغنی بر اغنی ولونه قدر غیر مأنوس اولورسه اولسون - عاصم
افندیدن بالاستفتا - قوالا تمقده سربستدر ، آثار ادبیه مزده جابجا
الفاظ وحشیه و غیر مأنوسیه تصادف اولنماق قابل اوله مز .
و بناءً علیه ینه برطاقم ارباب قلم و اصحاب مطالعه آرد صرد قاموس
و برهان دریالرنده کرداب حیرته دوشمکدن قور تیله مز !!!

— تتابع اضافات —

(۱) تتابع اضافات ترکیبده ایکیدن زیاده مضاف الیهک

متوالیاً برادیدر (•) . (انسانك تلوناتك خطرلرینك اك بیوكنه
اوغرایان ینه کندیسیدر) کجی .
مثال :

انك باشینك شعریك وقرت وكرتن بیان ایلمكدر
مفتاح البلاغه

تعریفمزدن کلاشیلان ترکجه ده تتابع اضافاتك ایکی درجه سی
مجاز اولمقدردر . اوت ، لکن بوجواز دخی مضاف الیهلرک حرکاتی خفیف
و عددده جاسی قلیل اولمقله مشروطدر . (بوایشك منشأتك تحقیقی
لازمدر) کجی . بویله اولمزه افاده سمعه ناخوش کلمه مقرر در . نته کیم
برنجی مثالده مضاف الیهلردن اوچنجیسی برطرف ایدیله رک اضافت
ایکی درجه یه تنزیل ایدلمکله دخی سوزك ثقیل کی زائل اولمیور . سببی
ایسه بیان اولمان شرطك فقدانیدر .
تصیق :

انسان تلوناتك خطرلرینك اك بیوكنه ینه کندیسی اوغرایان
ثقیل

ویا خود :

انسانك تلوناتك خطرلرینك اك ...
کذا

بردرجه شریطه سنه توفیق :

(*) غریبدرکه لسان عثمانیك قواعد و ضوابط فصاحتیه دائرشمه یه قدر
یازیلان شیلرک بعضیسی یالکر اضافات ترکیه دن و بعضیسی دخی یالکر اضافات
فارسیه دن بحث ایدرک ایکیسنی ردن نظر دفته الان بولنما مشدر ؟

انسانك امللرئك اك بيوك ...

اهون

تماماً توفيقى :

كشئك امللرئك اك بيوك ...

معتدل

ترجیہ دہ تتابع اضافات حقندہ کی تعریفک بعض کلمات و عبارات
ایہ فاصلہ دار اولان مضاف الیہلرہ، شمولی اولما مق لازم کلیر سہ دہ بو
قییلدن اولان مضاف الیہلر دخی، بربرینہ یقین اولور و خصوصیلہ
مقداری اوچی تجاوز ایدرسہ، افادہ یی کرکی کبی چیر کینلشدیرہ
جکندن آندندہ توقی ایتک اقتضا ایدر .

(مکتب ملکئہ نك) اوچنجی و دردنجی (صنفلرئك) بوسنہ اجراسی

مقرر اولان (امتجانلرئك) باصدیریلہ جق (جدوللرئك)
کبی

(۲) تتابع اضافات، فارسی قاعدہ سنجہ یاپیلانلر دہ ایسہ، نثر دہ

کذلک ایکی و نظم دہ اوچ درجہ یی تجاوز ایتکله اولور .

بونلر دہ تتابع ایدن کلهلر مطلق مضاف الیہ اولمق لازم کلز .

بعضاً صفت دخی اولہ بیلیر .

نثره مثال :

برائت هبوط ووبال و تتابع اضافات شمس امال ایله ...

عرفان پاشا

نظمه مثال :

خار دیوار ریاض ملک وملت حفظ چون

توک تیغ آبدار حاکم خونریز اولور

فضولی

قدمای ادبائك فصاحت اسلوبی اخلاص ایدن احوال ایچنده
 الك چوق مبالا تسزاق کوستردکاری شی تتابع اضافات ماده سیدر.
 بعضاً درده بشه ده قناعت ایتمه رك آلتی به قدر چیقار مشلدر.
 مثال :

تکیه عایشان که رسم مصنوع و طرح مطبوعی شکست آوراندازه
 آسمان پیمای افکار دور بین مهتدسان روز کاردر ،
 نابی — تحفة الحرمین

فضولیده، ویسیده، ترکسیده و سائر مشاهیر ده بمثالك برچوق
 امثالی کوردکجه : (سبحان الله ؟ منع تتابع اضافات ماده سی کی
 فصاحت عربیه نك، فصاحت عثمانیه ده دخی تطبیق واجراسی الك
 زیاده قابل و مقتضی کورینان ، برقاعده مهمه سی - بویه شیلرده
 بزدن دها چوق متعصب اولملری لازم کلان - قدماصل اولمشده
 ترجه ده هیچده مرغی طوتمق ایسته مامش !!) دیمکدن انسان کنندی
 اله میور. برکت ویرسون که بوقدر تتابع اضافاته اوزان شعریه من
 مساعد اولدیغندن آثار منظومه لرنده درندن زیاده سنه تصادف
 اولنمز . حتی بودرت درجه سی بیله نادر بولنور .

قدمایی آثار منشوره لرنده بو حاله سوق ایدن شی قافیه پردازاق
 کی، ترصیع کی عجم مقلد لکی اولدیغنده شبهه یوقدر. یوقاریده
 بریده بیان ایتدیکنز کی نثرده قافیه پردازلغک هیچ لزومی
 اولدیغندن اضافات فارسیه ده حد معروفي تجاوز ایتمک مجبور اولمیز.
 نظمه کلنجه بونده تتابع اضافاتی اوچدرجه یه قدر قوللانه بیلیسه کده
 مصارع و ابیات ایچنده جابجا ترجه ادوات و کلماتک بولنسنه دقت

ایتملی یز . تا که سویلنان سوزلرک ترکچه لکی ضایع اولسون .
 نابی مرحوم ایسه بوشریطیه رعایت ایتدیکه چون اکثر
 منظوماتی فارسی ادا القدن قورتیله مامش و حتی اشاعیده برپارچه سنی
 نقل ایده جکمز «خیرآباد» ندن طولانی شیخ غالب مرحومک :

منظومه فارسی وش ابیات

باخمه تتابع اضافات

ترکی سوز اینجده عین ثقلت

آز اولسه اگر دکلدی مانع

دیردک اکا بلکه ده صنایع

یوننده کی تعریضنه استحقاق کوسترمشدر . حالبوکه تتابع
 اضافات ، لسانمیزک شیودسی اقتضاسنجه ، شعردن زیاده نژده
 یاقشمدیغندن شیخک :

انشایه ویرر اگرچه صورت

سوزینی قبول ایده میز خیر آباددن بش اون بیت :

— خطاب عقل —

رخساره طراز شاهدراز

کلیکونه فروز روی اعجاز

مشاطه چهره مقالات

وسمیه کش ابروان بیات

عنبر نه بجر معانی

آفتزن عودنکته دانی

خیاط لباده دوز حکمت

نساح خطابی طبیعت

دوشیزه فروش عالم غیب
 مثقب زن لؤلؤ یم غیب
 تنها روتنکراه معنی
 صیاد شکارگاه معنی
 شانه زن چین زلف ابکار
 مشاطه نوعروس اشعار
 نظام نکات ناشنیده
 رسام عبارت ندیده
 کوبنده معنی نکفته
 بخشنده لؤلؤ نسفته
 نقاب زمین نا کشاده
 نثار لائل کس نداده

ایشته بوا بیاتک، ایچنده ترکیه برکله بیله اولدیغندن، فارسی
 اولدیغنی بلکه بر عجم شاعری دفعهٔ اکلا رسده ترکیه اولدیغنه
 حکم ایتمکده بر عثمانلی شاعری زحمت چکمک لازم کلیر .

--- کثرت تکرار ---

کثرت تکرار بر لفظک بر عبارده ویا بر فقرده مسامحه وعدم
 دقت اثری اوله رق دفعاتله تکرار اولنمیسدر .

مثال :

حسن ! تعبیر ویرر معنی به حسن ! دیگر
 شوکت حسنه ! چوق امدادی اولور اسلوبک
 نابی

استزاده شدت وتأثیر ایچونسه برکله اقتضاسنه کوره درت بش

دفعه و بلکه دهها زیاده تکرار اوانه بیلیر. بوکا تکریر دینلور که مغل
فضاحت اولمق شوویه طورسون بالعکس ترینات اسلوبدن
معدوددر. یری کلدیکی زمان بوندن بالخاصه بحث ایدیه جکمزدن
شمیدیک بوایکی مثال ایرادیه اکتفا ایدرز :

اعتماد ایتمز ایسهک اور محک تجربهیه
ایشته ! ایشته ! قلم ایشته کتب ایشته فحول
حامی آمدی

همراهم ! ایدک بویولده ای ماه
همراهنی ! ترک ایدرمی هم ماه
فضولی

بر بجز غمده اورمده بز دست و پای کیم
کشتیسی یوق ! کناره سی یوق ! ناخداسی یوق !
نابی

بو ابیاتک، تکراریدن الفاظ سایه سنده، معنأ نه درجه شدت
و حتی لفظاً دخی نه مرتبه زینتلی بولندیغی قابل انکار دکلدرد.

— تنافر —

تنافر کلمهده ویا کلامده — سویلندیکی زمان — لسانه آز
چوق عبرت و یرن برکیفیتدر که بوندن سمع و طبیعت دخی
تنفر ایدر .

(۱) کلمهده تنافر حروف مرکبه سنک صدالری امتزاج
ایده مامسندن حاصل اولور. (استعدادات — تخنج — خشخاش —
سلاستسزلک) کلمه لرنده اولدیغی کی .

(۲) کلامده ایسه سسلری بربریه چارپشه جق قدر
متباین ویاخود بربرندن فرق اولنه میه جق صورتده متقارب اولان
کلماتک بر جمله ایچنده یان یانه ویاخود بربرینه پک یقین تصادف
ایتمسندن نشأت ایدر .

بو یولده کله لر ایسه حد ذاتنده اکثریا تنافردن بریدر لر .
بر ایکی امثال :

جولر کی (سرشکم آفارکن شرل شرل)
اول خواب تازده (او یورمش میشل میشل)
پرتو

(کورم نم هسدم هم محرم غم خاطره درهم)
اوتورمش اکلنیردم بویه برموخش قیافتله
حامی

پرکولق اتمه ناله وزارک کس ایسته من
ای عندلیب اوکل (او یومش من سس ایسته من)
وله

بر نظرله تاب مهر رویکه ای لاله خد
پرکسک چشمنده الان (بلیدر دردرد)
علی رضا پاشا

بوابیات ایچنده معترضه داخلنه النان سوزلری لسانک
بعض مرتبه کوچلکله سویله نیله جکی منکر دکدر . ایشه
بوندن طولانی بیتلر متنافر وفصاحه غیر مقبول صاییلر .
هله بیت آتینک مصراع ثانیسی متنافر اثار ادبیه ایچنده نظیرینه
نادر تصادف اولان سوزلرندر ،

ایتمز عشاقه نظر یولنه قربان اولسه
(دونسه بسملکجه کردرکی بیک قان اولسه)

۲۷
از

پرتو

چلی زاده عاصم افندی مرحومك :

بوشب قرخندهده ماهیه دن شهزادهده
سیر ایدنلر رسم تیغ ذوالفقار حیدری
دیدیلر محی دولت صدر آصف منقیب
ایلدی آویزه چرخه تیغ نصرت جوهری

قطعه غراسی یالکز مصراع اولنده (ده-ده-دن-دهده)
الفاظنك تعاقیله حاصل اون تنافر دن طولانی فصاحه نقیصه
دار قالمقدن خالی دكلدر .

سوزده تنافر اودرجه یه قدر ممکندر که مکرر سویلنه چك اولورسه
انسانك دیلی طولاشماق ناقابلدر . « قرق کوپ قرقیده قولی قیرق
کوپ » یا کلتاجی کبی . فقط بو مرتبه چاپراشیق
لقر دیلر هر بر طبیعت کوره متنافر و منفور اولمق لازم کله جکندن
یالکز ادبیاتده دکل هیچ بریده طبیعی اوله رق ایراد اولنه مز .
مکرر که صورت مخصوصهده ابرانوب بولنش اولسون ؟

بعض سوزلرده وارددر که سویلنکده هیچ بر کوچك حس
اولنمز . مع مافیه بونلر سمع و طبیعت ملایم کلدیکندن ینه متنافر
صاییلر . بو حالده بر کله ویا کلامده تنافرك وجوبینی بزه اك
صادقانه خبر ویرن شی ذوق وجدانیدر . بونکله برابر قولالانیله جق
کلماتك (ع) کی مخارجی آشکار اولمیان حروف ایله حروف
حرکه دن ویا خود بر برینك عینی حرفلردن مرکب اولماسنه

(که جوع - شعب یای - هفوه کبی) و تألیف کلامده ایسه ، ایراد اولنه جق برکله نك اخر حرفی آنی تعقیب ایدن کبه نك اول حرفیله متحد و یا صدا جه متقارب بولنماسنه (که شاه هند - شخص صالح - نان ناپخته - طرز ظریف کبی) و (سین) و (شین) حرف لرینی شامل کله لرك یان یانه تصادف ایتماسنه (که شه سروش سپه کبی) دقت اولنلق متنافر سوز یازمقدن مهما امکان توقیه مدار اوله بیلیر .

بر سوزك تنافردن براتی آهنگ سلاسته موافقتی تأمین ایده مز . اهنك سلاست ، که اسالیب بیانك موسیقیسیدر دیه تعریف اولنه بیلیر ، محنده بیان اولنه جنی وجهله بشقه برطاقم شرائطه تابعدر . واقعا آهنگ سلاسته موافق اولان برکلام البته تنافردن بریدر . فقط تنافردن آزاده برسوز مطلقا آهنگ سلاسته موافق اولمق اقتضا ایتمز . انك ایچون بوایکی شی اره سنده عموم و خصوص واردر .

- شیوهیه مغایرت -

شیوهیه مغایرت دیدیکمز شی کلامی بین الناس ویا هیچ اولمزسه بین الادبا جاری و مانوس اولیان برطرز غریبده تألیف ایتمکدن ترتب آیدر . (درسمه چالیشیرم اوزمانکه مکتبده بولنورسه) و یا خود (درسمه چالشه مدیغمدن ایچون بوکون صنفده بولنمغه

جسارتم اولدی نصل که کچنده سزده واقع اولمش ایسه) کبی .
 شو طرز افاده لرك ايکيسنکده بزم لسانه کوره بیانجیانی
 انکار ایده میز . ایشته بویولده وضع واداسی فصاحت
 لسان عثمانی نظرنده غریب واجبی کورینه جک تراکیب وافادات
 شیویه مغایر عد اولتور .

حال بوکه (شیویه مغایرت) یوقاریکی مثالدرده اولدینی کبی
 جمله لرك بلا موجب زیر وزبر اولنسیله برابر حسن صورتله ربط
 وتوفیق دخی ایدیه مامسندن تولد ایدن حاله یعنی کلامک سؤ
 تألیف وانشاسنه منحصر اولمیوب برفکری ، بر مقصدی لسانمزجه
 ذاتاً مهجور اولان تعبیرات ایله ادا ایتک و برده (ایتک ، قیلمق
 اولق) کبی مصادر ترکیه ویا مشتقاقی لاحق اوله جق کلمات
 عربیه یی حسب المقام غیر مأنوس کورینه جک صیغه لرله ایراد
 ایتکده شیوه لسانه مغایرتدن بشقه برشی عد اولنه مز .
 بونلرک برنجیسنه مثال حامینک :

(ایتسه نظیره) حامیه یاران یولنده در

وخضر اغا زاده سعیدک :

(ایدیمک موج) بوشب دلده میاه حسرت

مصراعرلنده کی « نظیره ایتک » و « موج ایتک » تعبیرات

مهجوره سیدرکه بونلرک بزجه مأنوس اولانلری (نظیره سویلک)
 و (موج اورمق) در .

(وصول بولمق) یرنده (وصول ایتک) و (حلول ایتک)

یرنده (حلول بولمق) کبی سوزلر بونوع اوله ملحق اولور .

ایکنجیسنک مثالنه کلنجه اوده (شونی ربط ایت) یرنده
(شونی مربوط ایت) و (دعوا کی اثبات ایت) مقامنده (دعوا کی
ثابت - ویا - مثبت قیل) و (حقم اظهار اولمندی) موقعنده
(حقم ظاهر - ویا - مظهر اولمندی) کبی سوزلردر .
(بونده شک یوقدر) دیه جک یرده (بونده مشکوکی یوقدر)
(و) (حقارت و غرام) مقامنده (محقریت و غرام) کبی اقر دیلرده بو
نوع ثانی یه ملحق اولور .

بونلردن بشقه مثلاً (اتحاد بادی از دیاد قوتدر ظن ایدرم)
ویا (اتحاد قوتک آرتمس نه سبب اولور صانیرم) دیه جک یرده
«ظن ایدرسه اتحاد قوت یاپار» دیمک یوانسده کی افاده لر
وهله (علاج یمک ویا ایچمک) یرنده (علاج المق) و (دکزه
ویا حمامه کیرمک) یرنده (دکزه ویا حمام المق) کبی اعجوبه لر هیچ
بر وقته بزم لسانک شیوه سنه و عثمانلی اداسنک ذوق سلیمنه او یار
شیلردن اولمیدیغیچون - بروقتدنیری یا لکز شفا هیاتده دکل تحریر یاتده
دخی مع التأسف ایشیدیلوب کورلمکده اولان - بومقوله
مناسبتسز الکله امتالدن مجانبت ایتمکزی حسب الوظیفه اخطار
ایدرم .

شوراسیده خاطر نشانکز اولمیدر که: شیوه یه مغایر سوزلری
اساساً رد ایدیشمز قاعده یه ویا اغته اویمدیغندن طولای دکل اهل
لسانک ویا جمهور ادبانک ادای کلامده کی طور مألوف میلیرنه
منافتندن طولایدر بو منافتیده بزه سمع و طبیعت خبر ویرر .
یوقسه شیوه یه مغایر سوزلر بولنه بیلیر که قاعده وَاغَة نَحْطَه ورد

ایتمک قابل اوله مر . براجنینک اشعارندن اولان ابیات اتیه بو
فکرمنی تأیید وایضاح ایده جکی ایچون نقل اولندی :

ای وفا بدن سکا حیف جفا سندن بکا
ای صفای دل سنکدر ای نیم قربان سکا
عاشقک خاک کلمستانک اوپرای رحم اکا
دلبرمسک بن یوزک دلدادۀ دیوانه سی

§

کندم سکا حکایت عشق سوز ایده مم
وار قدرتک رسالت سوزانی ارقو

§

اولسونمی مجرده کوزمه ماه آفتاب
جانانسز اولدن دله یوق الک بیوک عذاب
ورنه [*]

— املاسلزلق —

املاسلزلق تعیرندن فصحامزجه ذهنه دفعۀ وارد اوله جق
فکر بالخاصه عربی وفارسی الفاظک اشکال خطیه سننده کی
قصور وخطادن عبارت اولدینی کبی بزجه دخی مقصود
اودر .

[*] شارل ورنه برفرانسز شاعریدرکه اون بریاشنده ایکن فارسی
وترکجه تحصیلنه هوس ایدرک کندی قوانجه برایی سننده اله کتیردکدن
سکره بولسانلرده برچوق شعرلر دخی سولیشدر. ورنه ک اون الی
یاشنه قدر فرانسزجه ، ایتالیانجه ، فارسی وترکجه اولق اوزره درت
لسانده یازدینی اشعارایله سائراثار ادبییه سی ۱۸۶۰ده یارسده طبع اولمشدر.
اشعار ترکیه سی ایچنده فکرأ کرچکدن کوزل لفظاً اولدجه ضررسز
پارچه لرده واردر .

ترجہ کلمات صحت و اطراء املا سندہ کی اہمیت ایسہ شمیدیک
ایکسجی درجہ دہ بولور . فی الحقیقہ (خطاء) کثہ عربیہ سنی
(حاء مہملہ) ایہ یازمہ یی اعتیاد ایدنلرک شو بر نقطہ یہ منحصر
بولنان خطاسنی قولایقلہ عفو ایتزلر .

حالبوکہ « یوخسہ » یی و « اخشام » می بو قدیم املا لر ایہ
تحریر ایدنلر بعضا دوچار مواخذہ بیلہ اولورلر !

{ ت - ط } و { ث - س - ص } و { ح - خ - ه }

{ د - ض } و { د - ز - ظ } و { ظ - ض } و { ع - ی }

حرفلرینی عثمانلیر تلفظده همان عموماً تفریق ایتدکرندن بعض
حروفی صدا جہ مثلاً (ثا) و (سین) حرفلریلہ التباس ایدن کلمات
عربیہ نک دفعہ طوغریبجہ یازلمسندہ کی مشکلاتہ غلبہ لغتجہ
ملکہ تحصیلہ توقف ایدر .

بو ملکہ نک حصوانہ قدر املا جہ خطا دن توفی ایچون
دقت اولنہ جق شی سماعاً بللہ نیلان و یاخود صورت ترکی
خاطر دن چیقان کلماتک اصل و حقیقی ا کلا شلمد جہ و یانسیان دن
طولای حاصل اولان شہہ ازالہ ایدلمد جہ یازمغہ جسارت
ایتمامکدر .

(دروکر) کی طوغریبی یازلدینی حالہ بیانہ میہ جک
وییلنسده خلقہ غریب کورینہ جک قدر دکل ، فقط تلفظ جہ
جزئی تغیراتہ اوغرایان عربی و فارسی لغتلرک دخی - ولوصرف

ترجیه صایله جق قدر زبانزد عوام اولسون - املاء صحیحنه
اعتبار اولنمق لازمدر ظن ایدرم .

(جیب - کهربا - پرکار - جانور - مثل - علام الساء) و امثالی
لقتلر کبی که عامه تحریف ایله (جب - کھلی یار - پرکل - جاناوار
- مصال - الکم صاعما) تلفظ ایدرلر .

- مطابقت الفاظ -

مطابقت الفاظ افکار و مقاصدی کندیلرینه اک موافق
کلمات و تعبیرات ایله بیان ایتکدر .

هر بر فکری ا کلاتمق ایچون متعدد الفاظ و تعبیرات
بولنورسه ده بونلرک ایچنده اوفکری تمامیه احاطه ایله جک
یالکیز بردانه سیدرکه اوده هر وقت تخطر اوانه من (*)

مثلا « کنجینه لطائف » ده شویله بر فقره یازلمش :

عشاق عربدن برینک زهره نامنده بر محبوبه سی وارمش . برکون
کندیسنه « سکا - زهره بی غائب ایتک شرطیله سنی مملکته امیر یاپه جغز
راضی اولورمیسک ؟ دیسه لر نه یاپارسک ؟ » دیه صورمشلر . عرب
راضی اولم . چونکه راضی اوله جق اولسه م زهره بی غائب ایده جکم
کی . نم یوزمدن امور اداره مختل اوله جفتدن اک صکره امارتدنده محروم
قالیم « دیمش .

ایشته بوفقرده ده « عشاق عرب » تعبیریله « زهره بی غائب ایتک

[*] صحیفه ۱۰۶ و ۱۰۷ ده کی مثاللرده مراجعت اولنسون .

شرطی، عبارتہ سندہ کی «غائب ایتمک» سوزینک معاً ہیچ مناسبت،
 ہیچ باقشق اولدیغنی سزده وهله حس و تصدیق ایدرسکزظن
 ایدرم. بوایکی تعبیردن اولکنک فسالنی عدم دقتدن مرتب
 بریا کاشلغه راجع اوله رق موضوع بخمز اولان مطابقتسزلکه
 عائد اولان تعبیر ایکنجیسی ایسه ده فرقاری بیلنمک ایچون
 ایکسینی ده تشریح ایده لم:

(۱) «عشاق عرب» تعبیرنده فی الحقیقه یا کاش کورینور.
 چونکه: عربده ایشی کوچی دائماً عاشقلق ایتمکن عبارت بر
 صنف خلقلق وجودی ایشیدلماش اولدینی کبی خسته لق قیلندن
 بر کیفیت رضیه اولان عاشقلق مثلاً بهادرلک، شاعرلک، فلان
 کبی اربابیچون صفات ثابته متمایزه دن داییلماش وصایله مزکه
 (بهادران عرب - شعرای عرب) دینلدیکی مثللو (عشاق عرب)
 دخی دینیله بیلسون! دیمک که بوتعبیر استعمالی ذابجاژ اولیان
 شیلردندر.

(۲) «زهره نی غائب ایتمک شرطیله» عبارتہ سندہ کی «غائب
 ایتمک» تعبیری ایسه فکر و مقصده کوره مطابقتسزدر چونکه:
 برشیی غائب ایتمک ایسته میه رک ویلیمیه رک واقع اولاجق شیلردندر.
 حال بوکه فقرده - عاشقلق محبوبه سنی، نائل امارت اولق
 منفعتیه مقابل، فدا ایدوب ایده میه جکی - سوریلورکه: اکر (فدا
 ایدرم) دیرسه او حالده محبوبه سنی غائب ایتمش دکل اختیاریله
 ترک ایتمش اولور.

شومطالعاته کور فقره ده : « عشاق عربدن برینک زهره نامنده بر محبوبه سی وارمش » یرینه (و قتیله بر عربک زهره نامنده ...) دیمک و « زهره یی غائب ایتک شرطیله ... » یرینه دخی (زهره یی ترک وفدا ایتک شرطیله ...) دیمک مقتضای حاله موافق و مناسب اولوردی .

مطابقستزلک ایچون ایکی درجه تعیین اولنه بیلیر که درجه اولیسی فکر و مقصدی ایهام ایدر . مرتبه ثانیه سی ایسه بتون بتون ا کلاشلمز حالده بولندیرر .

الفاظده کی مطابقستزلکی قائل و محرری بعضاً سامعین وقارئیندن ده ا اول حس ایدر . حس ایتدکدن ره اعاده و تصحیح ایتیه رک حالیه ترک ایتکه اکثریا مسامحه و قیدسزلق سبب اولور . قولالانیلان سوزلری فکر و مقصده مطابق دوشور مکده کی رسوخ و ملکه کلماتک صور اشتقاقیه سی ، معنای لغوی و اصطلاحیلری و الفاظ مترادفه ارسنده کی فرقلر بیلنمکه حاصل اولور . زیرا برطاقم اغتلا واردر که برمعنایه دلانده مشترک کورینور لرسده اده لرنده فکر آ بیوجک فرقلر موجود اولدیغی عندالتدقیق ا کلاشیلر .

— مشکل پسندلاک —

فصاحت اسلوب حقنده کی رعایتی اقتضا ایدن شیلر صر سیله بیان اولندی . شمدی بونلره ذیل اوله رق مشکل پسندلاک دائر ده بعض شیلر سونلک اقتضا ایدیور .

قوانین اسلوبدن برنجیسی فصاحت اولدیغی و بونک
شرائط مهمه سندن باشلیجه سی دخی قواعد لسانه رعایتدن عبارت
بولندیغی مسلمدر . فقط بو خصوصده کی دقت و اعتنا درجه
افراطه یعنی تعصب مرتبه سنه واردیر یلیرسه اک بیوک نقیصه لردن
معدود اولور که ایشته مشکل پسندلک دیدیکمز بودر .

مع مافیه مشکل پسندلک فصاحتده منحصر دکلدیر . تعبیر دیگر
عمومی ایله هر نه سویلیر و یازیلیرسه منطقه و علی الاطلاق قواعد
فنونیه تطبیقه پیاالشمقندن عبارت اولان مشکل پسندلک فصاحت
اداتک ، بلاغت مؤداتک دشمن خفیسیدر : افاده بی رکاکته
دوشورمکه ، معنائک لطافتی قاجیرمغه ، سوزدن مطلوب شدت
و تأثیرک انتقاسنه باعث مستقل اولور .

فی الحقیقه مشاهیر ادبامزک صحایف آثارینه مشکل پسندانه
عطف نظر ایدنلر بعض قصورلره ، قاعده سزلکله تصادف
ایده ییلیرلر . فقط او قصورلرک ، اوقاعده سزلکله اکثریسی
اویله برز لطافته ، اویله برر فائده به بدلدرکه ذوق آشنای
ادب اولانلرجه قصور نامیله یاد اولنمغه بیله قبیله مز .
بوکا دلیل ایسه از جمله پرتو پاشا مرحومک « طفل نائم »
اسمنده کی اثرندن :

انهار رشاشه ریز نغمه
اصوات طربفزای تی
ابجارکه موجخیز نغمه
هر جنبشی برادای تی

صالمش پدری اوملکه اجلال
همشیره سی هم نشین اقبال
قوشلر کبی مادری آچار بال
هر ریشه ویرر صدای تی

قطعه لطیفه سیدر .

واقعا ممکنه میدرکه بر مشکل پسند ادب (تی) کله ترکیه سنی
عربی و فارسی کلماته بر قاعده فارسیه اضافه استعماله جسارت
ایتسون ؟ حال بوکه لایق میدرکه بر ذوق آشنای ادب بو مقوله
بدایع طبیعتی بویه قصور لری ایچون مؤاخذه قالدشسون ؟
برده «امیرنوروز» ترجمه حالنده چنکیزک قانوننامه مظالمند
مندرج احکامدن بحث ایدن شو فقره یه باقم :

مثلا صویه تبول ایدنلر اعدای و تکلیف تسلی قبول ایتمیان بر شهر
خلقنک قتل عامی کبی الک وحشی سباعک بیه خاطرندن کچمه جک نیجه
احکام ظالمانه بی جامعدر ...

شمدی بوفقره یه نظر ایدن بر مشکل پسند «عجایب !
سباعک ده خاطری اولور می ایش ؟» دیه اعتراض ایده بیلیر .
اوت ! واقعا سباعک خاطری اولمز، لکن بویه افاده لر ایچنده
بویه شیلر یاقیشور . بوراده ایسه یالکز یاقیشور دیمک ده کفایت
ایتمز : افاده نک مطلوب اولان شدتی واوشدتن منتظر اولان
تأیقاتی ذاتاً اوسوز تأمین ایدیور ،

ینه کال بک افدینک «وطن یاخود سلسره» اویوننده
رستم بکه سویلتدیکی :

بکم! .. احمدیک نیم ارقداشمدی... قداشمدی... اولدی.. او قدر
اولدی که حتی کوکلده ذهنده آراسه ک خیالی بوله مزسک .
سوزنده موته مقدار اثبات و تعیین اولنسی موافق قاعده دکل
فقط محل فائده در .

فضولینک ایسه :

خونین مژله درمی ویا مردم الیه
او قتر چکیلوب دیشره آتلیش چکرمدن

بیتنده ادات استفهام اولان (می) کله سنک ادات خبر
اولان (در) کله سندن صکره ایرادی قاعده یه مغایر اولقله برابر
شاعر مشهور یکانه نک کندی اسلوب ائاده سی ایچنده او
قاعده سزلیکک نه مرتبه لطیف دوشدیکنی وهله «لیلی و جنون» نده
قاعده یه توافق ایتیه جکی میدانده اولان :

ناموسه تعلق ایشمیدر بو ؟

مصراعی لطافتجه بریکنه ده فائق بولندیغنی انکار ایده میز
قاعده سزلیککری ذوق ادبه راجع اولان ، بویولده سوزلره
مخصوصدر . یوقسه بعض شاعر ویا متشاعر لر مزک :
خال بوسکورمه بی کوردکده قتیل الدی کوکل
ویا .

کوکل بریار ایچون کشماکش اغیاره دوشمشدر
ویا خود .

قند گفتار کلهیک طوطی بی لال ولکنت ایت
قیلندن مناسبسز لکترینه شامل دکلدرد .

اسلافک - فضولی کی هر بری عالم بیان ایچنده برطرز خاص الحاص
صاحبی اولان - بدایع نکاران بلاغتدن نفعیلرک، ندیملرک، شیخ
غالبلرک صحایف آنارینه مشکل پسندانهمالنه نظر ایدنلر مثلاً نفعینک

سر چشمه خضر اولسه اکر جاه دواتی
ممکنی ایدی هیچ حروفک حرکاتی

ییتنده خط و حروفه جانلی مخلوقات کی حرکات اسنادینی
اوقدر غریب کورمسه وندیمک :

بر ایتدی کوچه بی صیت فشافش دامان
ایرشدی ذروه ناهیده چن چن خلخال

ییتنده «چن چن خلخال» تعیرینه ایلشمسه وشیخک حسن
وعشقندن :

هرشب ره عمرینی دورردی
خلوتکه عشقه یوز سورردی
هرکیجه مثال کرم شبتاب
باغ امله اولوردی هیاب
اوبقوده کورنجه چشم یاری
پروانه دن اوکره نوردی زاری
یعنی که اوبلیل خوش الحان
خاموش خاموش ایدردی افغان

بیتلرنده «عمر یولنی دورمك» و «اویقوده کوز کورمك»
 یولنده کی افاده لره برشی دیمسه بیله - خیچره خیچره کولمك -
 ویا قهقهه ایله اغلامق قلیلندن - صوصه صوصه فریاد ایتك
 - نه دیمك اولدیغنی کندی کندینه سؤال ایله نهایت منعاسزلغنه
 قائل اوله بیلیر . لکن نه چاره که

خاموش خاموش ایدردی افغان [*]

مصراعی درت کله دن عبارت ایکن بریوک زحافی، برده سکتیه یی
 حاوی اولدینی حالد ادباً، لطافه، بلاغه، نکته، حائر اولدینی
 قیمت و مقبولیتی جهانده سوز پایدار اولدجه محافظه ایلر طورر!
 اوت! دهاته ادبانك ائارنده مشکل پسندلرك ارایوب بوله جقلری
 قصورلردن يك چوغی اصحابنك - ادبیاتدن از جوق بهره سی
 اولانلره معلوم اولان - لفظ و معنی عالم لردن جولان طبیعتلرینه

[*] بوراده کی (خاموش) کله لرینی (واو) سز اوله رق (خامش خامش) ده
 یازمق جائز و بحالده زحافه محل قالیه جنی معلوم اولغله مصراعك ذاتاً یازیلشی
 «خامش خامش ایدردی افغان» صورتنده اولدیغنه و بعض نسخه لرده (واو) ایله
 «خاموش...» یازیلش ایسه بوده ناسخلرنك اثر سهوی بولمادیغنه نصل حکم
 اولنور؟ دیانلره شو جوابی ویریرز:

واقعا (خامش خامش) دیمك زحاف برطرف اولوردی اما آنك یرینه
 افاده جه دیگر دها بیوک ایکی قصوره محل براغیلیردی که بریسی (خامش) کله سنك
 عثمانلیجه ده کی غرابتی، دیگر ایسه مصراعك آهنگ سلاستدن دها زیاده
 مهجوریتی ماده لریدر شیخك ایسه بزجه مسلم اولان ذوق ادب و حسن طبیعتی
 بونلری قبول ایده میه جکندن مصراعنی (خاموش خاموش ایدردی افغان)
 صورتنده یازمش اوله جفنه حکم ایدیورز .

مساعدا دیگر عالمه صیچرامق ایچون کوستردکلی و رزش
 نتایجندن اوله رق کندیلرینه نقصان دکل برر بیوک شان عد
 اولنق اقتضا ایدر . بونک ایچون اولمیدر که (دهاتک شیوه
 تکلمی، طرز بلاغتی، قاعده بیانی کندیلرینه مخصوصدر) دیر لر .
 نام و اثرلری زینت بخمنز اولان شعرا ایسه بزده - پرتوزکاو
 دهالریخی جهان معرفتک آفاق ادبنده اشعه نثار کمال ایلمش -
 نوادر فطرتنددر . لکن یازیق که هم مسلکلی بولنان اسلاف
 ادبا ایچنده بونلر قدرلریخی لایقیه تقدیر ایدر چک پک چوق ارباب
 تمیز و عرفان دخی ظهور ایتمش ایکن حقلرند - ولو مؤاخذه
 یولنده اولسون - بر شی یازوبده عظم قدرلریله متناسب
 برستایش جدید بولمقدن ماعدا اکثریسی نظیر دیوللو یازدقلری
 شیلرده استادلرینه ادعای تفوق و دعوی رجحان کبی حق
 ناشناسانه حرکتلرده ، خود بینانه غیرتلرده بولمشلر !

ایشته بونک ایچون اوبد بختان ایچنده - ادبیاته هر نصلسه
 لایق اولدینی قدر جدی نظرله باقه میسان وطیعتنده کی قدرت
 فوق العادی زمانک الجآت سفاقت پروریسیله اکثر یا مشتهیات
 نفسانیه مصورلکی یولنده ناممحل استعمال ایتکدن کندیسینی
 اله میان - ندیم مستننا اوله رق دیکرلری .

بزم شیخ کرامتی اولور منقول کنندن

یولنده دکل منکرین فضیلتلری طرفندن اوغرا دقلری
 و اوغرایه جقلری تعریضات و تعرضات نابجایه قارشی حسب حال

مأیوسانه طرزنده کی بعض نشیده لریاه کندی ماهیتلرینی عالمهینه
 کندیلرینی بیلدیرمک غیرتنده کورینه رک بونلردن بیچاره فضولی
 منظومه مشهوره سنده کندیسنه مخصوص برطور بلاغت ایله .

ساقی مدد ایت که درد مندم
 غم سلسله سینه پای بندم
 سندن نه عنایت اولسه واقع
 فکر ایتمه که بنده اوله ضایع
 بن برصدفم سن ابر نیسان
 ویر قطره و آل درغلطان
 سنسک خورشید و بن سیه خاک
 ویر آتش و آل جوهر پاک
 چون قالمی قالمی فصاحت
 ارباب فصاحت ایچره راخت
 اول طائفه چکدی خرقه نه باش
 حالتلرین ایتمز اولدیلر فاش
 تا اولیه رسم شعر معقود
 ابواب فنون نظم مسدود
 لازم بکا اولدی حفظ قانون
 ضبط نسق کلام موزون
 ناچار طوتوب طریق ناموس
 راحتدن اولوب مدام مأیوس
 عهدی سوزه استوار قیلدم
 اشعار دیمک شعار قیلدم

چون خلقه اخلاق مدعایم
آنلر زعمنجه سست رایم
هرسوز که کاور ظهوره بندن
بیك طعنه بولور هرانجمندن
ایلر حسد اهلی باغلیوب کین
تحسین عوضینه طعن ونفرین
امیدکه رفع اولوب کدورت
تغییر پذیر اوله بو صورت
نوحه مایوسانه سی اظهار ایتمش !
زواللی نفعی ایسه :

بنم اول نفی روشن دل وصافی کوهر
فیض آلور جام صفا مشربه بی باکمدن
آسمان همت اوسر کوکبه طبعمدن
عقل کل درس اوقور اندیشه درا کمدن
همم هیچه صایار کنج تنائی ولی
غمی دنیایه دکشم ینه امسا کمدن
دورایدرشش جهتی هم ینه مراکزده مقیم
چوق دکلدن بوتجسس دل چالا کمدن
کعبه معنی به بریولدن ایلتدی بی کیم
قدسیان سرمه چکر کرده پا کمدن
عالم معنی م آزاده قضا حکمندن
کیمسه رنجیده دکل کردش افلا کمدن

قلم معرفتم جیب و کنارم پردر
 ساحله یا کدر آرایش خاشاکدن
 بن بو حالته تنزلی ایدردم شعره
 نیلیم قورتیله مم طبع هوسنا کدن
 بو هوس بویله فالورسه دل وطبعمه اکر
 ایشیدلرزه سوزم سینئه صد چاکدن
 بن اولورسم ینه آشفته اولور خلق جهان
 حسن تعبیر زبان چن خاکدن

فخریه شاعرانه سنی سویاش !

شیخ غالب مرحومده — نوعی کندینه منحصر وحسن
 تصور و تصویر جهتلریله ده حقیقه بی نظیر اولان — حسن
 و عشقنده :

طرز سلفه تقدم ایتدم
 بر بشقه لغت تکلم ایتدم
 بن اولدم اول ه پرو
 او بمش بلی کنجیری یه خسرو
 بالله بو اوزکه ماجرا در
 سن باقه که دفتر بلاد در
 ظن ایتکه که شویله بویله بر سوز
 کل سن دخی سویله بویله بر سوز
 ارباب سخن تمام معلوم
 ایشه قلم ایسته کشور روم !
 کوردکی بو وادی کمیتی
 دیوان بولی صاعه بو زمینی

انکشت خطا اوزاتمه اویله
 بش بیتنه بر نظیره سویله
 از وقت ده سویلدمسه آتی
 ناخته لکک دکل نشانی
 کوردک نیجه شاهلر کدالر (*)
 بر آنده یاپار انی یایالر
 کنجینه ده رسم نو کوزتدم
 بن آچدم او کنجی بن توکتدم

 این دم که زشاعری اثر نیست
 سلطان سخن منم دکر نیست
 ای خامه اثر سنک دکلدز
 ای شب بو سحر سنک دکلدز !
 تمدح اتندن کندینی اله مامشدر .

واقعا هر نه سبب و بهانه ایله اولور سه اولسون بر آدمک کندی
 کندیسنی مدح ایتیمی ادیبانه بر حرکت صاییه مز . خصوصیه
 ارباب کمال و فضیلت ایچون بو دها چرکین برشی اولور .
 فقط اسکی زمانده فخریه شاعرانه یولنده کی تمدحلر مجاز و بلکه
 مدوح صاییلدینی کی بحث ایتدیکمز فضولیری فلانلری بو
 حاله سوق ایدن شی یوقاریده بیان اولندیغی وجهله تمدحن بشقه
 (*) شعرای سائقه دن یحیانک « شاه وکدا » نامنده کی حکایه
 منظومه سی قصد اولتمشدر .

برحس مایوسانه اولدیغیچون کندولرینی معذور طوتمق موافق انصاف و مروت اولور .

مشکل پسندلک دیرکن بحئی بوقدر تطویل ایتدک . بلکه بر درجه یه قدر خارجه ده چیققدق . بوکا ایسه ، نام نامیلرینی ایستمکده اولدیغکز فضولیلرک ، نفعیلرک ، غایبلرک بحق شاعر اوله رق ماتمزده ظهور ایتمش مشاهیرک برنجیلرندن اولدیغنی اخطار ایله آثار بلیغانه لرینی انظار مطالعه کزه کمال اهمیتله توصیه ایتدک مطالعه سی باعث اولدیغندن معذور صایارسکز ظن ایدرم .

- ایکنجی مبحث -

وضوح

وضوح برکلامدن مقصود اولان معنایی درحال و بلا اشکال ا کلامغه مدار اولدیغیچون نامه صباح بیان دینسه سزادر . سوز او قدر واضح اولملی که کونشک ضیاسی بشقه نقطه لره متوجه اولان نظرلرده کیردیکی کی بسوزنده معناسی دقتسز اولکله دیکلیانلرک بیله قرین مدرکاتی اولمیدر . وضوح افاده وضوح فکردن نشأت ایدر . مع مافیه فصاحت ادانک ، حسن انتخاب و ترتیب کلماتک وضوح افاده خصوصنجه دخل کلیسی واردر . الفاظک ابدار ویا امساکی ، خریطه تصورک فقدانی ، مدقق

و معمم کورنمک داعیه سی، اصطلاحات فیه نک سوء استعمالی،
استعارات وتشبیهاتک شرائطه موافق اولمامسی، الفاظ غریبه
قوللانیسی، جمله لرك تطویلی، عباراتک تسلسلی وافاده نک اعوجاجی
افکار واسلوبجه لازم اولان وضوحی اخلاص ایدن شیلردر .
بو حاله کوره یازیله جق شئیک هر جهتی ابتدای امرده مطالعه
اولنه رق بر ترتیب طبیعی آلتنه الندقدن صکره تحریرینه باشلاملی
ویازیلیر کنده شو بیان اولنان شیلره دقت ایتیلدر .
(انسان نه دیمک ایستدیکنی کنیدیسی اکلامدقجه خلقه ده
اکلاده مز) حقیقتی نه هیچ بروقتده خاطر دن چیقار ماملیدر .
وضوح ایچون شعره مثال :

قوزی

بیلسم شو قوزی نه دن غم المش
هر ناله سی قلبه داغزندر
فریاد ایدرک قوشار نه دندر
سودسز می رفیقسز می قالمش ؟
ای سود قوزیسی نه در بو نالمش
کیم اولدی سبب بو انفعاله
مادر ویردرک سکا نواله
پهلوسنی ایتیموری بالمش ؟
یوقسه سوریدن جدای قالدک
فرقتی بو اضطرابی داعی
قالمشره باقیورمی راعی
بی همره وی نوامی قالدک ؟

بیوده می بویه - کتازک
وارد در بومال اینجده امید
مادر در ایدن امیدی تولید
کچمزی او مهربانه نازک ؟

امید ایله در بکای اطفال
سود ویرمه ده بی املی مادر
هرکس برامیده خدمت ایله
امید ایله در جهانده هرحال !

سن اولسه ک ای خیال امید
قابلیدر ازدیاد عمرم ؟
سایه کده در امتداد عمرم
بیکار یاشا ای نهال امید !

کل کل قوجاغنده ایله آرام
اما سنی والده کده بکار
بیوده می چکدیکی امکلر
قوش قرش آنی باری ایله خوشکام

ظم مہ بی دها نه الی
زیرا ایشیدلر اولدی افغان
شاد ایله دی دردمندی درمان
فریاد ایدم جک دها نه قالدی ؟

زانولرین ایلمش نهاده
تسپیل رضاع ایچون زمینه
پستانده کی شیر شکرینه
فطرت انی ایلمش فتاده

ایلر ممه بی باشیله تهریز
دنباله ایسه همیشه جنبان
طوغمز بونی سیره چشم انسان
یارب بونه وضع حکمت آمیز !
ناجی افندی

نثره مثال :

کتاب مذکورک (*) ترجمه سی مؤلفات سائر ترجمه سته مقیس اولیوب
علمین مذکورین هر قدر عند التقدمین تدوین اولمش ایسه ده متأخرین بونلری
فنون سائره مثالو خیلدن خیلی توسیع تعمیق ایدوب بوجیهله پک چوق
اسامی واصلاحاتی ترکی و عربی لسانلرنده نا موجود اولدیفندن مترجم
مشارالیه مجدداً بونلرک وضع انتخابه مجبور اوش و مجرد اربابی عندنده
تقدیر اولنه جتی وجهله بویابده ابراز مآثر اقدام واهلیت ایشدر .
اشبوناتات و حیوانات فنلرینک اهمیت و فوائدی محتاج ایضاح اولوب
کافه موجوداتی تشکیل ایدن موایدنلک ایکی قسمی شاملدر . بالخصوص بنی
نوعمنز اولان انسان دخی بومباحث داخلنده اولدیفندن علوم سائرهدن زیاده
بونک تدرس و تعلیمی نه درجه مهم اولدینی اشکاردر . تاریخ حکمت وامثالی
فنون مقتضیات زمان و مزاج انسان ایله قابل تغیر و انقلاب اولوب اشبو
علوم طبیعیەنک موضوعی اولان مآثر خلقت ذات احدیت کی شائبه
تغیردن بریدر .

بر نبات و یا خود بر حیوان بر کره مشهود باصره اذعانز اولدقدقه تعالی
حقیقت آرایش کالید ماهیتی اولور .

اشبو علوم طبیعیە حقیقتده مرآت مصنوعات الهیه دیمکه شایان اولوب
جناب رب متعالم کمال قدرت و عظمتنه جزم و یقین استحصالنه مدار

(*) معارف نظارت جلیله سی مستشاری سابق صالح افندی حضر تلرینک
علم نباتات و حیواناته دائر بوندن اقدام ترجمه بیوردقلری کتا بدر .

اولدیغندن انظار مخلوقدن نهان اولان خلقه وصول اینچون سلم عیان
مثابه سنده در .

ایشته معرفت خالق و مخلوقه برواسطه قویه اولان اشبو علوم نافعنه
بین الناس انتشاری موجب فوائد عظمی اوله جفی درکاردر .

منیف پاشا - مجموعه فنوندن

بومثال برافاده نك آچیق اولسنه عائد شرائطك هپسنی جامع
اوله رق خصوصیه مؤلفنك فکرنده کی وضوح او قدر زیاده
وبوجهتله اردن استفاده او قدر محققدرکه مفهومی اوقیانلرک
هر حالده ذهنرینه کیرر .

اثرک موضوع بحث ایتدیکی شی عامه جه مأنوس ومعلوم اولان
برماده عادیه دن عبارت اوله یدی افاده سنده کی وضوح او قدر اثر
مهارت صایمز و او درجه شایان ثنا اولمز ایدی . مقاله نباتات
وحیوانات کی بایلیجه ایکی علمک ماهیت ومنفعته متعلق اوله رق
بوتلر از سوزله پک کوزل ایضاح اولمشدر .

«اغا جلردن برورق نظر ارباب ابتصارده اسرار ربوبیتله
طولوردفتر» و بر مورضعینک طبیعتنده، تعیشنده. حالده مشاهده
اولنه حق غرابتر، حکمتار ایسه صانع حکیمک عظمت قدرتی
هر بر انسانک - احاطه فکریه سی مساعد اولدیغی قدر - تخیل و تقدیس
ایتمسه برواسطه دیگر اولدیغی کی بو حقایق رموز حکمتک دلالت
علوم ایله دهها واضح، دهها مکمل کورینه جکنی بر صورت
بدیعه ده بیان ایدن شو بر صحیفه دن عبارت مقاله نفیسه دخی

مؤلفنك ذوق ادب وفكر حكمتنه برهان بلیغ عد اولمغه شایان
بر اثر مختصر در !

اسلوبك آچیق اولمسنه مانع اولمق اوزرد یوقاریده تعداد اولنان
شیلردن اکثرینسك وجودی جهتیله ترتب ایدن عدم وضوح
ایسه اتیده کی مثالدن اکلاشیلیر :

بارگاه احدیتدن محو و از اله سنی دائماً تمنی ایده جك اخلاق مقدوحه دن
غرض ونفسانیت دینیلان شیلرکه مطلقا کبر و عجب و انانیت کی صفت
شیطنتك خصائص مضره سندن بولندی و جهله بعض کسان مزاج نخوت
امتراجنه توافق ایمان امور جزئیه دن کلی متأثر و متغیر اولوب اومثللو
اصلی و اصلسز وضع ناساز اتخاذایتدیکی احوالی آرزوق هر کیمدن مشاهده
ایدر ایسه بونك جدو حقیقت غرضکارانه دن و یا خود الفت و معاشرتک
آرزو اولنان تکلیف سزلیکی اثری اوله رق سهو و غفلت لایابالیا نه دن نشأت
ایلدیکنك تدقیق و تعمیق جهتلرنی ارامقدن نظر همتی کونا ه طو توب
پك بیوک سوءنیت و فضا حنده بولتمش یوللو اوکسنه نك علیهنده اوله رق
برزده دامان مکر و عدوان و بونجه ییلر خالصانه امك ویریلوب قزانیلان
حقوق دیرینه بی کان لم یکن حکمنه تنزیل ایدوب اوأمك محو و واضع حلانله
قدر یوریمک کی دمت دناعت غدارانه سنه بورج ییلهرک شوانصاف سزلی اجرایه
فعلاً مقتدر اوله ییلور ایسه فردایه براق سزین اوآنده دردمند بیکنهاک تحریب
خانمانه شتایان اولوب اگر شوفناغه بالذات مقتدر اوله مزایسه برطاقم
وسائط عجز و حیه یه تمسکه شخص مظلومه تعلق اولان ذوات کرامه
مراجعت و نفاق و نیمه و غمز و غیبت ذمیمه مسلک لرنده اختراع و اقتراح
ایلدیکی اقوال کاذبه بی صورت حقدن قوپه ورق و مجلسنه داخل اولدیغی ذاتک
مزاج و مشواری ایجابجه وهم و مراقنه طوقونه حق قوتلو قوتلو افتراق
علاوه ایدرک بر زمین مخصوص تبصصکارانه ده نقل و حکایت ایدوب شاید

اول ذات دخی ایشک مزایا سینه وار مقسزین از یحیق اظهار اغرار و انفعال
ایدرایده کویا بردفینه رایکانی به مالک اولش مفلس مندبور کی سینه
سینه یانندن چیققدن صکره ...
مغنی الکتاب

— اوچنچی مبحث —

طبیعت

طبیعت، که مخالفت اسلوب ایله ده تعریف اولته بیلیر، افکار
وحشیاتی زینت جعلیه دن بری اوله رق غایت تکلفسز غایت
سربستانه بر صورتله بیان ایتمکدن عبارتدر .
مثال :

صایه لم فرصتی غنیمتدن
مستفید اوله لم بونعمتدن
بو زمان چونکه موسم دکلدرد .
وقت نوش پیاله ملدر
حمد لله کیدوب زمان خزان
کلدی فصل بهار خوشجریان
باق هاله کائناته سرتابا !
بر مجسم سروردر کویا !
دست مشاطه نسیم بهار
قیلیدی تزین چهره کلزار
یعنی کوستردی انقلاب بوم
عادت اوزره طبیعت عالم

بوسیدن که ابتدی کسب حیات
 هپ نباتات چله حیوانات
 بوسیدن که آرندی عشق هزار
 صحن باغ ایچره اولدی نغمه کدار

تقویم محرری رشاد بک

طبیعت اسلوب محسنات ادبیه یه هیچ بروقتده مایع دکدر:
 انحق او محسنات چنستان طبیعتی ترین ایدن خوب روچیچکدر
 کبی کندی کندیلرینه پیدا اولمایدیر، طبیعت تراکت و لطافت
 و علویتله ده پک کوزل امتزاج ایدر. حقیقت حالده طبیعتدن نازک
 اندن لطیف، اندن علوی. نه اوله بیلیر! بو حاله کوره بو خاصه
 اسالیب افاده نك اک ساده سندن اک عالیه سنه قدر هپسندمه بولنه
 بیلیرننه کیم حب وطنه دائر اولان مثال آتیده عظمت و طبیعت
 هم دست وفاق اوله رک موضوعنک اعتلای افکار و حسیاتنه
 جناحین حکمنده بولنیور:

حکمت تجربه - که جهانک شو کوردیکمز کالات و ترقیاته هرشیدن
 زاده خدمت ایشدیر - بو قدر فوائده برابر برایکی عصر دهری هر
 درلوحدودی زیر وزیر ایدرک فکر لرده نه قدر معتقدات، کوکلرده نه قدر
 حسیات وار ایه جمله سنی برر برر نظر شک و تدقیق اوکنه حکمک
 شائبه سندن مصون اوله مامشدر. تجربه نامیله تحری حقیقتله مألوف اولانلرده
 ایه آزادقلرینی مادیات ایچنده بولنه حصر نظر ایتیش برطاقم اصحاب
 موأخذه کوریلور که دنیاده لیس و شاهده سی ناقابل هر نه وارسه موهوم
 ویا معدوم حکمنده طوتمق ایسترله. عمومک منفعندن بسقه حق افرداک

احتیاطندن بشقه اخلاق طایزالر. تصرفه سرقه، وراثته غصب، نکاحه اسارت نامی و ررلر .

ایشته انسانیتی بوشقه نظرندن تما ایدنلردرکه وطن فکر مقدسندن بحث اولندقه بولندقلری یرک یا حدود یاخریطهستی تصور ایدرک وطنی تعین ایدن ماده برقاق بیک مظلومک قانی ویا برقاق رجال دولتک قلمیله چیزلش برخط موعومدن عبارت دکلیدر ؟ بوبله عقل وطبیعتله هیچ مناسبتی اولمسیزن صرف موضوعات بشردن اولان و انسانلرک اخوت وائتلافته سد حکمکدن بشقه دنیاده برتأثیر کورلیان برواهمه نلک انسانیت نظرندنه حکمی اوله بیلر ؟ « دیرلر. اوت ! صنایع حکیم انسانلک فکرینی کرات جدولی. وجدانی هندسه مقیاسی ماهیتنده خلق ایتش اولسه یدی دنیاده عائله ملت، مسکن، وطن، تصورلرک وجودینه امکان قالمزدی. صرف مادی فوایدن بشقه برئی دوشونیه مزیدی. شو قدر وارکادم بشقه صفتنده بشقه خاصیتده رادش. عقل - ایکی ایله ایکی درت ایدر - دعواسنی نه قدر بداهتلا قبول ایدیسورسه وجدانده برقادین ایله برارکک میل طبعی قبول سرعی ایله ارتباط حاصل اینجه برعالمه میدانه کلیر حکمی اوقدر بداهتله صدیق ایلور. عقل مربع بشقه در مثلث بشقه، قضیه سنک حقیقتله نه ونده حکم ایدیسورسه وجدانده، وطن بشقه در خارج ومن بشقه. سوزنک صحنه اوقوسه اعتماد ایدیسور. شیرخوارلر بشیکتی. چوجقرا کلندیکی بری. کنجلر میشتکاهنی. اختیارلر کوشه فراغتتی اولادوالدهسنی پدرعائلهسنی نه درلو حساب ایله سورسه انسانده وطنی اودرلو حسات ایله سور !

کال

بر مؤلف اقتدارینک فوقه چیقمق وکندیسنی دهاعالی بر ماهیتده کوسترمک ایستوبده طبیعتنی زورلدقجه یاردینی شی دائماً طبعیلک مزیتندن محروم قالیر .

چونکه یازیده تکلفی تکلف ایسه الفاظ و افکارجه
رکاکتی، غرابتی، تعقیدی استلزام ایدرکه بونلرک هپسیده طبعیلکی
اخلال ایدیجی شیلردر .

اوقیانلرک عمومی تنظیرینه نفسنده اقتدار کورمک طبیعی
اثرلرک برخاصه متمیزه سیدر .

واقعا بویولده شیلر پک قولای کورینور . لکن نظیرلرینی
میدانه کتیرمک مشکل و بعضاً بتون بتون ناقابلدرکه (سهل متمنع)
تعبیری بونوع اثار نفیسه حقنده بر تعریف مجمل و صادقدر .
دیگر بر ایکی مثال :

آفرین لطفکه ای باد نسیم !
وقدر انجق اولور فیض عمیم
عالی کل کبی آچدی نفسک
ایلدک چهره ایایی بسیم
کشور چینهمی دوشدی کدرک
یانه در بوتفس نافه شمیم ؟
بیك جهان نکبت مشکی نفسک
ایتدی بردمده جهانه تشمیم
بو قدر نشر شمیم ایتمز ایدک
اولسه ک طره دلبرده مقیم
عاشقه سنجلین یار اولمز
اولسه یاران ایله پرهفت اقلیم
زلف جانانه کرفتار ابد

دل سودازده به یار قدیم
 نیجه درحال دل آشفته
 شانه دن چکمز اوله رنج الم
 شانه دن وار ایسه آرز چوق المی
 اه ایدوب چکسون اصلا غم ویم
 دردمندانه براز احوال
 ایلسون ماشطه سینه تفهیم
 او دخی حاله رحم ایتمز ایسه
 یوقیدر عدل شهنشاه کریم
 نفی

دیگر مثال

وولقائیسک ای هوا خواه
 آتشکده اولدی سینه سندن
 طورمن نه یانارسک الله الله
 یاندم سنی شعله بار ایدندن
 برشعله مزاج دلقروزک
 نار هوسیه مشتعل سک
 افکار شبک خیال روزک
 بردرهب انکله مشغول سک
 اولسه کده کهی نهان اولورسک
 صبرک طوتشنجه آتش افمان
 یان طورمه که برزمان اولورسک
 منظور حقیقت آشنایان

.
 آ کدم ینه بیوفا وطنده
 آواره لك ایندیگم زمانی
 یوقدرکه بر آشنا وطنده
 بیت الحزن اولسون مکانی
 ظن ایتمه که چله طولدی شمدی
 دخنوز اکرچه مختفی بز
 جانان ده مهاجر اولدی شمدی
 اثر نبوی به مقتفی بز
 بولدم اوتسالیما دلبرنده
 اول قطعه به خاص بر ملاحظت
 انسان کوزلی دیسه م یرنده
 تشبیه وتکلفه نه حاجت ؟
 بیلمه نه دیسه م که ایتسه ایما
 حال دل حسرت آزمایی
 برحالده درکه ایلر ابکا
 برکریه ایله بیک آشنایی
 مخصوص اکا هب تصویری
 محرم کورینان دکادر آگاه
 میبوده دکل تأثراتی
 لکن کیمه اکلا دیرسک ایواه !
 بولسم اوسوزی که ایتسه ایقا
 دنیاده بولندیم زمانی
 اخلاف کزین ایدردی ایقا
 دمبسته سی اولدیم فغانی
 مشربجه بر آشنا بولنمز

دنیا نه غریب غربت آباد
درد اهلته ملتجا به لئز
بیك پارهیه صد هزار فریاد !
ناجی افتدی

برده شو مثاله باقهلم :

آه برادر جان برابرم ! (*)

الدیغم قره خبر صاعقهٔ بلا کی نازل اولدی . کوکلم وبران کوزلرمدن
سرشك حسرت رواندر . جمله من محبت اولاد اسپری یز ، خصوصاً پدر
ووالده نك بویه وقوعات جگر سوزده اوغرایه جقلری تأثرات قلبیه یی
ملاحظه ایتدکجه حزن و انم برقاتدها مشتمد اولقدهدر . فلنک بویه
ستملی چکیور دردلردن دکلدرد . لکن احکام قضایه رضادن بشقه چاره
وارمیدر ؟ کیدنلری تعزیه ایله اوغراشانلر دخی بوعلاندن کیتیمیه جکلری ؟
کیم حیاته مغرور اوله بیلور ؟ بومسافر خانیه مهمان اولانلرک کیمی ارکن
کیمی کچ کیدر . هرکیدن نوبتی صاوار . مدت مسافرتک قصر و مدنده اهمیت
یوقدر . مسئله عالم بقاده اوغرائیه جق طور وحالتهدر .
معصوم کیدنلر آرقهده براققلری محزون ایدرلر اما غائاً حساب
و کتابدن مصون ونم اخرویه ایله ابدی السرور اولورلر . بوجهت
دوشونیورسه قلب مقبلی اولغه باشلر و جناب حق ادر اکنندن عاجز
اولدیغمز حکم خفیه سنه عرض تسلیمیت ایدر . خدای متعال جمله مزه صبر
جیل احسان ایلسون

تطویل مقاله مجالم اولدیغندن بوقدر یازه بیلدم .

برادرم ! رجا ایدرم : حکمت الهیه یی تأمل ایله آتش قلبی تسکین
ایدیکز .
سعدالله پاشا

ایشته بومکتوبک نه الفاظنه او قدر سادهدر دیه بیلیر زنده

(*) بومکتوب براین سفیری سعدالله پاشا حضرتلری طرفندن برادرلری -
ویرکواماتی سندات مدیری - سعید بک افندی به یازلشدور .

موضوعك اهميتى انكار اولته بيلير . فقط يازش او قدر طبيعى
وبناء عليه اودرجه كوزلدركه وبالخصوص طبيعت موضوعنده كى
مؤثرلكى طرزافاده سى او قدر نازكلشدير مشدر كه هر كيمه او قونسه
اكلار ، مرسليله مرسل اليهنك تأثراتنه طبيعى اشتراك ايلر .
كويما كه مؤلفى قلمى الله آلدينى زمان نه يازه جغنى ، نصل يازه جغنى
دوشونميه رك آينه وجداننه عطف نظرله حقيقت و طبيعتدن اورايه
انعطاف ايدن نقش و نكار معانينك كاغد اوزرينه نقل و ترسيمى
مهارت قلمنه حواله ايتمش و اوصورتله يازمش !

- در دنجى مبحث -

منقحيت

منقحيت اسلوبك اعتدالندن عبارتدر . مردود اولان اكثار
ايله مقبول اولان ايجازك وسطنده بر موقع مخصوصى حائر اوله رق
صورت بيانك هم مفيد همده مستحسن ومؤثر اولمسي چون او قدر
كفايتى تعيين ايدر . بو كا اطناب حسن دخی دینیلور . شناسی مرحومك :
بر اثر ك كه صانى انسان اوله نمك نميدركه انده نقصان اوليه
ويا خود :

ضروب امثال كه حكمة العوامدر لسانندن صادر اولدينى بر ملك
ماهيت افكارينه دلالت ايدر .

سوزى علويت و منقحيتيله عثمانلى ادباسنك اتارى ايچنده اوچ
بش قدر نظيرى دها كوريله ميان امثال ادب و حكمتدندر .

منقحیت اسلوبك تزیینات ادبیه دن خالی بولمسی اقتضا ایتمز .
فقط اوتزینات ده طبیعی اولملی وافاده مزاحمه الفاظه اوغرا دیلوبده
وضوح غائب ایدلما لیدر . ایشته شومثالده افاده هم منقح
همده جامع محاسندر .

برملت که انسانیتك تنویر و تهذیبته مأمور اولق اعتقادنده بولنور
افرادى دنیا به عسکرلك ایچون کلور وعسکرلك یولنده فدای جان ایدر .
ایشته بودعوای صورت تواترده اثباته کافی اوله جق آثارى کوسترن
ملتلك برى ملت عثمانیه درکه عوامندن هر برى جنکاور و ذاتاً عسکر
اوغلی عسکر اولوب فضائل قهرمانی ایله مسلح وعقائد راسته ایله موشح
اولدقلر ایچون مظفریتك اسباب ظاهریه سی اولان لوازم ومعارف حر-
بیه لری مکمل اولدقه کندیلرینه عالمك باشندن باش عسکری دینه
بیلیرکه بوقضیه یی هرکس اعترافه مجبوردر .

بومجاهد ملته عسکرلك صفی اجدادی اولان قهرمانلردن موروثدرکه
دست مهابتله سل ایتدکلری سیف سایه سنده توسیع ملک ایلدکلری
مثلاً اعه شمشیرلری بر اقلیمه پرتوبخش اولدن اول آوازه شهرت غالبیتلری
منتشر اولدقه (سمعنا واطعنا) جوابیله تلقی اولنوردی . بولنره ایسه
مزیت عسکریه نك میدان امتحان دنیلان معرکه لرده آل عثمان پادشاهلری
بیننده عشره مبشره اطلاقنه شایسته اولان عثمان غازی دن سلیمان قانونی به
قدر کچن ملوک کبی جهانگیرلر رفیق جهاد اولوردیکه سفرلرده عسکرلکک
بالجمله متاعنه اشتراك ایتدکلری جهتله عنوان سلطنتلری نسبتنده شان
مظفریت اعتتام ایتملردر .

شناسی

شعره مثال :

مادرله پدر اولوب بهانه
سوق ایتدی قضا یی جهان
خان زاده ایدم ولادتمده

طوغدم ینه پك قلندرانه
 عریان وسفیل ایدی وجودم
 محتاج دكلسه آب ونانه
 برقطره سوده دهان آچاردی
 مألوف ایدی كریه وفغانه
 بگزته بنی خطا دكلدی
 برکیمسه باقوبده عارفانه
 زنجیره ایکیلیان اسیرك
 قویننده کی طفل ناوانه
 فطرتده تساوی ظهوری
 بو حال ایله حالتی یكانه
 اطفالده کوستروب طور برکن
 بیك حجت ایله جهانیه
 بیلم نه سبيله واردی دائم
 کوشمده شو هاتنی ترانه
 یوکل که یرك بو یر دكلدر
 دنیا به کلیش هنر دكلدر

کمال — جزمیدن

بیانده منفحیتك محسنات کلامیه به نه درجه به قدر مساعد
 اولدیغنه شو مثال ایله ده استشهد ایدرز .

نخل وادیان باطله نك روی ارضده الك قدیمی شمس پرستلکدره . بونك
 سببی فطرت اولیده نوع بنی آدمك تقدم ازمنه ایله حصول بوله جق
 معارف و کالاتی قوه ده بولنوب رهبری توفیق باری معین اولدغه
 دلالت عقل ضعیف ایله بادیة ضالته کمرده راه اولوب بو عالم ظلمانیده
 قیس کم ضیای شعور ایله فرق و باطل ایتمکه شئون و کائنات حیولیت
 ایدر . حرارتك وجودیله روی ارضده جمع اجسام نامیه نك نمو و انبساطی

امر محسوس اولوب بودخی اشعه شمسك تعا كسندن حاصل اوله رق زمان
شئاده اشعه نك انحرافيله تعا كه ضعف كلكده ارزاق واقوات مطموره
كونده ظهور حرارته موقوف قالمغه عقل قاصر انسانی مبدع و مربی شمس
اولدیفنه ذاهب اولشددر .

آتش پرستلر دخی بوقبیلدن اوله رق مبدع و خالق حرارتر در ظن
ایتدیلر . انجق نیر توفیق آلهی ايله اهتدا ایدن کلین اثردن مؤثره استدلال
و کوکبدن مکوکبه انتقال ایدر . حضرت خلیل الله بصیرت نبوت وقوة
قدسیه رسالتله (لاحب الاقلین) کویان صمت توحیدباری یه پویان اولدقلری
سماء صحف قرآن شریفده لمعان ایدن کواکب دریة آیات بینات ايله شمس
وصباح و صبح فلاح کی ظاهر و نمایاندر .

صبحی پاشا

منقحیت، اسلوبك نوعه تابعدر، مثلاً: بودنیادر کیچی اغلار
کیچی کولر . بعضاً کیمینک کولسی کیمینک اغلامسنه وابسته در ،
دینسه بوافاده داخل اولدینی نوع اسلوبه کوره منقح صایيله جنی
کی بوفکری طرز دیگرله افاده ایدن شو :

برسورکه شوقه اولور ذوق و سرور

ماتمکه دیگرده اولان آه و انین

بارانله در فیضی بو باغ کهنک

چرخ اغلامدجه کوله من روی زمین .

عزت ملا

قطعه سی دخی کندی نوع بیانی ایچنده منقحدر .

ایجازه کلنجه بوده ایکی نوعدر: بری ایجاز قصر درکه آز کله
ایله چوق معنی افاده ایتک یولیدر . بونکله منقحیت بیننده شو
فرق وارددرکه منقحیتک طبیعی الفاظ ايله معانی ايله سنده مساواته

رعایتدر . دیگرینک کی ایسه لفظده امسالک معناده سماحتدر .
ایجاز قصر صورتہ توفیقاً سویلن سوزلر اکثریا بلاغتی
نسبتندہ مؤثر وشدید واقع اولور .

عبدالحق حامد بکک نسترنندن نقل ایتدی کمز بر محاورہ دہ معترضہ
داخلنہ النان سوزلر وتیرہ ایجازہ موافق وشدت وعصیتی حائر در .

خسرو « النده بر خنجر »

(ایشته سن! ایشته کوکسم! ایشته خنجر!

بن بورچی بو سلاخلہ بیتیردم

او سلاخی شمدی سکا کتیردم

الکله اولدیرده الله عفو ایتسون

فنا باشلایان عمرم اینی بتسون

.

.

انتقام آل وظیفہ کی اکمال ایت

« خنچری کوسترہ رک »

ایشتیمورمیسک؟ بکا باق بکا!

بوخنچرلہ اوردم دیوردم سکا

ایشته بو! خبر ویریوردم خبر

بابانک قانیلہ بویاتمش . .

نسترن « طورانقلہ »

(کبر! ...)

« خسرو دن خنچری التوب ترددلہ »

ہیہات! نہ کچلمز یول

« خنچری آتوب اغلر »

خسرو « خنجرى الهرق »
« ايشته رهبر ! »

§

صایه فرصتی غنیمتدان

رشاد بکک :

مصراعى وجيز و بليغ برسوز اولدينى كى شعر آتى دخی لطافت
ومنقحیتی جهتيله شو ایجازك اطناب بدیعسی حکمنده اوله رق
استحسان ایله تلقی اولنور :

فرصتکه هوامی تیز پردر
ایرمک اکا بردخی هنردر
فرصت دیدیکک دم سحر در
کویا که صای خوش اثر در
افسوس ! اولور اول نسیم نافع
بر غفلت یکدم ایله ضایع
ترکی

§

ایجازك ایکنجی نوعی ایجاز حذفدرکه سوزك بعض جزئی
ترك ایتمکدن عبارتدر .
شناسینک :

حکم ایدن کوکله سلطان اولدر
مهر کیمده یسه سلیمان اولدر
بیتی ایجاز حذف قاعده سنه موافق برسوز اوله رق بونده کلامدن
ترك اولمش اولان جزء (کیم ایسه) جمله سیدر .
واقعا مشارالیه ایچون بوبیتک :
کیمسه حاکم دله سلطان اولدر
مهر کیمده یسه سلیمان اولدر

صورتیله ده تنظیمی قابل و بوحالده سوز تمام اولوردی . اما بو تمامیت اوغرینه ایکی یوک فائده نك انتقاسی لازم کلیردی که برنجیسی (کوکل) کله سنده (دل) کله سنه نسبت دهها زیاده موجود اولان وضوح و دیگری ده افاده نك حاوی اولدینی حکمی متکلمک کندی نفسنه ارجاع ایتسنده کی قوت و شدتدر .

§

ضیا پاشانك مقدمه خراباتده مندرج :

برپاره به بیکی آفرینك

پاپوشی آتلدی کوه رینك

بیتنده (پاپوشی طامه آتلدی) ضرب مثلندن (طام) لفظنك

و (وشاه و کدا) منظومه سی صاحبی یحیانك :

کچدی شاهه کدای اول ابر

آجیان خر مثلدر آتی کچر

بیتنده دخی (جانی آجیان اشك آتدن یورك اولور) ضرب

مثلندن (جان) کله سنك حذفی هر نه قدر اساساً (ضرورت)

وزندن ایلری کلمش ایسه ده بونلرله برابر سائر امثالی ایجاز حذف

قاعده سنك شمولی احکامندن دخی مستفید اولورلر .

الحاصل هر برافاده منتح اولق واجبدر . انك ایچوندر که بو

خاصه قوانین اسلوبدن معدود اولور ، ایجاز دخی مقبولدر .

انجق مقتضای مقام ایله آثار ادیبانه ده بوکا رعایت اولتان یرلر

محدوددر . ایجازك ایکی نوعیده اك زیاده — قواعد عمومیه

طرزنده کی احکامده ، ضروب امثالده ، ملاحظات حکمیله ده

یا قیشیر ، هر برندن برقاج مثال :

مسائل فقهیه دن

ماده ۱۷ « مشقت تیسیری جلب ایدر »

یعنی صعوبت سبب تسهیل اولور . وطارلق وقتنده وسعت کوسترلک لازم کلور .

ماده ۳۶ « عادت محکدر »

یعنی حکم شرعی بی اثبات ایچون عرف وعادت حکم قیلنور کرک عام اولسون وکرک خاص اولسون .

ماده ۶۰ « کلامک اعمالی اهلاندن اولادر »

یعنی بر کلامک بر معنایه حملی ممکن اولدجه اهل یعنی معناسر عد اولتامیلدر .

ماده ۷۶۸ « امانت مضمون دکلددر »

یعنی امینک صنع وتقصیری اولقسزین تلف ویاضایع اولدینی تقدردده ضمان لازم کلز .

مجله احکام عدلیه

ضرور بدن

ازیجق آشم اغریسر باشم .

* *

اسکی حمام اسکی طاس .

* *

هر صفانک برجقاسی وار .

* *

غرض مرصدر .

* *

ثابت اولان ثابت اولور .

* *

شهرت آفتدر .

* *

هریکی لذیددر .

§

ملاحظات حکیمه دن

بیلمیانلر بیلمدکلرینی بیلسه لر بیلیرلردی .

اوصلونک دلییه اوصولیم دیدیکی دلیلکندندر .

عمرینی شول بیتردی که عمرینی مهر یرینه یتیرمدی .

دوست دوستنه دوستلق ایتدیکی دوست اوینینجه بیلمز .

ایسترز دیانلر ایستدکلرینی بیلمدیلر انک ایچون بولیدیلر .

ایستدیکنی بولیان ایستدیکنی بیلمیان، ایستدیککز بزدده در دیان ایسته میاندر .

[*] انوری

[*] بوملاحظات اسکی بر مجموعه ده (انوری) نامه مفید و مسطور
کورلش ایسه ده انورینک کیم اولدینی بینمه مامشدر .

کیمسه نك لطفنه اوله طالب
بدلی جوهر حریتدر

کمال

کتاب کائنات اسرار حکمتله لبالبدر
شکایت جهلدن فریاد بی ادراک کلکبردن
نابی

شکر نعمت دخی بر نعمتدر
عزت ملا

دشمن نفس ایله صلح ایتمه صقین
وله

حسد بر معنوی تعریضدر الطاف مولایه
وله

اطفال صراپای حرکات و افعالدر
-- مادام قامیان

ای اولک فنا یا شامقدن افضلدر
شارون

اکثاره منقحیتک ضدی اوله رق - لطافتسز - فائده سز بر
طاقم زوائد و حشوایات و تکریرات ایله سوزی اوزاتمقدر. بوکا
تطویده دینور .

مثال :

کورندی فلک کیی جسر جسیم
صراطه اش اما بویی خوف و بیم
بنا ایتمش آئی سلیمان خان

کوروب اولسه حیران توله انس و جان
 کلوب آدن ایتدجه عزم سفر
 دگز خدمتده قوشاعش کمر
 یکریمی سکز کوز فلکدن نشان
 کوزك هربری بر یارم آسمان
 ایکی طاغ ازه سنده اژدر کی
 یدی صفه نك هربری سر کی
 فلکدر قیاعش کوزی اوستنه
 دوشوب حیرتندن یوزی اوستنه
 کوروب پرتون کهکشان فلک
 کلوب کیجه لرده سورنك کرک
 رخام لطیفی اورته سفید
 دوشوب عکس خورشید اولور نابید
 صانورسك که هر سنکی درعدن
 مجلا اورته کلوب کچمدن
 سچوب زینت کردن ایتمش بحار
 هان بر دیزی لؤلؤ شاهوار

 صو کی اوجسری مرور ایلدم
 دکل جنت اما حضور ایلدم

عزت ملا - محنت کشاندن

بر کویری توصیفنده بو قدر سوز یازمق اوقویانلره دیکلیانلره
 کلال و ملال ایراث ایتکدن بشقه بر شیئه یارامز . خصوصیه
 یازیلان شیریلر بویله صفوق و مناسبتسزده اولورسه آرتق هیچ
 چکلمز !!

اسلوبده منقحیت ا کثاردن دها کوچ و بناءً علیه دهازیاده
سعی وزمانه متوققدر . بو معنایی اشراپ ایچون فرانسز
مؤلفلرندن بریسنک بر مکتوبی شو عبارده ایله بیتردیکی بعض
اثرده کورلمشدر :

مکتوبم پک اوزون اولدی بنده بیلورم اما نه پیام ؟ قیصه یازمغه
وقت بوله مدم !

منقح اولیان بر تألیف ادیبانه - باغباننک عدم دقت
واهتمامندن طولانی - اوت باصمیش بر منتظم باغچهیه مشاهددر .
ارباب طبیعت نظر ایتدجکه تأسف ایدر . تأسف ایتدجکده
تماشاسندن لایقیله متلذذ ومستفید اوله مز .

— بشنجی مبحث —

آهنک سلاست

آهنک سلاست دیدیکمز بر لطافت مخصوصه درکه عبارده
ایچنده کلماتک صدالری سمعه خوش کله جک صورتده انسجام
وانتساقندن حصوله کلیر .
تدقیقات ادبیه ایله اوغراشان فرانسز مؤلفلرندن بری آهنک
سلاستک اهمیتده دیرکه :

اگر بویله جدی بر بحث اینجده لطیفه به جواز اوله بدی دیه بیلیردک که
سامعینه قارشى موفقیتکیزی تأمین ایتمک ایسترسه کز قولالرنندن طوتکیز!
واقعا ارواح مظروف ابدان اولدجقه حواسدن بتون بتون
بری ومستقل بولنه مز. بو حالده ارواح بنی نوعمه القا ایده جکمز
هردرلو تأثیراتک حسن تلقی کوره بیلیمسیچون کچه جکی یوللرده.
فنا اثرلر بر اقامسنه دقت ایتمک اقتضا ایدر .

حواس ایسه روح قپولری حکمنده بولندیغنه کوره او قپولر
زور لئوب قیرلما لیدر که صاحب خانه طرفندن مظهر رعایت اولنسون.

§

آهنک سلاست ایکی نوعه آیریلیر : بری آهنک عمومیدر که
کلمات و عباراتک تناسب اصواتندن حاصل اولور. دیکری ایسه
آهنک تقلیدیدر که الفاظ ایله مدلولاتی اره سنده کی مناسبات
صدائیهدن تحصیل ایدر .

بومدلولات ایستر افکاردن اولسون ایسترسه حسیاته تعلق
ایتسون نه اولورسه اولسون هپسی مساویدر .

آهنک عمومی

آهنک عمومی - که موسیقار اسلوب حکمنده در - کلامک
بعض اقسامه وعرض اولنان شئیک بعض احواله تابع اولیوب
هیئت مجموعه سنه شامل وتراکیک حصول تأثیرات عمومیه سنه
مدارد. (اولا) کلماتک انتخاب وتنظیمندن (ثانیا) عباراتک حسن.
تألیفندن وجوده کلیر .

(۱) انتخاب کلمات — وضوح ومعنی مساعد اولدینی تقدیرده
لفظاً سمعه لطیف کلان ولسانده سهل الجریان اولان والحاصل
توافردن بری بولنان کلمات دیکر لرینه ترجیح اولنقله تحقیق ایدر.
تنظیم کلمات — اشاعیده بیان اولنه جق الی شیئه رعایتی
مستلزمدر. چونکه توافر بمخنده ایما اولدینی وجهله بعض
کلمه لر منفرداً تلفظ اولدقلری زمان توافردن بری اولدقلری
حاله یان یانه کلنجه بیسوک بر آهنگسزلکی موجب اولور.
بوالی شیدن:

برنجیسی — بررهجاند عبارت اولان وصداری امتزاج
ایتمای کلماتک برعباره ده اجتماعنه میدان ویرمامکدر. مثلاً:

خاکیابه برزکاب اهداسی ناچیز ایسه ده
قیلمه رد قیرآتی ویریا آل باغشله برقوله

بیتنده (صنعت تجنیسدن قطع نظر) مصراع ثانی بی تشکیل
ایدن کلمه لر، که (رد — ویر — یا — آل) لفظلریدر، بررهجاند
عبارت وصداری غیرممتزج اولدیغیچون مصراعجه آهنگسزلکه
سبب اولمشدر، شوقدرکه بعض وزنه کوره بومانعه سلاستک
چوقلق ضرری یوقدر. دلیلی ایسه فضولینک:

کرین بن ایسه نه سک سن ای یار

مصراعیدرکه بونده ده کلمه لرک همان عمومی بررهجاند عبارت
ایکن ینه آهنگی اخلاص ایتماشدر.

ایکنجیسی — برعباره ایچنده برحرفه مخصوص اولان
صدانک تعاقب ظهورینی منع ایتمکدر، بونک اهمیتی ده اشاعیکی
مثالردن نمایان اولور.

شعره مثال :

سرور وسعد وسامان وسلامت سبز زار وسور
او معجون هفت اجزا قونوب سکز افندی به
عرفان پاشا

نثره مثال :

لسان ادیب حسام قضیب، شمشیر خطیب تیغ هلاکو، سنجق سائل رایت
منکو، جرار لشکر لشکر جرار، دادار داور داور دادار اولدی،
شفیق نامه

بویله شیر بعضاً صنعت ایچون التزاماً یاییلیر. شناسی مرحومک.

با صفا منشرح الصدر اولوب اول صدر رشید

ایله صدر صدارتده تصدر همه آن

بیتده اولدینی کبی. انحق بومعقوله صنایع لفظیه نک مقبولیتی امر
اعتباری وسوزده آهنگ سلاستک وجودی ایسه هر کسجه ارانیر
بر امر طیبی اولدیغنه نظراً آهنگی صنعته فدا ایتماک ایجاب
ایدر. ینه شناسینک !

ویرر انسانه ثقلت محتیه مردم احق

ایدر اسماعی شق باق لقلقه ایله لقلق لقلق

شعر مزاح آمیزنده ایسه اخر کلماتده بالالتزام جمع اولنان

طقوز عدد قافک مصادمه اصواتندن حاصل اولان دقدقه

وشقشقه دیکلیانلرک قولاقلرینی دق وشق ایتمکه لقلقه لقلقدن

کری قالماق جهتیه بوسوز آهنگ عمومی به مغایر و مردوددر.

لکن لقلق صداسنی تقلید اعتباریه آهنگ تقلیدی به داخل

اولورکه احوالده مردود دکل بالعکس مقبول عد اولور.

اوجنجیسی — کثرت تکراره دوشامکدر. نشیده آتیه ده
(گاه) و (که) لفظلرینک تکراری مناسبتیه آهنگ بیانه
تطرق ایدن خلل محتاج اخطار دکدر .

لوح اولدی که وگاه خاتم
که کوردی سرور وگاه ماتم
که باشه چیقوب که اولدی بامال
گاه اولدی کلاه وگاه خلخال
که قبله نما که اولدی ساعت
گاه اولدی رکاب ورخت دوات
که بجر اولوب که آفتابه
که آتیه کیردی گاه آبه

نابی

دردنجیسی — ادوات و افعالک کثرت استعمالندن اجتناب
ایتمکدر . بولازمهیه عدم دقتدن ترتب ایدن آهنگسز ایکه مثال
«لکن اول صو طعماً عادی صو ظن اولنور ایسه ده (ذاتنده) بیانی
صو (اولیوب) دوا نوعندن (ماوراء النهرده) جبل جرجانیسون تعبیر
اولنور جانوریتانی جبل کبیر (شاهقنده) بربر عمیق (قهرنده) برمطلسم
اژدهانک دندان دیندن (صیزوب) اوتوزالتی (سنه ده) برطماه (طلیه رق)
ایکی بیک (سنه ده) برفنجان صو انجیق حاصل اولورمش. افسون شناسان
سلف تبرعاً للخلق قوه فن افسون ایله اول جبل کرهان نمونه (واروب)
تیجه بیک جانورک حلات پنجه زهره شکافلری (صاوشدیره رق) شاق
جبله خروج و بر مذکوره نزول و ولوج ایله دندان اژدهایه برفنجان
(بناشدیروب) عودت ایدر و بونلرک اخلافتدن اول صویه وارث بولنان
هرکیم ایسه جبل مذکوره (واروب) کذلک افسون کرلک ایله بر
مذکوره کی اژدهایه رهایاب (اوله رق) . . . »

عاکف پاشا

بشنجیسی - تتابع اضافاته میدان ویرمماکدر. آهنگك تتابع
اضافاتله انتفاسنه مثال ،

«هرزمانكه حمامه موزون ترانه دلکش آواز معرفت پرداز
ساحه ملسای صحایف لطیفهای فیروزه قامه بال کشای پرواز و محرك جناسی
حقیقت و مجاز اوله.»
ترکی

التنجیسی - کلماتك قصر و مدینه قائل اولمامقدر . بونلر
همان نظمه مخصوص کیدرکه سببی وزن و قافیه در. اصطلاحات
شعریه دن اوله رق بونلره زحاف و اماله دیرلر . زحاف و اماله یه وزن
و قافیه نك سببیتی ضروری عد ایدیش اکثریا توهمیدر. نادراً
حقیقی ده اوله بیلیر . لکن نه چاره که قارئین بو ضرورتی
ملاحظه ایله شاعری معذور طوتمغه کندیلرینی مکلف بیلمدکلرندن
آهنگ سلاستی حائر اولمیان اشعاری معنانه درجه مقبول اولورسه
اولسون اکثریا نظر اعتباردن اسقاط ایدرلر .
مثلا :

حرمین بابی پاك ایلدی نا محرمدن
پولادی قوم ضلال آیینی هب تا بحجیم
عارف

آیا که بو دوستمیدر یا دشمن ؟

یارب بو حضرمیدر یا رهزن ؟

نابی

بیتلرنده (حرمین) و (دوست) کله لرینی حقیقه او قومغه امکان
اولدینی جهته سلاست اشعار عثمانیه مألوف اولان هر بر
طبیعت بونلری رد ایدر .

و عالمی آجدی صبا و بردی ینہ رونق کل
باغده غنچه لر (آچلدی) (آچلمادی) کوکل .

و حیرت (آلیر) عقلمی باقسم (کوزینه فاشنه)
صد هزاران آفرین اول صورتک نقاشنه .

ینلرنده (آچلدی - آچلمادی - آلیر - کوزینه - فاشنه)
کله لرینک اماله سنه مجبوریت اولمسندن طولای ذوق سلیمده
بونلردن تماماً استیفای حظ ایدمه مز که سببی آهنگ سلاستک اولکی
یتلرده برر بیوک عارضه ایله فنا حالده سسکته دار و دیگرلرنده
بعض مرتبه مختل اولمسندن بشقه برشی دکلدیر .

زحافات و امالاتک آهنگ سلاستی اخلال خصوصنده کی
تأثیراتندن طولاییدر که مشاهیر شعرا مز بونلره پک زیاده دقت
ایدرلر . واقعا فضولیده ، نفعیده . ندیمده فلانده یوقاریکی ایکی بیت
قیلندن مزاحف شعرلر هیچ یوق کیدر . اماله لی سوزلرده صره
تصادف اولنورسده بونلرکده تدقیق اولدینی حالده - توهمی
دکل حقیقی - برر ضرورته مستند اولدینی اکلاشیلیر .

(۲) حسن تألیف عبارتانه کلنجه بونک ضمنتده اولان آهنگ
سلاست دخی - بو حالده - بنساء علیہ - حال بوکه - زیر -
چونکه - واقعا - فی الحقیقه - بوندن طولای - بوسبیلہ
وقتا که - نه چاره که - معلومدر که - بونک اوزرینه - لکن -
فقط - مادام که - ایسه ده - اولوب - تا که - اولدیغندن -
بو حاله کوره - شویله که - الحاصل) کی جمل و فقرات کلامیه بی لفظاً

و معنأ بر برینه ربط ایدن ادواتك موقعنده و یا قشغنده قولالائی ،
 جمله لر بیننده تناسب بولمسی ، فقراتك حسن صورتله انقطاعی
 خصوصلرینه دقتله حاصل اولور . جمله لك تناسبی ایسه فکر
 و سمعك متساویاً استیفای حظ ایده جکری صورتده طول
 و قصرندن عبارتدرکه بوده مجرد حسن طبیعت و ذوق موسیقی
 ایله بیلنه جک شیر .

خصوصات محرره یه مراعاتله تحصیل ایدن آهنگ سلاست
 ایسه امثله آتیه دن مستبان اولور .

بو تعریض مشرکان بدکیش و تهدید بیکانه و خویش بکا بوسلوکده
 مانع اوله من و بو امر خطیرده بنم تمشیت مهامه شد نطق اتمام ایتک
 سزه نافع ایدی . اگر خاطر یکز بومعاندن ملال پذیر اولوب بوخر مشربانیه
 ضلالتیه صورت مخالفت ابرازندن قاچارسه کز عنایت حضرت پروردگار
 بکا یار مددکار یتر دیوب مجلسدن قالدی . ایستدی که سرودلکش سیاسنه
 رخصت خرام ویره . تأثیر کلام سیدالانام علیه الصلوة والسلام نرکس
 دورین ابو طالبی ژاله بار سرشک رقت ایدوب یرندن قالدی . گوشه
 دامان کبی ایاغنه دوشوب «ای جکر گوشه ناز پرورم ! سن بنم سرو هو و انجش
 بستان حیاتم سک . مأمور اولدیفک کار خطیر اتمامنده قائم اوله سک . تا که
 بنم قامت سرسبز وجودم خلعت مستعار حیاتله خراماندر و رب الکعبه
 سرکشان قریش خاکپایکزه پامال خذلاندر .

وبسی

§

بر طاقی دیدیلرکه روحك ماهیت و حقیقی مغایرت و مباینیت قبول
 ایتز جوهر بسیط مجرد در افراد انسانك صور اصواتنده و افعال و احوال

وحرکات وسکناتند اولان مخالفت امرجہ کونیه وطباع واقطار
متباینه نك تأثیرات طبیعه سندن در . وفي البقاع للطباع نصیب ، چونکه
عالم کون وفسادك نفس ناطقه ایله مرتبط اولان مناسبتندن طولانی آن
باکن قابلیت انسانیه متحول ومتفاوت اولور . بحال اوزره روح انسانی شعاع
شمس عالم آرا کبی ابدان واجساده اثبات انوار حیات ایدرسه ده هرا انسان
عالم طبیعتله اولان امتزاجی سبیلله حائز اولدینی قابلیته موافق خلق وطبیعتله
متفاعل اولور .

مثلا ضیای مهر منیریک اصل وپک جوهر ایکن تعلق ایتدیکی اشیانك
قابلیتلی حکمنجه کیفیات متباینه ظهور ایدرکه مملعه لرده کی میاهی
تعقید واجداد ودهنیات وشخصیاتی تحصیل واذابه ایدر . حالوکه اجاد
واذابه ایکی امر متباین ایکن بر فطرتك تأثیرندن حاصل اولور .
کذلک ریاض وبساتینه اشعه پاشن نشوونما اولوب ازهار واثمار نو آیتده
سنگ هر برنده بشقه بشقه رنگ وبوی لطیف وذوق وطعم لذیذ پیدا
اولور . لکن بالحققره وجیفه لره تعلق ایتدکده رواج منته و تعففات مضره
تکون ایدر .

نور خورشید اریفتد بر حداث

اوهان نورست نپذیرد خبیث

سامی پاشا

§

امیر مجاهد تاتارک اردوگاه غلبه ودارالشرك تعصبی اولان ماوراءالنهر
طرفلرنده سکن طقوز آی ایچنده عزت شریعتی قدماى اسلامك آثار
بدیعیه سندن معدود اوله حق برشعشعۀ اقبال ایله اعلا ایلدی . فقط داثما
نظری خراسان وکرمان طرفلرنده ایدی . چونکه اورالر اسلام
غلبه لکمنجه سائر لرله مرجع اولدینی کبی حکمرانی اولان شهرزاده غازان دخی
صباوتدن شبابه انتقال ایدنجه اولاد جنکیز اره سنده درایت وکفایتده

فوق العاده بر امتیاز حاصل ایش و بیانی چنکیز و اوکتای زمانلریک
اتحاد اداره و غلبه مطلقه سنی اعاده به بر قابلیت کوسترمکده بولنش ایدی.
بناءً علیه امیر نوروز شهزاده نیک یاجودی زائل یا خود کندیس
لواء الحمد اسلام الته داخل اولسادقه ارباب توحیدک اعاده اقبال
و استقلاله امکان تصور ایده مژدی .

کمال

ایچنده بولوبده آثار ترقیاتیه مباهی اولدینمز دوردلارای حضرت
پادشاهیده مادی و معنوی محاسن لاتحصا مشاهده ایدلمکده و علوم و معارف
وصنائیک هر شعبه سنده نیجه آثار ترقی کورلمکده اولمسیله بوبابده اطناب
مقاله حاجت کورلار، قالدیکه مقدمه مدرسه ادبک مطبوعات موقوته سی سنوی
منجم باشیلر طرفندن چیقاریلان تقویم سال ایله هفته ده بردفعه چیقمق
اوزره مرتب اولان تقویم وقایع نسخه لرندن عبارت ایکن جریده حوادث
بونلره ثالث بوشکل مثک ترقی توسع افکار عامه به باعث اولوب کیدرک
ترجمان افکار عمومیه اولان مطبوعات موقوته بردن بره اولقدر تکثر
ایتمشدرکه مدت قلیله طرفنده رونما اولان ترقیاتک بیان تفصیلی شویله
طورسون یالکیز بوسره ده منجم باشی افندی طرفندن سال تقویمه علاوه
اولنان فوائد جدیدنه باب باب شرح و ایضاحنه تصدی اولمسه بریوک
کتاب اولور. فقط اوج درت سنه دنبرو بوتقویمده کوریلان سنه شمسیه
هجریه مسئله سنه دائر بعض اباحت و مطالعاتک بوجه آتی ارباب دفته
عرض و اختطاری موافق شعار شکر گذاری کورلشدیر .

اوراق دورنک لیل و نهار دسته دسته شیرازه بسته فصل خزان
و بهار اولدیه ایام، تنواییه کوره اوضاع فلکیه نیک تعدیل و تقویمی ایله
سنه لریک تمین مواسم و فصولی نوع بشرک یک اسکی برعادت و اصولدره
جودت پاشا

- آهنگ تقلیدی -

آهنگ سلاستک بنوعنده کی خاصه اشیا یی اصوات ایله تقلید
و تصویر ایتمکدن عبارتدر . مدلولی صدا ایله تقلید ایدن کلمه لره
الفاظ صوتیه اطلاق ایدرز .

(جاغلدی - شارلدی - طاقردی - فیسلدی - چن چن
- کم کم - خرخره - طقطقه - اقلقه - چناچن - فشاش -
چکا چاک) کی .

بوقیلدن الفاظ صوتیه عثمانلیجه ده پک چوق وکثیر-
الاستعمالدر .

شعر ایله آثار منثورہ شاعرانه کـرنک وصدادن تغدییی
اقسام سائرہ ادبیہ یه نسبة زیاده در - آهنگ تقلیدی یه زیاده سیله
مائلد ،

مثلاً، نفی شاعر، بر مصاف حرب ووغاده قلیچلرک بر برینه
چارپمسندن حصوله کلان ونا بلوطلره قدر واصل اولان صدای
مهی بی بزه نظماً بیلدیرمک ایسته نجه بوصورتله بیان ایدر .

اوج هواده صیت چکا چاک تیغدن
آواز رعد و صاعقه ره کم کنان اولور !

§

کذلک شیخ غالبده عالم تخیلده تصادف ایتدیکی برشورگاه عشق
وجنونک ولولہ دهشت انکیزندن بحث ایدنجه شوا دا ایله ترجمان
تصور اولور :

بر ولوله سقف آسمانده
 زلزله سطح خاکدنده
 بیک شوق و طرب هزار قورقو
 ناقوس نقاره بانگ یاهو
 ظلمتله مخوف چوق صدالر
 آواز بلند آشنالر
 کم کم اوتر آسمان صدادن
 کم کشته زمین بوماجرادن
 §

بو بچده ندیمک یوقاریده دخی بشقه بر مناسبتله ایراد ایتدیگمز:
 بر ایتدی کوچه بی صیت فشافتش دایمان
 ایرشیدی ذروه ناهیده چن چن خلخال
 بیتی کنیدی کنیدی زورله خاطره کتیره جک نوادر دن دگیدر؟
 §

آهنگ تقلیدیده اشیانک بیوککنه، کوچوکلکنه، اهمیتنه، فلانہ
 باقلماز. اقتضاسنه کوره بر سینک ویزلدیسیده تقلید اولنور.
 فقط لزوم حقیقیه مستند و معیندار و ادبیانه اولق شرطیله یوقسه
 بردن کوکه کوپ دیزسه لر بر برینه پر کیتسه لر
 آلتنده کینی چکسه لر سیر ایله سن کومبور دوی

زوزکلکی قیلندن «طبل پر آوازه باطن تهی» مثله ماصدق
 اوله جق معناسز شماتلرک شق اسماع و ایراث صداع ایتمکدن
 بشقه بر لطفی اوله میه جغندن بویله کورلدیلری برشی ظن ایدن
 ارباب شعر و انشا عالم تحریرده بر خوش صدا براقش اولمز لر.
 سکوتلری ایسه موسیقی برینه کچر.

§
 جدیتدن آیرلیه لمده برده ضیا پاشا مر حومک اوصاف حرب و ضربده

نفعی به مخصوص اولان آهنگ بیانی تعریف ایدن برنشیده سنی
 کوره لم که نفعی برچوق سوزلریله طبیعتی تقلیدده نه قدر مهارت
 کوستره بیلیمش ایسه پاشاده بو اثریله نفعینک طبیعتی تقلیدده اودرجه
 اقتدار اثبات ایتشدور .

اوطرز بیان اوحسن اسلوب

اول طور بدیع اووجه مرغوب

هرمطلبه خاصه در اداسی

هرنغمه ده بشقه در صداسی

برحربی ایدرسه وصفه آغاز

کویا ایشیدر قولقلر آواز

برعربده برهموم چالاک

برخنچر ومغفر وچکا چاک

برحمله ایدرکه خصم دینه

کویا اینر آسمان زمینه

اویله قلنج اوردیررکه فرضی

ایلر ایکی پاره کاوارضی

§

برقاچ مثالده نژدن کتیردم: حضرت فاتحک استانبولی فتح

ایله اوغراشدیغی زمان ترتیب وامریله بردن آتش ویریلان

طوپلرک صدای مهیننی فقره آتیه بلکه انادن طوغمه صاغرلرده

ایشتدیرر :

نهایت پادشاه طوب قیوایله ادرنه قیوسی بیننده تنسیب ایتدیکی بر

دیواری عادی طوپلردن برقاچ بطریه ایله بشاون کونلر برخط اوزربنه

دوکه دوکه کوشتدکدن صکره بیوک طوپلره آتش ویرلسنی امرایتمکله

ینارطاغ باطلامش کی برطرائه قیامت نمون ایله طاغ پاوچه سی بیو کیکنده
آیلان کلرک بربری متعاب بررجسم زلزله کی ورودی دیواری یرله
یکسان ایتش ایدی .

کمال

تلاق ترجمه سندن نقل اولانان فقره آتیه ده دخی قالیسونک
تأثیر غضب و انفعالیه اورمان ایچنده هربری برطرفه طاعلمش
اولان قیزلرک تلاق توقیف امکانی کی متبوعه لرینی دلشاد ایله جک
برخبرنا کهرس اوزرینه سرور وتلاش ایله قوپاردقلری چیغلق
مترجک مهارت ادیبانه سی سایه سنده غایت تکلفمز و لطیف بر
صورتده تقلید اولمشدر :

عشق فتان درآن واروب قورددن اورکش قویون سورسی کی
اورمانده بکان بکان تازان وتکان اولان قیزلری بریره جمع ایله « تلاق
حالا الکزده درکیده کمینی یاقوب مسلك فراری سد ایده » دهرک
ایقاد مشاعل های وهوی اتحاد و برکونده قطعه نمای دستکاه امام اولان
سفینه نک رمادینی برآنده برباد ایله کلرینی ..

کامل پاشا

یوقاریدن بری ایراد اولان مثالر آوازک تقلیدینی متضمندر .
آهنک تقلیدینک سکون و حرکت - حال و وضعیت - یأس
وامید - خوف و تلاش - سرور و کدر - عشق و سودا -
نور و ظلمت - کی احوال و حسیاتی نصل تصویر ایتدیکی ایسه
آتیه کی برقچ مثالدن اکلاشیلیر .
ظلمت و سکوت مثال :

نظرم ایسه اطرائه مستولی اولان محیط ظلمتک اعماق خفا سنده غائب

اوانش کیتمشیدی. کیتدکجه ظلمت برحاله کاندیکه قرانلی ال ایله طومق
قابل کی کورینوردی. سایه سنده اکلندیکم هراغاج نظرمده برغول
یبانی شکلی باغلا دی، کویا که یربوزی زیر زمینه کچمش ویا خود ظلمات
مقابر روی ارضه چیقمشیدی. کویا که اولوم ماتم انوابنه بورغمشده
میدانه اوغرامشیدی. کویا که یدقدرت شو برآوچ خاکی عوالمندن
آیرمشده عدم اباد نسیانه انمش ایدی.

کال

دوره وسیره مثال :

هرتجلی کیم ایدر عشق دل افروز نکار
ایکلیوب باد اچار اعلنی کلیاغ بهار
جویلر کربه ایدوب نعره اورر مرغ هزار
رقص ایدر پیرلک وجد ایله بی صبر و قرار
کیمی بی صوت و حروف و کیمی پرناله وزار
ذکر ایدر حق جهان زیر و بری دونه دونه
شمسی افندی - اسکدارلی

حرکت و هیجانه مثال :

نوبتجی شاشیروب ترسان ولرزان اوافق اوافق کزینوروتفنکنی قورمه
چالیشیوردی. پنجره دن کوردم - آیول او سلاحه نه ییاجق سک؟
کندیکیمی اولدیره جکسک؟ تفنکیکی اورایه براقده شو چو جوقلرک قیوسنی
آچ، سنده خلایه کیر بزسنی قورتاریرز- دیدم. المدن کلسه صحیحاً قورتارمه پی
قورمشدم. (سبحان الله- اوله خاش ایچون اوله بروقتده مرحمت طمارلریمک
حرکت کلسنه تعجب اولتمیزی؟) هر نه ایسه تتره یرک تفنکنی دیواره
طیادی. محبوسلرک قیولرینی آچدی یواش یواش اللرینی اوغوشدیره رق
خلایه کیردی. بیچاره محبوسلر ایسه کرچه غوغا کورلدیلر ایشیدیه یورلر
سده نه اولدیغنی بزم قدر بیله مدکارندن قیولری آچیلمش ایکن دلکیدن

باقوب دیشاری چیمغه جسارت ایده میورلردی. نه طور یورسک چیقکزا
دیدم. قیوی آجدیلرینه بکباقیورلردی. قورقیکنز جانم چیقکزدیدم.
زنجیردن بوشانمش ارسلانلرکی نعره اورارق اوغرادیلر. والیرینه کیمی
بالطه، کیمی کسکی، کیمی دمیر پارچه سی الوب آلتیمزده کی مهمات طولی
اوطه نك پارمقلقرخی قیرمغه باشلادیلر.

راجی افندی - وقعه زغرہ

وقوف و وضعیته مثال :

برج و باروی قسطنطنیه - که دارالعجائب طرفه آثاردر - کنکره دروازه ده
قله فلك کی آشکار اولیجق ادرنه قیوسی دینکله معروف اولان باب معلا طاقه
متصل خارج دروازه ده واقع خندق حصار اوزره بنا اولنان جسر معهود
اوزره شخص مذکور عنانکش سمندر فتار اولوب مہیای یا هو و صورتی
الوداع اولدی.

ترکی

صعود و هو طه مثال :

شمی افندن بر سیاه بلوطدر قاتر . هجوم قوی کی طویلانور
طویلانورده اومولز بر سرعتله ایلری. طوغری یوریر. برلر کوکلر طاغلر
ایکیل ایکیل ایکلمکه، کینک هر ماقره سی هراچی یلکنلرک هر دیکیشی
هر دیکی بر بشقه هوادن فریاد ایتکه باشلار. دکنز فلك یاریشه قاتقیشیر:
شیشر شیشر هر طالفه سی برقره بلوط شکنه کیرر هر طالفه نك اتیشندن
چاریشیشندن جاغلدیشندن بر بشقه فورطنه دها پیدا اولور.
کوکلر کوزیکک اوکندن برلر ایاغنک التندن قاجار. بر دقیقه ده
یوکسلیرسک یوکسلیرسک یوکسلیرسک، قوللرینی اوزاتسه نك الکه بریلدیز
کچه جک صانیرسک، نه اود دقیقه ده الجالیرسک الجالیرسک الجالیرسک، دکنزه
کوزکذر سه کدنیا برندن اوینامشده دونه دونه اسفل سافیلنه طوغری چکیلوب

کیدبیور کبی کوریرسک . هرباقشده جناب حقك قدرتی، عظمتی درت
طرفكدن میدانه چیقیویرر !

— کال — عاكف بك اوینندن —

تلاش وحرکته مثال :

تا آلچفدن باشمزی قالدیروب تماشا ایتدیكمز بادشاهلری — هرکس
الرینك التنده تیره یوب طوریرکن — باقکر انلرده انساندر دیه جناب
حق شمشیر اجل ایله اورپوریور . باقکر جناب حقك ایشلرینه که
بو قدر لطف واحسانیه تلطیف ایتدیکی وقوللرینه حاکمکه لایق کوردیکی
قوللری بزم عبرت آلقلغمز ایچون فدا ایدیور .

.....
دنیا محبتیه مسخر اولان قلبلر مری او یاندیرمق ایچون بویه بیو جك اخطارلره
اره صره مطلقا محتاجز .

امان نه دهشتلی کیجه ایدی اوکه ییلدیرملی شمشك آوازه سی کی
« قرالیجه کیدیور! ودها صکره » کیتدی ! « نداسی یایلدی . فاملیاسندن
ایرلیق شراره جکر سوزی کی ایچریسندن برشدید قفلجم او آنده ظهور
ایتمیان آدم واری ایدی بیلم . بوتلاش ایله هرکس سرائک اطرافنه
اوششیدیلر . امانه کوردیلر ! بتون خدمه ده بر بکای حسرت ! سرائک
بناسنه وارنجه یه قدر حضارده برآه فرقت ! سرائک ایچروسی نمونه روز
قیامت والحاصل زوالی قرالیجه نك قلبندن ماعدا هر طرفده بر حرکت .
بوسوئه — مترجی کال پاشا زاده سعید بك

حال و قیافته مثال :

چکوب وساده می قیلدم کلاه گوشه می خم
غریم غمدن ایدوب نیم لحظه استمهال

ندیم

دیگر

هزار ضعفله حمامه طوغری عزم ایتدم
 کمر کسته پراکنده کوشه دستار
 وله

§

جسیم بر کمینک بحره نروانده کی حالی تصویر ایدن شو:
 ایلدی اقبال اوچ انبارلی یمه آتلا کبی
 مصراع تاریخی - که شاعر مورخ سرورینک در - حاوی
 اولدینی جناسله برابر آهنگ تقلیدی ایچون مثال اوله رق ایراد
 ایتمکدن کچه مدک .

§

آهنگ تقلیدی طبیعی اقتضاسنجه کندی لزومی نادراً
 حس ایتدیرر . بر اثر ادبی آهنگ تقلیدی به بوغمق قابل
 اوله مز . اولسه ده پک غریب کورینور . وارباب مطالعه به کلال
 ایراث ایدر . آهنگک بونوعی طبیعی وبلا تکلف ظهور
 ایتلی وبحق تصویر ایده چی شیرده قوالانلی وفصاحت ووضوح
 وآهنگ عمومیدن هیچ بریسی بوکا فدا ایدنامیلدر . زیرا
 آهنگ تقلیدی بعضاً محسنات بیاندن معدود اولورسه ده بالذات
 بیان دکلدرد . آهنگ عمومی ایسه صنعت تحریرک قوانین
 اساسیه سندن اوله رق اکا اهمیت ویرلمدکجه کوزل برشی یازیله مز
 طمطراق بیانده کعبه واریله میان نفینک آهنگ سلاسته نه درجه
 اهمیت ویردیکی شونشیده سیله ثابتدر :

دوشده فکر ایلرم اوصافکی بیدار اولیجق
بولورم لوح خیالده سراسر بی رنگ
صکره تصویر ایدوب آینه اندیشه مده
هم یازار هم طو ترم نغمه کلکه آهنگ

بو آهنگ سلاست - که روحانی نوای نای فصاحتدر - نغمه ساز
اولدینی آثار ادبیه ده کی افکار وحسیاتی سامعین وقارئینک نفس
ناطقه لرینه قدر القا و اوصورتله قلوبی تسخیر ایدر .

§

اسلافده فضولی کبی، نفعی کبی شاعرلرک - زمانمزده شناسی
کبی، کمال بک کبی ادیبلرک اوازه شان ومفخر تلرینی عالم ادبیات
ایچنده آفاقگیر ایلان اسبا بدن بریده آثار ادبیه لری آهنگ سلاستدن
حائز نصاب کلی بولمسیدر . الحاصل آهنگ تقلیدی - که
اقتضای حال ومقامه کوره بحسب اللفظ الک خشین ویا الک
لطیف - الک سریع ویا الک بطی - الک آغر ویا الک خفیف کلماتی
انتخاب والتقاط ایتک شاندندر موسیقی بیان دکل تصویر هوای
نامیله یاد اولنسه سزادر . مع مافیله بونک آهنگ عمومی یه لطیف
معاوتی ده انکار اولنه مز .

واقعا بر اثر ادبی. آهنگ عمومی اعتباریله، بر مکمل موزیقه یه
تشبیه اوانسه آهنگ تقلیدیسی دخی - زیل - (طبل) - معهود بیوک
کان کبی کاه و بیگاه چیقاردقلری مدهش صدالزله موزیقه نک آهنگ

مطرده عمومیسنی خوش آینه بر صورتله فاصله دار ایلیان آلات
حکمنده عد اولنه بیلیر .

— التنجی مبحث —

موافقت

موافقت بر قانوندرکه اسلوبی موضوعنه توفیق ایتمک وتعبیر
دیگرله افاده بی افکار وحسیات ایله متناسب دوشورمکدن
عبارتدر . بوتقدیرجه اسلوب افاده محتویاتنک ماهیتنه کوره
— زینت — عظمت — احتشام — شطارت — جدیت — شدت — کبی
حاللردن کندیسنه مناسب اولان هانکیسی ایسه اوحالده
بولندیرلدینی زمان موافقت قانوننه رعایت اولنمش اولور .
ایشته بوقانون حکمنه استناداً درکه اسالیب افاده — اسلوب
ساده — اسلوب مزین — اسلوب عالی — نامرلیله باشدیجه اوچ نوعه
تقسیم اولتور .

انحق طبیعت وماهیت موضوعنه کوره اسلوبک دائمًا تبدل
ایتمسی اقتضایده جکندن انواع ثلثه دن یالکز بریسی — دیگر لرینه
تماس ایتدیر مکسزین — طوتدیروب کیتمک هر بر صاحب قلم
ایچون متعذر صایله جق قدر متعسردر .
واقعا هیچ برتألیف ادیبانه یوقدرکه انده اسالیبک — اشاغیده

تعریف ایده جگمز - هر نوعه موافق پارچه لر بولنسون. و بلکه اکثر پارچه لرنده انواع اسالیب اختلاطی کورلمسون. بر مؤلفک هنری ایسه اثرنده اسالیب بیانک کافه انواعی حسن ائتلاف و امتزاج ایتدیرمسیدر. مهارت ادبیه یه مالک اولانلر بر فکر عالی یی اسلوب عالی ایله نصل کوزل تصویر ایدر ایسه اسلوب ساده ایله ده ینه او یله کوزل بیان ایدر. کاه اولورکه بر طرز ساده دلانه و نازکانه، بر طور تکلف بر اندازانه ایله قارئینک قلوبنی جلب و تسخیر ایدر. کاه اولورکه پارلاق تعییرلر، عظمتی فکرلر، شعشعلی خیال لرله ارباب مطالعه نک روح و فکری نه اهتزازلر اعتلالر بخش ایلر. بر مهارتله که بر اسلوبدن دیکرینه نه یولده انتقال ایتدیکنی فرق و تمیز قابل اوله مز. اراق اراق شطارتنه دوام ایدرکن جدیدته انتقال ایدر. شاد و منبسط کورینورکن محزونیتنه دوشر. حدت و شدت ایچنده ایکن حالی سکونته منقلب اولور. اثنای تعریض و تهکمده ایسه بو حاللرک هپسینی دفعه کوسترر. بوقدر متخالف احوال و حسیاتی اسالیبک یالکیز بر نوعنده اجرا ایتمک نصل قابل اوله بیلیر؟

مع مافیه انواع اسالیبدن هر برینک کلیت و عمومیتی اعتبار ایله اک زیاده یاقشق الدیفی مواد و افکار بالتجربه معلوم اولمشدرکه شمدی انلرده صره سیله تعریف و توضیح اولنه جقدر.

- اسلوب ساده -

اسلوب ساده اقناع و تهییج دکل تین و تعلیمه واکندیرمکه مخصوص برطورافاده اولدیغیچون مطول عبارهلردن، عظمتلی تشبیه واستعارهلردن، شعشعه لی خیال لردن مجتهدر، سهولت وسلاسته برجوبار خوشجریان کبی آهسته روان اولمق ایستر. تزیینات ادبیه یی قبولدن امتناع ایتمزسه ده اوتزیینات اعتنا و تکلفدن تمامیه بری اولمیدر. کنیدیسی برقطعه چمنزار طبیعت کبی یکرنگ و هموار اولدیغندن مزیناتی ده چیچکلر ایچنده پادیه، یونجه قیلاندن دوز و ساده شیلر اولورسه یاقیشیر. صنعته بتون بتون نا مساعد دکلدر. لکن اجرا اولنان صنعت کوزه چارمیه جق صورتده اولمق اقتضا ایدر. زیرا اسلوب ساده نك اك بیوک مزیت ولطافتی تکلفسز لکدن، طبیعتدن عبارتدر.

آئیده برایکی مثال بوتعریفی ایضاح ایدر :

اکثر اختلافاته بادی اولان اشخاصك مراملری اصحاب اقبالی پرکشته ایدوب کندیلری یرینه کچهرک کسب اقبال اینکدر. امنیت و حریت صحیحه موجود اولمیان ملکده ارباب درایت عقیم اولور. یعنی فضل و درایتك تمامیه اثری حاصل ومشهود اوله من. منتظم اولمیان دولتلرده بین الاهالی اتفاق محال اولوب اتحاد مجرد ارباب فساد یبننه منحصر اولور. دولت غیر منتظمه ده خوف باری دخی معدوم اولور. وفرائض دیانتك استحقاقی جهتیله اجرای عهده رعایت اولنیهرق

افكار فاسده لرینه اویان شیلری اجرا و ماعداسنی ترك و الغایدر لر . و بویله دولترلده کوتور آدم لر مستخدم و معدوح و اینی ذاتلر متروك و مذموم اولور لر . شویله که برطاقم . غادات مضره قانون و نظامه غلبه ایلر و کوریلان احوال مذمومه نك نظامه دفعی میسر اوله من و بویله فسادات قبیحه دن طولانی اهالی امور خیره ده بخیل و امور شریعه ده سخی اولور . و شان و شرف ملتی و قایه به حرص و رغبتلری غالب اوله جق برده خاطر لره گلز نیجه مصالح باطله نك ترویج نه حب و انهما کتری زیاده نور . بوجه تئله بین الاهالی کین و غیظ و بغض و عداوت بیاغی عادت حکمنه کیروب و اتفاق و مودت و مروتک و جهاً من الوجوه اثری قالیوب دائماً متفرق فرقه لره منقسم اولورق حرکات ردیه دائمه لری اهل خیره باعث تأسف و ارباب شره بادی شادی و سرور اولور .

رفت پاشا

دیگر :

برمنوال محرر قرنجه لرك بودرجه فطانت و استعداد لری هیئت اجتماعیه لرینه مخصوص اولوب بونلر حال افرادده خصملری اولان دیگر بعض حیواناته مقابله دن عاجزدر لر . از جمله قرنجه ارسلانی تعبیر اولور برنوع حیوان صغیر انلره غلبه ایدر . اشبو حیوان حشراتدن قنادلی و ظریف برنوع حیوانك یاورسی اولوب قن ایله تغدی ایدر و اکثریا شکاری قرنجه در . قرنجه ارسلانی، دوه جك تسمیه اولنور، معهود حیوانه مشابه اولوب فقط بونك باشنده برطاقم اوزون بونوزلری واردر که آلات مشابه سنده استعمال ایدوب بونلر دخی هیئت مخصوصه سنه تحویل ایدنجه یه قدر اجرا ایده جکی حرکاته تمام موافقتدر . حشرات سائر نك کندی شکارلرنی تعقیب ایتك ایچون قناد و یا خود ایاقلری اولوب حیوان مذکور ایسه بموقوله اعضادن بالکلیه محروم اولدیفندن قطعاً یرندن حرکت ایتدیکی حالده شکاری نی نزدیکه جلب ایدر . شویله که شکارك گذرکاهی اوزرنده برچقور قازهرق ایچنده بوصویه یاتار و مترصد اولدینی حیوان مطلقاً ایچنه دوشر .

اشبو حفره‌نی قوری قوم ویاخود طوپراق اوزرنده حفر ایدوب کندوسی دخی‌ایچنده بالتصادف اورادن مرورایدہ‌جک قرنجہ‌نک ورودینه کمال صبر و سکونت ایله منتظر اولور. اول امرده چقورک وسعتنه کوره پر دائره‌چیزر. وجقورک عمقیله اشبو دائره‌نک قطری بیننده برنسبت معینه اولدیغندن برخیلی مقدار طوپراغک حفر و اخراجی لازم کلوب اشبو عملیات مشکله‌نی - حسب‌الشکل قازمه مثابه‌سندہ استعماله صالح اولان - باشیله اجرا ایدر. شویله‌که بریاغیله قومی باشنه طولیدروب خیلجه قوتله دائره‌دن دیشاری آتار. شوحاله نظراً جسامتنه نسبتله اعصابنده خیلی قوت اولسی لازم کلور. مقصدی حاصل اولنجیه یعنی برق‌آسا تیترو مکعب طوپراق چیقارنجیه قدر عملیات مذکورہ فی‌کمال مهارت و سرعتله تکرار ایدر. حفراسندہ ایرنجہ قوم دانه‌لرینه تصادف ایلدیکی حالده انلری دخی باشیله قالدیرر آتار ایسه‌ده قوم دانه‌لری بوصورتله رفی ممکن اولیہ‌جق درجه‌ده جسیم اولورایسه اول حالده ارقه‌سنه یوکیلوب خارجه نقل ایدر. حیوان مذکور اکثریا اشبو تشبثاتنده موانع قوییه تصادف ایدرک دسترس اوله‌مز ایسه‌ده (!) قطعاً دوچار یأس وفتور اولیوب مطلبی حاصل اولنجیه قدر عزیزمتنده ثبات و اصرار ایدر.

منیف پاشا

دیگر :

« اخر الزمانده دیار عربده اولاد اسماعیلدن خاتم‌الانبیا کله‌جکی کتب سهویده مندرج ایدی. خاتم‌الانبیا - که فخر و افضل بنی آدمدر - اولوقتک حکمنجه آنک عربدن ظهور ایتسی مقتضای حکمت و مصلحت ایدی. زیرا عربلر اولوقت دنیا به یالیش اولان فنا‌نقره بولاشمیوب ورومه‌لیلرک چرکین عادت‌لرینه آشمیوب جزیره‌العریده بدویت سایه‌سندہ فطرت اصلیه‌لری اوزره قاشلر ایدی واکرچه عربلر علوم و صنایعدن بی‌بهره ایسه‌نرده ایچلرنده فصاحت و بلاغت مصراق زیاده‌شمش و پک چوق شعرا و غایت فصیح و بلیغ ادبا و خطبا یتشمش ایدی.

امی اولدقلری حالد غایت کوزل اشعار سوبلرلر وداثما فصاحت
وبلاغت ایله تفخر ومباهات ایلرلرایدی. حتی مکه جوارنده سوق عکاظ
نام مجله هر ییل ذی القعدة آینده بریوک پنایر قوریلور، هر طرفدن اورایه
شعرا وبلغا طوبلانور، کوزل شعرلر وکنزیده خطبه لر اوقونور، سوز
میداننده یارشلر اولور، باش اولانلر آفرین آلور و شعری کعبه دیوارینه
آسیلورایدی. بوصورتله کعبه دیوارینه آصلمش یدی قصیده واریدی که
انلر معنقات سبعة دینیلور. انلرک برنجیسی امری الفیسک قصیده سی ایدی که
اک یوقاری آصلمش وبعث محمدیه قدر او یله قالمش ایدی .
الحاصل شعرا وخطبا کوزل شعرلر ومؤثر خطبه لر ایله حمیور انامه
وعظ ونصیحت وتهذیب اخلاق عوامه پک چوق همت ایدرلردی . .
جودت پاشا - قصص انبیا

دیگر مثال :

بو وجهله بین العرب شعر مرور زمانله تنزل وتدن ایتمش ایسه ده
بوفوق العاده لسانک کندینه مخصوص بر فصاحت ولطافتی وشعره
زیاده سیله استعدادی اولدینی کی شعرای قدیمه سنک آثار موجوده سی دخی
نمونه ورهبر یرینی طوته بیله جکندن عربلرک شعرده بردور جدیدلری
اولق ممکن ومأمولدر. شوقدر وارکه شعرای قدیمه نک فصاحتته امثالله
چالشمغله برابر شعرلرک بیابان وخیمه ووده حدودی ایچنده محصور بر اقلیم یوب
اوفصاحتک حسیات وافکار عالیة جدیدیه تطبیق اقتضا ایدر. چونکه
بوکون بر عرب شاعری امری الهیسک اشعار وادیسنده شعریازمه نه قدر
اوزنسه ینه اوزمان جاهلیت شاعریک نااهل وعاجز بر مقلدی اولتقدن
قورتیله مز. شعرده تقلید ایله شهرت قازانیله میوب راه نارفته یه کیمه مکه قازانیلیر.
بوسببله مبنیدر که شعرانک متقدملری دائما تاخرلرینه مرجحدر. شاعر
اولق یرستیان آدم تقلید ایتیموب کندی حسیات شاعرانه سنه تبعیثله شعرده یکی
یر چیغرا چغه چالشمیلدر. شعرای عربک خیالاتی غایت واسع وعالی اولوب
آز سوزله چوق معنی افاده ایتک یولنده کی مهارتلری دخی بحر عقولدر.

کندی نسل و نسب لری، جبار تلری، ساحت لری و یاد دیگر حال لری مدح و ثنایله تفاخر یولنده سویلد کیری اشعار و مبالغه دن خالی دکلسه ده عشقک لنداید و خصایصی، فراقک الام و محنتی، محبوبه نک حسن و جمال و اوصافی، صروت و کرم علو و جنابک فضائل کبی احوال طبیعیه حقنده سویلد کیری اشعار مبالغه نجهمانه دن خالی اولغله برابر تصویرات مجسمه حالنده اولوب اوقدر طبیعی، اوقدر مؤثر، اوقدر حزین و لطیف درکه خلفای عباسیه نک بریت ایچون بر شاعر و یار او یه اوقدر آغیر احسانلر ایتمیش و چوق دفعه بر مصرعک استماعدن مستمعینه فوق العاده حاللر وقوع بولمش اولدیغنه دائر «اغانی» ده «الف اللیل» ده و سائر کتابلرده کوردیکمز روایاته تعجب ایتمک کمز اقتضا ایدر .

شعر عربیک بر نقصاتی و ارسه اوده شعرای عربک تاریخه متعلق و یا خود صرف خیلاتدن اوله رق بر اوزون وقعه بی اساس اتخاذ ایله تفصیلاتنک نظم و تصویرینه کیرشمکی عادت ایدناملری و بناء علیه مشاهیر شعرای عربک آناری ایچنده هومر، فردوسی، دانت، ملتون کبی شعرانک آثار یله مقایسه اولنه بیله جک مفصل و منتظم بر اثر بولنه مامسیدر .

ش. سامی بک

شعره مثال :

برقیون یا وروسیله طاغده ملر
قراجه یاردن ایدر پرتاب
بر بایردن دخی اینر سوریلر
کاه کاه عکس ایدر صدای کلاب
برقدین دستیسلیله صوکیدر
ارککی بالطه سیله اورمانه
یایی او مزنده اوغلی بریانه
اوتده سود صاغار فقط دختر

کو ستروب صکره بیر عائله بر
 طولانور لر سباط پر یانه
 قید ماضی و درد استقبال
 او المایجه کور سعادت حال
 عبدالحق حامد

دیگر مثال :

منصوره کلوب اهالیء شام
 والیلری ظلمن ایتمش اعلام
 منصور دیمشکه لطف باری
 طاعون یوق آبلده کزده باری
 ایتمش بریسی خطابه آغاز
 اولمش بوجواب ایله سخن ساز:
 « بیتمکسه مرادیکیز اهالی
 طاعون یرینه یتر بو والی
 طاعون اوله هم ده ظلم جانسوز
 بر قولغه صیغمز ایکی قارپوز»
 اول شخصه خلیفه ایلیوب کین
 مجلسده اکر چه ایتدی تمکین
 باق طالع کیم بجای اکرام
 ایتمش آتی صکره ظلماً اعدام
 کر با که دیسه یدی بو کلامی
 بخش ایرایدم اوشخصه شامی

عزت ملا

اسلوب ساده - اخوانیات ، لطائف ، قصص ، تحکیه
 عادیه ، افسانه و مکاتبات ایله علی العموم علمه خدمت مقصودیه
 یازیلان اثار و مؤلفانده جا ریدر .

— اسلوب مزین —

اسلوب مزین تزینات ادبیه یعنی انواع مجازایله سائر صنایعه زیاده سیله مائل اولدیغیچون (مزین) وصفیه توصیف ایدیور .

اسلوب ساده نی صولو بویایله یا پلش بر رسمه بکزه دملک لازم کسه اسلوب مزین ده یاغلی بویایله یا پلش بر تصویره تشبیه ایتک اقتضا ایدر . بونوع اسلوبک بالخاصه ارادینی شی شعشه سیله ، آرایشله نظر استحسانه چارمقدر .

اسلوب ساده ایله اسلوب عالینک وسطنده واقع اوله رق زینت و لطافتجه برنجینک فوقنده ، شدت و علویتجه ایکنجینک دوننده بولنور . برینک حلاوتی ، اعتدالی سهولتی - دیکرینک شعشه سنی ، احتشامی ، عظمتی استعاره ایدر . طرز مقبول بیانک کافه منابعدن اغتراف ایلمسه ده هیچ برینه طالب قالمز . ظریفانه افاده لر ، نکته لی سوز لر ، ناز کانه و شیوه لی تعیر لر ، آهنگدار عبارده لر ، جانلی تمثالاردن هیچ برشی کندینسه بیگانه دکدر . انجق هر شینک کثرتی قیمتک تدینسه سبب اوله بیللمک ملاحظه سی کاه و بیگاه کندینسک اسلوب ساده یه التفات ایتسنی اقتضا ایدر . نه زمین پست تذللده خاکسار ، نه ده اوج اعلا ی غرورده بالا پرواز اوله رق حدمقبول وسطنده بولمقله تمیز ایدن اسلوب مزین (اسلوب معتدل) و یا خود (اسلوب متوسط) نامیلده

یاد اولنور . طبعته اعتدال و حلاوت بولن هر نوع افکار
وحشیات و تأثراتک ترجان بلیغدر .
بالخاصه عرض و مثال ایله تصاویر شاعرانه یه یاقیشیر .
اشاعیده کی مثالدرده اولدینی کی :
نثره مثال :

تختگاه سطنتك اق دكره قارشى اغياره سد اولمش . باب آهینی
دینلکه شایان اولان قلعه سلطانیه بوغازندن کیریلیر و بر ساعت قدر دها
بری کلیرسه قدرندن نمونه لطافت اولق ایچون یالیش برحوض بهشقی
کوریلور . انسان بر قاق کون او دریای صفاتک کنارنده تماشای طبیعت
ایتملیدر که خزینه بدایعک ابدالده فیاض قدرتك نه کریم اولدیغه ذهننده بر
مطالعه حاصل ایده بیلسون .

اکثر کونلرده وقتا که اقشام تقرب ایدر ، باد شمال ایله هوای جنوبی
بر برینک آغوش و فاسندن قوپه رق هر بری دنیانک بر گوشه سنده
غروب ایله مملکتک اک عاشقانه بر سیرانکاهی اولان اوزمین بی مثال
موعد وصال ایلش ایکی نازنین کی معاقه یه باشلار لر . او قدر آهسته
حرکت ایدر لر که - تنفسلری بر برینک کل جمالی صولدیرو صدا یالری اغیاره
افشای راز ایدر - اندیشه سنده درلر ظن اولنور . بادشماله جلوه کاه اولان
صولرک امواجی او قدر کوجیلور و شمسک ضیاسی او قدر باره باره طاغیر که
زمینه بر براق آینه فرش ایدلش دینیه بیلیر . پویراز کذرکاهی اولان
یرلرک بعض ره اوتنه سته بریسنه لدوس طوقنور یوللر آچار که سرو سمیندن
فرق اولمز . لدوس اوغراغی اولان طرفلرک بعض وقت اوتنه سندن
بریسندن پویراز کچر شکلر حاصل ایدر که هواده برابر بهاری پاره لهر رق
دکزه دوگلش قیاس ایدیلیر .

خورشید منور عظمت و سلطنتیه افاقه جواهر فشان اوله رق افق
منتهاسنه کلنجه آلمش پموق شکلنده اطراف مغربی طولاشان افاق افاق
بلوطلرک حاصل ایتدیکی نوره غرق اولمش رنگار نه قوس قزحده ، نه رنگین
الماسده ، نه ازهار بهاریده ، نه مرغان هندیده کورلک احتمالی واردر .

بر طرفی غایت اچیق بنفشه، بر طرفی غایت قویو علور نکتہ غرق اویش
ویا خود برجہتی اتشین آلدن باشلاہرق و طبقہ طبقہ پنہ، ترنجی،
وقاون ایچی رنک رنک قرق الی درجہ قویو لغندن اچیق لغتنہ و اچیق لغندن
قویو لغتنہ انتقال ایدرک نہایت قناریا صاریسندہ قرار ویرمش ویا خود
دنیا دہ نہ قدر پارلاق رنک وارسہ - اچیق لغتنہ قویو لغتنہ قابل اولد نلری
درجانتک ہیچ بری خارجدہ قالمق اوزرہ - عمومی جمع ایتیش بیک
درلو ملون بلوطلر دقیقہ دقیقہ رنک رنکی بر اطافتدن بر بدیعہ تحویل
ایدرک آہستہ آہستہ آفان سیر ایتکہ باشلارلر . بر صورتدہ کہ
یالکز دکر دہ دکل طاغلر دہ بیلہ شکلیہ لونیلہ عکسلری مشاہدہ اولنور.
بوعکس ایسہ دائمًا بر بریرہ انعطاف ایدرک غالبًا باد شمال ایلہ باد جنوبک
خفت و غلطیجہ اولان تفاوتی دخی ہوادہ طبقات و طبقاتہ بالطبع آہستہ لیکہ
استعداد حاصل ایلہ یکندن سطح مادن اوج ہوا یہ قدر دائمًا تغیر دہ، دائمًا نلوندہ
بر نور عالمی حاصل اولور کہ تصویریرہ دکل تصویرینہ دخی امکان یوقدرہ.
کمال

دیگر :

سرایہ جہہ سندن نظر اولندقدہ اتصانندہ برر دائرہ اورتہ سندنہ
عظمتلی برقلہ دن عبارت فرسودہ رنک بر بنا کورینور . منظرہ بنا
شاعرانہ تشبیہ اولنور سہ ایکی جناحنی آچمش بر عقاب عظیم الہیکل پروازہ
مہیاد دینیلہ بیلیر . او کندہ کی ساحہ بر روضہ بدین المنظر در کہ فسحت
عرض و طولنی احاطہ دہ مد نظر قاصر در . لطافت و انتظامنی تعریف
وافادہ دہ قوہ منخیلہ ادبا مجزینی اعترافہ ہر زمان حاضر در . ہر طرح زمرہ
فامی استاد صنعتک نفایس طبیعتی تقلید دہ کالہ بر نشانہ، ہر سطح شکوفہ زاری
آرایش بہار دن بر نمونہ بی بہانہ در . یوللرینک حوالی و اطراف اشجار
ملفتہ اساق ایلہ مزیندر کہ ہر شاخ نضارت وایہ سی تار شعاع آفتابہ بر
کوزل شانہ، سایہ سی ایسہ التندہ کزنلرک حیاتہ سرمایہ در . و خام خامدن
جابجا رکز اولنان صنم لر کویا کہ بوعالمک نفوس ملکیتہ سی و خاندان

ایمپراطوریدن ارتحال ایدؤرك شهره روضه ده مشهور اولان تصاویر
مجسمه سی گویا که بوباغ سکوت آبادك سکنة متحیره سیدر .
بواجملك تفصیلی ادیب مرحوم کامل پاشانك (قالیسو) جزیره سته
دائر تعریفات بلیغانه سی مفیددر .

بوباغده وار غریب حالت
شایسته اکر دینسه جنت

نصل جنت دینلمسون؟ ساحه سندن احوال عقبایی آکدیرر برعالمه
کیریلیر . بوتماشادن صکره صفای جنت سوریلور. یعنی بو روضه
وسیع الانحاتك برکوشه سنده شمیدیکی ایمپراطورك پدری فره دريقك
وزوجه سنك تربه سی موجوددر . باغچه نك صابه برجهتندن اوزون بر
یول ایله اورایه کیدیلیر . یولك اطرافنده سروکی حزن ارتدیره جق
اغاجلر دیکیلیدر. یولك حذا سندن متها سته طوغری باقلنبه برصراط
مستقیم که ظلام ظلال اشجارایله منظره سی غایت مهیب وموحش وتحریک
روز کارایله اغاجلرک تصادمندن حاصل اولان ایکلتی زیاده حزن ومده شددر.
ژوار یولك اورته سنده سنوحات اخرویه ایله اوپله متأثرالجنان اولورکه
دوردن برمغاره دیکیکی مشهور اولان تربه قیوسنی مدخل عالم آخرت
طن ایتکه باشلار .

سعدالله پاشا

شعره مثال :

قصر روح افزا دکل حسن وبها مأواسیدر
جنت اعلا بونك قرش جهان آراسیدر
سیر ایدوب طرح جدید سقف عالین دیدم
وار ایسه بوروی ارضك عالم بالاسیدر
روح افلاطون دیدی یوق یوق خطا ایتدك خطا
عالم جاه وجلالک بویکی دناسیدر

دار خلدك بره صنع بیتدر - یاخود - دیدم
 دیدی کیم رضوان بویتی جنتك معناسیدر
 دار مختدر جهان اما بونك چاك دری
 اول قیاسك صورت الای استئناسیدر
 طاق کسری قصر شیریندر پدر مادر اکا
 بوایکینسك دخی یر طفل نوپیداسیدر
 کره ودریا ایکی جانبدن در آغوش ایلش
 صانکه دریا دایه سی کھسار ایسه لالاسیدر
 کوه صاقتمتده رخسارن طوغار کوندن آلك
 بحر ایسه آینه دار طلعت زیباسیدر
 حذا ساحلسرا کیم رنك وبوی نو بهار
 کلشن پر فیضنك برغنیچه رعناسیدر

ندیم

دیگر :

بهار ایردی ینه باغه دوشندی نطع ژنکاری
 ینه سلطان کل ایتدی مشرف تخت کلزاری
 ینه باد صبا افتان و خیزان ایردی کلزاره
 دم عیسی وش احیا ایلدی ازهار واشجاری
 لطافتدن زمین فرش منقش اولدی عکسیله
 مرصع سایان ایدنجه چرخ ابر کهر باری
 ایرشدی پرتو فیض بهار آینه چرخه
 عجیبی شمدی اولسه ژنك ابرتیره دن عاری
 دونوب کرداب بحر خونه هرکل لاله زار ایچره
 طولاشدیر مقده کشتی قرار بلبل زاری
 نسیم اول دکلو نازك طرح ایدر آب اوزره امواجی
 که لوح سیمه استاد ایده من اولبه قلم کاری

صانور تمغای زریندر کورن برمائی خاراده
 میان آبه دوشمش عکس خورشید پرانواری
 چراغك حسنی انكار ایدنلر روز روشنده
 سمترا ایچره کورسونلر فروغ شمس کلناری
 نفی

— اسلوب عالی —

اسلوب عالیده کی خاصه جلیله افکار و حسیاتك اصالت
 و علویته تعبیراتك عظمت و شدتی ده علاوه ایدرك ناکهانی
 تهاجرله نفس ناطقه یی حواسنك فوقه چیقارمق و حیرت و اعجاز
 و عشق و غرام ایله مشحون ایلکدر . اسلوب عالی یه چسبان
 اولان شی احتشام و عظمت افاده در . اعتلایه مائل ایسه ده اسلوب
 مزین مخصوص اتندن اولان تزینیاتی تحقیر ایدر . مزینتی زینت
 و ثروت الفاظه دکل قوت و صلابت معناده ارار . شدت افکار
 ایله حسیات اصیلانه نك افراطندن متولددر . بونکله برابر
 جولانکاهی شوهاق علویت و عظمت حصر ایتمی حائنده
 کرک مؤلفی، کرک قارئی پوره جغندن اراقده اسلوب مزین و اسلوب
 ساده نك معتدل و نازک خیابانلری ارسنده خرامان حضور
 و استراحت اولسی ایجاب ایدر .

اسلوب عالی مناجات و نعوته، مرثیه، خطبه لره، فلسفه یه،
 تاریخک بعض پارچه لرینه، تراژدیله و سائر هر درلو مقدس
 و عالی مباحثه لایقدر .

مثال آتی محاربات سابقه هنکامنده و طنمزك کرفتار
 اولدیغی مصائب و شدایدن متأثراً اظهار اولمش و او یلادن

بر نوحه در که شامل اولدیغی حسن و تصور نه درجه بلند ایه
اسلوب بیانی دخی او مرتبه عالی اولدیغی چون او یولده بوله
بیلدیکمز سائر مثالله تقدیماً ایراد ایلدک :

کیت وطن کعبه ده سیاهه بورن
بر قولک روضه نجیه اوزات
بری کر بلاده مشهده آت
کاشانه او هیئتکله کورن
او تماشایه حقهده عاشق اولور :
کوزه بر عالم ایلپور اظهار
که جهاندن بیوک لطافتی وار !
او لطافت اولسه کرانکار
مذهبهجه دیمک موافق اولور :
آچ وطن سینه کی آلهکه آچ
شهاد کی جیقارده اورتیه صاچ !
کمال

شاعر مشهور باقینک سلطان سایان ایچون سویلدیکی
مرثیه دن شو بر قاچ بیت دخی اسلوب عالی به مثال اوله بیلیر :

قیلیدی فراز کنسکره عرشی جلوه کاه
لابیق دکلدی شانه حقا بو خاکدان
مرغ روانی کوکلره ایردی هاکی
قالدی حسیض خاکده برایی استخوان
چاپک سوار عرصه کون و مکان ایدی
اقبال و عزت اولمش ایدی یارهم عنان
سرکشک ایتدی توسن بخت سترکار
دوشدی زمینه سایه الطاف کردکار .

عبدالحق حامد بکک (طارق - یا خود - اندلس فتحی) البته نظر
مطالعہ کردن یکم شد. مؤلفک طارق بن زیادہ عقیب فتحہ
سویلتدیکی سوزلرہ بر کرہ دہا باقہ کہ اسلوب عالینک بر مثال
مکملنی دہ اورادہ کورہ جکز :

طارق بن زیاد (یا لکز)

اندلس حکمداراننک خزینہ لری ایچندہ سین، طارق! سن ترہ دن کلوب
ترہ دہ طور مشن . عزیمتک نہ طرفہ ؟ سن تاسوریہ دن کلوب طلیطلہ دہ
طور مشن . یازین سکا برفاع دیہ جکار . بونکله برابر سن قوبلہ دن چچدک،
بر سرای خزینہ سندہ سین . بر منارہ گیرہ جکسین . شو کوزینک او کندہ پارل
پارل یانان شیلر نہ در؟ بر طاق حکمداران ماضینک سر نکون اولمش افسر لری!
بوشهر بر تختکاه سلطنت اولسہ بیلہ بو او طہ بر تاجکاه مسخر دہ . او قرالاری
تشخیص ایدن تاجلر سنک پنجه کدہ اقتداریکک کمالہ یکر می بش برهان،
یکرمی بش شاهد !! بونکله برابر ای سردار غالب ! سن یالکز بر
ترہ دہ دار سین . بوتاجلرک اصحابی اولان حکمدارانہ امتثال ایتہ . انلر غافل و
مغرور ایمشلر . ذوالجلالک قدرتی، بشرک عجزینی، زمانک انقلابی دوشونما مشلر .
ہب بر لرندن انتقام الہرق کلوب کیتمشلر . سن انلرک سرای سلطنتنہ گیردک،
خزینہ ثروتہ مالک اولدک، دینہ اسرارینی کشف ایتدک . رودریق سکا
انلرک استقبالی کوستردی . سن دہ عالمہ رودریقک آتیشنی تصویر ایتدیر یورسن .
ایشتہ قوجہ بر ملتک عالم استقبالی ایاغکک اتندہ یوارلنوب طور یور .
ایشتہ داخندہ جریان ایدن نہر اقبالہ بر بشقہ مجرا آجادی . بودہ محضا
سنک کتیر دیکک انقلاب ایلہ آجادی . بونکله برابر سنن ہیچ برشی
دکل سین ، بن زیاد سن مجرد ہیچین !

تبدیل طور ایلہ

نہ اولور یاربم ؟ بکادہ برازغرور کلبہ، غرور ایلہ چچسہم جیقسہ مدہ
صکرہ بردن برہ دوشوب نہ قدر عاجز، نہ قدر اقتدار سز بر مخلوق اولد یغمی

بر کره دها او کرسیم . او قو ! بن زیاد او قو ! شو افسر لک هریری بر
حکمدار بدبختک سرگذشتی در . او قو ! ابن نصیرک کوله سی !

سابقا پلونه سردار ظفر شعاری والحالة هذه حربیه ناظری
بولتان غازی عثمان پاشا حضرتلرینک پلونه ده شهید اولدینی
خبر کاذب استانبوله وارد اولدینی کون-که عموم عثمانلیر ایچون
بر روز سیاه ماتم ایدی - خلقک ترجان حسیات وتأثراتی اولمق
اوزره (وقت) غزته سنده نشر اولتان بر مقاله عظمت حس و شدت
افاده ایله اسلوب عالی به موافقت ایده جک امثال ادیبه دن
صاییه جغیچون بعض فقره لری نقل اولندی .

مسعودیت مدنیہ خیال لری نهایت الامر بویله بر حس ندامت و پشیمانی به
نصل وسعت ویرمز که یوز لرحه سنه ده حاصل ایله یکی معموریت اوزرینه
غبطه بخشای انام اولان بر شهر عظیمک چند ساعت ظرفنده یانغین یرینه
دوندیکی کوریلور، قرق ییلده مکملیت بشریه سی حصوله کلان بر السان
کاملک بش باره لک بر قورشون ایله دورلدیکی و هم ده بیکلرجه سی بر آنده
یره سرلدیکی نظر حیرتله مشاهده اولنور .

جنک ! . . .

ددیء امرده او یله مقدس بر شی که قدسیتک وجدانجه ملاحظه
وموازنه سی یورکده بر قایتار قانک جریانی حس ایتدیریور . او یله یا !
مسعودتزه کوز دیکن حاسد لری سائقه حسده تشدد ایده جکلری تخریب دن
منع ایچون ایجاد اولتمش برایشدر .

فقط جنک ! . . .

نہ مستکره شی ! طول امل و غابہ حسد و سوق غرضله نوعیت بشریه سنه
مخصوص اولان ملکیتی معنت غفرتانه به تحویل ایلیان انسان لری هدف

حرکت ملعونانه سیله اتصال ایلان شهره دخی جنک دیه بادی امرده
تقدیس ایلدیکمز بر کیفیت دکلیدر ؟

.....
.....

ترك سلاحه بر چاره و ارایسه اوده سلاحه مقدر. تخریب عالم فکر کنده
بولنانلر سلاحه کلدکاری کی بولنلردن تحافظ و تدافع ایچون دخی انلره
سلاح یوزندن بشقه یوز کوسترمک خطا اولدینی حقایق و تجارب
تاریخیه دندر .

انسان اوغلی او قدر غریب بر مخلوق قدر که یوز ویردکجه شماریر .
شماردجه یوز بوله جق اولورسه دهها زیاده شماریر . جهان آنک اسیر
اولسه ازمک ایچون جهانک خارچنده احرار ارامغه قالدیشیر .

هنده قدر کیدن اسکندر لر ، ازمیده قدر کلان تیمور لنکر ، بونا پار طر
ایشته هپ بو شمار قلای اوزرینه کلشیر و کیتمشلردر .

.....

باخصوص که اول متعرض کنندی مدافعه لرندن عاجز بولنان نسان
وصبیانک جکرلرینی بیرتمق ایچون ناخن خون آلودیله میدان چقه قدده
(سن هر یورکی قادین وصبی یورکیی ظن ایدیورسک که سنک بو هیبت
مدهشه و مخوفه که قارشى ترمه سون؟ ایشته سکا بر یورک که پولاددر) دیه
میدانه آتیلان دلاور کنندی جانی بی نوعی یولنده قربان ایتکی کوزه
آلدیررسه فضائل انسانیه مراتبک قدمه عالی انعانه واصل اولور .
وملیو نلرجه بی نوعنک تحسین و آفریننه دکل عادت نامننه مظهر اولدییچون
مسعودیت دنیویه و اخرویه دن اوله رق بوندن بالاتر هیج بر سعادت بوله من .
شبهه یوق که بورتبه یه وصول دخی هر حکمتی جامع اولق اوزره هر
حاله بر اولومدر . حتی قدر شناس اولان بر آدم اولومک پنجه خون آلودینه
دوچار اولان بیکلرجه آدم میاننده اک زیاده رزمکاه فدا کاریده جانیه

جو مردك مسابقه سنك پيشواسى اولانلره آجیر. هم انك ضیاعنه اغلر، همده كندی یوزندن منتظر اولان خدمتك فقدانه یانار .

نام عظمت اتسامنی زیب سرلوحه ماتم ایلدیكمز « غازی عثمان پاشا » بنی نوعنك اول یكانه لرندن ایدیکه سینئه ملكانه سنده موجود اولان ارسلان یورکی حمله شیرانه وصوله قهارانه سنی تحریب بلاد ایچون دكل بلکه بو ملعت ایچون هجوم ایلیان یوز بیكگرجه اشقیایه بالمدافعه ینه یوز بیكگرجه مخدراتك عرضی، یوز بیكگرجه صبیانك حیات معصومانه سنی، یوز بیكگرجه احرارك حریتی والحاصل جهانده جنت اولق اوزره توصیفه شایان اولان بر مملکتك معموریت ومسعودیتی اشقیای مرقومه نك پای تخریبندن محافظه ایچون کندیسنی سوق ایلدی .

§

- علویت صرفه -

اسلوب عالی- که طرز بیانہ عائددر- روحدن متولد واسلوبدن بتون بتون مجرد ومستقل اولان علویت ایله قاریشدیرمالمدیر . شبهه یوقدرکه تصورات عالیہ سز اسلوب عالی اوله من انجق عکس قضیه ده طبق اوله دکلدر . یعنی تعیرنده علویت بولنمان بر فکر حد ذاتنده عالی اولایلیر. مثلا سیرن فاتحی وقیروان شهرینك بانیمی اولان مجاهد مشهور عقبه بن نافع قناریه اطه لری قارشیننده را کب اولدینی دوه سنی بحر محیطه سوردیکی زمان « الهی ! شاهد مسك : پیشگاه عزیمتمه شو عمان تصادف ایتسهیدی اسم جلالنی دها ایلری به کوتوریردم » بیورمشدرکه بوکلام حق پرستانه و عالی همتانه نك حاوی اولدیعی فکر حد ذاتنده عالی یعنی بر علویت صرفه اوله رق صورت بیانك بونده

دخلی اوله مز . ونه درلو افاده اولنسه مال جلیلنده کی علویت
انتفاایده مز .

ایشته بوسوزدرکه تقدیر علویتده برادیجری « اشاغیدن
یوقاری یه ایدیلان بوخطاب یوقاریدن اشاغی یه اینن خطابلر
قدر علوی ایدی ! » دیمکده بی اختیار برامشدر (*)

علویت صرفه برکلهده ، برحرکتده حتی سکوتده بیله واقع
اوله بیلیر . اعظم اسلامك وحتی مشاهیر عثمانیانك تواریح شان
ومفخرتلی قارشیدیرلدیغی حالده بزه برکلهدن ویا برحرکتدن
منبع برچوق علویت صرفه مثاللری عرض ایدر . از جمله
اندلسده ملك هشام ثانیك وکیل السلطنه سی بولان محمد المنصور
برمحاربهده ، عسکرینك - جیش عرمرم اعدایه غلبه ونصرتدن
مأیوس اولوبده - هزیمت کلیه ایله فراره یوز طوتدیغی وبونلری
بشقه یولده ضبط ایتمك قابل اوله میه جغنی ، کورنجه هپسنه مسابقته
درحال آتندن اینه زك و عمامه مسنی باشندن وقلیجی بلندن چیقاروب
آته رق ارباب فراراك رهكذارینه یاتیورمشدرکه بوحرکت علویه
راه فراری سد وعسکر اسلامی ینه اومحاربهده مظفر ومنصور
ایتمک کفایت ایتمشدر .

تحلیل وتعریفدن مبرا اولان شیرك بریسیده علویتدر .
چونکه علویت اوله قبل الوقوع بیلنیر کوریلور شی دکلدر .
روحك ناکهانی برهیجانبندن متحصل اوله رق حسی دخی بهت
متأثرانه دن عبارتدر .

(*) عبدالحق حامدبك . طارق - یاخود - اندلس فتیحی . صحیفه - ۱۰

حسیات مفرطه ده تعبیره صیغمنز برطاقم حاللر اولدینی
وروحك برسبيله متهيج اولدینی زمان حسیات شدیدینی تبلیغ
ایده جك بر تعبیر بولنه مامقله نه درلوعذاب واضطرابه دوشولدیکی
انکار اولتور شیلردن دکلدر .

حسیات قلبیه نك حوصله تعبیره صیغیه جق درجه لره قدر
اتساعی حقیقتی تسلیم اولنجه علویتده بوکا تطبیق اولنه ییلیر .
اولویتله حسیاتمزی بغته تحریک ایدرك بزى الك روحانی ذوق
ونشئه ایله متلذذ ایلر .

ایشته آنسزین کلیرکچر ، وقوعندن اول کوریلوب بیلنمز
وبتون بتون غیر اختیاری اولان بوعلویت ایچون اوچ منبع
واردرکه انلرده افکار ، حسیات ، خیالاتدر .

- علویت فکر -

علویت فکر تصوره بر عظمتدرکه ساده وشدید وقیصه
تعبیر ایچنده بارقه انکیز ظهور اولور. حضرت فیخر عالم صلی الله
تعالی علیه وسلم اقدمز دار آخرتی تشریف بیوردقلری زمان
جناب صدیق اعظمك مسجد شریفده افتتاح خطابتلری بولان
کلام آتی کبی تأثیر ارتحال پیغمبریدن طولانی حیران وسرگردان
اولان اصحاب کرامك قلوبنی انوار ابتباه وتسلیتله تولدیرم شیدی:
«ای ناس محمد طاپانلر بیلملیدرکه محمد وفات ایتدی الله طاپانلر
بیلسونلرکه الله باقیدر !»

جلال‌الدین خوارزمشاهک حیت اسلامیہ وجلادت
 فطریہ سنی تصویر ایدن غیر مطبوع برتیا تروده مشارالیهک
 مقابلہ خصمہ منہی عزیمت ایکن اللہ ، دینتہ خدمت ایتمکی
 حیاتنہ ، راحتنہ ، حتی برکوشہ مذلتدہ منزولاً جان ویرن پدری
 علاءالدینک انتقامنہ بیلہ ترجیح ایدہ جکنہ دائر علنی ایتدیکی
 عہدہ عمومی اشہاد ایلر . مقربلرندن بعضیلری « اللہ معینک
 اولسون ! » و « اللہ معینمزددر ! » آلقشلیاہ مقابلہ ایدرلر . بونلرہ
 قارشى جلالک لسانندن دخی شوسوز برق جہان کبی صادر
 اولور :

« اللہک ایشنہ قاریشمیہ جغز . یولنہ کیدہ جکز ! »

ایشنہ ہر حالدہ و خصوصیلہ اولیہ برزمان و موقعدہ ہامعینہ
 تأثیر بدیی منکر اولیان بوکلام عالی علویت فکرك برمشال
 بلیغیدر .

جناب شیخ غالبک نعت حضرت پیغمبریدہ سویلدیکی
 سوزلردن شو اوچ بیت دخی علویت افکار جہتیلہ - جبال -
 متسلسلہ شواہقی کبی - دوش بردوش اعتلادر :

شاہ ملکوت عرش پایہ

ماہ جبروت فرش سایہ

بردر دیدی آشنای وحدت

موج احديث احمدیت

چون اول ما خلقدر اول نور

ثانی خدا دیسہ مدہ معذور !

- علویت حس -

علویت حس قلبك عشق فضیلت ، تحقیر هوسات ، میل معالی
 کجی احوال دن طولانی بردن بره اظهار ابتدیی هیجان شدید
 ایله - هر حالده ضعف و عجزه منتهی اولان - ماهیت انسانیه نك
 کویا فوقه چیقماق ایستدیکی ائشاده حصوله کلان بر کیفیتدرکه
 یزی مفتونیت و اعجازه دوشورر .

بوعلویتك حاوی اولهجنی حسیاته کوره تنوع ایتمی
 طبعیدر . نتهکیم علویت فکر دخی اولهدر .

(وطن - یاخود - سلسره) ده امرادن صدق بكك
 بر بشقه سنه اسناد ایله کندی سرگذشتی حکایه ایتدیکی صروده
 غلبه حسیات ایله برارالق - کتم حقیقت مقصدندن دخی
 ذهول ایدرك - سوبلیدیکی سوزلرایچنده حیرانی اوله جغمز علویت
 حس ، شدت و انتقام نوعلرینه داخل اولور :

صدق بك

لكن انسان .. انسان کوزنده و درجه آلفقدی که کندینك ده انسان
 اولدیغنی دوشوندکجه کندی کندینی الداتمه چالشیر ، قرنی طوبورمق
 ایچون طاع باشلرنده درت ایاقلی یوریر ، اغزیله اونلاردی . آه! کندینی
 طاشیوبده بودنیابه کترین اناسنی برله اوزمان شبهه سز قرنی یوزبیک
 یارچه ایدردی ! دنیا ؟ .. یا هله دنیا ؟ .. برکره انك کوزیله باق ..
 هانکه فلک برچوجوق دنیا اونك النده برطوب .. ، فلک اوینار ..

دنیا یوارلیر ... چوجوق اوینار طوب آشینیر ... شمدی قرمنری
کورینان شی کوزنی یوموب آچنجه یه قدر صاری اولور. شمدی طوغری
کورینان شی کوزنی یوموب آچنجه یه قدر اکر یلیر .

آه ... قاچ بیک کره قویروقلی ییلدیز قدر برییلدیرم اولوبده بو
چوجوق اوینونجغنی ... بوالحق طوپراغی ... بو ظلم دنیاسنی ... انسانک مزار
اوتقن بشقه برشیته یارامیان مصیت عالمی بر اورشده یوز بیک بارچه
ایتمک خولیارلیله چلدیره جق درجه لره کلام ... قاچ بیک کره ... !
کال

- علویت خیال -

علویت خیال بیوک برشیئی ویا بیوک برفعلی پارلاق ونظر
قرب الوان ایله نقش وتصور ایتکدر .

نثره مثال :

دها باش طرفنده عثمانیلرک فضائل عسکریه لرنی میدان قویان :

بز اول عالی مهم ارباب جهد واجتهادز کیم
جهانگیرانه بردولت چیقاردق برعشیردن
بز اول نسل کریم دوده عثمانیز کیم
نمردر سراپا مایه مر خون شهادتن

قطعه سنی بر درلو اوقویوب کچمک ممکن اوله مدی . اوقودنجه
افکارم بشقه لشرق بیلم نه سببه مبنی اوچنچی دفعه ده کی تکررنده قلیجی
چکمش وبر کره ده اوقویشده بام باشقه بر حاله کلش اولدیمدن طوغریسی
نه اویقوده ونه ده حال بیداریده ایدم دیه بیلیرم ، اویقوده ایدم دیسه م

بر طرفدن قطعۀ مذکورہ فی اوقومقدہ و دیگر طرفدن صاع المدہ کی قلیجک
پارل پارل پارلا مستہ باقوب آبا واجداد من عثمانی بابا لریمزک دشمن قانیلہ
پا صلا تمش پالالرینی در خاطر ایدرک حزین و فقط بر طور عسکری ایلہ دای
آلت افتحار! نہ زمان شکل ہلالکی سحاب اعدا اوزرنده بولہ جقسک؟
نہ وقت کردن خصمہ نزول ایلہ اخذنار ایدہ جک و ہانکی کون خون
دشمنلہ ژنکدار اولہ جقسک؟ «کی خطا بلرلہ سیرایتمکدہ و اکثر یا اوروب
دورتمک حرکت لرلہ مثال اژدر دشمن مفروضہ حملہ قہرمانی ایلہ کیتمکدہ
اولدیغی در خاطر ایدیورم .

بکدہ حال بیداریدہ ایدم دیہ میورم؛ چونکہ ذکر اولنان حالات ایلہ
برابر عسکر لکک جان الہ جق پک بیوک صورتلری صحیحاً وقوع بولورجہ سنہ
کوزمک اوکندہ بر منظرہ غرابت اثر تجسیم ایدیوردی .

عجبا نہ حالدرکہ قابل حس اولیان بر آنک تجزی و تعریفی عذیم الامکان
بر زمانندہ ہم قلیج تعلیمیلہ اوغراشیم ہمدہ کندیمی میدان محاربہ دہ غالب
براردونک قوماندانی کورہیم . سبحان اللہ! نہ غریب شیدرکہ عادتاً معدوم
دنیلہ جک بروقت موہومدہ بونجہ شیلر وجود بولش طرزندہ کورینیور
وطنیت عسکریہ اقتضاسنجہ غیرت طمارلری بودرجہ قبارتوب عثمانلیق
قدر پسندیدہ و خصائل برکزیدہ سنی صوک نفسہ قدر اظهار و اجار ایدیور!
کویا قوماندانی اولدیغی اردو ہربری بررطاغ پارچہ سندن عبارت عثمانلی
شجاعتندن مرکب قوجامان برارسلان سوربسی ایمشدہ بزاشہب سوار
عزو و قار اولدیغی حالہ اک ایلریدہ و رایت ظفر المدہ کیدیورمشم .
ارکان حرب بیکباشیلرندن رفعت پک

شعرہ مثال :

بنہ قارشمدہ وجہ منکسفی
کوکہ اورمش تنندہ کی حمرت
روی ارضہ نکاہ منعطفی
ایکی برق بلا کلیر البت

صانکه نقرتله عالم بشره
 فلك آرای ارتحال اولمش
 کوکده ده مظہر جلال اولمش
 باقی حضورندہ کی فرشتہ لہ
 طلب ایتمش مزاج منحرفی
 دوش نازندہ لعل کون خلعت
 او قیافتله عازم جنت
 ای وطن ای ملیکہ ملت
 سکا باقی آل کفندہ برزنت!
 بکزیور کہکشانه یارہ لڑک
 موکب رخلتک اودر کویا
 بیلدیرم عکسیدر نقارہ لڑک
 سنی آلفیشلیور بروج سما
 بشقه بر طرز افتراقک وار
 کوریرم بیک ہلال نوراف
 ای مہ آسمان قوطانی
 نہ مہابتلی انشقاقک وار
 فلکی قاپلامش ستارہ لڑک
 محشر اولمش او عالم بالا
 بوکا موجب نہ بیلمدم حالا
 قدر کی ایلک ایچون اعلا
 صانکه کلش جنازہ کہ .

عبدالحق حامد - ابن الموسی (*)

(*) ابن الموسی برتباترو او یونیدرکہ برارالتی (وقت) غزته سندہ تفرقه
 صورتیله طبع اولمغه باشلانیدی حالده صکرہ ترک اولنمشیدی. اثرک کتاب اولہرق
 هنوز باصدیریلہ مامسی ایسه قیمت شناسان بدایع ادب ایچون جای تأسقدر.

اوجنچی فصل

- ترینات اسلوب - انواع مجاز -

بو فصلك مندرجاتی : اسلوب حقیقی . اسلوب مجازی (استطراد : استعاره و مجاز مرسلدن ماعدا سائر برطاقم صنایع دخی مجازاتدن عد اولئسك سببی) - تصنیف انواع مجاز . مبحث ۱ - مجاز تخیلی : استعاره . استعاره تمثیلیه . تشبیه (استطراد : استعارات و تشبیهات حقهده بر قیاس سوز) مجاز مرسل ، تعریض و کنایه . توریه و تلیح . تضاد و مقابله . ادب کلام . تشخیص و انطاق . مشا کله . ایهام . مبالغه . مبحث ۲ - مجاز تبیینی : التفات . استفهام . ندا . قطع . تردید . رجوع . عکس . تکریر . مبحث ۳ - معرفت مجاز .

- اسلوب حقیقی - اسلوب مجازی -

مثلا - بو فرصت هر وقت اله چکمز - دیه جك اولسه ق بو بر طرز بیاندر که ساده و صنعت و زینتدن بری اوله رق کلمات مرکبه سی معانی اصلیه و طبیعیه سنی محافظه ایدر و نظر متخیله یه بر تصویر عرض اینز . ایشته بو یولده اولان افاداته (اسلوب حقیقی) و تعبیر دیگرله (ترکیب بسیط) اطلاق ایدرز .
حالبوکه ترکسینك :

فرصت که هوای تیز پردر
ایرمك اکا بردخی هنردر

فرست دیدیگك دم سحر در
کویا که صباي خوش اثر در
افسوس اولور اول نسیم نافع
بر غفلت یکدم ایله ضایع

نشیده سی یوقزیکي افاده نك حاوی اولدیغی فکری بالواسطه
و مصنع بر صورتده مفید اولوب بونده کلمات معانی عادیه سندن
غیری دهاها واسع دها شاعرانه معنایده استعمال اولمش و بو
صورتله حد ذاتده هیچ بر لطافتی حاز اولمان بر قضیه پارلاق
بر عرض تمثاله متحول اولشدر . ایشه بو قیلدن اولان
ترکیاته دخی (اسلوب مجازی) و افاده آخری ایله (ترکیب مخیل)
تعبیر ایلرز .

اسلوب حقیقینک خیال ایله اختلاطی یوقدر . فکر و نظره
و محاکاته مستند اولان مواده الویرر . آثار علمیه نك بر
ترجمان صاحب وقاریدر . چونکه مؤلفات علمیه تشییط فکره
دکل تبیین حقیقه مخصوص اولدیغندن ترینات ادبیه احتیاجندن
وارسته در .

اسلوب مجازی ایسه فکر و نظردن زیاده ذوق وجدانیدن ،
حسیاتدن تولد ایدر . نظر دقته چارپان برشی تعریف دکل
تصویر اولمق و اندن بر طاقم نکات و محسنات چیقارلمق
ایستیتجه اسلوب مجازی یه - همان غیر اختیاری بر صورتله -
چیقیلهرق هم بر محرره همده بر صنعتکاره عاقد وظیفه نك ایکسی
بردن اجرا اولتور .

کلماتی وضع و تخصیص اولند قلمری مغالره ترك ایدن اسلوب حقیقیدن و بو مغالری مادیاتدن مجرداته و یا محسوساتدن مخیلاته نقل و یا عکسنی اجرا ایلیان اسلوب مجازیدن بشقه - الفاظ ، دلالت حقیقیه لری دائره سندن چوقلق خارجه چیقمقسنزین ، علی طریق الثقل دخی قوللانیلیر .

مثلا (ایاچ یا پراغی) (دیکش ایکنه سی) (انسان باشی) دیدیکمز کبی (کتاب یا پراغی) (بالق ایکنه سی) (ارغاد باشی) دخی دیرز . چونکه بو ایکنجی طاقم مغالره دلالت ایدر بشقه جه اغتزل اولدیغندن بونلری تعیین ایچون اک زیاده مناسبتی بولنان و یا هیچ اولمازسه بومغالر حقنده بزه بر فکر ویره بیله جک اولان اشیانک اسامیسنه مراجعت اولنور (*)

آفتابیان ایتدیکمز شیلر مجازک ماهیتی حقنده بزه بر فکر ویرمکه کافی اولور ایسه دهه براز دها ایضاح ایده : مجاز دیلان شی علی الاطلاق - کرک کلماتک معانی اصلیه سی تغیر و نقل اولنق صورتیه اولسون کرک عباراتک ترتیب و انشاء منطقیسنجه احتراض نفسانی و یا ذوق وجدانیدن منبعث اوله رق دها یکی ، دها جانلی ، دها تحف بعض تعدیلات اجراسی طریقیه اولسون - تبیین مرآمده کلامه بر طور مخصوص ویرمکدن وطوغریدن طوغری به اولان طریق افاده دن آزچوق تباعدله (*) بزم اصطلاحات مخصوصه مزدن - آهنگ سلاست - خریطه تصور کبی تعبیر لرده بوقیلدندر

بشقه یولده سوز سولمکدن عبارتدر . نرکسیدن بر آز اول
ایراد ایتدیکمز مثال مجازک بر فکر عادی به نه درجه لطافت نه
درجه شعشه ویره بیلجکینی بزه ارانه واثبات ایدر . مع مافیه بر
دیگر مثال دهاعرض ایدم : مثلاً « دنیا نك هیچ بر حائنده قرار
یوقدر » وقوعات ایسه کلیر کچر شیردر . وقتیه کچیردیکم اوکوزل
ایامی خاطر لادجه محزون اولیورم . کنجلك دنیلان شی ده بیتیور یور .
دیسه ك اسلوب حقیقی به موافق و مجازدن بتون بتون وارسته بر
سوز سولش اولورز اما سوز مزده بر لطافت و رونق بوله میز .
حالبوکه بو افاده نك اسلوب مجازی به تحویلی دیمك اولان نشیده آتیه .
اساس فکری نه درجه پارلاق ، نه مرتبه مؤثر بر حاله قویدیفنی
وهله نظرده آکلایه بیلیرز :

بودوران نه دهشتلی دولاب ایمش
قیامت دخی قوپسه ایتمز قرار
وقوعات ایسه عین سیلاب ایمش
که عمان محوه آتار روزکار
دوشوندکجه بن سوردیکم دملری
کلیر یادی انجق کورنمز سرور
ایدوب صانکه اول سورشادی مرور
بوکون کوکله قالدی مائملری
برادر شهاب فنا یاب ایمش !
اویاندم ده بیلدم او بر خواب ایمش !

عبدالحق حامد

کذلک مجازده رعایت ایدلمیه رك (بهار کلسه ، زیر ا بهارده راحت

ایدر او یورم. او موسمه توبه نی بوزانلره کیمسه تعرض ایدمه. سروی.
 پک بکنیرم. لاله یه باقدیقه نشئه یاب اولورم. ایرماغه نظرا یتد کجه
 عمرم اکسلمز (دیسه ک اولیه بر فکر آبداری نه قدر خشک، نه
 درجه بارد بر صورتله افاده ایتش اوله جغمزی تعریف اقتضایتمز.
 لکن بوفکرک تصویرینی ندیمه حواله ایلر سه ک اوقوجه شاعر
 سخن آرانک بهار اطلاق ایتدیکمز فکر مجرده بر وجود اعطا
 وسرو ولاله یه وجویباره قابل سمع بر حیات اسناد ایدرک کویا
 کندیلرندن جواب اله حق کبی خطابه باشلادیغنی وآرده شو
 نقش بدیع مجازینک حصوله کلدیکنی کوریرز :

کل ای فصل بهاران مایه آرام و خوابم سک
 انیس خاطر م کام دل پر اضطرابم سک
 دهان غنچه بی باز ایت زبان سوسنی ترفیل
 شکست توبه یه دخل ایدنه حاضر جوابم سک
 کلستانده نمایان اول چو معنای بلندای سرو
 بو موزون قد ایله حقا که بیت انتخابم سک

 مدام ای لاله خاطر کشا دور اوله کلشندن
 سنکه نشئه تحصیل ایلرم جام شرابم سک
 نه حالتدر سکا باقدیقه ای جو عمرم اکسلمز
 مکر زنجیر بند پای عمر پر شتابم سک

علی العموم مجاز طبعته مکنوزدر . استعمال ایسه اوقهر

عمومی ، اودرجه نامحدود دركه مصاحبات و مكاتبات عاديه ده
بيله اكثر سوزلرمز على ضريق الحجاز واقع اولور :
مثلا (تازه حوادث - مغموم هوا - پارلاق فكر - محنت
اوجاغی - قره خبر آجی سوز) كبی لغردیلر بتون تعیرات
مجازیه دندر .

كلامی انواع مجاز كبی هیچ برشی تقویه و تحسین
ایده مز. افاده نك طبعه كلال و ملال ایراث ایتمكدن خالی قالمیان
اخرادینی دفع ایله بدله لطافت و شوشه بخش ایلر .

-- استطراد --

شمدی یه قدر بلاغت عثمانیه - دائر اثر چیقاران ارباب علم و ادب
- علمای عربیه اتباعاً - كلامك مقتضای حاله مطابقتی علم معاینك
كفالتنه ترك و وجوه تحسینی ایسه علم بدیعیه ارجاء
ایله معنای واحدی طرق مختلفه ایله بیان ایتمك مسائلی دخی
(علم بیان) ده تخصیص ایدر زكه بو علمك موضوعی حقیقت
و مجازدن عبارت اوله رق احاطه می - مجازك استعاره یه و مجاز
مرسله صورت انقسامه و کنایه یه و بونلرك تقسیمات و تعریفاته
منحصر و بونده ، بلاغتك ارکان مهمه سندن اولان ، تشبیه متعلق
مباحث و تفصیلاتك داخل بولنمی ایسه تشبیهك استعاره یه
اساس عد اولنمندن منبئدر . حالو كه برفکری صور مختلفه ایله
بیان ایتمك یعنی بزم تعیر مزجه اسلوب مجازی دائره سنی تمامیه

توسیع ایلک ایچون - آئیده هربری مثاللریله ایضاح اولنه جنی
 وجهله - استفهام کی رجوع کی تکریر کی تعریض و کنایه کی
 توریه و تلمیح کی حتی تضاد و مقابله کی مبالغه کی صنایع دخی
 احتیاج کورینیور که بونلرک برطاقی معانیدن برطاقی دخی بدیع
 مسائلندن اولیور. بناء علیه کرک معانینک و کرک بدیعک - طواهر
 معانی بی برر بشقه فیکره، برر بشقه مقصده اماله ایتک جهتیله
 برر طور مجازی اکتساب ایتکدن خالی قالمیان -
 بعض قواعد و صنایع مهمه سنی دخی لسان عثمانیه بویولده
 خدمت مسلکنده بنده کزه تقدم بیوران ارباب علم و ادبه حاشا
 مخالفت ایچون دکل بلکه اسلوب مجازی حقنده یوقاریدنبری
 بیا ایده کلدیکمز صورت قبول تعریف ایله تقسیما تمز اده سنده
 حصول موافقت ایچون انواع مجازدن عد ایله هپسنی مجاز
 نامی التنده و کندیمز جه فائده سنه فائل اولدیغمز برترتیده برر برر
 تعریف و ایضاح ایده جکمز .

بو اختلافمز مسلك اختلافدن و تعبیر صحیحیله (حقیقت
 و مجاز) حقنده صورت نظر اعتباره عائد و قواعدک تفهم
 و تعلمنی مهما ممکن تسهیل املنه مستند بر مخالفتدن عبارت
 اوله رق اساس و مقصده طوقور یری اولمیدیغندن حرکت
 واقعه مز کستاخانه بر جرأت عدایله دوچار مواخذه ایدلیه جکمز
 و قصور مزک حسن نیت مزه باغشلا نمسنی ادبای کرامک مروت
 و غایتلرندن امید ایدرم .
 اتمی

— تصنیف انواع مجاز —

انواع مجازك كلامده حاصل ايتدكاري تأثيرات نظر امعان ايله معاینه اولنديني حالده بونلرك بر طاقمنده كي خاصه تخيل جهتيه فكر ونظره چاربيق وديكر قسمنده كي مزيت ايسه برفكر ك تبليغده يكي برطور وحركت اراؤه ايلك صورتلرندن عبارت اولديني آكلاشيلير بناءً عليه انواع مجازي ايكي صنفه تفريق ايدرك برنجي طاقه (مجاز تخيلي) وديكر قسمنه (مجاز تبليغي) نامي ويرمكي موافق كوردوم .

برنجی مبحث

— مجاز تخيلي —

مجازك بوقسمي افكاري اهميت وتأثيرات حقيقيه لرندن دهه مهم ودهاه مؤثر بر صورتده عرض ايدرواسلوب حقيقيده مناسبت آلديريله میان برطاقم الوان زيننده ايله نقش وتصويرايلر. حسن استعمال اولنديني حالده فكر ك وضوح وقوتی، شعشعہ سنی آرتيرر. باشليجه لری شونلردر ،

- ۱- استعاره ۲- استعاره تمثيله ۳- تشبيه ۴- مجاز مرسل
- ۵- تعريض وكنايه ۶- توريه وتلميح ۷- تضاد ومقابله ۸- ادب

کلام ۹- تشخیص وانطاق ۱۰- مشا کله ۱۱- ایهام ۱۲-
مبالغه .

— استعاره —

استعاره دیمك برلفظك معنای حقیقیسنی نزع ایله مشابهی
اولان دیگر بر معنی اعاره ایتمك و تعریف دیگرله بر شینه- من
جهة مناسبت و مشابهتی اولان - شی دیگرك نامنی عاریه و یرمکدر.
شجیع اولان بر شخصه شجاعته مشابهی اولان ارسلانك نامنی
و یرمك کی .

هر راستعاره بر تشبیه مختصر در فقط ادات تشبیهی یوقدر.
بوکا مبیندرکه استعاره نی « تشبیه مضمر الادات » دیده تعریف
ایدرلر .

(محاربه بورسی چالنیر چالمر بزم ارسلانلرک جمله سی
بردن دشمن اردوسنك ایچنده کورلمکک باشلادی) دینسه افاده
استعاره یولنده واقع اولور . چونکه بونده ارسلانندن مقصد محارب
اولان عسکر در عسکره بویله برنام و یرلمسی شجاعته ارسلانه
تشبیه ایدلمسندن طولانی اولیور سه ده بوتشیه اظهار اولغیه رق
ذهنده قالیور . حالبوکه (محاربه باشلار باشلامز عسکر مز
ارسلانلرکی هجوم ایدرک دشمن اردوسنی تارومار ایلدی) دینسه
افاده تشبیه قلب ایدر . چونکه بونده هم عسکر هم ده ارسلان
ذکر اولغیه برابر بونلرک (حسب الشجاعة) یکدیگریته بکزمه لیدیکی
دخی (کی) لفظیه بشقه جه اظهار ایدیلور .

«جزمی» ده حمزه میرزا ایله والده سی شهریار خانمك موازنه
اخلاقه دائر اولان فقره یه نظر ایتدی کمز حاله آنده حمزه میرزا
ایچون «بوذات فطره» والده سنه هیچ بکزه مزدی: شهریار ییلان
مزاجنده ایسه کند یسی قیلان طبیعتنده ایدی « دینل دیکنی
کوریرز. ایشته بو بر تشبیهدر. بو افاده یی متعاقب ایسه
« ییلاندن قیلان طوغه ییله جکنی کیم مأمول ایدر ؟ فقط قوه
فاطره هر محالك ایجادینه قادر در. « عباره سنی مشاهده ایلر ز.
ایشته بوده براستعاره در .

اوچنجی اولق اوزره بر تعریف دها بیان ایدم: استعاره
بر لفظك معنای حقیق یسندن صرف نظرله اكا دیگر بر معنی
ویر مکدر که بومعنای دیگر ك اولفظه موافق دوشمی انجق
ذهنده وجود بولان بر مشابته علاقہ سیله در .

مثلا (شوکمی یه باق نصل اوچور !) دیه جك اولساق
بو افاده ایچنده کی (اوچور) لفظك معنای حقیق یسندن صرف
نظر اولمش اولور. زیرا که کمی حقیقته اوچوجی برشی دکلدر.
بو حاله (اوچق) کله سنه بوراده (سرعت سیر) معنای
ویرلشد که بوده شوایکی امر ك یعنی (اوچق) ایله (سرعت
سیر) ك ارسنده هر بر ذهنك قائل اوله جفی مشابته مستندر.
مثال مبحوثی دیگر بر توجیه ایله دخی استعاره یه ارجاع ایده ییلر ز. شو
وجهله که (شوکمی یه باق نصل اوچور !) دیدی کمز زمان کمی بی سرعت

سیر و حرکتند ذهناً بر عقاب جسم الجنه به تشبیه ایلدیکمز ایچون
 مشبه به اتخاذ ایتدیکمز طیرک اوچق حالی رعایه الوب کمی به
 ویریورز دیرز. بوتوجیهک حکمنی ایسه برازا شاغیده کلا رسکز.

معنای موضوع لهک غیریده استعمال اولنان بر لفظ مطلقاً
 استعاره اولمز. مجاز مرسل دخی اوله بیلیر. بونلری تفریق
 ایچون اولفظک معنای دیکرده استعمالی نصل علاقه ایله
 اولدیغنه نظر ایتلی. اکر بو علاقه مشابته علاقه سی ایسه
 استعاره در. آشاغیده بیان اولنه جق دیکر علاقه لردن ایسه
 مجاز مرسل اولور.

هر بر استعاره بر تشبیهی متضمن اولدیتیچون تشبیهک ارکانی
 اولدیعی کبی استعاره نکه ده ارکانی واردر که (مستعار منه - مستعار له
 مستعار) دن عبارتدر. مستعار منه مشبه به دیمکدر. مستعار له
 مشبه دیمکدر. مستعار ایسه یا مشبه بهک لفظیدر و یا خود
 ملایمتی مفید اولان کله در.
 مشبه بهک لفظی اولان مستعار یا اسم جنس اولور و یا
 علم اولور.

اسم جنس اولدیغنه مثال :

ایدردم (غزاله) سیر و سفر

که پایانی اولزدی صحرا لک

عبدالحق حامد

علم اولدیغنه مثال :

سن برشه ذیشان سک شاهنشہ دوران سک

یعنی که سن خاقان سک دور کده بن(خاقانی) یم

نقی

مشبههک ملایمنی مفید اولان که ایسه اسم اولور. مصدر

اولور فعل اولور . صفت اولور .

اسم اولدیغنه مثال :

بونی ایتک ایچون قرین ضرر

بلکه ده (نجه) قضا دیتیر

عبدالحق حامد

مصدر اولدیغنه مثال :

قاتل هم معترف هم مہیادر

بنی افنا ناموسکی (احیا) در

عبدالحق حامد

فعل اولدیغنه مثال :

(اویاندی) کرچه بنختی روز کارک خواب غفلتدن

ولی آرایش دنیانک اولدی دنک وحیرانی

نقی

صفت اولدیغنه مثال :

(مداهن) سودا (ناموسخ) محبت

وجدانمی افساد ایتدک عاقبت

عبدالحق حامد

تشبیهه دائماً مشبه و مشبه به و اکثریت اوزره ادات تشبیه

ذکر اوانور. بونلردن بشقه وجه شہک ذکریده جائز ایسه ده

مقتضای مقامه تابعدر . حال بوکه استعاره‌ده مشبه به اولان
مستعار منه ایله مشبه اولان مستعار لهدن یالکز بریسی ذکر اولنه رق
بونده تشبیه اعتباریله ارامق ایستیه بیله جکمز (طرف دیگر تشبیه)
ایله ادات تشبیه ووجه شبه مطوی بولنق اقتضا ایدر .

مثلا وقتی تنبک ایله بوش کچرن بر آدمه علی طریق
الاستعاره (امائه وقت ایدرسک) دینسه بونده یالکز (وقت)
— که مستعار له یعنی مشبه در — ذکر اولنور . (ذیروح فعال)
— که مستعار منه یعنی مشبه بهدر — طی اولنور . (*) تشبیهک بر
طرفی اولدیر یعنی جهتله ادات تشبیه ووجه شبه ایرادینه ذاتاً محل
یوقدر .

حالبوکه شواستعاره نی بر تشبیه مفصل وعادی به قلب ایله جک
اولور سق (وقت هر مقصدی حاصل ایتک جهتله بر ذیروح
فعاله بکزر که جانی سعی و عملدر . سن آتی بهوده کچیرمکه
روحسز بر جسد حاله وضع ایدیورسک . دیمک که وقتی
اولدیر ییورسک) شکلی حصوله کلیر . بونده ایسه تشبیهک
کافه ارکانی موجوددر .

شوراسی خاطرده بولنسون: هر قاعده مک بر استثناسی بولندی
کبی استعاره حقهده کی قاعده عمومیه مک دخی بر استثنای
مستثناسی وارددر که اوده یالکز مستعار اهک مذکور اولمی

(*) مستعار ایسه بومثله مستعار منهک یعنی مشبه بهک ملائمی
بیان ایدن (امائه) کله سندن استنباط ایدیلان (موت) حالیدر .

ایجاب ایدن یرلرده مستعار منهك دخی مستعار لهه اضافتی صورتیه
ذکری جوازیدر .

شوقدر که بوجواز دخی ذهنده وجود بولان تشبیهک پارلاق بر
خیاله تحویلده اندن دخی بر تصویر ادبی میدانه کتیر منهك شرطیه
مهمیه مشروطدر .

مثلا یوقاریده کچدیکی وجهله (شوکی یه باق نصل اوچیور!)
دینلیدیکی کبی (شو عقاب جسم الجئه کشتی یه باق قنادلرینی
آچش نصل اوچیور!) دخی دینله بیلیر .

بو حالده « بارقه حقیقت مصادمه افکاردن چیقار »
حکمت شاعرانه سنده اولدینی کبی کرچکدن پارلاق ، کرچکدن
کوزل بر تصویری شامل استعاراتده مستعار منهك مستعار لهه
بالاضافه ذکر وتصریحی مدوح ومقبول ایسه ده « بومبخته
سمند خامیه ارخای عنان اولنمقدن صرف اولنمشدر » عبارته
عامیه سنده بولندینی کبی نظر متخیله یه هیچ بر تصویر عرض
ایده میان وبود کر سزلکیله برابر حیفا که اثار ادبیه مزی استیلای
مفرطی التنده زار وزبون ایدن استعاراتده بالعکس مقدوح
ومردوددر .

بعض ذوات (بارقه حقیقت) یولنده کی ترکیلرده مستعار
منهك مستعار لهه اضافته دکل بلکه مشبه بهك مشبه اضافته
قائل اوله رق « بارقه حقیقت مصادمه افکاردن چیقار » سوزینی
هیئتیه تشبیه انواعدن عدایدر لر . انجق تشبیهدن تشبیه حقیقما مق

لازم کله جکنه و حال بوکه « بارقه حقیقت مصادمه افکاردن
چیقار » سوزی (بلوطلرک بربرینه چاریمسندن بارقه لر ظهوره
کلدیکی کبی افکارک شدت تلا حقندن ده حقیقت میدانه چیقار)
یولنده قاعده سنه موافق بر تشبیه قلب اولنه بیله جکنه
و خصوصیه استعارات (اداتی محذوف برر تشبیه مختصر در)
یوللو دخی تعریف اولندیغنه نظراً موضوع بحث اولان مثال
ایله امثالی استعاراتدن عد ایتمکده تردد ایتمیز .

استعاره - شرائطه موافق اولدجه - تشبیهن دهها مهم
دهها معتنادر. چونکه برکره موجز در، تشبیه کبی زیاده لقردی به
احتیاج کوستر منزله ایجازک ایسه بعض کلامده و خصوصیه شعرده
اهمیتی زیاده در. ثانیاً استعاره موجز اولدیغیچون تشبیهن دهها
بلیغ اولور. دهها بلیغ اولدیغیچون تشبیهن دهها پارلاق اولور .
دهها پارلاق اولدیغیچون تشبیهن دهها مؤثر اولور که بو
مدعای ده (اماته وقت) سوزی لزومی قدر ایضاح و (بارقه حقیقت
مصادمه افکاردن چیقار) بارقه بلاغتی ایسه حقیله تنویر ایلر.
استعاره نك اسلوبه بخش ایتدیکی رونق و لطافتی - قوت
و شدتی حقیقی افاده ویرسده نادرأ ویره بیلیر. مجرداتی تشخیص
- معنویاتی تجسیم ایتک ، غیرذیروحه جان ویرمک ، ذیروحه
جماد منزله سنده کوسترمک ، اک مرده دل مخلوقاته اثبات حیات
واسناد افعال و حرکات ایلک مخصوصات استعاره دندر .

شعره مثال :

میدر انیس دلفکار
 میدر رفیق غمکسار
 یله بولور شوریده دل
 صبر و تسلی و قرار
 واری جهانده می کبی
 غم اهنه او یقون نکار
 کیرد کده صهباشکنه
 مجلسده یریر نشئه لر
 تفخ نوای جان ایله
 آیات عشق و حی ایدر
 زندان بزمه نی اولوب
 فرط صفادن بیقرار
 بکزر اولنجه جام مل
 جوشنده سوز سازدن
 بر غنچه نورسته یه
 کیم آتی خواب نازدن
 حیرتله ایتمش صبحدم
 بیدار فریاد هزار

محمد بك (*)

نثره مثال :

بهار ایامی بو کهنه جهانک صبح صفای نوجوانی سیدر بهار ایریشنجه
 (*) داخلیه ناظری محمود ندیم پاشا حضرتلرینک برادرزاده لری محمد
 بك مرحومدر. میرمه ارالیه فوق العاده حسن طبیعت شاعرانه یه مالک اولان
 از کیای ارباب شبابدن ادبی. «کلدان» نامنده بش اون پارچه منظومه یی
 حاوی منتخب و مطبوع اثری حقیقه شایان مطالعه در .

طوبراغك هر طرفی سراپا طراوت كسیلهرك * یحیی الارض بعد موتها* سری
 آشکار اولور . اوقوری قوری اعاجلر ، محشره تصادف ایتمش عظام
 کبی، یکیدن جان بولغه باشلار . برحالده که : طراوتلرینه دقت اوانسه
 نظر عبرتله وجودلرینه سریان ایدن حیاتی کورمك قابلدیر . برحالده که :
 الكادناسنده کی نشوونمايه باقلسه عالمك هر ذره سنده بر روح تجلی ایدیور
 ظن اولنور . برحالده که : صحرانك هر طرفنه تجسم ایتمش ذوق روحانی
 بلکه روح بولش صفای جسمانی دینسه مبالعه ایدنامش اولور .
 کمال

دیگر مثال :

حضرت سیدالابرار ایکی چشم بر نورلرینی لؤاؤ بار ایدوب «اول
 روز ظالم سوز عجب یوم هائلدرکه هر کس انده تخفیف باد سیاحت
 مائل اولوب مجموع کائنات اول محله قید عصیاندن آرزومند خلاص
 وراهیدر» دیو براز کریه ترجم نثار ایتدکده ینه اتمام حکایه سابقه یه
 عطف زمام کفتار ایدوب

ترکی

مثال دیگر :

ینه او عصر ایچنده ایدی که دنیالری احاطه ایده جک بر طوفان
 معرفتی ذهنه صیغسدیره بیلیم خارقه سنه مظهر اولانلردن مشهور
 (واسقادوغاما) عمان ایچنده مستور اولان امیدبرونی طریقی کشف ایتمکه
 پورتکیزلر ، اشجاری التون ثمره لرویرر ، نباتاتی کموش چیچکله آچار ،
 برکیما باغیه سی اطلاقه شایان اولان ، هندستانک محصول ثروتندن
 اوروپایی مستفید ایتمکه باشلادیلر .

کمال

استعاره نك استعمالی عمومی واسالیك هر نوعنده جاریدر .
 هله بر طاقم استعاراتی کثرت استعمال اودرجه مأنوس ایتشدرکه

الك عادى الا اباليانه مكالماتده بيله بتون كون استعمال اولنوب
طوردينى حالده كيمسه دقت ايمز. مثلاً عامه بيننده سويانيه كلان
(حدندن آتش پوسكوريور - حيرتندن طوكه قالدی) كې
سوزلر وضرو بدن (جاني جنازه - پوسكلي بلا) كې تئمللر
بتون او قيلندندر .

بر استعاره نك مقبوليتى تأمين ايدە جك شى آچيق *
طوغزى ، طيعى اولمسيدر . مبتى اولديغى تشبيه درحال
ا كلاشيله ميان وتاويل بعيدە محتاج وزورا كى كورينان استعارات
سوء تأثير حاصل ايتمكدن بروقت خالى دكلدر . استعاره ممكن
اولديغى قدر يكي ورنكين واصيل اولمى ومناسبستز وسفلى
شيردن يالنامليدر .

استعاره تمثيلية - ياخود مجاز مركب

استعاره تمثيلية ونام آخرله مجاز مركب برطاقم استعاراتك تعاقب
وتواليسندن تشكىل ايدر بر صورتدر كه خدمتى بر خيال ايله ديكر بر
فكرى ا كلا تمقندن يعنى ملفوظ اولان بر مستعار منهك لوازم واحواليله
ملحوظ اولان بر مستعار لهك لوازم واحوالى تلويح ايتمكدن عبارتدر
بناء عليه استعاره تمثيلية ده الك اول ارايله جق شى عرض ايتديكى
خيال ايله اندن مقصود اولان فكر بيننده كى مناسباتك طيعيت
وتماميتى ماده سيدر .

غدار آوجينك هدف آتشي اولماق ايچون جاى كرز
آرايان بر قوشله حسبجالى متضمن اولان فقرات آتیه نوع

بشرك دخی بر صیاد بیداد طرفدن دائماً تعقیب اولنه رق حال
بوکه بونك لندن فرد و احذك خلاص اولسنه امکان متصور
اولدیغنی استعاره تمثیلیه طریقله پك طبیعی، پك واضح صورته
تصویر ایلشدر .

هیات ای زوالی قوش ! بوتخسرلری یالکنز کندی نفسکه عطف
ایته . زیرا بو مختخانه ده هیمز بر صیاد بی اماندن قورتلق ایچون التجا
ایده جک بر جای سلامت ارایورز . لکن هر نره یه کیسه ک او صیادک
نظرندن اختفایده میورز . اوجهته ارتق هیچ طور میوب ایلری طوغری
شتاب ایده یورز . ارتق صیادک بزى غائب ایتدیکنه مطمئن اوله رق ذوق
وصفایه طالیورز بز بو حالده ایکن صیاد اورایده ده بشوب شریک سرور مردن
بر قاجنی شکارایله جمعیمزى تارومار ایدیور . بناء علیه اورادن ده قاچغه
مجبوریت حاصل اولیور . لکن نره یه کیتملی ؟ کری دولنز . ایلریسی
ایسه مجهول ! قرانلق !! نه یاعلی طور ملی می ؟ اوده اولمز . قوشملی قوشملی !
صیاد تقرب ایدیور . هیچ طور ماملی ! ایسته بو صورته لایتنقطع افتان
وخیزان شتابان اولورکن تاب وتوان کیله رک غاقبت بر مضیق هولنا که
دوشوب بزى تعقیب ایدن صیاده شکار اولیورز ! .

مجموعه شرق

کذلك :

برحقه پوشیده بر موری پنهان ایتدیلر
کردان ایدوب اول حته بی مانند پك کوی کری

ایلر دوام انقلاب اول مورك احوال خرات
بن نملہ پراضطراب اول حقہ چرچ چنبری
نرکسی

قطعه سنده قبالی وداثما یوارلنیر برقوطی ایچنده محبوس بر
قرنجه نك حیرت والمی خیالیله شاعرك كندی حالی اكلاتمه سی
(استعاره تمثیلیه) سورتیدر .

مشهور اولان :

سقوط ایتدیسه برکوکب سپهری برقرار اولسون
یره دوشدیسه برمیوه درختی پایدار اولسون
یتتی که - اولادینی غائب ایتمش والدینه تعزیت وتسلیت یولنده
ایراد اولنور - استعاره تمثیلیه نك قصه وفقط شریطه سنه موافق
برمثالیدر .

ضیا پاشا مرحومك - ترکیب بند مشهورنده - جهل وغفلت
وفساد اخلاق ایله اوغرائیله بیله جك اولان خسران وخیتدن
فریاد یوللو سویلدیکی :

ایواه بو بزمچه ده بزلرینه یاندق
زبرا که زیان اورته ده بيلم نه قازاندق
یتتی وندیملك - روحك بدنده حبس اولوب قالمسندن - شکایتی
متضمن اولان .

نیچه دمدرکه کلن ایلدی بلبلدن دور
داد اندن بوشکست اوله سی کینج قفسك
شعری استعاره تمثیلیه ایچون برر مثال مکملدر .

—

یوقاریکی تعریفات وامشله دن اكلایشله جنی اوزره

استعاره تمثیلیه قاعده عمومیّه مستعار لهه عائد احوال ذکر اولنما مقدر .
 شو قدر که استعاره عادیّه ده مستعار منهک مستعار لهه بالاضافه ذکر
 وتصريحنده کی شرط جواز قیلندن اوله رق استعاره تمثیلیه ده
 دخی

«آینه به کردی عکس و عاکس»

تصور شاعرانه سی کی - خیال و مثالی هم آغوش اتحاد کوستر
 الواح ادبیه تشکیلی فائده مهمه سنه مقابل اولمق اوزره - مستعار
 منه ولوازمیله مستعار له ولوازمی یکدی کیرینه مزج ایدرک دیگر
 وتصريح ایتک جائزدر . وحتی ادبیات عثمانیه به السنه سائره
 ادبیاتی ایچنده بر موقع امتیاز بخش ایتدیره چک مزیت عالیّه دخی
 صنایع ادبیه مزک اودرلو بدایعه اولان استعداد فوق العاده سیدر .
 مثال :

بر ایکی عصر دنبری جانب مغربدن ضیا پاش ظهور اولان و آفتاب
 معرفت که افکار عتیقه عالمک منتهای دوام وابتدای قیامتنه دلالندر
 طبیعتیله بورالره دخی نشر نور ایتکه باشلادیغندن هر شیده بر خیلی تغیر
 کوردی ، بواقلا باتک ملکمزجه اک بیوک صدمه سنه اوغرایان شی ایسه
 ادبیاتدر .

کمال

دیگر مثال :

لکن ییلدیرم اقلیم عثمانی بی جولاننه مساعده بولدیغندن اطرافنده اولان
 حصار انحصاری دور مکده و خارق عاده بعض اطوارینک صدماتی اساس
 اداره به خلل ویرمکده ایکن تیمور مشهور بر سپر صاعقه کی طریق
 استیلا سنه دیکلمشدر اگرچه افراط شده تنه نظراً فی دخی یرندن قوپارمی
 احتمالدن بعید دکلدرد فقط خصمیله چارشمغه باشلار باشلامز سوق روزکار

اجزای قوتی تارومار ایتدیکندن او آتشبارۀ جلادت یوق یره محو
اولدی کیتدی .

کال

دیگر مثال :

سودا کر شهر هوشیاری
بوکونه ایدر سخنگذاری
بیقاندی چون اول شب مکوکب
صابون قرله جامۀ شب
چیقدی شب تیره جامه سندن
رخصارۀ روز اولدی روشن
چاروب اشعه بار بای
هپ سیلیدی سوپوردی کرد چای
زرین طوی اوردی داوریام
پوز طوتدی خرابه قلعه شام
قصر شب اولوب یره برابر
میدان جهان آچلدی یکسر
رفع ایلدی سجده دن سرین خور
صیح اوقودی ورد سورۀ نور
نابی

دیگر مثال :

بویکی ذاتدن لالا مصطفی پاشا، ایرانک تدارکانه قارشی صلحه میل
اونورسه سلطنت سیه نک شان و حیثیتنه طوقته جفتی و بلکه بوصورتله
دشمنه کوستریله جک محاشات ضعفه حمل ایدیله جکندن و دشمنک تمایلات
حربیه سنی بر قاندها تشدید ایده جکنی میدان قویه رق، و سنان پاشا، ولو
ایرانلر محاربه دن چکنسه لر بیله سلطنت صفویه عارض اولان طور

انخطاط جهتيله ايراني ممالك عثمانيه يه الحاق ايله ملت اسلاميه نك كافه سي
اوزرينه حكم خلافتي انفاذ ايچون اكيبولك برفرست زمانى گلش اولديغندن
طوتد بره رق، ايكي سيده الكتريقك بربرينه ضد اولان ايكي قوتى كي برر
بشقه نقطه دن حركت ايتديلر بربريله چارپشديلر ارده ده آتش حريك
علولمنسه سبب اولديلر. آتش حرب ايسه ييلديرم حكمنى الهرق ا كريله
طوغريله صقواللى مرحومك مبنای حيثيتى رخنه دار ايلدى .
كال

ديكر مثال :

موسى ايله طارق بو عرب هيئتتك ايكي سياره انقلابدر . وضعيت
طبيعيه لرى اقتضاسنجه مشرق انوارى هيئتمزك قلوبنده اولان افتاب
نصرتدن ايكي سيده شمعنه دار اولور . بونلردن هر هانكي سي ديكرينه
مانع اقتباس اولسه القاي خسوف ايتسه كندينك ده برجهق مظلم قالير .
عبدالحق حامد

استعاره عاديّه ايله استعاره تمثليه بيننده فرق شودر كه
اولكنده تشبيه لفظ مفردّه راجعدر، ايكنجيسى يعنى استعاره
تمثليه ايسه مشبه به و تعبير ديكرله مستعار منه عائد خيالاتى
جمع ايله بر تمثال مكمل تشكيل ايتك مزيتتى حائزدر .

طوغريدن طوغرى يه افاده سى حالنده حسن تلقى كوره بيلمسى
مشكل اولان بر حقيقت ويا بر مقصدى استعاره تمثليه طريقيله
تبليغ اكثر يا موفقيتى تأمين ايدر . امور واحوال معنويه ني تجسيم
وتشخيص ايله كنديلرينه بر طاقم افعال واقوال اسناد واثبات
اينك استعاره تمثليه نك خواص متميزه سندنذر .

ادباى غربك بو طرز مجازى ايچون هم تعريف هم ده مثال
اوله رق ايراديتدكلرى بر سوزى لسانمرك شيوده سته كوره شويلاه .

ترجمه ایده بیلیرز : « استعاره تمثیلیه شیشه ده صاقلنمش پریدر »
استعاره تمثیلیه ده کرک افکار، کرک تعیرات واضح و متقیح
اولمیدر . عکسی حالنده بونلرک هریری ناقابل حل بررمعی
اولمش اولور .

استعاره تمثیلیه ده شمولی برمعنی ویریه جک اولورسه
(مناظره کل ومل) کبی (حسن وعشق) کبی جماداتدن یاخود
معنویاتدن اوله رق تشخیص اولنان شیلرک محاورات و معاملاتندن
بحث ایدن و (هایوننامه) مثللو قورد وقویون حکایاتی شامل
اولان اثار وکله جک نمونه موافق صورتده واضح لغزلردخی
بونام التنده یاد اولنه بیایر .

لغز

نهدر اول طائر چاپک پرواز
طیران اتمده همچون شهباز
نهقونار زیره نهبالاده اوچار
صرغ عنقا کبی شهبالن آچار
یعنی پروازه خدا ویردی مکر
ا کا مخصوص بر اوچ دیکر
کاه اولور زینت ایله شکی عروش
کاه اولور حدت ایله بر قره پوس
نیجه بیک جانی وار آنک اما
ینه بر قالب بی روح نما
قتی چوق کوزلری واردرکه باقار
اغزی قارنده آچار کاه قاپار
اسیدر دیردم اگر ییسه می
اولسه رختی یاخود آغزنده (کمی !!!)
رئیس الکتاب عارف

استعاره عادی و تمثیلیه ده مرعی طویله جق شرائط

اولا استعارات مطلقا پارلاق و عظمتلی اولمق اقتضا ایتمز .
 بونلرده ارا نیله جق مزیت موضوع بحثك طبیعتنه موافق اولمسیدر .
 ایشته مستعیر ایچون اك اول واك چوق دقت و اعتنا اولنه جق
 بودر . بعض استعاره اولور كه شعرده بك اعلا یا قشیر ، نثرده
 چركین دوشر . بعضیسی واردر كه برنطق ایچنده بك بحادر ،
 تاریخده و یا حکیمانه بر مقاله ده مناسبتسز کورینور . بونك ایچون
 برقاعده مطرده تعینی قابل دکلدر . زیرا بونلر حسن طبیعتله
 بیله جك شیلردندر .

ثانیاً استعاره ده مستعار منهی حسن انتخاب ایتك لازمدر .
 مستعار منه ایسه پارلاق ، وسویملی شیره منحصر دکلدر .
 موضوع بحثك طبیعتنه کوره اك آغر ، اك قورقچ ، اك منفور
 شیلردنه استعاره اولنور . بونكه برابر ذهنده خسیس و سفلی
 فکرلر حصولنه سبب اوله جق الفاظ و تعیرات استعمالندن
 اجتناب اولنمایدور .

مثلا :

مقدم طبعه دیبای منیف اولسه حصیر

قدر اجلاله نسبتله دکلدر شایان

عرفان پاشا

بیتده منیف شاعرك (*) اشعارى بر حصیر پارچه سی کبی پامال
تحقیر ایدمك ایستلمسی تراکت و محویت ادیبانه یه موافق دوشوب
دوشمذیکندن و (دیبا) لفظندن اشعاره و حصیر لغتندن (پای انداز)
دنیلان ایاق یاغیسنه انتقالده ذهنك دوچار پختاب اولوب
اومیه جفتدن و (منیف حصیری) مضمونك لطافت و عدم
لصافتندن قطع نظر یالکز شو (حصیر) استعاره سندن ارباب
مطالعجه حاصل اولان فكرك خساست و سفلیتی و بووجهتله
بیتك لفظاً و معنأ نقیصه دارانی محتاج بیان دكلدر .
ضیا پاشانك فضولی حقنده کی :

یانقدر او عاشقك کتابی

نظمنده قوقار جگر کبابی

سوزی وندیك :

اوتن كه خاك اوله عشقك كداز و سوزندن

بیتن کیاهی دم حشره دك کباب قوقار .

یوانده خیاللری و سنبلزاده وهینك :

دامن کوه قناعنده می بیتمش بیلم

برپياز ايله كچندی نیجه ییللر سنبیل

طرزنده کی تصورلری مؤاخذه کاران ادبك شدت تعیب و تقییحندن
بحق قورتیله مز .

(*) انطاکیه لی مصطفی منیف افندی سلطان احمد ثالث عصری

شعراستندن و شاعر مشهور نابینك مقلد لرنددر . برقطعه مطبوع دیوان

اشعارى واردر .

مع مافیہ بونلر نابینک :

صبا اعلک هوا سن ساحه مصره کوتورمش کیم
نمک باش کوسترر سکرله بر پیرهن نیدن
بیتند اولدینی کبی شکر قامشنه کوملک کیدیرمک ویاخود
کوملکدن طوزوشکر چیقارمق قیلندن مناسبتسر و مستکره عد
اولنه مز .

ثالثاً (ارخای عنان خامه - اماله لجام کفتار - ساحه
وقوعده جلوه گر - مرآت تیسرده رونما) کبی مبتدل و کهنه ادا
استعارات قولالاناملی . مع مافیہ برر مناسبت بعیده و مشابہت
غریبیه مستند اولان استعاره لر یکی ده اولسه مقبول دکلدر ..
زیرا که بونلر دائماً معلق و مبهم اوله جنی کبی کندیلرنده زوراک
کورنمک محذوری دخی وارددر . « ترر » تیاتر و سنده یاره یه قناد
دنیلرسی کبی :

آجدیغ یاره لر نه خوش قنادی

.....

یاره ظن ایته روحک قنادی

.....

اوچیور بر ملک قنادلری آل

عبدالحق حامد

ینه تررده :

لاله لر بلیور یوزمده عرب

مصر اعنده چهرده حاصل اولان قیرمز یاغک لاله یه تشبیهی
ذاتاً او قدر غریب دکلسه ده بر آدمک یوزنده لاله بسلنمک خیالندن
او آدمک حجاب و یا حدت سبیلله یوزی قیزاردیغنه انتقال مشکل

اولدینی ایچون ذات تشبیه دخی برغرابت عارض اولیور .
 رابعاً استعارات تمثیلیه ده الفاظ و تعیراتک بعضیسی معنای
 حقیقتده استعمال اولنمقدن توقی ایدملیدر . بواسعمال عبارتهنک
 صوکنده واقع ایسه اکا (عدم تعقیب استعاره) دنیلیر .
 مثلاً :

بو سخن قائلنی تاج سر عالم ایدر
 دروالاسی اولور ملجاً حاجتمندان
 عرفان پاشا

بیتنده مصراع اول بر معنای مجازی بی شامل اولدینی
 حالده بومعنای مکمل اولان مصراع ثانینک الفاظی بتون بتون
 حقیقته مصروف اوله رق استعاره تعقیب اولنماش یعنی « تاج
 سر عالم » ترکیب مجازیسی بتون بتون جوابسر قالمشدر .

برعبارتهنک حقیقته مصروف اولان پارچه سی مقدم اولدینی
 حالده بوکاده (عدم ترجیع استعاره) دنیلیر . سلیماننامه صاحبی
 عبدالعزیزلک : « اول مخدوللری سیف مسلول برله صحایف
 روزکردن تراش ایدوب » عبارتهنده اولدینی کی .

دقت اولنسون که بوراده « اول مخدوللری » یرینه مؤلفک
 تصویرینه کوره (اوقاط زائده بی) ویاخود (اوسواد زیادی)
 کی برسوز یازیلیدی استعاره ترجیع ایدلش و عبارتهنک اولی
 آخرینه اویش اولوردی . زیرامعلومدرکه صحیفه دن مخدول تراش
 ایدلش . بلکه ویا برنقطه حک واما ایدیلیر .

نابینک : « ماننده دریا صفای خاطر ایله بر نیجه منزل

دخی کنسار ورق پیروزه فام دریادن بریده مقراص قوادم
مطایا قلندتدن صکره « ترکیبده کذلک عدم ترجیع
استعاره تقیصه سی موجوددر کاغذک کنارندن مقراضله منزل
کسیله میه جکندن طولانی .

خامساً شیء واحد ایچون طبیعت وماهیتهجه بربرینه مخالف
متعدد شیدن ویا بویه متعدد شیء ایچون شیء واحددن برآنده
استعاره ایدناملیدر .

و یسینک : « بادشاهمز لب در نثارین شکر ریز ایدوب
حضرت اسکندر اول نبات کلماتدن شیرین مذاق اولورلردی .
عباره سندن آغزک برآنده هم جواهر محفظه سنه هم ده شکر
قوطیسنه تشبیه اولمش اولسی اولکی حاله مثالدر .

نابی ایسه « تحفة الحرمین » نده : « ورق عنبر فام شام
عملنامه سپهکاران کبی ریزش قطرات نجوم ایله شسته روی
اولدقده خروس ملمع بال صبح :

صبحك الله صباح السعيد

بر تو مبارك بود این روز عید

این چه صباحست که شش صد هزار

بنده شد آزاد صغار و کبار

زمزمه سیله لبریزبانک بشارت اولمغین آفتاب سجده گذاردست
اشعه ایله جویبار شفقدن وضو ساز اولمزدن مقدم . « دیه رک کونشی
اول امرده خروسه وعقبنده برعابد وضوکار وسجده گذاره

تشبیه ایتمله بوجهته عائد دقتسز لکده سلفی ویسیه فرسخ
فرسخ مسابقت ایتشدر .

متخالف الطبعه شیلر ایچون شی واحددن استعاره ایدلایکنک
مثالی ایسه شو بیتدر :

سمند عدلنک فیض صباح الحیری عائدن

غبار تیره شیدیز ظلم ایلدی احما

عرفان پاشا

عدل و ظلم دنیلان شیلر ماهیه بر برینک ضدومغایری ایکن
ایکیسیده جنس حیواندن آته تشبیه اولنق وحتی سیاهک
ضدی بیاض اولدیغده کوره ظلمک یاغز آتنه مقابل عدالت دخی
بر قیر آته بکزه دلمک ایجاب ایتدیکی حالده بولازمه یه ده رعایت
ایدلماک شهه سز منافی ذوق بلاغتدر .

استعاره ده خیالدن خیاله انتقالدن یعنی برشی حقتده متنوع
ومتعدد استعاراتی - ولو هربری شرائضه موافق اولسه بیله -
تعاقب ایتدیرمکدن دخی توقی ایتلیدر . اسلاف شعرا دن پک چوغنک
کل ، سنبل - خنجر ، مغفر ردیفلرنده سویلدکری قصائده مراجعت
اولورسه بر ماده یه عائد زوراکی ومتنوع بر طاقم استعاراتک تنابیی
ذهنی فصل قارشیدیردیغی بالمسهوله اکلاشیلیر . نمونه اوله رق
باقینک (خاتم) قصیده سندن بر قاچ بیت نقل اولندی .

زر وکوهله قیلوب زیور افسر خاتم

زیب وزینتده کچر همسر قیصر خاتم

نام ایله طوتدی جهان ملکن اولورسه حکمی

مالاک جام جم وتاج سکندر خاتم

مشعل ماهدر اول کوهر شبتاب مکر
 کچینور چنبر کردون ایله همسر خاتم
 ایدوب الماسدل آینه وزردن شانه
 کوستر خلقه ینه شیوه دختر خاتم
 فص پیروزه ینه خوش یاره شور انده سیر ایت
 اولدی برطوطی ینه کویا زرخاتم
 تا که بنای قدر یاپدی سعادت قصرین
 اولدی اول طاق فلک رفعته منظر خاتم
 حلقه در دور قدح ، لعل شراب کلکون
 رند میخواره نه خوشدر طولو ساغر خاتم

ایشته بوشعرده کوریلور که بیچاره خاتم بدایت امرده قیصر
 وجم واسکندرله هم شکوه و شان بر مقبل زمان کوسترملش و متعاقباً
 شعله قر و شیوه دختره تشبیه ایدملش ایکن قدری تنزل ایده ایده
 قوش قفسنه ، قبه پنجره سنه ، شراب قدحنه بکزه دیلیورده بو
 زورا کی تشبیه اتدن هانکیسنی قبول هانکیسنی رد ایده جکئی انسان
 بیله میور. طبع سلیم نظر نده ایسه خاتم نه قیصر درنده جم! نه
 دختر اوله بیایر نه ده ساغر! بونی سکسان ایکی درلو شیئه بکزه ده حکم
 دیه اجبار طبیعت ایتک بیپوده امکدر .

سادساتا ویلات دورا دورده ، توجیهات زورا زورده دوشوله جک
 استعاره لر یا بلالمیدر. زیرا استعاره نك مبتنی اولدینی تشبیه محررک
 زیاده جه مدت تأمل و توقفی و تحری مناسبات ایله جزئی کلی
 تفصیلاته قایم سنی استلزام ایلر سه استعاراتی غیر واضح برر
 (استعاره تشبیه) ینه منقلب اولور. و بوده اذهان قارئین ایچون

ترکیباتك مظلم وادیلرنده جستجوی ماء الحیات معنی ایله کرفتار
تعب و مشقت اولمق محذوری ایجاب ایدر .

— تشبیه —

اره لرنده کی مناسبت و موافقت جهتله بری دیگرینک تنویر
و ایضاح و تزئیننه مدار اوله جق ایکی فکرک تقابلندن حصوله
کلان صورتدر . تشبیه هیچ بر زمان نظری حکم و قوتنده عد
اولنه من . فقط بر مصباح بلاغتدر که لمعه رسان اولدینی شیلر
نظر متخیله ده داشعشعلی، دهارنکین بر صورتده عرض وجود
ایدر . بوجهته آثار شعریه نك اثر وتلی منابعندن معدوددر . قوه
خیالیه نك ایجاد ایتدیکی تمایل غریبه نی تصویر وارانیه بر کوزل
واسطه در .

مثال :

طاغده شاهین باقشلی بر دختر
کز آهو کبی توحش ایله
اوجبالک پرینه بکزر
ذهنی اشغال ایدر تودش ایله
عشقه واقف دکلسه ده لایق
حسنی موقع کبی طبعیدر

فقره عشق، شهرت عاشق
یاد اولنسه فقط دکل فارق
صانکه برکلبن ربیعدر
زمهر بر ایلله برک وبر ویرمش
قیش کونده کاله ایردیرمش
عبدالحق حامد

مولودیر صان او شادروان روح افزاسی کیم
هم دونر هم اشکنی ایبر صفا سندن روان
زر کلاهیلله یاخود بردلبر رقاصدر
بر ایاغ اوزره سماء ایتکده دامن درمیان
نفی

نژده تشبیه شعرده کی قدر رایج اولمز . معافیله کثرت
استعماله دوشماک شرطیله آثار مشورده تشبیه مراجعت
اسلوبی کرکی کبی تزیننه سبب اولور .

مثال :

« بزم تاریخلردن بعضیلرینک روایتنه باقیلیرسه اسماعیل ثانی ایرانده
سنیلک قوتیله کندی سلطنتی تأسیس ایتکجه چالشدینی حالده خلافت
اسلامیه یه ده شیعیلک قوتیله مقابله ایتک فکرنده ایدی . ضعف قلب ، ضعف
عقل اصحابی دائماً ایکی بوزلی ، ایکی مشربلی ، ایکی مذهبی بولمقی اقصای
مهارت قیاس ایدرلر ! جمع اضداد عقلاً محال اولدینی کی ماده دخی
محال اولدینی دوشونه منزلر . قارلر تبیلر ایچنده این کورو بده هیچ
برینه اعتماد ایدمه دکلی حالده هیچ برینی غائب ایتماک اینچون برطرفدن
برطرفه قوشان عجمی بولجیلر کی ایکی طریق اره سنده هلاک اولورلر . »

کمال

دیگر مثال :

«ومنی المجربات : حرکات وزوالی غیر قابل کورینان ارض سخت التبدن
یواش یواش حفر ونحت ایله دفعه سقوط اندوب یارلر و اوچوروملر
سدا ایلدیکی کبی بر حکومت ظالمه دخی قوه جبر وتعذیله نه قدر ثروت
وسامانه مالک وفرمانفرمای ممالک اولسه قاعده اجباریه سی عاقبه العاقبه
اندراس اساسنه علت و آلت قویه اوله کلدیکی ایشته ایتالیا قطعه سنی بونجه
زمانلردر لرزان ایدن (ادراستک) زوال زمان استدر اچیله دخی نمایان
اولغله...»

دیگر مثال :

« حکومه متعلق افعالی شوبله طور سون با زیچنه افکاری اولان اشعارنده
بيله زماننک حالی اولان لفظ پردازلق کبی سینئه لردن اثر بيله کورلر.
قلمندن هر نه صادر اولدیه مصادقه سخاب اینجده ظهور ایدن برق
جهان کبی هیجان افکار و وجدان اره سندن جوال اولمش بر لامعه معرفتدر
که قائلنک حکمت و حماست و یا شوق و محبت دائر اولان احوال قلبیه سنی
ایضاح ایدره.»

کمال

تشبیهده بعضاً ادواتدن اولان (کبی - صانکه - کویا)
لفظلری وامثالی کله لر طی اولنور که اوزمان تشبیه پارلاق بر
خیال صورتی اکتساب ایتکه مؤلفک تصویرنی زیاده رونقلی
کوسترر . بویولده کی تشبیهاته تشبیه بلیغ اطلاق اولنور . ابن
کلاک یاوز سلطان سلیم حقنده کی مرثیه سندن قطعه مشهوره
آیه نک حاوی اولدیغی تشبیه کبی :

آز زمان ایچره جوق ایش ایتشیدی
 سایه سی اولمش ایدی عالم کیر
 شمس عصر ایدی عصرده شمسک
 ظلی ممدود اولور زمانی قصیر

فاضل مشار الیهک حضرت پادشاهی عصر کونشیله هم
 شمشع کال وزوال کوسترن بو قطعه سنده هیولای تشبیه
 فی الحقیقه بر تعریف جلی شاعرانه صورتی آمشدر .
 ادبیات جدیده مز تشبیهده شایان دقت بر خاصه خفیه
 مالک اولمشدرکه اوده تشبیهی - مشبهک متعلق اولان وقایع
 واشخاص واشیانک حال و شان و موقع وزمانه مناسب اولان
 شیلردن - اخذ ایلکدن عبارتدر . بو دقیقه ره رعیتله یاپیلان
 تشبیهات - شرائطه موافق اولدقجه کندیلرنده صرف تشبیه
 اعتباریله وجودی اقتضا ایدن لطافتدن بشقه - برده تناسب
 و توافق قاعده سنی شامل اولدیغندن زیاده سیله دلپسند اولیور .
 بو بدیعۀ لطیفه یی آثار ادیبانه سنده کمال مهارتله اظهار
 ایدن ادیب مشهور کال بک اقتدی اولدیغندن ادبیات جدیده مز
 بوجهتجه دخی مشار الیهک طبیعت شاعرانه سنه متتدار اولمق
 اقتضا ایدر .

آثار ادیبه سنک الذمؤخری اولان جزمیدن نقل ایتدیکمز
 فقرات آتیه مدعایزى اثباته کافیدر .

«فی الحقیقه (قریستوف قولومب) سفینه نوحدن طوپراق تورینه
کیدن کوکرچین کبی - برشدتلی طوفان اعتراض ارسندن چیقه رق
آمریقه یی کشف ایله عالم انسانیته ینه بو عالم ایچنده برجهان دیگرالحاق
ایتمک طقوزنجی عصرده موفق اولش ایدی.»

دیگر :

«منك فاتح حقیقیسی غداولتمه شایان اولان نورسیدکان جلادتدن اوز
تیموراوغلی عثمان پاشا یمنده سنان پاشانك قهر رقیبانه سندن قورتیله رق -
باد جنوبی سرعت وحدتیه - (*) استانبوله کیش و براز مدتیك ...»

دیگر :

«یالکیز اوخون و آتش طوفانلری ارسندن یکریمی قدرسفینه قورتاره
بیلمش و اوروپانك قوای مجموعه سینه قارشی اوقدر دهشتلی انزام ایچنده
بیله قلبنك جوهر صلابتیه خلل کله مش اولان - سیف مسلول جلادت -
قلنج علی پاشا بیله ایرتسی سنه یه بر دوغما یتشدیره بیلیمک فکری ...»

دیگر :

«محمود بك ایسه دشمنك حرکتی خبر الیرآلکز برمناسب برده بوصویه
کیره رك و برمهارت فوق العاده ایله عجم اردوسنه شیخون ایدرك اوقدر
کلیتلی برعسکری دفعه ثانیه ده ینه تدبیر ایله اولکی کون ابراز ایتدیکی
- خورشیدکی شععه لی - برغلبه یه بوکیجه ده - مهتاب قدر پارلاق -
برمظفریت علاوه ایلر.»

عبدالحق حامد بك اقدینك (اندلس فتحی) اوپوننده
اشبیلیه شهریه سائر بعض ممالکک مرده فتح وتسخیرینی طارق

(*) باد جنوبی کبی برسرعت وحدتیه (تقدیرنده اولدیغیچون اداقی
مخدوف اولان (تشبیهات بلیغه) انواعندن دیمکدر .

بن زیاده ایصال واشیلیه برجنه الك اول باوراق دیکنده زهرا
بنت موسی اولدیغنی بیان ایدن بر ساعیه - بنت ایوب بن
حییك دخی بو محاربهده برابر اولوب اولدیغنی سؤال اولتمسی
اوزرینه ساعی شویله جواب ویرر :

برابر .. همه دائما بنت موسی ایله برابر . حق چیفته ییلدیزلرکی
دیدیکم برجك تپهسندهده برابرایدیلر . کورن بربرینك رادفهسی ظن
ایدر .

ایشته بوتشبهك دخی بروج ساهویهکی عالی - نجوم زاهره
قدر شععهدار اولمسی انفاً تعریف اولنان خاصه بدیعیهنی شامل
اولسندندر .

اسالیک رونق ولطافتی تزید ایدن شیرك بریسیده
تشبهدر . فقط یاییلان تشبهلر تأثیرات حسنه حاصل ایتمک ایچون
طوغری ، طبعی ، آچیق ومناسبتلی اولملی وکثرت استعمال ایله
قیمتدن دوشورناملی وزوراکی ، کهنه ، سفلی ومستکره خیاللردن
اجتناب ایدملی که بونلر اسلوبی تزین ایدهجك یرده تلویث ایدر .
اشاعیدهکی بیتلرده اولدیغنی کبی :

طن ائمه نخود در دهن داغ تلمده
آغزینه غذا الدی پرستوی محبت
ثابت

بویتده یاردنك کوکرچینه ، اوزرندهکی نخودك ایسه کوکرچینك
آغزینه الدیغنی دانهیه تشبیهی نه مستکره خیال اولدیغنی تعریف
اقتضا ایتمز .

ندیمک :

بوی خفیه طولوب اولدی مسلم دسته
چرخ دوندی حاصلی قوینده عنبردانه

بیتده هوای نسیمی بی بر آدمک رایحه اخلاقیه آلوده ایتک
خیالنده کی لطافتسز لکندن قطع نظر کوک قبه بی هیئیه عنبر
قویشنه تشبیه ایتک و صکره او قوطی بی بر آدمک قوینده
صغیشد یرمق شعرای اسلافک آئارنده بیکرجه بلکه ملیونلرجه
امثالی موجود اولان اعاجیب تصور اتدندر .

— استطراد —

استعاره بحی حد ذاتنده دقیق و شایان اعتنا اولدیغندن
بونک نیک و بدینی کنسیمک ا کلایه بیلیدیکم درجه ده
سزده ا کلامق ایچون بوقدر تفصیلاته بو درجه تشریحاته
مجبور اولدم . استعاره حقنده بزم بلاغت کتابلرنده مندرج
تقسیملری و خصوصیه او تقسیم علی التقسیملری و بونلرک
هر برینه عائد تعریفات و توضیحاتیده آلمش اوله ییق بحث بر
خیلی دها اوزایه بیلردی که بوکاده کتابمز متحمل دکدر .

او تقسیمات و تعریفاتیده آکلامق ایستیانلر او کتابلره مراجعت
ایده بیلرلر . مع مافیه مادامکه علی الاطلاق استعاره ده اساس اولان
شی تشبیه در و مادامکه استعاره ایله تشبیهک ارده سننده فرق
یوقاریکی تعریفات و امثله دن معلوم اولمشدر . آرتق استعاره قاج

نوعه منقسمدر ؟ فصل اولورسه هانکی نوعدن معدود اولور؟
 بورالینی آرامغه بکده احتیاج کوریه مز. وبلکه انواعی تکثیر
 ایتک و بربرینه مغایرتعرفاتی چوغالتمق بر درجهیه قدر اولسون
 ذهنی قاریشدیرمغه سبب اوله بیله جکی چون ترکی اولویتسه
 کورینور. بواسطرا د ایچنده اصل سوبلمک ایستدیکم شیلر
 ایسه لسانزده اک زیاده سؤ استعمال ایدیلان استعارهیه و اساسی
 اولان تشبیه متعلق دها مهم بعض ملاحظاتدرکه صره سیله
 بیان ایده جکم :

(۱) استعاره عادیه واستعاره تمثیلیه بختلرنده مندرج اولان
 تفصیلات و تشریحاتدن اکلاشیله جفی وجهله هر بر استعاره
 بر تشبیهی متضمن ایسه ده بونده مطلقا تشبیهک خلاقی اوله رق
 مشبه به ایله مشبه دن یعنی مستعار منه ایله مستعار لهدن برینک
 مطوی و مخدوف بولنمی اقتضایدر. بوکا میندرکه استعاره ده
 برنجی درجه ده دقت واعتنا اوله جقشی واضح اولق ماده سیدر.
 بووضوح ایسه ذهنده وجود بولان تشبیهک طوغری و طبعی
 اولسیله حاصل اولور.

مؤلفات ادبیه مزه و خصوصیه بونلرک اسکیلرینه باقادیفی
 حالد اکثر استعاراتده خلاف قاعده اوله رق مشبه و مشبه بهک
 ایکسینی ده ذکر و تصریح ایتک ادبامزجه عادت حکمنه کیردیکی
 اکلاشیلیر. عجایبوعادت نره دن چیقمش برکره آنی ارشیدیرم
 ادبامزک بویوله کی استعمالته مدققانه عطف نظر تفتیش

اولتنجه معلوم اولور که مطوی بولنسی اقتضا ایدن طرف دیگر تشبیهک دخی ایرادینه سبب استعاراتک بزده اکز یاده جاری اولان نوعنده (که استعاره مکنیه و تخیلیه ده) تشبیهک لزومی قدر آچیق و طبعی اولما سیله مستعار منه اولان شی مستعار لهه بالا ضافه ذکر و تصریح اولمادیغی حالده - استعاره نك ضمتدن مستفاد اولسی لازم کلان تشبیهک قولایاقله کلا سیله میه جنی مطالعه سیدر - مثلاً شاعر مشهور نایینک :

قازیر خورشید تصحیح ایلدکجه نسخه باغی
کوروب حرف کل اوزره نقطه سهو اولدیغن شبنم
بیتنی اله آلهلم : بونده مشبه به اولمق اوزره مندرج اولان
(نسخه) و (حرف) کله لرینی استعاره قاعده سنه توفیقاً طی
ایدهلم. او حالده سوز بیت اوله رق قائم اوله میوب کندی کندینه
یقینه جغدن انقاضدن - اچقده قاله جق معنی ایچون بر -
بیت انشا ایدهلم : « کونش باغی تصحیح ایتدکجه کُلک اوستنده کی
شبنمک نقطه سهو اولدیغنی کوریرده قازیر »

شمدی بو افاده حکمنجه کونش باغی نصل تصحیح
ایده جئک ؟ یعنی (تصحیح) لغته بوراده تسطیح معناسی می
ویریه جک ؟ و بر چیچک اوزرند - ولو که نقطه سنز حرفله
یازیلان (کل) اولسون - نقطه سهو بولمق خیالنه نه
مناسبت بولنه بیله جک ؟ (کونشک ژاله نی جذب ایتسنه) قازیمق
کله سنک استعاره سی ده قبول اولور شیردن دکاسه ده اوجمت
صدد مزدن خارجدر) .

ایسته (تصحیح) سوزی باغه یاقشوق ونقطه (سهو)
تعبیری ایسه کله مناسبت المق فکريله درکه شاعر افاده سنده
استعاره قاعده سنجه ایرادینه لزوم اولمیان (نسخه) و (حرف)
کله لرینی دخی ذکر ایتشدرد .

استعاره عادیه وتمثیلیه عائد قاعده عمومیه لرحه برر استئنا
بیان ایتدیکم صروده بشقه جه خطاری لزومنی دوشوندیکم بر
شیئی - حسب المقام دها زیاده موافق اوله جفته منی - بورایه
ترك ایلشیدم که اوده شودر :

مستعار منهك مستعار لیه اضافتی شامل استعاراته باقارز .
اكر بونلردن مستعار منهك حذفی حالنده افادهیه معنأ
بر معقلك ، بر مناسبتسزلك کلدیکنی کوریرسهك هیئتیه
قبول والا رد ایدرز .

بو حالده مثلاً « بارقه حقیقت مصادمه افکاردن چیقار » سوزندن
(بارقه) لفظی - که مستعار منهك - حذف ایتدیکمز حالده معنایه هیچ
برفقالق کلیه جکندن بونی قبول ایدرز . حالبو که « شانه زلف
سخندن اعتراض » مصراع مشهورندن (زلف) کله منی - که
کذلك مستعار منهك - حذف ایدنجه اعتراضك لقردییه
شانهك ایتسندده هیچ بر مناست بوله میه جغمزدن بونیده رد
ایلرز .

(۲) استعاراتده مستعار منهك مستعارلهه اضافتی معتاد اولمله برابر بواضافت ماده سنك همان عموماً فارسی قاعده سنجه جریان ایتدیکی وقولالانیلان كله لك دخی بالطبع فارسی و عربی اولدینی نظر دفته شایاندر !

واقعا شرائط اسلوبدن اولان آهنگ سلاست قانونك مرعیتی اضافت فارسیه قاعده سنه مراجعتی بردرجهیه قدر ایجاب ایده بیلیرسه ده اصل سبب بشقه در . چونکه مستعار منهك ترکیه قاعده سنجه مستعارلهه اضافتی و خصوصیه استعمال ایتدی کمز الفاظك ترکیه اولسی حالده اکثر تشبیهات و تصوراتك صرف مناسبتر لکدن عبارت اولدینی میدان وضوحه چیقویریور .

مثلاً :

« سمند عدلتك فیض صباح الحیری عالمدن

« غبار تیره شبدر ظلمی ایلدی احما

بیتنده بوتجربه یی اجرا ایدرسك افاده طبعی شو طرزه دو کیله جك : « عدالتك قوله آتاك خیرلی صباحی ظلم یاغیزینك قره طوزینی عالمدن محو ایتدی .

بو کافی دكلسه دیگر بر مثالده دخی بوجهت نظریه یی تطبیق

ایده بیلیرز :

اولور سمند اناملده جلوه دن محروم

قلم نه دم که ایدر قطع اشك چشم ترین

نابی

« قە ھرنە وقت كوزىنىڭ ياشنى كىرسە پارمق اوجلىرىنىڭ
 آتى اوزرىندە جلۈەدن محروم اولور ! »
 برده شو مثالە باقەم :

وقتاكە پىچىدە دستمال شەب اولان زىرىخساب نجوم افنا كىردە قار باز
 صبح اولمق زمانى قىرىب اولوب اسراف كىنجىنە اوقات ايدن مخوران
 سراسىمە خرابات غفلت محاسبە نقود اشك ايدىرلىرى ؟
 تركىسى

« كىچە مندىلنە صارمىش اولان يىلدىزلىك صايسىراتتوتى
 صباح قار بازى تلف ايتىمك زمانى ياقلاشوب وقتلر خزينە سنى اسراف
 ايدن مىخانه سىر سىملرى كوزياشنى پاره لىرىنىڭ حسابنى كورىرلىرى ؟ »
 شوققرە دىخى كچلەجك مثاللردن دكلدر .

چارىسوى فروە فروشىدە دكان نشىن اعتبار بيورلىق نيازنده يم ديو
 رشته كلامى كوشكدار سوزن اختتام ايلدى .

حشمت

« كوركچىلر چارشىسىندە معتبر بردكاندە اوتورمق رجاسندە يم
 دىهرەك لىقردى ايلكنى بىتمك ايكنە سىنك قولاغىنە كچىردى ! »
 ايشته مستعار منىك مستعار لىپە فارىسى قاعده سنجە لزوملى
 لزومىز اضافتى - عجملردن منتقل اولمق اوزرە - برده دىخى شايع
 اولدىغىدن طولايىدركە استعاراتىز اودرجه سوء استعمالە دوچار
 اولمىشدر . وبو حالك نتيجه سىدركە ادبىيانه متعلق كافە آناىر مزىدن
 منظوم اولانلر حقتدە :

« ھرىتى مثال سىنك خارە

« جوششكە موج آستارە

توصیفی بر تعریف صادق و منشور اولانلر ایچون ایسه :

« هر فقره سی کارگاه تشویه »

« دکان نکات و بحر تشبیه »

تعریف بلا مبالغه بروصف موافق کورینور !!

حال بوکه استعاره موضوع بحثک طبیعتنه موافق اوله رق
جایجا برکوزل تشبیه خاطره کلنجه انی قاجر میوب برایکی کله ایله
بیان ایدیویرمک و تعیرات حقیقه ایله افاده سی قابل اولمیان بر
فکری بو طریق مجازی ایله اکلاتمق ایچون استعمال اولنور
برطرز بیان اولندیغنه کوره کثرت استعمالی ایجاب ایتمز و ایجاب
ایتسه و هرری طوغری ده اولسه انسانی بیققدیرمق طبیعیدر .
قدمانک وانلره متأخریندن علی العیا مقصد اولان ارباب
شعر انشانک هان هر بر فکر عادی بی ، هر بر امر خسیسی ، هر
بر معنای سفلی بی علی طریق الاستعاره بیان ایتمکی اعتیاد
ایتملیله تزینات اسلوبک الک اهمیتیلرندن اولان استعاره دن
ارباب مطالعه یه اوقدر غنا کلشدرکه تعریف قبول ایتمز .

(۳) برده تشبیه ایچون استعاره یاسیله حق یرده اکثریا
استعاره ایچون تشبیه یاپلق معتاد اولدینی جهتله بویولده کی
تشبیه اتمز دخی بالطبع مناسبتنزلکدن سالم اوله میور . (*)
مثلا بر محرر ایستدیکی حالده کی قلمی مزراغه ، قلیجه ،

[*] ذاتا یوقاریده کی تعریفه موافق و متأخریندن ایرادایتدیگمز برایکی
مثاله معادل تشبیهاته اسلافده اوقدر چوق تصادف اولنه مز .

آته، یا غمور اولوغه، بلبله، قارغیه، قواله، اژدره و حتی عمامه لی و مکلف جامه لی برافندی یه تشبیه ایده بیلیر بونک ایچون یاپه جقشی بوتعداد اولنان اشیا و مخلوقاتدن هانکیسنی مشبه به عد ایتیش ایسه اکا ملایم برایی سوز یازمقدن عبارتدر. قلم ایسه بو قدر شیک هپسهنده بکزه به مز... زورله بکزه دیلیرسه - تعیر معذور بیورلسون - حقه بازک بکزر بکزرندن ده بتر اولور !

(۴) اصطلاحات مخصوصه ایله یازی یازمق مراقی دخی ادبامزی استعاره و تشبیه خصوصنده اوفنا یوللره سوق ایدن شیرک برنجیلرنددر . بونی قدامدن اکثریسی یاپیش و فن انشایه دائر بعض کتابلر دخی ترویج ایش ایسه ده حقیقت حاله بونک فائده سز و لطافتسز بر تکلف پردازلقدن عبارت اولدیغنی تسلیمده ازیجق انصافی اولانلر تردد ایتمز. مثلاً سامینک موسیقی اصطلاحاتی شامل اولان و .

ابتدا راست ایله بولدی نظام

الف اول ترتیب مقام

مطالعیه باشلایان نشیده سی بو یولده کی آثارک استثنالردن ایکن مطالعه سندن تلذذ ایدملک شویله طورسون اکثر ادبیاتندن قولایلقله معنی استخراج ایتک بیه قابل اوله مز .

بو مبحثده کی فکر مزک طوغری اولوب اولدیغنی اکلامق ایچون طرز قدماده اوله رق اکصره چیقمش بر مجموعهدن مثال آتینک ایرادیله اکتفا ایدرز :

هدیهٔ رمضانیہ اولہرق طرف اشرف جناب داویدن احسان بیوریان
 التون ساعتک کوندردلیکنہ دائرائملہ زیب اعزاز اولان تذکرہٴ بیہ لری
 مائی رہین اذعان عاجزی اولمش وساعت دخی واصل اصابع احترام اولہرق
 آرایش جیب مفخرت وحرز سینهٔ مصادقت قلند شدہ ارتفاع! درجہٴ قدر
 ورفا ہم نور آفتاب توجہات علیہ حضرت آصفیٰ اقتباس ایلہ حاصل
 اولدیغندن ادعیہٴ مفروضہ لرنده دقیقه! فوت ایتک مرثیہ ارتکاب کفرہ
 ثانیہ ورقاص! زبان عجیب بیان کترانہ می محامدواوصاف سنیہ لرنہ ایشلماک!
 عندعاجزانہ مدہ اشنع صفات حیوانیہ اولغله بولطف مخصوص داوری
 دخی تصحیح عیار! شوق ایدرک میقات! تام عمر واقبال لری مدی الدہور ظنین
 انداز طاس کردون وعقرب! اعدالری شکستہ پای و سرنکون اولق دعای
 پیریاسی تکرار ودولاب! تشکر محمدتک محور! عرضده تدویرینہ ابتدار
 قلندی صورت محمدت عاجزینک حضور معالیو فورلرنہ تسبیحی باندہ
 عرفان پاشا

استعارہ و تشبیہ عائد تدقیقات و تشریحات یولنده بندہ کزہ
 رفاقتہ یوردلیغ کزک مکافات معنویہ سی اولق اوزرہ شناسی مرحومک
 تعزیتہ دائر برقطعه سنی - کہ بیت اولی برکوزل استعارہ بی و بیت
 ثانیسی ایسہ اندن دہا کوزل بر تشبیہی حاویدر - نقل و ایراد
 ایدرک استطراد مزہ حسن ختام ویریز :

زینت روضہٴ جنت ایدہ حق عزوجل
 میوہٴ قابچی کیم خاکہٴ قودی دست اجل
 نہ اجل بکزر اورینچہ کیم اسوب نابجل
 قوپارر غنچہ بی نخلدن ایدر وقف وحل

- مجاز مرسل -

استعاره ایچون - کلماتی معنای موضوع لهرلینک غیریده استعمالدن حصوله کثیر، فقط هر حالده بر تشبیهی متضمندر - دیمش ایدک . مجاز مرسل دخی کلماتی معنای حقیقیلرینک غیریده استعمالدن حاصل اولور ایسه ده بونده معنای حقیقی ایله معنای مجازی اده سنده وجودی لازم اولان مناسبت مشابهنک غیری بر طاقم علاقه لر در .

بوعلاقه لرك عدد انواعی یکر می بشه ، اوتوزه قدر ابلاغ اولور سه ده بزجه دیگر لرینی دخی جامع و یامستبع اولدینی ایچون شو بش اصلک ذکر ی کافیدر :

برنجیسی - جزئیّت کلیت - درکه جزئک اسمنی کله و یا خود کلک نامنی جزئه ویرمکدن عبارتدر .

اویاندر چشم جانی خواب غفلتدن سحر خیز اول
(چمن) بلبلر یله صبحدم ذکر ایله مولایی

باقی

ییتنده (چمن) لفظندن مقصد اشجارلی ازهارلی ، بلکه حوضلی جویبارلی بریردرکه چمن اندن برجزءدر . بوحالده (چمن) کله سی کلی جزء ایله تسمیه یه مثال اولمش اولور .
عبارئه آتیسه کی « یاشمق غلبه لکی » تعیری دخی ذکر جزء اراده کله برکوزل مثالدر :

یوللر بربری آردنجه آقوب کلکده اولان یاشیق غلبه لکندن کوپوکار
ایچنده قائلش برسیل خروشان ائدیرمغه باشلادی

کال

جزئی کل ایله تسمیه به مثال ایسه سابق لهستان مسئله سنه
دائر اولان شو قطعه ده کی (خلق - روس - اوروپالی)
لفظیلریدر :

بیچاره لیک شمدی علیهنده لهنده
خلقک نیجه سوزلر اولنور کوش وفندن
اک طوغریسی اما بوکه قان طاملیور الحق
روسک قلیجی ، اوروپالینک قلمندن
کاظم پاشا

محتاج ایضاح دکلدرکه بو قطعه ده (خلق) دن مقصد
امور سیاسی ایله اشتغال ایدن طاقدر . (روس) دن مقصود اهل
حرب اولان فرقه در . یعنی روس عسکریدر . (اوروپالیدن)
مرام ایسه مسئله نک حل وحسمی ایچون قرطاس میدانلرینی
خون سیاهه غرق ایدن اوروپا مهره سیاسیونیدر .

ایکنجیسی — حالت محلیت — درکه حالی ذکر ایله محلی
ویاخود محلی ذکر ایله حالی اراده ایلکدر .
ذکر حال اراده محله مثال حامینک :

کاه اولور غربت وطن کاهی وطن غربتنور
مصرعنده کی (غربت) کله سیدر زیرا کله نک معنای حقیقیسی
خارج وطن بر محل دیمک دکل خارج وطنده کی حالدر .

عبدالحق حامد بک شعر آئینده (اغا جلوه صرمه لر الباس اولمش)
اولمسی دخی ذکر حال اراده محل قیلندن اولمش اولور. چونکه
الباس اولتان صرمه لر دکل صرمه لی لباسدر .

دامن آسمانده ابر سحر
دوکر اوراقه ریزه الماس
شب حلول ایلینجه عکس قر
ایدر اشجاره صرمه لر الباس

(بوکا علاقه حذفیت - دیمک اقتضا ایدر سده بو درلو
علاقه لری فروعدن عد ایله بحث ایتدیکمزدن بو - صرمه لر
الباسی - مثالی دخی اک زیاده یاقیشان (ذکر حال اراده محل
نوعنه ادخال ایتدک)

ذکر محل اراده حال ایچون مثال ینه حامد بک :

هانی بنده اول ال هانی او یورک ؟

مصراعنده کی (یورک) لفظیدر . چونکه یورکدن مقصود
جسارتدر که یورک انک محلیدر . عباره آئینده (جامه خواب)
لغتی دخی ذکر محل اراده حال قیلندندر .

مکر بهره ورجامه خوابندن بیدار اولدن بنظیر کتیردیکی اشیایی..

کال

اوچنجیمی - سبیت مسبیت - درکه سبی ذکر ایدرک
مسبی ویا مسبی ذکر ایدرک سبی قصد ایتمکدر .

مثلا (فلان قلمیله تعیش ایدر) دینلسه قلمدن مقصود آنک
حاصل ایتدیکی شی اوله جغندن بو سوز ذکر اراده مسیبه
مثال اولور .

ذکر مسبب اراده سببک مثالی ایسه صلاح الدین ایوبینک
ولی عهدینه اجرا ایتدیکی :

« قانی کریمه کور وسفک دماءایله دامنی آلوده ایتکدن احترازايت »
نصیحتی ایچنده کی (قان) لفظیدر که بوندن مقصد اعدام نفوسدر .

دردنجیسی - عمومیت خصوصیت - در که عمومه موضوع
بر کله یی خصوصده وخصوصه عائد بر لفظی عمومده استعمال
ایکدر .

عمومی خصوصده استعماله مثال فقره آتیه ده کی (مخلوقات)
سوزیدر که مدلول لازمیسی انسانلردر . وحتی انسانلردن بر قسم
خلقدرد . (بو حالده بو کله هم ذکر عموم اراده خصوصه همده
ذکر کل اراده جزئه مثالدر) .

« وقتی خالقنک عبادتنه و باخصوص - افضل عبادات بیلدیکی جهته - مخلوقاتک
رفاه و سعادتست استحصال خدمته حصر ایتشدرد »

کمال

خصوصی افاده ایدن بر کله یی عمومه اطلاقه کلنجه اوده
ضیا پاشا مرحومک :

یارب نه در بو کشمکش درد احتیاج

انسانک احتیاجی که برلقمه نانه در !

بیننده کی (نان) کله سنک نوع بشر ایچون حفظ حیات

سبب اوله جق ما کولاتک عمومده قوللانیسی کی استعمالاتدر.
(جزئیّت کلیت ایله - عمومیت خصوصیت - علاقهلرینک
یکدیگرندن بالسهوله تفریقی ایچون بونلردن ایکنجیسنک جنسیت،
نوعیتله متحقق اوله جغه نظر ایتمک کافیدر .)

بشنجیسی - لازمیت ملزومیت - درکه یالکز لازمی ذکر
ایدرک ملزومی اراده ایتمکدر . بوکا کنایه عادیه ویاخودعلاقه
استلزام دخی دیه بیلیرز . رئیس الکتاب عارفک :
سن اول وزیر کر مکستر وسخدا نسک
که عقل کل آجه منحن مجلسکده دهن
بیتنده وتلاق ترجمه سنک :

«خدمتنده بولنان دختران پری پیکران حضورنده فتح دهانه هراسان
اولدقلری حالده ...»
عباره سنده (اغز آچق) دن مقصد سوز سویلکدر . سوز
سویلک ایچون اغز آچق لزومی یعنی تکلم فعلنک اغز آجه یی
استلزام ایده جکی درکاردر .

لازمیت ملزومیتک بر مثالیده اشاعیکی فقره ده کورینور :
«عادل کرای مان کندی یاننده بولنان فرقه ایله امداده شتاب ایدرک
تاتارلرطولو دیزکین برچاریک ایچنده معرکه یه واصل اولدیلر . وایاقلرینک
طوزیله استعمال سلاحه باشلادیلر .»
کمال

ایشته بوققره موجبنجه تاتارلرک ایاقلرینک طوزیله استعمال
سلاحه باشلاملری موقع محاربه یه وصوللرنده هیچ طور مامش،

ا کلامش اولمیرنی مستلزم اولدیغیچون ایاقلرینک طوزیله» تعبیر
 مجازیسندن اکلایه جغمز «بلا توقف» ویا «عجالة» معناسیدر .
 علاقه استلزامک دیکر لرندن بریوک فرق واردر که او لرلرنده
 معنای آخره نقل اولنه جق لفظ مفرد اولدینی حالده بونده دائماً
 بردن زیاده کلمه نك یعنی بر ترکیب ویا عبارته نك مجموع معناسی
 بر معنای دیکره نقل اولنق اقتضا ایدر .

مجاز مرسل انواع سائر مجاز کبی دائماً کیف وخیاله
 تابع اولوب کیتمز . بونده استعمال عمومک مساعدنه ده نظر ایتک
 ویکیدن یاییله جقسه الفاظ و تعبیراتک فصاحت اسلوبی اخلاص
 و فهمی اشکال ایتکسزین معنای مقصودی اکلا ده جق صورته
 واضح و طبیعی اولسنه دقت ایتک اقتضا ایدر .

مثلاً یوزبیک غرو شده بر حال یوکی ثقلت تقدیر اولدینی
 ویا خود خزاننده هر یوزبیک غروش بریوک اعتبار ایدلدیکندن
 طولای مجاز مرسل طریقله (شوقدر یوک غروش) دینلدیکنه
 باقوبده بو (یوک) تعبیری انسان و حیوانده دخی تطبیقه
 قالقشمق و (فلان مملکتده بریوک اهالی وار - شو کمیلر ایکی
 یوک قویون کتیردی) یولنده سوزلر سونک عالمه کولنج اولمقدن
 بشقه برشیئه یارامز .

عصر سابقده . غیر رسمی بر مجلس رجالده دولتک قوه
 عسکریه سندن بحث آچیلیر . حضاردن بریسی - « سکز یوک
 قدر » - مسلح عسکر من اولدیغنی بیان و ادعایلر . بر دیکری
 بو ادعای جرح و تکذیبه قالقیشنجه اوچنجی برزاتده ایکنجی ایله
 یاننده کیله ایشتیریه جک صورته - « بیهوده ییچون یوریلور سکز »

آنك دولاب اولدینی (یوك) تعیرندن ده اكلاشیلیر ! - دیه رك
بحی قیادر .

— تعریض و کنایه —

(۱) تعریض ایکی درلودر. بریسی بر شخصك قول و فعلنه
(بونی بویه دیمشسکز فقط یا کلهشدر. بونی بویه یا یمشسکز انجق
طوغری دکلدن) دیه آچیقندن آچیغه تعریض ایتکدر . بوكا
— اصطلاحات ادبیه دن اولیه رق — اعتراض دخی دینور .
بوهر کسه آچیق بر شاهراهدر .

تعریضك دیگر نوعی ایسه قول و فعله طوغریدن طوغری به
و تصریحاً دکلمه بالواسطه و تلیحاً دخل و تعرض ایتکدر که
صنایع ادبیه دن معدود اولسی جهتیله اصل تعریف و ایضاح
ایتمک ایستدیکمز تعریض ایسته بودر .

تعریضك تعریفده : « مقصود اولان شیئه دلالت ایتک اوزره
شیء غیر مقصودی ذکر ایتکدر » دیانلرده واردر . بومقوله
شیلری ایسه تعریفدن زیاده مثال ایضاح قیایدر . مثلاً محل
مأموریتنه کچ کلان بر مأموره آمری : (بك افندی ! بك کچ
کلیورسکز . . ساعت آلتیدن اول هر هانکی کون آرادمسه بولندیکز .
وجایدرم بعدما براز ارکنجه کلهکه غیرت بیوریکز) دیسه تعریض

وکنایه دن بتون بتون بری برسوزاولش اولور. فقط امر بویه
 دیمیوبده مثلا (بك افندی ! ذات عالیکز غالبا کیجه لری چوق
 مشغول اولورسکز... او مشغولیتک برازی بوریه ترك ایتسه کز
 اصابت بیورمش اولورسکز!) دیسه ایشه بوافاده بر تعریضی اشتمال
 ایدر. کذلک آخر بر مملکتده ایکن هیچ بر مکتوبنی آله مدیفکز
 بر محبکزه بالاخره ملاقی اولدیفکز زمان (یانکزده محجوم چونکه
 احسان بیوردیفکز مکتوبلرک هیچ بریسه جواب عرض ایده مدم!
 دیه جک اولدیفکز حالده بوسوزله محبکزک سزه کاغد یازم دیغنه
 تعریض ایش اولورسکز .

بو حالده فضولیتک معهود شکایتنامه سندن یوقاریده افکار
 ساده دلانه یه مثال اولمق اوزره نقل اولنان فقراته مراجعت
 ایتدیکمز حالده اکثر مندرجاتنک تعریضدن بشقه برشی اولم دیغنی
 کوریرز .

(۲) کنایه یه کلنجه بوده مفهوم مخالفتی قصد ایدرک
 سوز سولیک و تعبیر آخرله مقصودی خلافتی مفید اولان تعبیرات
 والفاظ ایله اکلاتمق یولیدر . ایلیکدن بحث ایدرسه مقصدی
 قتالغی اکلاتمقدردر . قتالقدن بحث ایدرسه مرامی ایلیکی تفهیم
 ایتمکدر. اخوانکزدن بریسه قرداشجه شکایت ایتک ایستینجه
 علی طریق الکنایه (ایتدیککز ایشی چوق بکندم: طوغریسی
 مروتکزه دیه جک یوق ! نیه بیلیرسکز مقصدکز (اوایشی

بکنم دیککزی واو ذاتک مرو تسزک ایتدیکنی اکلا تمقدر .
 شاعر مشهور سامینک ادرنه شهری حقنده سویلدیکی :
 کنایه در غرض اطلاق دار میمنه دن
 بوشهرده وارمی معادل عجب نحوسته
 بیتیده کنایه نک بزم لسانده ماهیتنی کوستر سوزلردندر .

اکثریا کنایه تعریضی، تعریض دخی کنایه بی مشتمل وایکسیده
 توریه وتلمیحه مائلدر .

تعریض وکنایه اک چوق تهکم وتحقیر - تزییف واستهزا
 ایچون اختیار اولنور .

عثمانی ادباسندن اولدینی حالده کلستانه نظیره اولمق اوزره
 بر « سنبلستان » تألیفه قیام ایدن برذات اثری ایچون یوسف
 کامل پاشا مرحومدن تقریض طلبنده بولندینی زمان مشارالیهک :

بهارستان وبستان وکلستان

یشمزمی نه لازم سنبلستان

بیتنی مرتجلانه نظم وایراد ایتدیکی ایشیدلشدرکه حکمی مؤلفک
 التزام مالایلم قیلندن اولان شو حرکت مساهله کارانه سنه
 نازکانه وظریفانه تعریضدن بشقه برشی اولمدینی محتاج ایضاح
 دکدر .

اوراق پریشان مؤافی بر اثرنده بهارک بدایعنی - نظرلرده بررباغ
 ارم تجسم ایتدیره جک صورتده برمهارت فوق العاده ایله تصویر
 ایدوب طوررکن شوجمله معترضه بی ایراد ایدر :

بهارك هر محصولانی، هر صفا سنی، هر حالتی بر تشبیه ایله تصویر ایتك
 نم دكل كوك یوزنی خام اریكه! كره زمینی قزیل یورطیه ؟ بکزه دن
 اصحاب خیالاك دخی پك قولایلقله مقتدر اوله بیله جکی شیلردن دكلدر .
 کال

محققدرکه بونده شیخ غالب مرحومك :

سدره یدی نهال اوباغه یکسر

برخام اریك انده چرخ احضر

بیته منشی مشهور ویسینك :

خون معصومان ومظلومان ایله شكله مدور زمین بیضه حرایه دوندکده ی
 عالم معبور وآبادان ایدی ؟

فقره سنه تلمیح اولنمی مشار الیهما یه تعریضدن و (او درجه
 وسعت خیال ایله برابر بهاری حقيله تعریف ایتمکه انلرده مقتدر
 اوله من) دینلمسی ایسه استهزالی برکنایه دن بشقه شی دكلدر .

کنایه وتعریض یأس وشدتک التجاکاه اخیریدر . فکر
 ونظری کریوه کرد حیرت ایده جک صورتده بیوک اضطرابلره
 دوشدیکي زمان جدی افادات غایت ضعیف قالبرده انلرله تشفی
 صدر قابل اوله من . او حالده برزهر خند کوزدن سیلان ایده میان
 اشک تأثره قائم مقام اولور .

«تزرده» ملک عبدالرحمن ثالث اودرجه شوکت واقتدار ایله
 برابر بر معشوقه سنی عمومك پنجه غیظ وانتقامندن تخلیصه چاره
 بوله مدیغنی کورتجه شوکنایه ایله کندی کندینه تسلیت
 بخش اولور :

ا کلاشلسون اولوب نهان ترم
 نه قدر مقتدر ایش شاهان !
 ینه ترده ملك مشار الیه - معشوقه سنك اعدامی التماس
 ایچون تحشد ایدن خلقك های وهوی اقتحام وشهات انتقامی
 ایشیدنجه برزهر خند غضب اظهار ایدرده شویله سویلر :
 بونیم تخته چیقدیغ سنه بی
 اندیر برصد!.. صدای طفر!

تعریض و کنایه طوغریدن طوغری به اولان عتابدن هم
 دها مؤثر و شدید اولور همده مقصده وضوح دلالتی اوته کندن
 آز دکلدر . کنایه دقیق — نازکانه — ادیبانه اولورسه ستم
 و یاسرزنش دینیلیر . غلیظ — محقرانه — مستهزایانه — اولورسه
 تزئینف و تمسخر نامی ویریلیر .

ستم و سرزنشك بواکی مثالی یوقاریده کچدی . تمسخر
 ایچون اولان کنایه ایسه شناسی مرحومك (تلکی ایله اشك)
 حکایه سنده تلکی به حمارك مدحنده سویلتدیکی آتیده کی سوزلر
 قیلندن بولنان افاداتدر :

کله هم اولزمی حضوره آ نبراسلام
 تا یقیندن باقهم حسنکزه حیرانم
 دائم اولسون بکمك سایه لطف و کرمی
 کل بیتر باصدینی لرلرده مبارک قدیمی
 ایلر عرفاتی ایما اوسخنکو کوزلر
 یاقیشور آغزیه موزون ومقفا سوزلر

جائے ایشادی کیتدی اوفر حناک هوا
سز سکوت ایتسه کز اماینه وار بشقه صفا
چونکه بلبل ایشیدوب نغمه کزی سرت ایدر
چاغرر بلکه کلیر دیکلینه حزن و کدر .

اصل مرجعی بیان ایتویده فلکه، طالعه، انسان کندی
نفسنه لوم و عتاب ایتک دخی بزده اک چوق مرغوب و جاری
اولان برطرز کنایه، برطور تعریضدر که « قیزم سکا سویلیورم
کلیم سن دیکله » ضرب مثلی بونک اک بلیغ بر تعریفدر .
مثال :

فلک دیدکلری اول نابکار سفلیدن
نه در بواهل داک چکدیکی عذاب و الم؟
بر ایکی ملتزی ایلدی حواله بکا
که اشتراک ایله ایشلر التزام ستم
نفی

توریه و تلمیح

توریه و تلمیح دیگر برشئی خاطره کتیرمک ایچون برشی
سویلمکدر . تعیین ایتدیکی شی ایله ایما ویا بتون بتون اختفا
ایتک ایتدیکی شی دیگر آره سنده برمناسبت و موافقت دقیقه
عرض ایدر که انی کشف ایتک قارئین و سامعینه عائددر .
تاریخه، اساطیر، اخلاقه، عاداته، افسانیه، ضروب امثاله،
وقوعات و خواطر عادییه و الحاصل سویلنان شی ایله میانه لرنده

دقیق و مؤثر مناسبت بولنه بیله جك اولان هر حاله توریه و تلمیح
اولنه بیلیر .

طارقده مندرج: «یا لکنز قره لرك سلطانی دکل - اسلامی -
دکنز لركده مالککسی کورمک ایسترم!» سوزی بزجه افسانه دن
معدود اولان «مالکک دریا»یه برتلیح لطیفی شاملدر .

اشته بو تلمیح نکته سنه منی اولمق کر کدر که مؤلف
- اسلامیته - پادشاه کی، امیر کی، حکمدار کی عنوان ویرمامشده
(دکنز قیزی) ایاه توافق و تناسب حصولی چون سلطنت اسلامیته ده
اعضاسنک هم ذکورینه ، همده اناشنه ویریه کلان (سلطان)
عنوانی ویرمش .

شعرا تیده ایسه (اسیر - مشتری) معامله سنه تبلیح اولنمشدر که
بوده عاداتا تعلق ایدر .

بیله هم سن نه قدر نادر سک
ندر تک شوندن اولور که معلوم
یرده ده کوکده ده مثاک معدوم
سیره چیق قزلی سیاره لری
کوکب طالعی بولسه یدک
مشتری اولدیفی اکلاردک .
نیر حسنکک اطرافنده
کسب نور ایتمک طالب کویا
بر اسیر اولدیفی حالده زهرا
مشتری نامی اولور می لایق ؟

سکا کوکام نه عجب وار دیسه
بنده حق بر آتی آزادایتدی.
عبدالحق حامد - طارق

« تزر » ده مندرج ؛

بزجه ~~ک~~کردونه پری غرام
چفت اولور واصل سمای مرام
سوزنده دخی اساطیردن - بزم شاعرلرک زهره نامنی ویردکاری -
الهة الحسن ویا الهة العشقک برچفت کوکرجین قوشولمش
عربه سنه تلیح واردر .
توریه و تلیحه مراجعتی ایجاب ایدن شیلردن بریسیده
تعریض قصیدر .

« تزر » ده ملک عبدالرحمن ثالث عمومک آرزوسی اوزرینه
کنیدی الیه اتلاف ایتدیکی معشوقه سی « تزر » ک جان ویرمکه
اوغراشدیغی صررده :

کولور آه امان باقک بوکولاش ،
بو قیافت بو خون خوش جریان
ملک الموتی ایدر کریان
ملک الموتی ده ایدر مفتون
دیه رک اظهار اسف ایتدیکی حالده کندیسنک رقیبی و محل وقوعه ده
حاضر بولانان (ریشار) دخی :

بخش ایدک باری بر کیسه التون !
سوزیه بوفلا کتی انتاج ایدن شی ، ملکک قره کیسه کیسه بذل
ایتدیکه آلتونلر اولدیغنه توریه و تلیح ایله تعریض ایتمشدر .

تاریخی تلخیص مثال دخی اشاعیکه فقره لر در :

«ینه اوعصر ایچنده ایدی که دولت کرای ثانی ایکنجی هجومده مسقوه طرفلرینه آتیزن استیلا اوله رق شمالک قارلی بوزلی صحرالری ایچنده - کویا اوچ عصر صکره کلهجک برجهانگیره درس عبرت وبرروسیه جنرالنه نمونه امتثال کوسترکی - صناعی بریانار طاغ پیدایتمشیدی .»
کمال

«ینه اوعصر ایچنده ایدی که دنیالره صیفیشه مامقده ضیای شمس ایله رقابت ایدن برذکا ابعاد مطلقه بی سیر ایدرجه سنه برطاقم تدقیقات ریاضیه ایله استقرار شمس ودوران ارضی اثبات ایدرک تابع اولمینی بردینک معجزات باقیه سندن اولان برآیت کریمه نك مال عالیه فیض ایلشیدی .»
وله

بوفقره لرده اوچ شخص تاریخی به تلخیص اولانه رق بونلرایسه حاشیه اثرده کوسترلیدیکی وجهله برنجی ناپولیون ایله قوتوزوف و برده پروسیالی عالم هیئت قوپرونقندن عبارتدر .
بویولده توریه وتلیحله - ایما ایتدکلری وقایع واشخاص و احوال قارئین وسامعینک ذاتاً معلومی اولمزه - اکلاشیله مزه .

مثلا ضیا پاشا مرحوم ترکیب بند مشهورنده :

اوغراسه صباراهک اکر سمت عراقه
بعداد ایلنه طوغری دخی عزم و خرام ایت .
مردان سخندانای زیارت ایدوب اندن ،
آداب ایله کیت روضه روحیه سلام ایت .
تحیینی عرض ایلوب اولجه ضیانک
بوییتی حضورنده اوقو ختم کلام ایت .

میدان سخنده یوغیکن سن کبی برار
 برشاعر روم اولدی سکا شمیدی برابر
 دینش . بو افاده نك حاوی اولدیغی تلییح - مشاهیر اسلاف
 ایچنده روحی بغدادی نامنده برشاعر من دها اولدیغی ایشتماش
 وخصوصیله شاعر نك شهر آثاری اولق اوزره بویولده موجود
 اولان بر ترکیب بندی مطالعہ ایتاماش اولانلر نزدنده - معلوم
 اوله من، وحتی سائر بونجه مشاهیر شعرا طوریرکن پاشانك روحی یه
 تخصیص التفات وحصص تحسین ایلسنه بر معناده وریله من .
 فرانسزجه بر اثرده کوردیکم فقره لر دن اولق اوزره اون
 اوچنجی «لوتی» نك وکلاسندن «قاردینال دوریشلیو» - «لوور»
 سراینده برکون نردباندن چیقارکن «دوق ده پرنون» -
 قارشی کلیرده «نه وار نه یوق؟» - سؤالی ایراد ایدر . بر-
 یکیده - «هیچ نه اوله جق؟.. سز چیقورسکنز. بنده اینیورم!»
 دیه رنك قرال نزدنده «ریشلیو» نك ازدیاد مقبولیتته وکندینك ده
 تنزل قدرینه ظریفانه تلییح ایدر .

بو قییلدن اوله رق عزت ملا منفیاً کشانده ایکن :

ایشیدنك که سز شاعر شاهسز

معارف سمواتنه ماهسز

دکل حدیمز کرچه چالديرمه ساز

کوکل برایی نغمه ایلر نیاز

الحاجلیله ملادن موسیقی آعلمنه عرض خواهش ایدن هرزه

وکیله شاعر نك :

دیدم بدجه چیمه شدی آوامز
استانبولده ترك ایلدك سازمز !

یولنده کی جوابی ده فوق العاده برتوریه و تلیحی شاملدر .
توریه و تلیح برچوق وقایع و اشخاصه شامل و متسلسل
اولورسه استعاره تمثیلیه شکلی الیرکه اسکیلردن مشهور شفیقنامه
ویکیلردن معهود دیوژن و خیال غزته لرینك اکثر مندرجاتی
اوقیلدندر .
الحاصل توریه و تلیح مدح و ذمك ماهر برترجانیدر !

تضاد و مقابله

تضاد و مقابله دینلان شی هر نه یولده اولورسه اولسون ایکی فکر
مخالفك قارشیلشدیرلمسندن عبارتدر . نامه طباق و یا مطابقه دخی
دینور .

برایکی مثال :

سنی آلق ایچون سنی ویردم
یشامق اوزره مدفته کیردم
عبدالحق حامد - ترر

نه سیاه ایش بوناصیه بی
صاچی بم بیاض ایدن بنخم
وله

نه افسونکار ایش سك آه ای دیدار حریت
اسیر عشقك اولدق کرچه قورتلدق اسارتدن؟
کمال

بونك بالايله در آنك حضيض خاكه در ميلي (*)
مشابهدر اگرچه رشته سيمين بارانه
رئيس الكتاب عارف

كمال بك اوراق پریشانك مقدمه سنده - بر صاحب قلمك
كندی زاده طبعی و محصول قریحه سی اولان اثارینی نظر
معاینه آدینی زمان كوكنده حاصل اولان حزن و سروردن
مركب حسیاتی - شونازك تضاد ایله نه رنگین تصویر ایش .
شرق و غربك حیرت رس افكار اولان بونجه بدایع ادبی تصور
ایتدجه آثار كترانه مك خلق ارم سنده اوقونمغه دكل كندجه تکرار حاله
نظر اولنمغه بیله دكری اولدیننی ادرال ایله برابرینه محو آباد نیسانده
قالمیرینه كوكلم بر در لوقائل اوله میور: کیمنه باقیورم، چهره حزن اوزرنده
حاصل اولان آجی آجی تبسملر کبی كوكله ارزوی کره و بریور! کیمنه
باقیورم، دیده مسرتده ظهور ایدن محزون کره لر کی فکرمی
ابسامه هوسناك ایدیور!
فقره آتیه دخی فوق العاده دنيله جك قدر كوزل ایکی تضادی
حاویدر .

برده یتاق او طه سنه کیتسونلر باقسونلر که بیچاره قرال قانلی یاشاریله،
بمبایض کیسلان قرالیچه نك جسدینی، آل آل ایتمش و حالابر برلرینه صم
صیقی صاریلی اولدقلری حالده بربرلرینك الندن چیقمش!
قرال نصل اغلامسون که برامریله ملیونلرجه انسانی ضبط ایتدیکی حالده
ایکی الیه صارلمش ایکن اجلاک الندن برقاریسینی آله میور!
بوسسوئه (**) مترجی کمال پاشازاده
سعید بك

(*) فسقیه حقنده در

(**) خطیب مشهور (بوسسوئه) فرانسه نك رهبان کروهندن اوله رق

تضاد بختده طارق مؤافنك « اشاغیدن یوقاریه
ایدیلان بوخطاب یوقاریدن اشاغیه اینن خطابلر قدر عالی
ایدی » سوزینی اونوتمالیلر .

تضاد قارئین و ساممینك نظرینه چارپه جق ویا فکرینه
انتباه ویره جك ویا قابنه تأثیر ایلله جك صورتده یاپملی . آجیق ،
پارلاق ، مناسبتلی و طبعی اولملی . زوراک و برچوق تأمل ایلله
بولنمش کورنماملی . زیرا که حسن تلقی کوردمز . هیچ اولمزسه
حلم کرایک :

چشم علیی هجرک ایلله پرغم ایلدم
ایل عید اکبر ایلدی بن ماتم ایلدم

یتی ویاخود عزت ملانك :

اقبال و بخت جاهلی فرزانه کوستر

ادبار سخت عاقل دیوانه کوستر

مأمور روحانیسی بواندینی (مو) قصبه سنه نسبتله (موشا هبازی) لقبیه متعارف
اولان عنقا شکاران بلاغتدندر .

مواظفی ، و عظمای ملتك موتالری ترکیه یولنده ایراد ایتدیکی نطق
عمومیله ایلله تاریخ عالمه دائردیکر مفصل بر مقاله نطقیه سندن عبارت
اولان اوچ پارچه اثرینك هپسی ده فرانسه جه هیا کل عظمای بلاغتدن
عد اولنور . میلاد ۱۶۲۷ - ۱۷۰۴

تدقیقات روشن نظرانه و مشکل پسندانسیله موأخذ کل نامیه یاده
لایق اولان حکیم مشهور (وولتر) ملتك بلغاسی ایچنده درت ذاتی
تسلیم ایده بیلدیکنی سویلرکه بولنلردن بری و بئیکه برنجیسی (بوسسوئه)
ودیکر لری ایسه شاعر مشهور (راسین) و ابووالو ایلله (تلقی) نامنده کی
تألیف لطیفك مؤلفی بولنان (فنون) در .

مصاحبی درجه سنده دخی دکلدہ شو :

او محزونم کہ حال بد عالم بویله کورد کده
عدولر قہقمہ ایلر کروه دوستان اغلر

ویا خود شو :

روشنی پیرویدر تبرک ایامک
عقبندن ایریشور فیض صباح اقشامک

ویا خود شو :

کلر صفادہ خرم و خندان و شادمان
بلبل بلادہ بنجلین زار و بی قرار

بیتلری قلییلندن اوله رق بیاض و سیاه - نور و ظلمت -
صبح و شام - زمین و آسمان - اقبال و ادبار کی متضادان
و متقابلان بر طاقم موادی مجرد لفظندہ بر صنعت اولمق ایچون جمع
ایتمش سوزلردک عادی اثرلرده بیله هر وقت تضادف اولنور سده بونلر
اوقوندیغی وقت فکره انتباه ویرمک شویله طورسون نظر دقته
بیله کوچجه ایلدیشر. تضاد ایسه حالت بک مرحومک: «انسان
هر ییلمدیکنی ایانک الته السه باشی کوکه ایرر !» سوزی ویا
عبدالحق حامد بکک :

چونکه اظهار ایله ایدیلان شیلر
اضمار اولتفده معاییدندر

بیتی یوانده بر نکته تی، بر حکمتی و بایکه بر مو عظه تی شامل
اولمی که نزد ادباده مقبولیتی حاصل و قائلنک ابدیت نامه کافل
اولسون .

صنعت تضاد و مقابله مجاز تخیلی انواعنک کوزلر ننددر. حد

ذاتندہ پک پارلاق برطور بیان ایسہدہ کثرت استعمالی مؤلفی
تکلفہ، اعتناہ و بعضاً مناسبستز لکہ دوشوریر . بناءعلیه سیرک
واحتیاطکارانہ قوللائیدر .

ادبامز ایچندہ - تضادہ - اک زیادہ مقتونیت کوسترن
عبدالحق حامد پک افندیدر . مشار الہک اکثر اثارینک
وعلی الخصوص « نسترن » نامندہ کی تألیفک ہمان مہرہانکی
صحیفہ سی آچیلہ بر قاچ تضادہ تصادف اولنہ بیلیر . واقعا
مؤلفات ادبیہ سنک حاوی اولدیغی تضادلر ایچندہ اکثریسی
کوزل، ہلہ برطاقی فوق العادہ ایسہدہ بعضیلریدہ زورا کی اولدیغی
ایچون بالطبع لطافتسز کورینور . معلومدرکہ افراط انی برشی
دکلدر .

تمیز مزیدہ یا کلیورسہق زورا کی تضاد ایچون « نسترن » دن
شو برقاچ سوزی مثال اولہرق ایراد ایدہ بیلیر :

یشامہ مؤبد اول ، اولہ کبر .
بابام ایچون اول ، نہ ایچون یشا .
یارم سک کیت ، دشمنم سک یقین کل .
اور پرسہ سک مسئول سک ، ہلاک سک یقین .
اور مازسہ سک متہم سک ، فقط صاقین !
اور مغہ کیت ، فقط اورول یارہ لان .
خسروی یکمہ کیت ، فقط یکیل .
اوحالہ طورمہ کیت ، ہم کیتہ طور !
مرحہ اورمہ ، اطاعہ اور !

ادب کلام

ادب کلام کلمه موضوعه سبیل افاده سی حالنده نزاکت
و لطافتدن بری اوله حق و یا خود قبا و درشت کورینه بیله جک
اولان مواد و افکاری کلامه برطور مخصوص و یردک تعیر
و تفهیم ایسکدر . استعمالی اوچ صورته اولور .
برنجیسی بر فکری توسیع و تزین ایچوندر .

مثال :

چون اشکر شهریار خاور
اولدی سپه سپه مظفر
دارای سریر صبحگاهی
زین ایتدی بوکهنه بارگاهی
نابی

شاعر بونی طوغریدن طوغرییه افاده ایتسهیدی «صبح
اولدی کونش طوغدی» دیمک لازم کلیردی . ادب کلام ایله
فکرینه هم وسعت همده بر لطافت و یرمش اولیور .
مشهور کیچه جی زاده عزت ملانک نشیده آتیه سی که - منفیاً
کشانه کیدرکن کارقدیم عربنه نک داخلنده اوتیه برییه یاشیق
آینه لردن منظوری اولان عکس صورت و حرکتی برطرزخیلده
مصوردرد - ادب کلامه مراجعت اولنجه بر فکر عادییه نه
درجه وسعت، نه مرتبه لطافت و یریه بیله جکینک پارلاق بر دلیلی
عد اولنور :

رفیقم ایدی برسخنور کشی
 بکا محرم اولسونمی یا هر کشی
 عجب شاعر باک عذب البیان
 سخندان و سحر آفرین زمان
 ادیب و نطوق و وظائف شناس
 لیب و خلوق و لطائف شناس
 بوعانده انجق هنرور اودر
 نظیرم نه وار ایسه کر اودر
 مشابه بکا صورت و سیرتی
 هنرده همان آندیرر عزتی
 اوزون بویلی کوسج جسم الوجود
 جهانده عدیلی عدم الوجود
 او بکا بن اوکا ایدوب سرفرو
 بر آغزیدن ایلر ایدک کفتکو
 برابر بقاردی نگاه ایله هم
 باقوب بر حرامه کناه ایله هم
 انی دخی ننی ایلمش پادشاه
 مکر ایتمیز ایکمز برکناه
 باقوب اکا صراآت کردونه ده
 آجردم کوکلدن او مجنونه ده
 ایدردی بن آه ایله هم اولده آه
 او بن بن اویم صانکه بی اشتباه
 کچرسه اکر اره مزدن نفس
 کیروب زیر آیه چیقارمزدی سس

ایکنجیسی برشیئک حساستی اورتمک وخاییده وپک ربازرد
اولان ویا حد ذاتنده قبا سوزلردن بولنان برلفظی قولانماق
ایچوندر. نابی مشهور «خیرآباد» نده - برقزک ترمکه باشلادیغی -
ادب کلامه مر اجعتله شو بیتله حقیقه پک ادبیانه بیان ایتمشدر:

قات قات دوشوب اول پری حجابہ
غرق اولدی کلاب اضطرابه

اوچنجیسی برافاده ادبیہ ده تکراری منع ایچوندر که بوکا (تفنن
فی العبارة) دخی اطلاق اولتور. مثال آتیده فقره اولینک (بیاض
کفنلری) فقره ثانیه ده (البسه موتایه) تحویل قلنهرق (تکرار) ده
میدان بر اقلما مشدر:

«سیاه چهره لی یوز بیکلرجه مخلوقاتک کفنلره بورنمش اولدقلری
حالده قارشیمه کلیشی اوستنه فورطنه بلوطی چوکمش بر متحرک قبرستان
کی کورینوردی. موتا البسه سی کینمش بودنیویلرک کولکه الفا ایتدیکی...»
عبدالحق حامد

ادب کلامده - بیان اولنان صور ثلثه نک بعضاً ایکیسی
ویا هپسی ده اجتماع ایده بیلیر. نتکم مثال آتیده بو طور مجازی
هم ترین فکره، همده تکرار محذوری دفعه خدمت ایتمشدر.
«اوتنجی عصرده ایدی که باروت طوپدن تفنکه انتقال ایلدیکندن ارباب
حرب ملائکه عذاب کی اللرنده برر تازیانه آتشین استعمال ایتمه مقتدر
کال
«اولدیلر.»

ادب کلام اثار ادبیانه ده سفلی وخسیس کورینه جک ویا خود

شعرده یاقشـمیه جق موادی بعض تصورات زائده ایله ترینه خدمت ایتدیکـی چون مقبول صایایر سه ده همان هرشیده استعمالی و تعبیـرات حقیقیه یه مطلقا ترجیحی ایجاب ایتمز. بالعکس نایمحل قولالاندیغی زمان ک کولنچ افاده لردن اولورکه ناینک « تحفه الحرمین » نده (وطنمدن مفارقت ایدلی اون اوچ سنه کچمش ایدی) دیه جک یرده « آرامگاه وطندن استانه دولت جانبه کمر بند عزیمت اولدنبیری نسخه دورنک قرطاس سنیدن اون اوچ ورق کردان اولوب » دیمسی بوقیلنددر .

شوراسیده محتاج اخطارددرکه مثلا بر حقیقته بالالتزام یانان قارشیدیران بر آدمه ترا که (خاطر کرده لایقیله قالماش) یواننده برسوز مقابله ایتمک و مأموریتندن معزول اولان بر ذاته تلطفاً (خدمتکنزدن عفو اولنمش سکنز) دیمک ادب کلام ماحققاتندن صایایر . انجیق بر فکرک ، بر مقصدک صرف ترجمه و یا ترجمه صاییله جق قدر زیاتزد الفاظ و تعبیـرات ایله افاده سنده هیچ بر محذور یوق ایکن - بوالهوسلاک و عجمیلک سائقه سیله - عربی و فارسی اغترلرله ادا قلنمسی اوب کلامه عائد بر شی ظن اولنماملیدر . بوکا لسانمزده (اصطلاح پاردهلق) تعبیـر اولنورکه غایت مقدوح وشایان اجتنابدر . (دفع حرارت ایچون بر سو ایچدم) - دیه جک یرده - تسکین آتش عطش ایچون بر قدح آب نوش ایتدم) دیمک کی .

تشخیص و انطاق

زنده ومیت - حاضر وغائب . حقیقی وخیالی . - جسمانی وروحانی مخلوقات واشیایه حس ولسان ویردرک سوزسوبلتمکدن عبارت اولان (تشخیص و انطاق) صنعی انواع مجازک اک جریسی ، اک خطایسیدر .

ایستدیکی زمان مثلا ڪوڪ یوزندن ملائکھی ، ارواحی اشاعی ایندیرر ، مزارلرندن بویخی کفنی امواتی ، چوریمش کمیکلری یر یوزینه چیقاریر موقع شهادت وخطابنه چکر .

تشخیص و انطاق دهاٹک قلمندن صادر اولدینی زمان غایت علوی ، غایت مؤثر اولورسده بی قدرت اولان ارباب قلمک استعمال ایتمسی حائده کوانچ اولمغه پک مستعددر . حسن تاثیر حاصل ایدهمیه جک اولورسده نطق و حرکت ویرمکه چالشیدینی جهاددن جامد و موقع تماشاہ کتیره جکی جنازه لردن بارد کورینور . بناء علیه بوضعتہ مراجعت احوال مخصوصه یه منحصر ونادراولمق ایجاب ایدر .

مثال :

.....
او لطافت اولنسه کرانکار
مذهبجه دیمک موافق اولور :
آج وطن سینہ کی الہک آج

شهادتی چیقارده اورتهیه صاچ !
 دی که : یاربی ! بو حسینکدر
 بومبارک حبیب ذیشانک .
 شو کفنسز یاتان شهیدانک
 کیمی بدرك کیمی حنینکدر
 تازه لنسونمی قانلی یاره لری ؟

 کمال

دیگر مثال :

«برقاچ قدمه دن عبارت نردباندن چیقلدینی کی اورتیه قیوسی اوکنده
 موضوع هیکل حریته تصادف اولنور. دستنده عصا اوله رق برکسییه
 قاعددر . طرز و طوری نظاره بومعنایی مخطردر :

ای زوار هوشیار!.. نظرربای حیرتک اولان بومونه کاه ترقیات بشری
 تماشا ایدرکن غافل اوله که بوکالات بتون حریت اثریدر. اقوام وملل
 بوسایه ده قرین سعادتر : حریت اولمینجه ثروت اولمز. ثروت اولمینجه
 سعادت اولمز . ای سیاح صاحب اعتبار : اکاه اول که بوراسی نظر
 اهل حقیقته تمشیرکاه مصنوعات دکل بلکه دارالامتحان مصنوعاتدر.
 مشهودک اوله جق آثار نفیسه قانون حریته تابع ممالیک محمول ترقیاتیدر.
 مردودک اوله جق اشیای خسیسه زنجیر اسارتیه مبتلا ممالیکک مجعول
 تدنیاتیدر .»
 سعدالله پاشا

برطاقم حسیات مهیجه وافکارعالیه نی تبلیغه جدامقوله سی
 شیلرک ترجانانغه مراجعتدن عبارت اولان (تشخیص و انطاق)
 صنعتی بدایع فکریه لرینه حیران قالدیغمز غرب ادباسی فوق

العاده ماهرانه استعمال ایدرلر، از جمله فرانسه مشاهیر ادب‌اسندن
«وولتهی» «تدمر خرابه لری» عنوانلی اثر مشهورنده بر فرشته‌نی
بك مؤثر و عبرتبخش بریولده سویلتمشدرکه ترجمه‌سنی اودرجه
مکمل اولمدینی حالده ینه بورایه نقل ودرجندن کچه‌مدك :

«اوارالتی سمعه بردن بره قوری اوت اوزرنده آغراغریورر کبی
بر شخصك ایاغی سسیله بر ثیاب متموج صداسی کلدیکندن دهشته باشمی
جبه‌مدن چیقاروب کیزلی کیزلی اطرافه بقارکن نا کهان جانب یارمده
مهتابك آیدینلغیه قرا کلتی قاریشقلغنده جوارمده بولنان بر معبدك دیرکلی
اره‌سنده بیاض اثواب کینمش مزارلردن چیقان پرلری ترسیم و تصویر
ایتدکلی هیئته بر ذات روحانی نمایان اولنجه لرزه‌ناك اولدم. بوحال
نزعده یاقاچق و یامشهودم اولان تمثاله تحقیق ایچون باقی تردنده ایکن
ظهور ایدن درین درین صدانك محارج مهیبه‌سی بکاشونطق تلقین وافهام
ایلدی :

« بوانسان دهانه‌وقته قدر شکایات واهی‌سیله معارج علویه‌یه ایرات
« نفرین وکلل ایده‌جك؟ ونه زمانه قدر خطیئات باطله‌سنك منشائی آواز
« اتها میله یادوتد کار ایله‌جك؟ انوار حقیقه قارشی دایما چشم بصیرتی بویله
« قبالی می قاله‌جق؟ وقلبی احساسات و تنقیات فضائلدن داغا خالیمی اوله‌جق؟
« انوار حقیقت هر آن کوزینه چارمقدمه ایسه‌ده یازق که کوره‌میور وندای
« حقانیت دایما قولاغنه دکمکده ایسه‌ده حیف که ایشیده‌میور!..»
آیه‌الله بك مرحوم

مشاکله

مشاکله صنعتی بزم لسانك اك پارلاق بر طور بیانیدرکه
مخاطبه‌ده بر طرفك ایراد ایتدیکی برکله‌نی طرف دیکرک دخی،
اولکی معنایه آزچوق مغایر اوله‌رق، استعمال ایتسندن حصوله

کلیر. مثلاً (بویله‌شی خاطره کلیرمی؟) دیندیکی زمان (خاطره
کلدیکنی بیلیم فقط وقوعه کلیر!) سوزیه مقابله‌ده - وقوعه
کلك - خاطره کلمکه مشا کله اولور .

مشا کله نك الك کوزلی قائلک استعمال ایتدیکی برکله حقیقته
مصروف ایسه مجازه، مجازایسه حقیقته میل ایتدیرلمکله اولورکه
« ترز » دن آلدیغمز مثال بونی ایضاح ایدر .

مثال :

ترز

ینه می قانیورسکس سوزیه

نه ایچون باقیورسکس یوزیه

بی برکره او قشاسه کله چیقار؟

ملک

سن چیقارسک ... دیمک که فتنه چیقار !

عبدالحق حامد

ایشته شو مخاطبه‌ده ایکی طرفک‌ده قولاندیغی (چیقماق)
کله سی ترزک افاده‌سندده مجازاً استعمال ایدلمش اولدینی حالده
جوابنده - ترزک سرایدن خروجی قصد اولنه‌رق - حقیقته
صرف اولنمشدر .

واقعا آلت طرفنده « دیمک که فتنه چیقار » سوزی کله
مبجوتیه یینه بر معنای مجازی‌یه ارجاع ایدیورسه‌ده مؤخر
اولدینی ایچون حکمی یوقدر. هر حالده بزم بونده دقت‌ایده جکمز
شی مشا کله صنعتک حاصل ایتدیکی شدت و تأثیردر .

دیگر مثال :

ایلامیا

..... مشعله لرك كوك يوزينه اوران ضياىى اوزاقدن
نظرلره «الكم صاغما» كې كورنديكى زمانده ايدى. كيجه ياريسندن صكره؟
سوروجوى
خاطرمه كليور!...

ایلامیا

هانى برىسى كلديده ياكلشقلا سنك يوزينه طوغرى برشرينغه صيقدى؟
سوروجوى
خاطرمه كليور!...

ایلامیا

هانى هم شيرينغه نك ايجنده كى صارى بويالى صودن هم ده قورقوكدن.
چهره ك صفرا نه دونمشيدى. ديركن سن آغلامغه باشلادك.. او آدم
قاجدى. تيزه ك ايله انشته ك اويون سيرينه طالمش ايديلر سنى فرق
ايتديلر. او زمان بر فرنك كلدى؟..
سوروجوى
خاطرمه كليور!...

ایلامیا

خاطر كه كليور اما يانكه كلدى!...
عبدالحق حامد - دختر هندو

مشاكله بمضاً مخاطبك هنوز ايراد ايتديكى و فقط ايراد
ايتك احتمالى اولان بر كله ايله ده اولور. بونك مشاليله
«دختر هندو» ده كنديسيلاه ازدواج تكليفنده بوتان اختياره
«سوروجوى» نك شو مقابله سيدر:

«دلی اختیار! دلی اختیار! دمنجك بكا نصيحت ویرن سن دكيدك؟
سكا كنچ اولدكمی دیدمه سكسان یاشندن صكره كنجك ایت دیدم یا!..
نصيحت ویروب طوریركن كوكل ویردمی دیه جكسك؟»

بعض تعریفه کوره مشاكلة دیه «وقوع لفظیله ویاخود
وقوع تقدیری ایله برشیئك شیء آخر صحبتده واقع اولدیغدن
ایچون او شیء صحبتده واقع اولدیغی شیء آخرك لفظیله ذكر
اولنمه دیرلر» ایمش. ولسانمرك شیوه سی اقتضاسنجه وقوع لفظی
ایله مشاكلة یه «بو شیئی بكا ویررمیسك دینلده جواینده
سكا طایق ویررم» دینلمسی - وقوع تقدیری ایله مشاكلة یه
دخی «بریمك پیشورن آدمه یازیکی پیشورسك دها ایو
اولمزمی؟» دیه مقابله قلمسی مثال اولورمش.

برنجی مثالده (طایق ویرمك) تعبیری واقعا برشیئی صحبتده
بولدیغی شیء غیرك لفظی ایله ذكر ایتك اولدینیچون تعریفه
موافق کورینور. شوقدرکه مشاكلةك بو درلوسی مصاحبات
لاابالیانده واقع اولورسده آثار ادبیهده هنوز کورلمش دكلدر.
ایکنجی مثال کهنجه «یازیکی پیشورسك دها ایو اولمزمی؟»
یولنده کی خطاب یالکزمك پیشورن برشخصه دكل «جامه شوی!»
یقایان آدمه دخی ایدیله بیلیر. چونکه (پشکین یازی) اولدیغی
کبی (یازی پیشیرمك) دخی اوله بیلیر. بو حالده يمك پیشیرن
شخصه «یازیکی پیشیرسك دها ایو اولمزمی؟» دینلمسده
مشاكلة محقق ایسهده بو مثال بزم تعریفمزه دها موافق
کورینور.

« طارق » ده موسانك زهرايه اولان خطاب آتيسندهكى
مشا كله دخى بوضعتى حاوى سوزلرك كوزلر ننددر.

« ديك كه سن بن زيادك ياره سنى باغلامش سك ، بن زيادده سنك
شرقيكى باغلامش . مشفقانه بر معامله يه عاشقانه بر مقابله »

ايهام

صنعت ايهام — ديكر بر فكر ومقصد حلى ممكن اوله جق
صورتده سوز سويلكدر كه — ايكي سيده حقيقى ويا برى حقيقى
ديكرى مجاز اولق اوزره — ايكي معالى الفاظ استعمالندن
حصوله كلير .

ضيا پاشا مرحومك :

مشرب اولور شرابى ايجوب حرمتن بيلير
مذهب اولور حقوق عبادى كورير حلال
سوزنده ونفعينك شراب حقندهكى :

مجلس ارباب دل بر لحظه سنسز اولسون
حرمتك انكار ايدن عالمده حرمت بولسون

قوانده اولدينى كجى .

بوييه ذوالجهتين سوزلردن قائلنك مقصدى دائما خفى اولان
مفهوم ثانيايدر . طوغريدن طوغرى يه افاده سنده اوقدر تاثير ، او
درجه شدت اوليان ويا خود بر محذور مطالعه اولنان فكر
ومقصدى بيان ايجون بوضعتيه مراجعت اولور . فائده لرندن

بریده شودرکه قائل اوصورتده استعمال ایتدیکی الفاظک معنای
بعیدنی خاطره بیسله کتیر مامش اولدیغنی لدی الحاجه بیان
واصرار ایله مؤاخذه دن قورتیله ییلیر. ایهام صنایع خطابه نك
اك مهملرندن بربدیعه در .

مثلا :

« کاه برنقطه سقوطیه کوزی کور ایلر »

درجه سنده بر جرأت مساهله کارانه ایله برطاقم ییچاره لری نور
بصردن محروم ایدن بعض عجمی کحاللر حقنده رئیس الکتاب
عارفک :

کیال کوز آچقده عجب مکجه سورمن
برکره چکن دیده سنه بر دخی کورمن

مفردنده کی ایهام محتاج ایضاح دکلددر .

بوطور مجازینک مقاصد خفیه ترجمانلقده نه مرتبه ماهر
اولدیغنه اشاعیکی محاوره ده معترضه داخلنه النان سوزلرله
استشهاد ایدرز .

شیرین

نکاه قیله جق اویله می ؟

دلارا سلطان

اوت قیله جق .. مطلقاً قیله جق .. قرار ویرلدی بیتدی ، ا کلامد کی ؟

شیرین

ثاقبه سلطانیه می ؟ (کیمه قیغه) قرار ویردیکز ؟

دلارا

نکاح نکاح ! اklamيورميسك ؟ بردها سويليم قيله جق !

زليخا بكم

اويله ايسه ثاقبه سلطانده كورد يكمز حانه در ؟ نکاح لغيرديسي اولنجه
نه دن اويله عجيب حاله كلديده كيتدي ؟

دلارا سلطان

آدم او اوتانديده كيتدي ، دقت ايتيورميسكز بوكونلرده سونج دليسي اولش ؟
... نه ياديفني بيلمور .

شيرين

اوت اوت ، اوتانديده كيتدي . هم او قدر اوتاندي كه ظن ايدرم
بو كيدشله (يره كچه جك ؟ ..)

عيدالحق حامد - ماجرای عشق

ايهام بعضاً بر نکته ايچونده يابيلير كه محي ادب شناسي

مرحومك متوفا قبودان محمد علي پاشا حقنده سويلديكي :

بيك ياشا اي وزير دريا دل

آصف بي معادل وعادل

وبر دونمايه تقويت شاندر

كيسني قورتاران قبوداندر

بحره چيقسهك هوا سكا يول آچار

طاغله لر خوف وهيبتهك قاجار

يناشورسهك كنار بحره ولي

چاغرير طاغله ر « محمد علي ؟ »

نشيده سي وعزت ملانك ، يكي چريلرك تكيلىنده ، نظم ايتمش اولديني

تجمع ايلدي ميدان لجه

ايدوب كفران نعمت نيجه باغم

قویوب قالدیرمه دن ایکی ده برده
 قازان دورلدی سوندیردی او جاغی!
 قطعه لطیفه سی وعصر اخیرک یتشدیردیکی نوادر معرفتدن
 غالب بک مرحومک :

قالوب نفی معجز کودن اورنک سخن محلول
 سخن سنجان روم اولشدی هر بر عصرده طالب
 ایدنجه شمدی دعوی طبع اول جاه معلابی
 دیدی حکام دیوان قضا « الحکمہ للغالب »
 واسلافدن شاعر مشهور باقینک :

شعر اخیلی دفتر ایدنجوک کلک قضا
 محو واثبات ایله پر قیلدی نیجه اوراقی
 قازیدی نیجه بی یا کلش دیو بو دفتردن
 باقیه ایدوب اشارت دیدی « صح الباقی ! »
 قطعه لری ونابینک حامی آمدی حققدکی :

نابیا آمده شایاندر ازلدن دینسه
 نسخه نادره رای چنستان نعم
 تازه حامیسی ظهور ایلدیکن کوش ایتدک
 ایلش حسن حمایتله خرابن ترمیم
 بوبله حامیسی وار آمدنه عجب شمدیه دک
 چالیدی غیر بلاد اوستنه کوس تقدیم !

نشیده سی او یولده مشهودم اولان اثارک اک پارلاقلرندندر .
 بویاهام ایله دردنجی فصلده موضوع بحث ایده جکمز ایهام
 تناسبی، ایهام تضادی، تجنیسی وحتی بمضاً مراعاة نظیر صنعتی،
 شامل سوزلر مصاحبات عادیه ده - نوعیتلرینه مخصوص اسملر ایله

— تفریق اولئیه رق هپسی بردن (مضمون) نام عمومیی آلتده
یاد اولور .

بر استطراد

نابینک یوقاریده دخی بالمناسبه ایراد ایتدیگمز : (*)

دومنکوشن قلندر روی بدفرجامه اویدیرمش
شرابی صوفی انکوریدن آلمش جامه اویدیرمش

مطلعیله بر بشقه سنک بوندن دها بارد اولان وینه یوقاریده
بر یرده ایراد ایدیلان : (*)

خا کپایه بر رکاب اهداسی ناچیز ایسه ده
قیلمه رد قیر آتی ویر یا آل باغشله برقوله

بیتتی بدیعۀ ایهامه موافق برر سوز اولمق اوزره قبول ایدنلر
وار ایسه ده — یوقاریکی تعریفات وامثله دن استنباط اوله جغی
وجهله — ایهاملی برسوز لمصلحه اخفای نیت کبی . بر ضرورت
ویا لنکته ترک صراحت کبی برسائقه بلاغت ایله سویلنمش
اولمق وصورت تألیف وانشاسی خفی اولان مقصد ثانیه کوره
دخی قاعده یه موافق بولمق وجدیتدن ایرلامق اقتضایدر . وبو
شرائط کندیسنده موجود اولیان وحکمی برر جناس عایدن
عبارت اولان سوزلری ایهامه موافق عد ایتک . استعمال
اولندیغی حالده الک مؤثر بر طور بیان اولان — اوبدیعۀ بلاغتک
قیمت واهمیتی تقدیر ایدماملک اولور .

(*) صحیفه (۱۰۵) (**) صحیفه (۱۷۳)

شوایکی بیتده ایسه برر جناس معنویدن بشقه حکم کوریلدیز.
فی الحقیقه :

دومنکوشن قلندر روی بدفرجامه اویدیرمش
شرابی صوفی انکوریدن آلمش جامه اویدیرمش

مطلع مشهورینک برمعناسی - (قلندر کویه لرینی چهره سنه
یا قشدرمش ، انقره دن آلدینی شراب رنکنده کی صوفدن ده
لباس یاپدیرمش) دیمک اولدینی کبی دیکر معناسی دخی -
(قلندر کویه لرینی چهره سنه ، صوفی ده اوزومجیدن الدینی
شرابی قدحه اویدیرمش) دیمک ایسه بونلرک برندن برینی
اخفایه بر مجبوریّت و یا برندن برنده برنکته ، برظرافت و ایکیسند
دخی - شعر دیمک ایچون - بر جهت معقول ، بر ذوق ، بر لطافت
یوقدر ظن ایدرم .

خاکپایه بر رکاب اهداسی ناچیز ایسه ده
قیلمه رد قیر آتی ویر یا آل باغمله برقوله

بیتنه کلنجه بونکده برمعناسی - (خاکپایکزه بر آت هدیه
ایتدک . ناچیزدر اماردایتمه یک . قیروب آتیویرک . و یا خود آتکده
بر بنده کزه بخش ایدک) دیمک ودیکر معناسی (خاکپایکزه
هدیه ایتدیکمز آت دکر سز برشی ایسه ده قیر آتی ردایتمه یک ویرک
و یا خود آله برقوله آت احسان ایدک) بيمک اوله جق ایسه
اوته کی حقیقه کی ملاحظات بونده مع زیاده واردر . چونکه
(اولاً) بو آت عطار طاوشانی کبی آچیدن فلاندن یاپلمش
اویونجاق قیلندن برشی اولیوبده کر چکجه بر آت ایسه انی

قیروب آتیورمک دنیاده برقهрманک وبلکه رستم داستانک بیله
 مقتدر اولهجنی شیلردن دکدر . (ثانیاً) هدیهد ایدیلان
 برشیدی قیروب آتیورمک رد ایتمکدن ای برمعامله صاییلهمز .
 (ثالثاً) - رد ایتمهیک ویرک ویاخود آل برقوله احسان ایدک -
 سوزینی قاعدهیه توفیق قابل اولهمز . بناءً علیه بویتلر ایله سائر
 نظائرینی ایهام نوعندن عد ایدهمز بونلر اولسه اولسه فصل
 رابعمده بیان ایدهجکمز جناس معنوییه داخل اولور . آئیده
 بیلیرزکه بویله سوزلری - شرائط حسن بیانه عدم مطابقتی
 بعضاً تسلیم ایتمکه برابر - بکنهجکلر بولنهبیلیر . وکندیلمک
 حسن طبیعت وذوق ادبیه کیمسهک دخل وتعرض ایتمکه
 صلاحیتی ده یوقدر . شوقدرکه ایهام ایله جناس معنوییه -
 برنجیسی طبیعی بریدیعه بلاغت ، دیکری جعلی برصنعت ایکن
 - یکدیگرینه قارشدیروبده ایکسینی بر حکمده ، بر ماهیتده
 کوسترمک دخی جائز اولهمز .

ایشته شو استطراده دخی فرقی کوسترمک ایچون
 مجبور اولدق .

مبالغه

مبالغه برشیئی وصفده ماهیتک برقاچ درجه یا مافوقنه
 چیقارمق ویامادوننه ایندیرمکدر سبی قوه خیالییه اوقشامقله

بیان ایدیلان شیئک تمامیت تفهمنی تأمین ایلسکدن عبارتدر .
چونکه متخیله دائماً حقیقت دائره سنک تجاوزندن وکندیسنه
عرض اولنان اشیا نك - ایلری کری - اعظامندن محظوظدر .

مثال :

« صر سرك شدتیله قوم دربالرینك سرعت انقلابی یرلری کواکری لرزه
ناك دهشت کوستردیکی حالده ینه ثبات عزمنده قطعاً ضعف و تردده دوشمیه رك
بوره نارفته نك بیک مشکلاتنه غلبه ایله نیل کنارینه واصل اولدی . »
کمال - ترجمه حال امیر نوروز

دیگر مثال :

« استعداد طبیعی قوتیله اوقدر جق بر زمان اینجده حاصل ایتدیکی اتلاف
مهالك سایه سننده حیت مردانه سی درجه درجه توسع ایدرك بیاغی قلبنه
صیفیشه میه جق بر حاله كلش اولان جزمی بولندینی برقاچ یوز آدم مسافه دن
پاشانك دوشدیکی مهلكه بی کورنجه وجودنده نه قدر حرارت غریزه وار
ایسه بردنبره التهاب ایدرك بهار کونشنه اوغرامش اغاجلر کی درلودرلو
رنکار اینجده قالغه باشلادی . کوزلرینی قان بوریدی ، هربری یکی آچلمش
برغچه یه بکزه دی . توپلری اورپردی ، هربری بردیکن شکلی باغلادی . »
کمال

شعره مثال :

قانلر دوکدرك بوشهره کیردك
جانلر یاقه رق هوایه ویردك
ملازمه بیک حقارت ایتدك
تغریبنه ده جسارت ایتدك
بیکارجه بکیت جوانلر اولدی
طاغلر کی بهلوانلر اولدی

تذکاری ایدر خیالی تدهیش
دیدم طو تشور ایدنجه درپیش
عبدالحن حامد

دیگر مثال :

پرغضب یوق جواب موساده
الی تیغ حیات فرساده
برجواب آلمینجه کندندن
فارسان اولق ایستیوب ره رن
جمله کوستردیلر اوشیر نره
جمله سن پاره پاره بیغدی یر
اوتنه کی آتلیلر قوشوب بردن
قیلیدیلر قصد موسی یکتی
کرچه پیش وپسندده دشمن چوق
لیک موساده هیچ پروا یوق
نظرنده نمایش خنجر
موج آب حیاتدن خوشتر
تیغ تیز الده ارقدهده جوشن
پیش اعداده قلعه آهن
قلبی بر رتبه بولش استحکام
اویناض بیک قیامت ایتسه قیام
ناجی افندی.

مبالغه طبیعت انسانیهده مرکوزدر . بناء علیه دنیاده
مبالغه سز لسان یوقدر دنیله بیلیر . بزم ادبیات عتیقهده - ایران
یادکاری اولق اوزره - مشهود اولان وسوق طبیعتله دکل
التزام صنعتله یاپیلان (جهنی قبه ، کوهی دوه ایتک یولنده کی)

طادی طوزی یوق برطاقم مبالغائی شویله برطرفه براقه لم ،
مصاحبات عادیه مزده مثلا (حرارتدن بایلیور - آچلقدن
هلاک اولدی - صغوقدن طوکدی - کوزینک یاشی سیل کبی
آقیور) یوللو افادات بتون مبالغه دن عبارتدر .
بدیعک قولنجه مبالغه مقبولدر ، اکر عقلاً وعادۀ وقوعی
ممکن ایسه . بوکا تبلیغ دینیلیر . بوتعریفه کوره نفینک بر
قصیده سندن شو برقاق بیتده مندرج مبالغات مقبول اولان
نوعندن عد اوانور :

دلار طویاری کورمکه جنک ایچره نیزه سن
اول دم که خون دشمن اوجندن روان اولور !
دوشدکجه خاکه کوی صفت کله عدو
پای سمند طوت که اکا صولجان اولور .
اول آتش جهنمده که اولدقجه کرمره (*)
پیرامنده کرد سیاهی دخان اولور .
صفلر دوزوب هجوم ایده جنک خیل دشمنه
دهشتله آسمان وزمین پرفغان اولور .
صارصلدقجه زلزله حمله دن زمین
آشوب رستخیز قیامت عیان اولور .
کرد سپیده شعله شمشیر تابدار
کویا سحاب تیره ده برق جهان اولور !
ینه بدیعه کوره مبالغه مدخولدر ، اکر عقلاً وعادۀ محال
اوله رق بر توجیه معقول ایله تبلیغ ویا اغراق حکمنه ارجاعی ده قابل .

(*) آت و صفنده در .

اولمزه ، بوکا غلوتسمیه اولنور. اغراق ایسه عقلاً ممکن، عادةً
باطل اولان امردر . بوتعریف حکمنجه شاعر مشارالیهکینه
اوقصیده سنده شو برقاچ بیتک حاوی اولدیغی مبالغات مدخول
اولان نوعندن صایلیر :

هر جمله ده هجوم دلیران تیغزن
خیل عدویه اول قدر آفرسان اولور ،
کیم تلرنده راه مسامات سربر
سوراح مار مهره ربای سنان اولور
اول دمده کیم سیاق تعداد کشتکان
پیرون حیظه سرکک بیان اولور
چاپکلی اومرتبه کیم ظل را کبی (*)
پیره دوشونجه اکا مکان لامکان اولور

مبالغه نك الك صیخ معیاری - الك طوغری مقیاسی دوق سلیم
وحسن طبیعتدر . مع مافیه (حقیقه مشابیه) مبالغه ایچون برحد
معین عداوانه بیلیرکه بوحدی تجاوز ایدن مبالغه همان عمومیت
اوزره مردود اولور .

مثلاً نفیعنک :

ینه ایرشدی تموز اولدی جهان پرتف و تاب
کیردی برخلقته هپ آتش و باد ، آب و تراب
مطلعه کی مبالغه حقیقه شیه برشی اولدیغیچون قبول
اولنور . لکن ینه شاعر مشارالیهک :
(*) کذا آت وصفنده در .

ایردی برغایتہ تأثیر هوا کیم بر مور
 بردم کرم ایله ایلریدی دریایی سراب
 بیتندہ کی مبالغہ ایسہ حقیقتی زخم دار تاثر ایدہ جک بر مناسبت سزک
 اولدیغی چون رد ایدیلیر .

جدیت ملتزم اولمیان ویالای ولطفیہ حملندن چکنلمیان
 مبالغات - فقط ینہ حسن تخنیلہ موافق اولمق شرطیلہ - چکیلیر .
 مثلاً ندیمک :

طرکار صفوقدن افندی سمندر آتشده
 برایکی کون دخی بویله اسر سہ بوصرصر
 برودت ایله که بوزلنسون دیو لایق
 فونولسه پنہیہ یاقوت پارهوش اخکر

بیتندہ توصیف ایتدیکی برودت نفعینک براز اول کچن بیتلرده
 تعریف ایلدیکی حرارتدن حکماً اشاغی قالیر درجہ دہ دکلدر .
 ارہ لرندہ شو فرق وارکہ - (بر قرنبجہ نک نفسیلیدی دریایی
 قورتمق) تصورندہ هیچ بر لطافت یوق . حالبوکہ - (آتشی
 طوکسون دیہ انسانک یاقوت پارچہ سی کبی پاموقلر ایچندہ
 صاقیلہ جنی کلور) تخیلاندہ حسن طبیعتہ موافقت وار .
 برده شو فقرہ دہ کی مبالغہ یہ نظر ایدہ لم :

« هندستانده صباحدن برایکی ساعت صکرہ یوجلیق پک زحمتی اولور .
 یامہتابدہ یاخود صباح قرانلغندہ کیتلی . چونکہ کوندوزبولہ چیقہ جق
 اولور سہ آدم صیقاقدن عادتاً اریورده یوریہ رک کیدہ جک یرده آقہ آقہ
 کیدیور . حرکت ایتیورده عادتاً جریان ایدیور! .. »
 عبدالحق حامد - دختر هندو

بوافاده حکمنجه انسانك شدت حرارتدن صو کیلوب
جریانه باشلامسنه قائل اولمق محالدين بحث ایتمكدرد. فقط افاده نك
حکمی الای ولطفه دن عبارت اولمديغی چون مبالغه خوشه کیدیور.
بیت آتی دخی مزاج یولنده بر تحف مبالغه یی شاملدر :

زاهد بو برو دتله اکر دوزخه کیرسه ك

بر لوله دخان یاقعه آتش بوله مرسك !

الحاصل مبالغه شرائطنه موافق وطیبی اولدجه بلاغتك
وسائط مهمه سندن معدوددر. انجق ادبای سالفه عجمله اتباعاً
برشيك توصیفنده حد امکانی نه قدر قابل ایسه او قدر چکنه یوب
چمکی ربیوك معرفت عد ایتدکرنندن مؤلفات ادبیه لری - پك
چونخی حسن خیال ولطافت تصور دنده بری - برطاقم مبالغات
مردوده ایله لبالبدر .

بو حقیقتی ایضاح ایده جك شایان دقت غرابدن در که شیخ غالب

مرحوم کبی الك بیوك بر شاعر من بیله نابی به قارشی :

هم بردخی وار که اول سخنساز

اغراقده مرغ یست پرواز

بیتیه تعرض ایتمشدرد !!

- ایکنجی مبحث -

مجاز تبلیغی

یوقاریدنبری تعریف وایضاح اولنان مجاز تخیلی انواعنده کی
خاصه، اشیانك مناظر و اشکالی تبدیل وتنويع - کندیلرخی اعظام -

صورتلرینی اخفا و یا خود دیگر یکی بر هیئته عرضه ایدرک، بر طاقم تخیلاتی نظر مفکره دن امرار ایتمکدن عبارت اولدیغی کوردک مجاز تبلیغی ده کی مزیت ایسه افکار و ملاحظاتک بیان و تعیرنده اسلوب حقیقیده اولمیان بعض اوضاع و حرکاتی اراؤه ایتمکدن عبارتدر .

مجاز تبلیغی کاه اولورکه (التفات - استفهام - ندا) صورتیه افکارک تعیراته جانی و احتراصی بر مثنی و جولان ویرر . کاه اولورکه (قطع - تردید - رجوع) واسطه سیله افاده نک جریاتی توقیف و یا تعدیل ایدر . کاه اولورکه (عکس - تکریر - تدریج) بهانه سیله کلامک خط استقامتی تبدیل و یا خود روش و حرکتیه ایراث بطائت ایلر .

ایشته بونلرکده نه یولده واقع اولدیغی اشاعیده صرده سیله کله جک اولان تعریفات و امثله دن اکلاشیلیر .

التفات

التفات دینلان شی برحالی ، بر مقصدی ، بروقعینی بیانده دوام ایدر کن حاضر و غائب - حقیقی و خیالی - زنده و میت بر شخصه و یا جماداتدن بر شیئه توجیه خطاب ایتمکدر .
التفاتک مؤثری روحک هیجانی حالنده استعمال اولتانلریدر که بو قضیه (طارک) مؤلفنک (اشیر) نده اعظم ذوات الوقعه دن

(روکزان)ك رقیه سی (سومرو) به بروجہ آتی وقوع بولان
خطاب غائبانہ سنہ دقتہ معلوم اولور :

روکزان - تڪ و تنہا

تابوتہ یادگار دارا
کشمیر قزی اریکہ پیرا
معطوف بکا ننگہ قہار
ضمناً کارغبت ابتدٰی اظہار
برغنچہ سی بول نہال ترسین
سومرو! حذر ایت حذر بیترسین
جہشید قزی یمان بلادر
لاقمی سکا یا اول بہادر
روکزان اکا نامزد ، مصمم
یارب بوکا بن تحمل ایتم
سومرو! سومرو! خراب اولورسین
بالہ بر آوچ تراب اولورسین
یا مال ایدرم سنی نہایت !

التفاتہ نثر دندہ مثال ایراد ایتک لازم ایسہ (وطن —
یا خود — سلسترہ) دہ (ذکیہ) تڪ انفعالات قلبیہ سنی تشریح
ایاہ اوغراشوب طور برکن اوکندہ یا تمقدہ اولان مومہ وقوع
بولان خطابندن کوزلی بولہ میز :

« حیات نہ غریب حال ایش ! برقچ کون اول یانمدہ بری اغلاسه کوزینک
یاشی صداسندن دوکیلیور ظن ایدردم . بوکون قولانغہ قہقہہ لر ماتم
صداسی کلیور ! برقچ کون اول مغموم مغموم بلوطلردہ شمشک چاقدچہ

بری کولیور کی کورینوردی. بوکون یکی آچلمش کللرد چی کورسه م برینک
کوزیاشی دوکلش ظن ایدیورم! برقاچ کون اول یوزم کولیوردی، صانکه
هرشیده بنله برابر کولیوردی. بوکون کوکلم اغلیور، صانکه هرشیده
کوکله برابر اغلیور! ینه صباح اولدی ینه کوزیمه بر دقیقه او یقو کیرمدی.
زواللی موم! عجباً بنده سنک کی یانه یانه نوکونوب کیده جکمی م؟...»
کال

- استفهام -

استفهام صقی صقی یه بر طاقم سؤاللر ایراد ایتمکدن عبارتدر.
فقط بودرلو سؤاللردن مقصد حقیقی جواب الموق دکل بلکه افکار
وحسیاتی دها واضح، دها شدید، دها مؤثر بر یولده موقع
بروزه چیقارمق و بو صورتله مخاطبی تهییج واقناع ویاخود
تخیر واعجاب ایتکدر. بونی استفهام عایدن تفریقاً نامنه
(تجاهل عارف) دیمک اقتضایدر. کنیدسندن استفهام اولنان
شخص حقیقی ومعین اولمق اقتضا ایتز.

بوجاز عجز وحیرت - یأس وشدت - استرقاب ونفرت -
رحم وشفقت - حزن و مسرت کبی حالات واحترافات
وحسیاتک ترجمه وتبلیغده اولنور برطور خاصدر.
مثال:

«ای قوجه قاپریسوس! سنک ایچون برأثر بدبختی اوله رق سکا اعاده
حسیات اولنوبده و قتیله تهلکه دن تخلص ایلدیکک وکافه مظفر یادن
زیاده شرف نامکله مشرف ایتدیکک رومانک شمیدیکی منظره مظنطنه سنی

کورسه ایدك روح معالی سنو حك عجبانه مطالعه ده بولئوردی؟ البته شو
وجهله فریاد ایدر ایدی :

یامستعان! وقتيله اعتدال وفضائل اخلاقه مسكن اولان اوسقف كياه
بسته وكاشانه ساده لر نره يه كيتدی؟ رومانك ساده كي* احوالی پرینه
قائم اولان بوزنت منحوسه ندر؟ بوشیوه غرابنتای لسان ندر؟ بوهیكالر،
بولوحه لر، بوینالرنه دیمك اوله جق؟ ای بیشعورلرنه در بویاپدیفكن؟ سزكه
فرمانفرمای اقوام ایديكز دست غالبیتكزده مغلوب اولان اشخاص خقت
اتصافك شمدی ربقه اسارتنه كنديكز قوعمش سكن. زمام حكومتكن خطبه
پردازلارانه كچمش. برطاق معمارلری، رساملری، هیكل تراشلری سخره
كارلری نائل ثروت و غنا ایتك ایچونمی وقتيله یونانستانی و آسیایی
خونكزله اسقا ایديكز؟

ژان ژاق روسو

مترجمی - كمال باشازاده سعید بك

دیكر مثال :

سلطان دخی اولسه بومسجود
بر والده اولق اوزره موجود
بخش ایتمی محتملكن اولاد
قانون خدایه قارشى جلاد !
محروم ایدلرمی خدمتندن ؟
خوف ایلدكمی عصمتندن ؟
عرض ایتدیكى چهره جوانی
طبعنده كى حال ناتوانی
كیم هر كس ایدر كورنجه رقت
هیچ اولمادی سزای دقت
عالمده اویادكار افلاك
ولسونمی روای محو واهلاك؟

عبدالحق حامد - اشبر

- ندا -

ندا دیدیکمز شی روحك بیوك بیوك حسلرینی، شدیدشدید
هیجانلرینی احاطه‌دن انسان عاجز قالدیغی زمان نا کھانی اظهار
ایدیلان فریاد مضطربانه‌دن عبارتدر . اکثریا مزعج و مدهش
استفهاملرک طلیعه سطوتی ندا در .

مثال :

لغت سکا ای سائقه غیرت !
برکونده محو اولان بیک بیک شهرت !
ای وقتیه اژدر کورینان شمشیر !
ای بازوان زور ای پنجه شیر !
اک لازم اولدیفک یرده رخاوت
دشمنه یاردم بکا عداوت
شان وقتی علیهمده خدمت نه‌دن ؟
صوک نفسیده قصر همت نه‌دن ؟
مادام که ذلته علتسین
مادام که بنده برزائد آتسین
نه لیمده نه علیهمده صیرل
شم‌دن صکره هیچ لزومک یوق قیرل
عبدالحق حامد - تزر

دیگر مثال :

ای حسن ای آفتاب انوار !
ای عشقی ایدن اسیر اخگر
بومیدی امید سندن ای ماه
جادو اوله وصله هواخواه ؟

بن کربت غربت ایچره بیتاب
سن ذوق و صفاده شن فرحیاب
لکن بوی شیوه محبت ؟
انصاف قیل ای مه سماحت !

شیخ غالب - حسن و عشق

دیگر مثال :

ای یادی بکا انیس و غمخوار !
ای یادی بکا رقیبسر یار !
یادک کبی دل بولوری دلدار ؟

نحمدك مرحوم

آثار ادبیهده - روحك کرچکدن بر نوحه اضطراریه
متألمانهسی اولمق اوزره - تلقی کورهمیان ساخته (ای! ای!) لر
موسیقیده نفرت آور سمع و روح اولان بارد (هی! هی!) لردن
تأثیراتجه پکده اشاغی قالمز . فاضلك معلومکنز اولان :

بیقل ای طارم سپهر برین !
سویوک ای شمع قبه زرین !
بوزول ای امتزاج عنصر چار !
اوزل ای عقد عقده پروین !
طاغل ای چند بیشمار نجوم !
طولوک ای ماه سرعتیله همین !

.....
.....

نشیده سنده اولدینی کبی ،

شوده بیلنمک لازمدرکه اگر بویولده حرف ندرک استعمالی

ترجۀ تهیجات روح ایچون اولیوبده مخاطبه تنیه ایچون
اولورسه مجازدر .

ندیمک :

ای عالم مثالك سیاح هوشیاری !
هیچ قصر صورتنده کوردکی نوپهاری !
کل کورمدکسه سیرایت اما صاقین غلطن
تا بنده غره صائمه اول جفت زرنکاری
شعرنده وشیخ غالبک :

ای طالب شب چراغ معنی
انصاف ایله قیل کلام اصفا
بو معنیده بر ایکی مباحث
تطویل مقاله اولدی باعث
عاتل قیلغنده بعض مجنون
یوقدر دیه دوشدی تازه مضمون
نشیده سنده وپرتو باشا مرحومک مقاله آتیه سنده
اولدینی کی :

«ای مغلوب عادت و مجذوب شهرت اولان ابنای آدم! تابکی صحایف
نظر واستدلالمیزی رنگ غرضله تلویته و نیجه دهک قباغ اغراض وعاداتمیزی
نظر واستدلال ایله تغییر و تزئینه چالشم؟»
اطلاق الافکار

— قطع —

قطع دیدیکمز طور مجازی افاده سنده دوام اولتمقده اولان برسوزی
هنوز تمام اولتمق سزین بقته کسه رک دیگر بر فکره انتقال اولتمقدن
عبارتدر . او صورتده که مقراض اهماله اوغرایان سوز نتیجه

مرا می سوزده دوام اولنسی قدر و بلکه اندن دهها زیاده
وضوح و بلاغتله مقید اولسون . بو طرز بیان « رب سکوت
ابلاغ من الکلام » یعنی « چوق کره سکوت سوزدن دهها بلیغدر »
حکمتله مستنددر .

مثال :

رأیلمزده کوردیکه بو اتحادك کوکلرده دخی بولندیغنی تصویره چچون
جسارت ایتیهیم؟ بعض کره کوزلرمن یکندیگریته قارشى کلیر، برلکده
اختیار آه ایدرز و بعض کیزلی کیزلی کوز باشلری دوکرز... آه ژولی!
بو اتحاد اگر تقدیر ازلی ایه... بتون دنیا بریره کلسه... امان ژولی!
عفوایدیکز شاشیردم. صاچه سویلیورم. تمنیائی امیدعدا تمکه جسارت
ایدیورم .
ژان ژاق روسو
مترجمی منیف پاشا

- تردید -

صنعت تردید افاده سنه باشلانیلان برسوزك نتیجه سی حقنده
ارباب مطالعه بی متردد طوته رق مراقه دوشورمك ایچون استعمال
اوانور بر طور خاصدر . بوده ایکی نوعدر . بری تردید
صادقدر که باشلادیغنی برسوزی وعد ایتدیکی کبی جدی و معتنا
صورتده نتیجه پذیر ایدر .

مثال :

معلوم دولتریدر که انسان دنیای اغفالهموقق اولسه بر شخص قالیر که
انی الداتمنه امکان اوله من . اوده کندی نفسیدر .
کمال - تخریب خرابات

بوفاده نك حكمی (انسان دنیای الداتسهینه كندی نفسی
آلاتمقدن عاجزدر) یولنده بیان اولنسه ایدی شبهه یوقكه
اوته کی قدر مؤثر وجالب انتباه دقت اوله مزیدی .

نوع ثانی تردید مطایبدركه ارباب مطالعه نك جلب دقتلریله
اكنیر وكندیلرینه مهم ومعتنا بر نتیجه امید ایتدیردیکی خالد
لطیفه ومزاحده قرار ویرد . بونك مثالی ده اشاعیکی نشیده در .

شعراى زمانه دن بریسی
دزد معنیدن ایلوب شکوا
دیدى نظمه کی خیالاتم
چالديلر هپ برر برر طرفا
كوش ايدنلر دروغه حمل ايدنيك
بن دیدم : كیم ییلوركه صادق اولا
فی الحقیقه سوزنده صادق ایمش،
كوردك اشعارى جمله بی معنى

ملیح احمد

صنعت تردید ، مقصدی هیچ بکله نلیان بر نتیجه یه ایصال
ایله ، ارباب دقتی اعجاب ایلک صورتیله دخی اجرا اولنوركه بوده
اك زیاده محاوراتده وقوع بولور . بونلرده عرض اولنان نتائج
جدی ایسه تردید نوع اوله ، لطیفه آمیز ایسه نوع ثانی یه ملحق
اولق طبعیدر .

نوع اوله مثال :

هرمز

بوتوهم نه دن کایور نهك وار

نسترن

بر اضطرابم وارکه دخی دشوار

هر من

دردك نه در ؟

نسترن

.. حیات

عبدالحق حامد - تزر

نوع ثانی به مثال :

ناظم سوزنده حقلیدر

تاریخی پاك رونقلیدر

بر اكسكى وازعقلیدر

دیوانه كلدی

نزہت بك

بونظمده « براكسكى وار » حكمنك حقنده تاريخ سويلنان
ذاتك عقلنه ارجاعى كيمسه نك بلكه مديكى بر شى اولمسيله بويله
بر حكمى ايشتمكه وهلة دوچار استعجاب اولماق ممكن دكلدر.
وبناء عليه ترديد صنعتجه ناظمك بو شعرى حقيقه پاك رونقلی
واقع اولمشدر .

ترديد مطاييك پاك پارلاق بر مثالى ده خواجه نصرالدين
فقرانى ايچنده بولورز :

خواجه بر كويده مسافر اولدينى ائنده لطيفه ايچون هكبه سنى
صاقلامشدر . خواجه ده كوى خلقنى طوپلايه رق : « بزم هكبه يني
چالمشدر . چالان كيم ايسه كتورسون والابن بيليرم بياجمى ! »

دیش. بونك اوزرینه هکبه یی کندینه رد ایله برابر « خواجه
افندی هکبه کز بولنسه یدی نه ییاجقدیکز » دیه صور مشلر. اوده
« بزم اسکی بر خرار وارده... انی کسوب هکبه ییاجقدم » جوابیه
مقابله و خلقی اعجاب ایلمش .

سرورینك هزل یولنده مشهور اولان :

دلبر اولوردك قولاقلر کورمدك کوز طویمدق
سرمه چکسه م کوشکه منکوش طاقسه م چشمکه

خیال معکوسی قیلندن لطائف دخی صنعت تردید ملحقانندن
معدود اولور .

— رجوع —

رجوع صنعتی ایراد اولنان برسوزی دیگردها مؤثر،دها
شدید ویا دها رنگین ، پارلاق بر افاده ایله تصحیح و تعدیل
ایتمکدر. کویا افاده ده اونودلمش برشیئی اکال ویا خوداغزدن
قاچیرلمش برسوزی نفی ایچون استعمال اولنان صنعت رجوعه
مراجعتدن غرض افاده یه دها زیاده شدت ویا دها زیاده لطافت
ویرمک اولدیغنه کوره نامنه صنعتدن زیاده صنیعه ادبیه دیمک
یا قیشیر .

مثال :

ایدر عصیانم کو کیده ندامت غلبه
 نیده م یوز بوله مم یأس ایله عفو م طلبه
 نه دیدم توبه لر اولسون بوده فعل شر در
 بنم عذرم کنه مدن ایکی قات بدتر در
 نور رحمت نه یه کولدیر میه روی سیم
 تکرینک مغفرت ندنده بیوکی کنهم

شناسی مرحوم

صنعت رجوع قدمای شعر امزك دخی - فقط بر صورت
 متحرکمانه ده اوله رق - الك چوق استعمال ایتدیکی شیلر دندر. بوصنعتی
 حاوی کوردیکمز آثار اسلاف ایچنده الك کوزلی ایسه شونشیده در.

ایلدیم چشم کریمه طوفانی
 غرقه موج چین پیشانی
 ایتسونمی یاجیه سن پرچین
 ایلیان چرخ دونه مهمانی

.

ویلنا آفتاب بختم اه
 شب کی روزم ایتدی ظلمانی
 کریمه غممه کجی ایام
 ایتدی خنده روی شادانی
 یوق یوق استغفر الله ایتدم سهو
 ایلدیم چرخ و بخته بهتانی
 بکا هپ جووری معرفت ایتدی
 آل المدن خدا بو عرفانی
 فہیم

- عکس -

عکس دینیلان صنعت اگرچه بعضاً مؤثر اولورسده ملعبه
لفظیه به پک قولای منقلب اوله جغی چون استعمالنده احتیاط
ایتمک لازمدرد. عکسک صورت اجرایی ایسه - اسمندن دخی
اکلاشیله جغی اوزره - کله لری تقدیم و تأخیر ایتمکدن و - اگر
تغییر جائز ایسه - کلامی قسماً و یاتماً زیر و زبر ایلمکدن عبارتدر.
مثلاً (کبارک کلامی) سوزینی او وجهله عکس ایدرسه ک
(کلامک کباری) صورتی حاصل اوله رق بونلرک ایکسی برلکده
ایراد اولندیغی یعنی « کبارک کلامی کلامک کباریدر » دیندیک
حاله صنعت عکسه موافق و معیندار برسوز اولمش اولور .
مثال :

جناب طالبي حق نائل مطالب ایدہ
مطالبی او هنرمندہ بلکه طالب ایدہ

عرفان پاشا

شو تعریف و ایضاحدن دخی اکلاشیلیرکه عکسده معیندار
اولق مشروطدر . یوقسه بالفرض (ساعتک دلیسی دینک
ساعتیدر) و یاخود (سفیهک پاردسی پاردنک سفیهیدر) کبی
لقر دیلر صرف مهملاتدن ورئیس الکتاب عارفک :
اولور عکس رخکله بزم میده جاملر کلرنک
عجبی اولسه رشک ساغرلعلکله کل ملرنک
بتی یولنده کی مصنع افادهلر ایسه بازیحۀ الفاظدن عبارت
اوله رق ادباً و بلاغۀ هیچ قیمتی اوله من .

حال بو که فرانسیزجه ضرور ب امثالدن « ینک ایچون یشاماملی ، یشامق ایچون یملی » سوزی - که شکم پرورلر ب تعریضی و بلکه بر نصیحتی متضمندر - بعض دقیق فکرلرک افاده سنده صنعت عکسنه مراجعتک فائده سنی کوسترر.

بوصنت بعضاً دیگر صنعتلرک یاردمنه عرض احتیاج ایدر. بوتعاون حسن حصول بولورسه هپسنه بردن مدار موفقیقتدرکه فقره آتی هده تشبیه و تضادک عکس ایله اتفاق بوقضیه یه شاهددر:

« نه فائده که بزم عسکر معاونتک فقدانی جهتیله حیات کی آزالیر چوغالیز، دشمن عسکری ایسه امدادک تعاقبی جهتیله سنن حیات کی چوغالیر آزالیر برحاله اولدیغندن ایرانلیلر مهاجرات متوالیه ایله بزم عسکری احاطه ایتدیلر... »

کمال

عکس صنعتی لاغ و لطیفه لی موضوعلر ایچنده پارلاق دوشرسه ده اسالیب و مقالات جدیده کثرت استعمالی جائز دکلدرد.

کمال بک افندینک جز میسنده مندرج: « معافیله حربک بو فصلنده دشمنک هجومه قارشى مقاومت ، مقاومتنه قارشى هجومده عثمانی عسکرینک ممتازی درویش پاشا فرقه سنک بقیه سی و او بقیه نك الك ممتازیده جز می ایدی » عباره سنده و شیخ غالبک:

ایتدی رخ حنی نستر نزار
رخساره عشق و عشق رخسار

و عبدالحق حامد بکک :

صحت دولت اولیده مقدور

دوات صحبتندن اولدم دور

بیتلرنده کی عکسلر مقبولدر . چونکه هر بری معالی ،
مناسبتلی بر سوز دیمکدر . حال بوکه بر قهرمانك جلادتندن
بحث اولاندیغی صروده « شدت تحمل و تحمل شتده مظهریت
خصوصیه سی » واردی دیمکده عکس وارسه ده بو عکسندن
معناجه برفائده ترتب ایتمز . چونکه - (شدت تحمل) ایله (تحمل
شدت) تعییرلرینک آراسنده حکماً او قدر بفرق یوقدر .

تکریر -

تکریر - نامی دلالت ایتدیکی و کثرت تکرار بخشنده برنبده
بیان قلندیغی وجهله - برعباره ویا برفقره ایچنده برکله یی ویا
برتعیری برقاچ دفعه تکرار ایتمکدر که مقصد بو صورتله افاده یه
دها زیاده وضوح ، دها زیاده شدت ، دها زیاده تأثیر بخش
ایلمکدر .

شمدی ایراد ایده جگمز ایکی کوچوک مثال بو بحثی بزه
ایستدیکمز دن اعلا ایضاح ایدر .

بی ایتکله لطفه مستغرق

سز سکرز جمله یه بدل اوله رق

رغبت و حرمت ایتدیکم انسان

شکر نه عاجز اولدیم احسان

بر بزم برده سز شو دنیاده
 بشقه کیم وارسه هبسی رو یاده
 هبسی غائبده هبسی عین خیال
 یالکز بز وارز بزه میال !

عبدالحق حامد - تزر

§

نته کیم خاک ایچنده بیک حشرات
 بسنیر سایه سنده اجسادک ،
 بولیور نیشک اوزره اولادک
 هر جریحه کده بیک غذای حیات .
 نه بیوکدر سنک بو احسانک !
 دها قدسی اوشیر مادردن ،
 دها شیرین دهان دلبردن ،
 دها رونقلی رنک خاوردن ،
 دها رنکین حیاض کوثر دن .

عبدالحق حامد - ابن الموسی

شو بیت دخی بر کوزل تکریری شاملدر :

بیوکسک آلهی بیوکسک بیوک ،
 بیوکک یانکده قالیر پک کوچوک !

علی حیدر پک

— تدریس —

بو برنوع مجازدرکه انکله مؤلف خیالدن خیاله ، فکردن
 فکره درجه درجه حقهرق ویا اینه رنک ایستدیکی نقطه یه
 واصل اولور .

تدریجده - كرك چيقيمق و كرك اينك صورتيله اولسون - كياتك
معناً حكم و قوتلر صره سيله يكدیكرندن زائد ويا ناقص
اولق لازمدر .

تدریج صاعده مثال :

«... طارق بن زیاد نبردكل، سردار دكل، برارد وایدی، برقلعه ایدی.
او حيله كار برارد ووی اسیر ایتك، برقلعه بی تخریب ایتك ایستور دی. طارق
بن زیاد اردوده دكل، قلعه ده دكل. بر اقام ایدی، خبیث بربری او اقلیسی
تسخیر ایده جك، اردو باتوب سردار اوله جك، اقلیم اندن کیده جکدی.
محو اوله جقدق. بن یتشدم بر سرداره امداد ایله برارد ووی تخلیص، بر مملکتی
استرداد ایله بر ملتی احیا ایتش اولدم.»

عبدالحق حامد - طارق.

نشیده آتیه دخی كذلك تدریج صاعده مثالدر :

لطفكك ذكرنی ادا دشوار
قولكه چونكه التفاتك وار .
برده چشم سیاهك عشقنه صون
طورمه باشك اینچون بكا می صون
الامان ای پری پیای صون !

علی حیدر بك

تدریج هابطك مثالی ایسه جز میدن الدیغمز شوق فرهدر :

«... الایلر بر برینك امدادینه کیده کیده ایکی برنجی صف حر بلری تامیله
یكدیكرینه قارشدی. احتیاطلرده سلاح ارقداشلرینی تأیید اینچون برلرندن
اوینادی. طرفیندن طوب و تفك صدای کسلدی. ایکی عسکر مزارق

مهر راغه، قیلنج قیلنج خنجر خنجره، حتی بوغاز بوغازه اوغرا شمه باشلادی.»
کال

اوچنجی مبحث

معرفت مجاز

انواع مجازك تعريفاتی وحتی اسامیسنی بيله بیلیمان ذوات
ایچنده بونلری پك ماہرانه استعمال ایدنلر بولنه جنی کبی نظریات
مجازی تماميله عالم اولانلر ارسنده دخی قلماً هیچ بر اثر معرفت
کوستره میانلر ویاخود اودورلو صنایعی فنا بر صورتده استعمال
ایله اثرلینی بتون بتون مسخره یه چورنلر بولنه بیلیر. انجق بو
حال انواع مجازك - هیچ اولمزایسه اك مشهورلرینك - جهت
نظریه لرینی تعلمدن هیچ برهوسکار ادبی مستغنی بولنلر دیرمز.
واقعا نظریات عملیاتی وجوده کتوره مز اما اکمال و تنویر
ایده بیلیر. قدمادن پك چوغنك یاپدینی کبی اسلوبی انواع مجازه
بوغمقدن معناسزشی اولمدینی کبی معرفت مجاز فطره استعدادی
اولیانلره اوفضیلتی یکیدن اکتساب ایتدیرمز انجق شوراسیده
محققدرکه علم بلاغتک بوقسم مهمنی تتبع وتدقیق ایتمک - فکری
خیالدن، حقیقتی ظاهر دن تفریقه، کلماتک معانی حقیقیه سنی
فرق وتمیزه، افکارک اسلوب ایله روابطنی اکلامغه، مشاهیر
ادبانک طور افاده لرنده کی اک نازک اک دقیق فرقلری تفهمه،
بدایع ادبیه نک روح وقلبه اجرا ایتدیکی تأثیراتک ماهیتنی تعیننه

والحاصل قواعد اساسیة بلاغی یکدیگرینه مزج و خلط اتمامکه
مدار اولق حیثیتله - هیچ بروقده فائده دن خالی بولنه من .
مجازك حسن استعمالی هر شیدن اول حسن طبیعت دیدیکمز
ذوق وجدانییه ، حصافه ، جودت خیاله مقتدر در . انواع
مجاز عقل و حسدن غایت طبیعی بر صورتده تولد ایتلی و تکلف
و تصنع شائبه لرندن بری بولمغله برابر موضوعك حال و طبیعتیه
متناسب اولمیدر . و برده کثرت استعمالندن مجانبت ایدلمیدر .
زیرا که هر شیده اطراد موجب کلال اولدینی کبی کثرت دخی
تدنی قیمته سبب اولور . الحاصل انواع مجاز دیدیکمز صنایع
طبیعت اسلوبی اخلاص دکل تحسین ایتلیدر که استعمالی مدوح
و مقبول اولسون .

در درنجی فصل

صنایع لفظیه

بوفصلك مندرجائی : صنایع لفظیه نك لزومی و شرائط استعمالیه سی
 ۱- تناسب ۲- ایهام تناسب ۳- ایهام تضاد ۴- تنسیق صفات ۵-
 اقتباس و تضمین ۶- تلمیح ۷- تجنیس و ملحقاتی ۸- سجع و ترصیع
 (استطراد : سجع حقهده بعض مطالبات) ۹- وصف تجنیسی ۱۰-
 ایجاد و ترویج الفاظ خامه : بر افاده مهمه.

ادبیات دنیلان شی افکاری مکملیت هندسیه ایله مکمل
 و امکان مساعد اولدینی درجهده مجمل بر صورتده ترجمه و تبلیغ
 ایتمکدن عبارت اولسه ایدی قوانین و اصول عمومیه سی مثلاً
 هندسه دستورلری کبی تغیر ایتمک شانندن اولیان بر علم عد
 و اعتبار اولمق ایجاب ایدر و فقط هیچ بر وقتده صنایعدن
 معدود اوله مزیدی. حال بوکه ادبیات او یولده بر علم عد و اعتبار
 اوله بیلمک ایچون افکار بشرک مستعد اولدینی تزیینات و محاسندن
 بتون بتون عاری اوله رق تولدینه قائل اولمق ایجاب ایدر. حال
 بوکه امعان ایله نظر اولننجه کوریلور که بر مغنی موسیقی پرورک
 نغمات دلسوزی کبی بر ادیب صاحب طبیعتک افکار اصیلانه سی
 دخی روحندن مزین اوله رق شعشعه زای سنوح اولور .
 شو قدر که حسن طبیعت وقوه تفکرله اوزینت اصلیه بر درجه
 دها تصفیه و تحلیله اولته بیلیر .

بر اثر ادبىك تزينات لفظيه سى بر بنای معمارينك تزينات خارجيه سى قيلنددر: گرچه بر بنانك اودرلو تزيناتدن سكاني اچون برفائده زائده ترتب ايميه چكي كې اثار ادبيه نك تزينات صوريه سى دخی موضوعنجه يعنى افكار و تصور اتجه فضله بر مزيت قازانديره مز . مع مافيه اويولده كي تزيناتك دخی بعضاً بالطبع خوشه كيتديكنى ومنسوب اولدينى اثرلر حقتده دها زياده بر ميل ومقتونيتى جالب اولديغى انكار ايدمىز .

ديك اولور كه اثار ادبيه بعضاً تزينات لفظيه احتياجنده ده مستغنى بولنميه جق . شوقدر كه بويولده كي تزينات تحسين ايله چكي شيك لازم غير مفارقى حكمنده بولنور سه مقبول اولور . بودقيقه مهمه يه رعايت ايتيويده اثار قلميه لر ينى زوراكى تزينات ايله تحسينى وتعير ديكرله بر طاقم بارد تصنعات وتكلفات لفظيه دن عبارت اولان الوان بوقلمون ايله تلوينى التزام ايدن منتسبين شعر وانشانك قازانه جقلىر صيت ونام البته قليل الدوامدر !

انواع مجازه نسبة اسلوبك تزينات صوريه سندن محدود اولان صايعك اك مهملى ايسه اون عدده بالغ اولديندن انلرك دخی احكام وشرايطنى بوفصاده صرهميله بيان وتفصيل ايدمىز .

تناسب

تناسب بر فقره و یا بر عبارده جمع و تعداد صورتیله ایراد اولنان
اشیاء سنده فکرأ و یا ماهیة بر قرابت و یا مناسبت بولمستندن
عبارتدر . نامنه توفیق و مراعاة نظیر و مواخاة دخی دینیلیر .
مثال :

نخل قدندن عبارتدر هپ اول نازك تنك
اسمی وار عالمده سروك، نامی نخل كلشنك
باغه كل ای كل كه آچمش یاد حسنكله چمن
لاله دستن، غنچه آغوشق، سمن پیراهنك [*]
رئیس الكتاب عارف

نثره مثال :

«کویا که فلک بهارک زمینه و بر دیکی حسنه غبطه ایدرده افقده باغچه لرمزه
نظیرد یا غمه قالدیشیر: کونش یا طلوع و یا غروب ایدوبده صبا توجه باشلادی
کی بلوطلر پارملنیر. کی قیزاریر، یکی آچلمش کل کی قتمرقتمر اولور.
کی میشمیلنیر، باپراق شکلی باغلر، کی اغاریر، زنبق کی آجیق صاچیق
صائمغه باشلار. کی موراریر، سنبل کی، قندیل قندیل اوتنه بری به طاغیلیر.»
کمال - انباه

ایهام تناسب

ایهام تناسب بر سوز ایچنده قوللانیلان بر لفظک موضوع

(*) «پیراهنك» نون ایله (پیراهن) اولق لازم کلیردی. مع مافیة سوزك
معنأ درجۀ لطافتته نسبت لفظنجه اولان بوقصورده اوقدر اهمیت کورلیدی.

فکره دیگر برجهتدن دخی مناسبت مغنویه سی بولمقدن عبارتدر
که اکثریا معنای او مناسبت اکال وتنویر ایدر .
مثلا :

منافع مختلفدر اقتضای روز کار اوزره
دکل عریانه لازم نا حدایه باد لازمه

ضیا پاشا

و

شاخ کل غنچه سیله سر افراز
صالور روز کار ایلم ناز

علی حیدر بك

یتلرنده (روز کار) کله سی (عالم) معناسنه کلدیکی کبی (هوب
هوا) معناسنه دخی کلدیکندن و بویکنجی معناسیله کلمنك
اوافاده لر ایچنده مناسبت مغنویه سی درکار بولندیغندن بیتلرایهام
تناسبی شامل و بویکی سوزك مکملیت و منوریت معنالیینه ایسه
ایهام تناسب صنعتی کافل اولیور دیمکدر .
ایهام تناسب بزم لسان ادبك الكرنکین صنایعندن بریسیدر .
فقط غریبدرکه سائر صنایعك بر چوغنده اولدینی کبی بونده دخی
ادبای حاضره قدمایه تفوقلرینی اثبات ایتملردر .
مثلا کمال بك افدینك

سنگبار ظلم اولان تفریب قلب عالمه

حشر اولور حجاج ایله بیک کعبه بنیاد ایتسه ده

بیتنه معادل طوئیه جق اسلافك ائارنده برسوز کوره مدم .
کذلک عبدالحق حامد بك افدینك طارقنده زهرايه سویلتدیکی
برسوزك حاوی اولدینی صنعت (ایهام تناسب) دخی پك چوق
امثالک فوقنده کورینورکه اوسوزده شودر .

قادرین ارکک هرکسک اوقویوب یازمق بیامسی اسلامیت مقتضیاتندن
دکلیدر؟ بن یچون هرکسندن معدود اولیورم؟ اهل اولدینی ایچونمی بنی
نا اهل عد ایدیورسکیز؟»

اکثر شعرای اسلاف ایله مقلدرینک بر مهارت عجبیه ایله
سویلاکلی :

حاتم طای رکاب کره جودنده پست
بر مکی درگاه احساننده برکتر غلام
سامی

کورسه قاره چلبی زاده سواد رفن
روسیا هیله ایدر هجرت ملک سودان
عرفان پاشا

یواننده کی نه مطابق حقیقت ، نه ده موافق حسن طبیعت اولان
سوزلرک حاوی اولدینی صنعت ایهام تناسبه بکزرسه ده او اولدینی
کچی براز اشاعیده تعریفی کله جک اولان جناس انواعندن دخی
دکلدر . بنم اعتقادجه بو صنعت غریبه غریبک دخی صنایع
بدیعه سندن خارج و بعض طبیعتسز شاعرلر مرکز اختراعات
مخصوصه سندن اوله رق مطایبات قیلندن اولان افادات ایچنده
(مضمون!) دیه بلکه خوش کوریلورسه ده اسالیب جدیدده قطعاً
یا قیشق المدیغندن و یونی مراق ایدش زائد بر تکلف و بارد
بر تصنع اولدقدن بشقه فکری دخی طریق استقامتندن چیقارمغه
باعث اولدیغندن دهاته ادبامزک هیچ بروقتده مظهر نظر التفاتی
اوله مامشدر .

— ایهام تضاد —

ایهام تضاد بریرینک ضد ویا مقابلی اولان الفاظک برافاده
ایچنده فقط جناس معنوی یواننده ایرادن، عبارتدر. طبیعی اولمق
شرطیله ضرر سز برصنعت عد اولنور .

عبدالحق حامد بکک دختر هندو سنده کی : « سنکه بتون
دنیا بی طوئلاشم . قطبلره وارنجیه قدر کیده لم . نهایت امر یقاده
توطن ایده لم . بوکهنه جهانک حوادث واحوالی بیکی دنیا کی
بریردن محاکمه ایده لم ! » فقره سنده وکاظم پاشانک :
بابا طاغنده ده اولسم انا کی اغلادیرم

مصراعنده اولدینی کی .

بویله طبیعی اوله رق کییوبده تصنع ایچون پایلیرسه اندن
معاسر، اندن صغوق شی اوله مزکه بو حقیقتی دخی باقینک شو
مطلعی اکلایمه کافیدر :

عوام اوقور سنی تسخیر ایچون همیشه خواص
بو مخلصک ایشی دائم محبت و اخلاص

— تنسیق صفات —

تنسیق صفات ، اشخاص و اشیا دن برینی توصیف ایچون
صفات متوالیه ایراد ایتمکدر. ساقه لزوم ایله تکلف سز بر صورتده
اجرا اولنورسه مفید و مستحسن اولور .
مثال :

«حاصلی مہد انسانیت، مسجد اقصای دیانت، اولین درس خانہ حکمت، دارالمعلمین معرفت، نمونہ عمران مدنیت، مشرق انوار معدات اولان اسیا قطعہ سی جنکیز کبی سباعدن اشنع، شرک قدر ملعون، جہل کبی دنی بر داهیہ نک ظہور بلہ ہر طرفی تختہ دن یاپلہ قبا صبا صنملرلہ طولش بر بخانہ، ہر کوشہ سی قانی کلہ دن یاپلہ قلہ لرلہ مزین براستحکام وحشیانہ شکانی بولشیدی.»

شعرہ مثال :

ہیہات دلبر دیدیکم کیم؟ نسترن .
 یا نسترن کیم؟ بکا بن دیدیرن .
 ہمد صباوت، یار شبابت .
 علت ادراک، سبب محبت،
 مخطر ماضی، امید استقبال،
 شو حالہ موجب عز و اقبال،
 بدل عذاب، تسلیٰ محنت،
 فنادہ مکافات، عقبادہ جنت .

عبدالحق حامد - نسترن

بویہ اولیوبدہ مجرد صنعت ابرازی ایچون بر ذات ویا برشی
 حقدہ یاقشقلی یاقشقسز، مناسبتلی مناسبتسز بر چوق صفات
 اثباتنہ قالقیشیلیرسہ رھین مقبولیت اولہ مامق طبعیدر .

— اقتباس و تضمین —

(۱) اقتباس دینیلان صنعت مہمہ، تأیید فکر و ترین کلام
 ایچون آیات صکریمہ واحادیث شریفہ دن بعضیسی - آیت

وحدیث اولدیغنه اشارت ایتمک شرطیله - ایراد ایتمکدر .

مثال :

بدر ارباب فکرته بر خطاب
فاتقوا الله یا اولی الایاب
قیل هو الله ایله دلی مملو
الذی لا اله الا هو

شا کر احمد پاشا

نثره مثال :

«نا که امام المسلمین و قبیله ارباب یقین کمال انکسار و مسکنت و نهایت
خضوع و ضراعتله سجدهات نیاز نصرته وضع جبین ایتدیکی برهنکام
نصرت انجامده هاتف غیب ، که ترجمان لاریبدر ، دیوان بخشایش
قدرتدن «نصر من الله وفتح قریب و بشر المؤمنین یا محمد!» صدای جلالت
افزاسیله ابلاغ بلاغ فوز و ظفر ایتمکله...»

دیگر :

«نا کهان مانند نسیم بر بریدخجسته امانزد حقیرانه مه انقابله فتح دهان
مشک افشان ایدوب هم نفخه جبریل تبایغ سلام سلطان جلیل ایتدکده
صحرای بدن کلزار بهار ویا ریاض جان «جنات تجری من تحتها الانهار» اولدی .»
سامی پاشا مرحوم

اقتباسده وزن و قافیه ضرورتنه مبنی تغییر یسیره و اقتباس
اولنان کلامک معنای اصلیسندن معنای دیکره نقلنه بدیعون
جواز کوسترمشدردر . بو تغییر یسیر ایسه تقدیم و تأخیر و ترک
و تبدیل ایله اولور .

مثلا - امینک :

افاضه «ومن الماء کل شیء حی»
فسرده جسم نباتاته اولدی روح نثار

بیتمده نستعید بالله : « وجعلنا من الماء کل شیء حی » نظم
 جلیلندن جسب الوزن (جعلنا) ترك اولمشدر . وشاكر احمد
 پاشانك نستعید بالله « قال من یحیی العظام وهی رمیم » کریمه سندن
 مقببس اولان :

بردر اول قادر عزیز حکیم

فهو « یحیی العظام وهی رمیم »

ییتی كذلك مع التغییر اقتباسه مثالدر .

اقتباسده آیت وحیدیه اشارت ایدلامك مشروط اولدیغنه
 کوره سامینك :

بابتدای سور یعنی سطر بسم الله

برمن آیت « انالرب لکنود »

ییتی وشاكر احمد پاشانك :

مقتضای حدیثی قیل تذکار

« ودواء الذنوب الاستغفار »

ییتی صنعت اقتباسدن معدود اولماق لازم کلیر .

اقتباسده اك زیاده دقت اولنه جق شی مغایر شرع وآداب
 امور سفلیده وخصوصیه معرض هزل و مزاحده اجرایه
 قالمشمله تعظیم واحترامه منافی حرکتدن استعاده خصوصیدر .
 بو حالده رمزینك :

اولیرز ایچمینجه بر دم می

« ومن الماء کل شیء حی »

ییتی شطحات صوفیانه حکمنه ارجاع ایتک ممکن اولدیغی

حالده حاوی اولدینی اقتباس مقبول دکل مباح بیله صایله میه جق
بر حرکت لایبالایانه اولمش اولور .

(۲) تضمینه کلنجه، بوده مقتضای حاله موافقتی و یا حد ذاتنده
لطفاتی جهتیه بر بشقه سنك اشعارندن بیت ویا بر مصراعی
شاعر کندی نشیده سنه قاتمقدن عبارتدر .

تضمین اولنان سوز عندالبلغا مشهور ایسه بینه دن
مستغیدر . مشهور اولمدینی صورتده سرقت دینامك ایچون
قائلنه اشارت اولتمق اقتضا ایدر . نفعینك بر قصر تعریفنده کی
قصیده سنده شو ایکی بیت مع التصریح تضمینه مثالدر که بیت
ثانی باقینك اولدیغنه اشارت اولنمشدر :

بومخلده عجب اوصافنه شایان کورینور
نوله بوپیتی باقینك ایدر سه م تضمین :
« دفع یا جوج غمه ایشیکیدر سد سدید
منع جیش المه در کهیدر حصن حصین »

عندالبلغا مشهوریتته منی بلا تصریح تضمینه مثال دخی ،
یکی چریلرک تنکیلنده عزت ملانك سلطان محمودخان ثانی حضرتلری
وصفنده سویلدیکی قصیده دن ، اشاغیکی بیتلردر که مصراع
ثانیلری نفعینك اولدینی بیلنه جکیچون اشارت اولنما مشدر .

شاه دورانه دیمزی روح عثمان شهید :
« برغزا ایتدك که خشنود ابلدك پیغمبری »
خان مراد اول قهرمانه بویله ایتیزی خطاب
« آفرین ای روز کارك شهسوار صفدری ! »

تضمین ایدیلان سوز بشقه سنک اولدیغه اشارت به
 بر تکلیفی موجب اوله بیلیر . بناء علیه اومقوله سوزلرک
 مشهور اولسون کرک اولسون و کرک قائله اشارت ایدلسون
 کرک ایدلسون - ایکی طرفه بر چفته معترضه اشارتی وضع ایدی *
 ویرمکه هیچ شبهه محل براقماق هم قولای هم دهها مناسبدر .
 تضمین بعضاً تزییف یولنده دخی اولور که غلظتدن و آدابه
 مغایرتدن بری اولمق شرطیله مباحدر .

عاشق عمرک :

هرکسک یاننده یاری صالتور بکار کی

مصراعی عزت ملانک :

اردینه دوشمش دل زارم یلر سکر کی .

مصراعیله تضمینی بوقییلنددر .

تضمین یالکنز ترکیهیه مخصوص دکل عربی و فارسی سوزلر
 دخی تضمین اولنور .

مثال :

سندہ یوقسه دخی الم چکمه

کنز مولاده سم وزرچوقدر

که بیورمش خلیفه بالحق

«ضمن الله رزق کل احد»

عزت ملا

دیگر :

«قدر زرر کر شناسدر قدر جوهر جوهری»

قدرک آنکچون بیلن یوقدر شه اکرم کی .

نفی

- تبلیغ -

تبلیغ اطلاق ابتدایکمز صنعت منشورات و منظوماتده صرف
عربیجه و فارسی بعض جمله لر و ترکیلر بولندیرمقدن عبارتدرکه
بونلرک اقتباس و تضمین یولنده اولماق و کندی کندیلرینه برر
معنای تام افاده ایلک اقتضا ایدر

رئیس الکتاب عارفک نعت حضرت نبوی پی شامل قصیده سندن:

(فداک روح ای) ای دو عالمک جانی!

ایسریر کلاک شه جهانبانی!

مطلعنده و تفعینک خسرو پاشایه سویلدیکی مدحیه دن:

بوری فتح ایله نه ایزانی قونه تورانی

غم یمه (ایدک الله تعالی و نصیر)

و نایینک (خیر آباد) ندن:

نابی بوفتادن ایله پرهیز

برکون دیمه دن زمانه: (برخیز!)

بیترلنده اولدینی کبی:

مشاهیر اسلاف ادبامن بوضعتی یک ماهرانه بر صورتاه

اجرایه موفق اولمشلردرکه از جمله ندیمک:

فلکده اوج عیوق اوزره بربر واری دیرلرسه

لب بای تبسم اوزره دیرکیم (انه هذا)

و

(کجاست کوی ندیم؟) ترانه سیله بودم

کلیر جهاننه کل افشان اولوب اوتاز نهال.

بیتلری بومدعائمه برر دلیلدر .

تزیین کلامه خدمتندن بشقه لسان عثمانیک عربی وفارسی
لسانلریله مناسبت وقرابتی تأکید دخی مدار اولان
بوصعت مقبوله نك ادبیات جدیده اربانجهده مرغوبیتی تمنی به
شایاندر . شوقدرکه بونده دخی مرعیتی اقتضا ایدن ایکی شرط
وارددرکه برنجیمی لزوملی لزومسز ، یاقشقلی یاقشقسز اجراییه
کلامی تلمیع ایده جک یرده ملمع ایتمامکدر . چونکه او حالده
یازیله جق شیلرک ترکجه لکی ضایع اوله جفتدن بالطبع لطافتی
اوله مز . (مصراعی کاملاً فارسی ویا عربی ویدیکری ترکجه
اوله رق قدماتن بعضیلرینک اظهار فضیلت و ابراز صنعت
ایچون سویلدک لری موزون اقریدیلر - که نامنه «ملمع» دینیلیر -
صدد بمحتمزدن بتون بتون خارجدر .)

ایکنجیمی استعمال اولنه جق حمل و تراکیب عربی ایسه عربک ،
فارسی ایسه عجمک فصاحت الهجه سنه موافق اولوق و مزاج
یوانده بولنما مقدر .

ایشته بو ایکی شرطه رعایتک لزومنی ده یرتوک بیت آتییی
تفهیم ایدر :

عبت عبت او عرب بجهدن شکایت عبت
دیدکده آکه : (یاسیدی تمال !) کلدی می ؟

— تجنیس و ملحقاتی —

تجنیس، که جناس یا تمق دیمکدر، لفظی و معنوی ناملریه
ایکی به منقسمدر.

(۱) جناس لفظی بر سوز ایچنده تلفظ واملاده تماماً
و یا قسملاً متحد و معناده متخالف الفاظ ایرادنن حصوله کلیر.
« توجّه ایلسه دانشوران دهره قضا »
« وبرر افندی ضروری هان قضا به رضا »

بیتنده کی قضاالردن برنجیسی حکومت شرعیه معناسنه، دیگر
ایسه قدر مراد فی ایلان معنای معلومه کلدیکی وبونلرک تلفظ
و کتابتده متحد بولندیکی ایچون بوسوز برنجی درجهده و عزت
ملانک :

یلان کهنه بی قیلدی یلانجی پهلوان اولشاه
جهانک شمدی اولدر قهرمان تازه دستانی

بیتنده کی (یلان) لفظی - پهلوانلر - معناسنه اولدیگی
وبونک مجانسی اولان (یلانجی) کله سیله تلفظده، واکر شاعرک
اختیار ایتدیکی املادن قطع نظرله حق اوزره (یلانجی)
یازیله جق اولورسه، کتابتده دخی مشابهتی قسملاً بر مشابهدن
عبارت بولندیکی جهتله بوده مرتبه ثانیهده بر جناسی حاوی
دیمک اولور .

شوتعرفدن اکلاشیلیر که جناس لفظیده ایراد اولنان کلماتک تلفظ
و کتابتجه اتحادی علی الاعلا فنه مدار عد اولنه رق اندن صکره
الفاظ متجانسه اره سنده کی مشابته نه قدر زائد اولورسه جناسک
دکری اونستده تراید ایدر. مثلاً بر مجموعهده کوردیکم :

« دل که شمع رخ جانانه اوله پروانه »

« آتش عشق ایله یاغمدن اکا پروانه ؟ »

بیٹی ویاخود :

« خوان حقدر بوفلک مهریله مهدر ایکی نان »

« مهره کیمسه دکامش مهدر اراده طوغانان. »

« هر نه دکلو طوغانورسه دمیدم آرتارینه »

« نعمتک ارتسون دیرایسه ک طورمه سنده طوغره نان »

قطعه سی بو صنعته مفتون اولانلر نظرندده مثلاً عزت ملانک :

یوزیمز یوق خدایه یالواره حق

بیله مم حایز نه به واره حق ؟

مفردندن برقچ درجه دکرلی عداوانسه کر کدر. حال بوکه

یوقاریکی سوزلرک حکمی برخیال خام وعزت ملانک مفردی

ایسه - ایراد اولمق ایچون دائماً مناسب دوشر - مناسبلی ایراد

اولنجه حسن تأثیر ایدر - بو جهتله هر کس ایچون خاطر

نشان اولمغه لایق کورینور حسبجالی متضمن برکلامدر ! :

بوصره ده شونی ده اخطار ایتمک غایتله مهمدرکه : موضوع

بحث اولان مفردک (یالواره حق - واره حق) کله متجانسه لری جامع

اولسندن طولایی جناسلی برسوز عداولتمسی جناس حقنده عموماً

قبول اولمش اولان تعریفه داخل کورنمندن نشأت ایدر. حقیقت

حالده ایسه او کله لرک او مفرد ایچنده حکمی بربرینه (قافیه

مقیده) اولمقدن عبارت اولدیغنه نظر اولنورسه بونده تجنیسنه قائل

اولمق هم طوغری اوله مزهمده - بو سوزی ده بتون التزام

صنعتله سویلنیلان واکثریا جدیدت شانندن اولیان سائر

مناسبتسز لکلر عدادینه قاتمق اوله جغندن - لایق دکدر .

(۲) جناس معنوی ایسه بر سوز ایچنده ایکی معنالی اوله رق
ایراد اولتان الفاظک دیگر معنالیله صدد بحث ارسنده کلی
وجزئی - قریب وبعید بر مناسبت بولمقدن وجوده کلیر. نامه
مغالطه معنویه دخی دینیلیر . رئیس الکتاب عارفک

عذارکله لطافت بحث ایدرسه لاله طاغیدر

ایکلرنک وبو دعوی ایدرسه غنچه باغیدر

مفردنده (طاغی) کله سنک غلط کویانه بر معناسی (جبهه
منسوب) دیمک اوله رق دیگر معناسی ایسه (ازغین وعاصی)
اولدینی کبی (باغی) دخی هم (باغه منسوب) هم ده (سرکش)
معاسنه کلدیکندن وسانکه کله لره بویله ایکیشر درلو معنی ویرش
صده مناسب اولدیغندن طولانی بر مکمل جناس معنوی وجود
بولش اولیور !

جناس افظیدن جناس معنوی نیک ایویک فرقی - جناسی داعی
کله نک - برنجیسنده لفظاً وایکنجیسنده معناً تکرر ایتمیدر.
مثلاً امرینک :

صنعت کوزکه عشوه وناز ایله کرشمه

عادت مژه که تیغ ایله عشاقه کرشمه

مطلعه نده (کرشمه) کله سنک لفظاً تکررینی کوردیکمز جهته

حاوی اولدینی جناسک برجناس لفظی اولدیغنده تردد ایتمه یز.

رئیس الکتاب عارفک ایسه شو :

ذوق آشنای عشقه صفای مدامدر

بیکنانه محبته عشرت حرامدر

مفردنده (مدام) افظنک (دائمی) و (شراب) معنالی نیک

ایکپسندہ حملی جائز اولدیغنی ملاحظه ایلدیکمز حالده معنا
تکررینه قائل اوله جغمزدن بونک حاوی اولدیغنی جناسکده معنوی
بر جناس اولدیغنده شبهه ایتمه یز .

جناس لفظی و معنوی بر بابانک اولادی، بر استادک تربیه کرده لری
اولدقلریچون طور و مسلکجه بر برینی اندیررسهده هر برینک
مزاج و مشربی دقتله معاینه اولننجه اره لرنده آچیق آچیق
مغایرتلر کورینور .

جناس لفظی طبعی اقتضاسنجه زیاده لایالی، زیاده جری
بولنمق ایستر . پرده بیر و نلقدن هیچ چکنمیز :

لطف ایله قیروب کچیرمه خلق
عشاق شکسته بسته کورمه
یا چشم کبوده سرمه چکمه
یا قاشلرک اوزره وسمه سورمه

رئیس الکتاب عارف

قابلیت اصلیه سی محدوددر :

طاغ طاغه قاوشمز دینور اما که جکرده
صدداغ قاوشدی دخی دل یاره قاوشمز
وله

بردرجه یه قدرده خود بینلکدن، تجلددن کندیسنی آله مز :

ناکاه کناریمده کوردم
صید ایلر ایکن او ماه ماهی
عکس رخ ییمده برق اورنجه
کوردم اومه ی بوشب کماهی
وله

جناس معنوی ایسه اطوار و مشوارینی دائماً بر محویت ،
بر تراکت پرده سی آلتنده کیزله مک ایستر :

زیر زلفنده کی اوخال سیاه
کیم انک قدری مشکه برتردر
پرده دار حریم رخساری
بنده مقبل آدی عتیردر

رئیس الکتتاب عارف

طبیعی خفایه ، سکونته مائلدر :

سخت رویانه اولور نرم نهادان محتاج
دوشمسوز رشته چالسون نظر سوزندن
نبی

ارباب قدرت و اصحات حسن طبیعتک تربیه و حمایه - سه
مقارن اولور سه تعدیل طور و تصحیح مسلك ایتمه استعدادی
مساعددر :

اهلیله یانان کناهسزدر
اهلیتی اشتباهسزدر
معبود آتی دوز خنده یاقز
جنتدهده اهلسز براقز
عبدالحق حامد - دختر هندو

(بر استطراد دهها)

قدمای ادبامزدن بر طاقنک بوتجنیس صنعتنه درجه لره قدر
اهمیت و یردکاری مؤلفات ادبیه لری قارشیدیر یلنجه جناسدن خالی
اوچ بیت ویا اوچ سطره تصادف اولنه مامسیله ثابتدر .

جناس ایسه مثلاً باقینک :

نطف ایدوب اول شه فرشته خصال
فوزیلر ایلش قولینه عطا
دائماً قیل دعایی ای باقی
قوزیلارن باغشلون مولا

قطعه‌سنده اولدینی کبی برحس طبیعی سوقیله سویلنمکه برابر
کندنده تصنع و تکلف شائبه‌لری بولمیان افادات ایچنده ایسه
بردرجیه قدر چکیلیر وحشمتک :

خلعت زیبای تفتیشی فاک
کیم دیدی بر ریزه‌لی یرتلازه ویر ؟
ریزه ریزه بز کبی بیرت لازه ویر !

قطعه‌سنده اولدینی کبی قدح و ذمی مشعر و یاخود ینه حشمتک
بوعرصه کیده قوت بخت ایله آصنا
اشهب سوار دولت اولان استر ایسته‌مز
لکن پیادکان ره صعب اغتراب
محتاج اسب واستر اولور ایسترایسته‌مز

قطعه‌سنده اولدینی کبی کنایه‌نی، تعریضی متضمن سوزلرده ایسه
بعضاً خوشه کیدر و علی الاطلاق خفیف ولاغ و لطیفه‌دن عبارت
موضوعلرده - اولاً کثرت استعماله دوشماک ثانیاً ظریفانه
و ممکن مرتبه تکلفسز اولمق ثالثاً پک آچیق اولماق شرطیله - یا قیشتق
آلیرسه ده کندیلرنده فائده و تأثیر جهتی هرشیدن اول آراقمق اقتضا
ایدن اسالیب جدیدده غایت الفایه صفوق دوشه جکندن استعمالی

تجويز اولنيز وحتى سوق كلام ايله طبعی اولديني وقتده دخی
مكن ايسه كرى چويرمك ايجاب ايدر.

بو افادات جناس لفظی حقنده در. آنجق جناس معنوی
دخی بویله برتفتیش شدیددن بتون بتون وارسته دکلدر. آندهده
زیاده احتیاط واجبدر.

هیچ بروقت نظر دقتدن اوزاق طوتلیه جق حقیقتلر دندر که
معقول اولیان برسوز نه قدر صنعتلی اولورسه اولسون استقامت
فکر وسلامت طبع نظر نده مقبول اوله مز. مکرکه حسن خیال
وشعشعه تصور کبی ادبیاتجه اک بیوک منیتلردن، بلکه اک مهم
فائده لردن اولدینی اوزره بر لطافت دلفریب و برجاذبه جانپور
ایله فکر ونظری محبتنده بی اختیار بر اقسون !

جناس التزامیه سویلنن سوزلرده ايسه همان عمومیت اوزره
بر حقیقت، بر جهت معقول بولنه مدینی کبی اولیه انسانی حیران
ایده جک بر لطافت دخی کوریه مز. قدما نك جناس لفظی یی
شامل سوزلرندن اک مکملی شو :

توجه ایلسه دانشوران دهره قضا

ویرر افندی ضروری همان قضایه رضا

یتی و جناس معنوی یی حاوی نشیده لردن اک پارلاخی ايسه شو :

عذار کله لطافت بحث ایدرسه لاله طاغیدر

لیکله رنگ و بو دعوی ایدرسه غنچه باغیدر

مفردی اوله جق پک اعلا ! حال بوکه بونلرک برنجیسی
حکمنجه - (ارباب دانشه کوره قاضی اولمق قضایه اوغرامق
قیلندن اولدیغیچون ضروری رضا کوستریلیر) دیمکده هیچ

بر حقیقت وایکنجیسنه کوره نظر شاعرانده - بری قدح
 شکلی آلمش شراب منجمد، دیکری هنوز کسب انبساط ایدمه ماش
 مجسم خنده صفا - دیمک اولان لاله و غنچه کبی ال لطیف، ال نازک
 ایکی چیچکه - ولوکه طاعده بتسون ایسترسه باغده حاصل
 اولسون - طاغیلک باغیلک اسناد ایتکده ذره جه لطافت بولنه مز.
 شو افادادن معلوم اولورکه تجنیس دینیلان واثار قدما ناک
 نظر رغبتدن اسقاطنه اک جدی سبیلردن اولان بو لفظ
 اویونجاغنه، بوفکر بازیمه سنه طرفدار دکلز. حال بویله ایکن
 اویجی بوقدر تطویل ایدیشمز، تقسیاتی، تعریفاتی، مثالری،
 تطبیقاتی ایله کتب بلاغت ایچنده متعدد صحیفه لر طومش اولان
 برصنعتی سکوت ایله کچشدیرمک لایق کوریه مامکه برابر ماهیتی ده
 ممکن مرتبه کلامق فکرندن نشأت ایلدیکه چون مشکور صائیر سه
 بیله معذور طوتیلور اعتقادنده یم!

- اتحاد اشتقاق و شبه اشتقاق -

تجنیس ملحقانندن اولان اتحاد اشتقاق ویا شبه اشتقاق صنعتی
 برسوز ایچنده مختلف معنایه قوالانیلان ایکی لفظک من جهة
 الاشتقاق اتحاد ویا مشابهتدن عبارتدر .
 ترکیبک: «مرتاض هزال زده عقل پادر عقلی بیغوله زار
 محله خاموشاتی ترجیح مصطفی میفر و شان ایدوب» عباره سنده کی
 (عقل - عقل) کله لری کی .

مشتق منهلری متحد و یا متشابه اولان کله لرک برفق رده جمعی تعریض
 وتهکم و یا تضاد و مقابله کی برفائد زائده حصولی مطالعه سنه مبنی
 ایسه مدوح و مقبولدر . کمال بکک بر اثرنده مندرج : « افاده می
 بر حال ایله تلقی ایتدی که تعریفه کوکل طیانمز . بیله مم که نام مقدس
 احمدی زیور زبان احترام اولدینی زمان ابولهب او مرتبه لهیب
 افشان غضب اولور میدی ! » فقره سنده وعاکف پاشانک پرتو
 پاشا حقنده کی : « قوت طبیعت و سلاست منظوماتی انکار
 اولمز سه ده یابدینی ابیات ایله ییقیدینی بیوتک وزنی میزان آخرته
 معلوم اوله جعندن غیری ... » عبارده سنده ونفعینک :

فلک دیدکری اول نابکار سفلیدن
 نه در بواهل دلك چکدیکی عذاب و ام
 بر ایکی ملتزی ایلدی حواله بکا
 که اشتراک ایله ایتشال التزام ستم

قصعه سیله :

« قابل اولسونده کشی ایسترسه مقبول ازلسون »

مصراعنده اولدینی کی .

بویله اولیوبده صرف و تصنع ایچون او مقوله کله لر بر سوزده
 بولندیر یلیرسه حکمی بر جناسی عادی افضلیدن عبارت اوله جفی
 جهتهه بالطبع بارد و نظر اعتباردن ساقط اولور .
 رئیس الکتاب عارفک :

اولش رقیب بزمنه یارک ندیم خاص
 نوبت ایررسه عاشقه سیرایت ندامتی

بیتمده اولدینی کی .

«طارق» ده زمرانك - معشوقيله قارشيلقلى اوله رق نظم
ايتدكلى برشعر عاشقانه يى حضور پدردده او قومغه جسارت
ايتدكلى ايچون - برادرلرينه وقوع بولان خطاب آتيسى اتحاد
اشتقاق صنعتك طييعى اولمقله برابر تضاد ومقابله يى دخى حاوى
اولانجه نه قدر لطيف، نه درجه مؤثر دوشديكنى اكلادير؟

«بوللى او قومندن مقصد نه در؟ بنى ادبيه يا خود بى ادبى كوسترمك
ايتيورسكن؟»
عبدالحق حامد

شبه اشتقاق صنعتى بعضاً بر تضويه برهان صورتنده دخى
اجرا اولتور. فؤاد پاشا مرحومك :

حكومت حكمت ابله مشتركدر
وزير اولان حكيم اولق كر كدر

ييتنده اولديغى كى .

--- قلب ---

جناس ملحقا تندن معدود اولان قلب صنعتى دخى بر سور
ايچنده بولان لفظينك حروف مركبه سى تماماً ويا قسماً بر برينك
عنى اولديغى حالده ترتيبده مختلف بولملىرىدن عبارتدر. جناس
لفظيده ككّه متجانسه لرك اتحادى ازدياد مقبوليته مدار اوله رق
اومقوله جناسلره (جناس تام) اسمى ويرلديكى كى قلب صنعتنده
دخى كله لردن ايكنجيسى برنجيسنك آشاغيدن يوقارى طوغرى

صره سیله عکسندن حصوله کلان شکله مصابق اولمق صور
سائرۂ تقلیبیه نك هپسنه مرجح عد اولنور. و نامنه (قلب کل)
دینیلیر. مثلاً :

الده بولندی عزت و عرفان اولور روای
یاور بزه دکلدر امل شهرت وریا

بیتنده مصراع اولك صوك کلهسی اولان. (روای) ک مرتباً
عکس و قلبندن مصراع ثانینک ابتدا کی کلهسی بولنان و قائلک
مخلصنی اشعار ایدن (یاور) لفظی حصوله کله جکی محتاج بیان
دکلدر. دیمک اولور که بیت بر (قلب کل) صنعتی حاویدر. بری
دیگرینک مشوشاً مقلوبی اولان کله لری جامع سوزه مثال ایسه
شو اوچ بیتدر :

درون اهل قسم هپ سقم بوزندیسیدر
عموم جمع بوزندیسیدر
اهمدر رمه عیده تحسر اشخاص
باقلسه ماه حقیقت اهم بوزندیسیدر
ارمدن آدی اخراجه مادر باعث
که نام مار عزیزا ارم بوزندیسیدر

صنعت قلبی شامل مشهودم اولان آثار ایچنده اک مکملی
شاهین کرایک برغزیدر که برقچ بیتی نقل اولنور :

یار کلوب عاشقک منزلی قیلسه جای
ایتمه می کون یوزی دیده لری روشنای
یانسوب اول ماهه تا خنجر سرتیزون
ایلم اغیارینک سینهنه سنی هم چونای

یان و یروب ای مهلقا قاجه بوغمخواره دن
آتش هجرانکه یانغه کورمه روای
یاور اولورسه اگر لطف خدا بر قوله
برپوله محتاج ایکن دهره اولور پادشای

ماهیتی شو تعریفدن اکلاشیلان و حکمی ینه بر لفظ
او یونجاغندن عبارت اولدینی ایراد ایدیلان مثاللردن معلوم
اولمق لازم کلان بو صنعت قلب دخی او یله معیار فصاحت
و بلاغه کایر شیلردن دکدر . مع مافیة عندالقدم بوکاده ایجه
اهمیت ویرلمش و حتی بو یولده صنایع پردازلر ایچنده کندیسنه
زیاده اعتناسی اولان نابی دخی دیواننده بری سکنر ، دیکری
طقوز بیتدن مرکب ایکی غزانی بو صنعت حصر ایشدر .
غزللرک درجه بلاغت و لطافتی اکلاشامق ایچون اوچر بیتی
یازلدی .

کوکلده داعیه مال امل بوزندیسیدر
نمود سلك قناعت کسل بوزندیسیدر
کتابلرله مدارسده بحث ایدر طلاب
کتاب جلدی آنکی چون جدل بوزندیسیدر
مناسبتله در اوضاع تسمیه نابی
لغر هاه قتی واضح غزل بوزندیسیدر

§

کوکلده داغ محبت غذا بوزندیسیدر
او آه واه تعلق هوا بوزندیسیدر

فتیر موره اولور قید بال عین بلا
وداعی ناف زمیندل فنا بوزندیسیدر
اگرچه واندن اولور نابیا نوا پیدا
ولیک راه حقیقت رها بوزندیسیدر !

برده مقلوب مستوی واردرکه سوزک یوقاریدن اشاغی
اوقونشیله اشاغیدن یوقاری اوقونشی بربرینک عینی اولمقدرد .
شو بیت مهمله اولدینی کبی .

الهی لعل درد لعلی بلا
اودر او روحه حور وار دوا
نظمی

بو تفصیلاتی ده قلب دینیلان صنعتک نهدن عبارت اولدیغی
اکلاتمق ایچون اختیار ایتدک !

— سجع و ترصیع —

یوقاریده بریرده بالمناسبه (نثرده نه سجع ملنزم ، نه ده ترصیع
مطلوبدر) (*) دیدیکم کبی دیگر بریرده دخی (نثرده قافیه
بردازاغه هیچ لزوم اولمیدیغی) (**) سویلدیکم البته خاطر کزده در .
حکمی بر اولان شو ایکی نوع سوزده عائد ایضا حاتی او وقتلر
شماها اعطا ایتدیکم کبی شمدی یری کلدیکی ایچون تحریر آدخی
نظر اطلالعکزه وضع ایدیورم :

بندہ کزک اولقر دیلردن مقصدم: برشی یازدیغمز وقت مسجع
ولمسنی التزام ایتمه یز. هله مرصع اولمسنی هیچ دوشونمه یز - دیمکدن
عبارتدر. چونکه اویله بر آرزویه دوشه جک اولورسه ق مقالاتمزی
سائر برچوق عیب وقصوردن سالم بولندیرمغه موافق اولسه ق بیله
آز چوق اختیار تکلفات ایده جکمزدن طولانی یازدیغمز شیلر
اسلوبجه بر بیوک مزیتدن محروم اولمق لازم کلیر که اومزیت
دخی (طبیعت) خاصه جلیله سیدر .

دیمک اولیور که افادات سابقه مزک حکمی التزامی اولان سجعه
وتصنی اولان ترصیعه مخصوص اوله برق یوقسه اشاعیده ایراد
اولنه جق بعض مثاللرده کی کبی شرائضه موافق وتزین اسلوبه
کرچکدن خادم اولان تسجیعاته و احیاناً سوق طبیعتله دوشه
بیلمسی دائره احتمالدن بتون بتون خارج بولنمیان ترصیعاته شامل
دکلدر .

بوسجع وترصیع ذاتاً بیلمدیککز وعلی الخصوص سجع آره
صره سزکده واسطه تزین مقال اتخاذ ایتمه دیککز شیلردن
اولدیغی ایچون قاعده تعریف ایتمکسزین بویله بر مقدمه
سردنده بأس کورمدم . ایشته تعریف وتقسیمه ده شروع
ایدیورم :

- سجع -

(۱) سجع. اطلاق اولنان شی نثرده مخصوص اوله برق خلال

تراکب و عباراته فواصل کلامیه ده و یا بر برینه معطوف و اکثریا
بر لفظ ایله مربوط اولان جمل و فقراتک صوکلرنده واقع کلماتک
اواخری حروف و حرکات و سکناتجه متحد بولنقدن عبارتدر.
اولکی صورتده اولان اسجاءه (سجع مطلق)، ایکنجیسنه
(سجع مقید) و یا خود (سجع ربطی) دیرز .

« دور استیلا » رساله سندن :

« فقط خصمیله چارپشمغه باشلار باشلامز سوق روز کار اجزای وجودینی
تارومار ایتدیکندن او آتشاره جلادت یوق یره محو اولدی کیتدی. »
کمال

فقره سنده کی (روز کار - تارومار) سجعی مربوط و مقید
اولدیغندن یعنی (تارومار) دن صکره کلان (ایتدیکندن) کله سنی
(روز کار) لفظنه الصاق و الحاق ایدمه جکمزدن بوسجع (سجع
مطلق) انواعندن دیمک اولور .

حال بوکه ینه « دور استیلا » دن :

« خلفی سلطان اورخان ایسه اول حمله سنده بروسه نک بنیان مقاومتی زیر
وزیر و اوزمانه قدر رخس غزا اوزرنده بیقرار اولان سریر حکومتته
بو شهر غرابی مقر ایتشد. »

فقره سنده (زیر وزیر - مقر) سجعی (ایتشد) لفظیله
بر برینه ربط و بند اولدیغندن بوده (سجع مقید) و نام دیگرله
(سجع ربطی) قیلندن اولمش اولور .

سجع مطلق ایچون برقاق مثال :

« ای شکوفه کلزار ابوطالب (!) وای اسداه الغالب (!) وای مه تر (!) بهتر (!) »

اهل زمین وزمن (!) وای معدن جوهر حسین وحسن (!) هذافراق بینی
وینک . رأی عقدہ کشا وضمیر عالم ارا کہ . . .

فضولی - حدیقه السعدا .

وبوسریه جلیله نك اصحابی نقاة (!) نخله رواة (!) اجماعی اوزره موکب جلیل
القدر مهاجریندن ایدی . بودقیقه (!) حقّه جوهریان سپرده برعقیقه (!)
درکه . . .

سروسی

بوخبر (!) عم آور (!) سامعه کذارسید البشر (!) اولدقده مرآت ضمیر لرینه
وسیله کدر (!) اولوب . . .

نابی - ذیل غیر

احکام عناصر کجریانی (!) اجسام کشفه ولطیفه یه حلول ایدن برقوت
کلیه فلکیه نك اثر سریانیدر (!)

سامی پاشا - رموزالحکم

وساثر (!) بوحوالیده دأثر (!) ولانلر بربرلرله محاربه ایتیمورلر . سوزه
کلنجه طالع غدار (!) حالانجی تکدیر و آزار (!) ایدیور دیورسکیز .
یوسف کامل پاشا - تلاق ترجمه سی

سجع مقید ایچون برقاچ مثال :

مراسم توقیر توقیرنده احوال وتقصیر اولتیموب خلع فاخره (!) وانعامات
زاخره (!) وضايفات وافرہ (!) ایله ذوی القدر اوغلی طائفه سی مغتم اولدیلم .
وکرانله صحبت واستیناس صوری (!) ودفع توخش مهجوری (!) ایچون
تقد مجلس . . .

خواجه تاریخی

الهی واقف کیفیت حال (!) وعالم دقایق افعال سن (!) بیلورسنکه
سندن غیری معین ومظاهرم یوقدر (!) واطراف جوائیده حاسدومعاندم
چوقدر (!) عمیم مکارمکدن (!) وکریم مراحمکدن (!) توقع بودرکه بوبنای

مجدد تعمیرنده (!) و بوملك مؤید استخیرنده (!) الفاظ را معاینیدن جمیع مصالح
مهیما . . .

فضولی - حقیقة السعداء

یکه سوار غالب علی ابن ابی طالب کراماه وجه ابتدی: یارسولاه
همکاران خدمت درگاه اولان یاران انجم نظامی مانند فرقدین دوکانه
معانق کردن اخوت ایتمه دلشاد و خرم (!) و بوقوالیکی نکایة اہمال ایلہ
هم خوابہ محنت و غم (!) ایتمش سز دیدکده . . .

سیروسی

سییده دم قطیفه بوغازی نام ممردن کذراولندقدہ دیدہ اشتیاق پرورہ
بر بحر اخضر بیدار اولدیکہ تحریک نسیم روح بخشادن صفوف امواجی سواحل
آفاقہ پیوستہ اولغله احاطہ پرکار مدبصردن بیرون (!) و اندازہ باصرہ
مساحہ ساحہ سنده کوتاہ اولیق مرتبہ سندن افزون ایدی .

نای - تحفة الحرمین

فقط توحید خدا (!) و لزوم بعثت انبیا (!) امرندہ موفق اولورق
اختلاف عبارات ایلہ ادا ایتدکاری مألرک کافہ سی متناسب و مؤتلف (!)
و کویا « جہانک مقصودی بر اما روایت مختلف » (!) حکمندہ در .

سامی پاشا

بونلردن بشقه برده (سجع مفروق) وارد درک اودہ سبک
مفصولہ موافق یازیلان مقالاتدہ جاریدر . اشاعیکی مثاللردہ
اولدینی کی .

امام جعفر صادقدن نقلدرکہ افراد کرہہ بش کشیہ منحصر در .
بری آدم کہ بہشت فراقتدن نالان ایدی . وبری یعقوب کہ یوسف ہجرتدن
کریان ایدی . وبری یوسف کہ یعقوب دردندن پریشان ایدی . وبری فاطمہ
زاهرا کہ حضرت رسولک آتش فراقتدن بریان . وبری امام زین العابدین کہ
قرق ییل واقعه کربلادن صکرہ لایتقطع سرشک افشان ایدی .

فضولی - حقیقة السعداء

مصرده اولان خاندان عباسی شعبه سنی اورته دن قالدیروب ملوک عثمانیه یی خلیفه انام (!) ایدن سلطان سلیمدر . حریمینی زیر اداره یه الهرق ممالک عثمانیه یی قبله کاه اسلام (!) ایدن سلطان سلیمدر .

کمال - دور استیلا

جهاد اطاعت سزله عبرت ایچونسه توجیب (!) اولنور . چونکه عصیانیه حاضرلن ان قوملر دیگر طرفده ینه اطاعت سز بر قومک جهاد سایه سندیه انقیادی کوره رک قان دوکولکسزین عرض تابعیت (!) ایدر .

جهاد تعمیم دیانت ایچونسه تنسیب (!) اولنور . چونکه بردن تعمیم ایدنجه حرب و خصومت ، غرض و نفسانیت ، اختلاف مذاهب و ادیان مخاطره لری کلیاً بر طرف اوله رق عالمده صلح دائمی حکومت (!) ایدر .

جهاد نشر معارفه خدمت ایچونسه تصویب (!) اولنور چونکه معارف منتشر اولدقجه مزیت حیات ایله حقیقت انسانیه هر کسجه معلوم اوله رق جهل کی ، تعصیب ، کی مغایرت جنسیت کی ایجاب شر و خصومت ایدر جهل حالاتک جمعیات بشریه میانه سندن کیده کیده اندفاعیله افکار عمومییه کسب سکون و مسالمت (!) ایدر .

عبدالحق حامد طازق

- ترصیع -

(۲) عنوان بحشمزک جهت ثانیه سی اولان ترصیع ایسه نظم و نثرده مشترک اوله رق بر مصراعی و یاخود بر جمله و یا فقردی تشکیل ایدن کلمه لرک ایکیدن زیاده سی دیگر مصراعده و یاخود دیگر جمله و فقرده مقابله لری بولنان کلمات ایله هم وزن و هم قافیه اولمسندن عبارتدر .

نظمه مثال:

اجزای بشر جالب تعجیل فنادر
 ابقای اثر موجب تحصیل بقادر
 کمال

نثره مثال:

حقانیت نام جلیله مستعد اولان صوات و رجعتکده بوفیق ربانی
 معینک - نفسانیت کام رذیلنه مستند اولان خفت و شدتکده قهر آسمانی
 قرینک اولور .

عبدالحق حامد

- شرائط تسجیع -

سجعت مقبولی مردودندن فرق و تمیز ایتدیره جک قوت
 سار محاسن و تزینات اسلوبک کافه سنده حکمی جاری اولان
 ذوق سلیم اولدینی جهتله بوبابده الک زیاده انک مفتقر لطفی
 اولمقلغمز اقتضا ایدر .

بونکله برابر عامه جه مسلم و مقبول اولان آثار ادبیه حقیقه
 مدار زینت بوانان اسجاعتک موافقی معاینه و طبایعی تدقیق
 اولنجه بر طاقم شرائط استنباط ایدیله بیلورکه بونلره موافقی
 بولنه جق تسجعاتک اکثریت اوزره رهین مقبولیت اوله بیلیمسنی
 امید ایلدیکمدن شرائط مبحوثنک عرضی دخی مناسب کوردم .
 بونلردن برنجیسی سجعتک طبیعی اولمسی، ایکنجیسی کثرت

استعمائیدن اجتناب ایدامسی، اوچنجیسی کیت وطیعه تبه اسلوبک
نوعیه متناسب بولمسی، دردنجیسی اسجاع مقیده ده جل و فقراتک
تطاولنه و یا خود بری دیگرندن حد اعتدالی تجاوز ایده جک
صورته قصیر اولسنه میدان ویرلامسی، بشنجیسی (سجج اندر
سجج) ک ایکی مرتبه نی تجاوز ایتامسی ماده لریدر.

(۱) طبیعی اولان سجج تأمل و توقف ایتکسزین کنیدیکنندن
وارد اولان و یا هیچ اولمزه تصنع و تکلف شائبه لرندن بری
کوریناندر.

فقرات آتیه ده کی (پناه - استنادگاه) و (جسارت - شهادت)
و (قائل - مائل) - سجج لری بلا تأمل یعنی خود بخود وارد
اولان اسجاع طبعیه دندر.

«ایشته بو حادنه اوزرینه صلاح الدینک جناب حقندن غیری برپناهی (!)
و آنک احسان مخصوصی اولان خصائل ذاتیه سندن بشقه براستنادگاهی (!)
قالدینی حالده ینسه قطعاً فتور کتیره یه رک مکانه یه کیرشمش و حرب
وصلحه الح.»

§

«باخصوص که روم بطریقنک دعوا یه جسارتی (!) و فاتح طرفندن
کنیدلرینه ویریلان امتیازاته ایکی اختیار یکچرینک شهادتی (!) اوزرینه
خرستیانلر حقنده کی تدابیر احتیاطیه سنی ترک ایده جک قدر حقه قائل (!) وعدله
مائل (!) اولان برذاتدن یالکرمذهب تعصبی ایچون...»

کال

ینه کال بکک «دور استیلا» سندن شو:

حتی احوال ملک تشریح عالمنده اعمال نظر ایدن بعض حکیم بوتجارب

ناقصه اوزرینه دولتر ایچون بر عمر طبعی تصویر اتمشیدی. بو خیال هائلک
حقیقتدن برائتی یعنی هر وجود سیاسینک بر حیات دائمیه به مظهریتنی ادا اول
اثبات ایدن آل عثماندر که دلائل متسلسله سنک مقدمه کبراسی محمد خاندرا!
فقره سنده کی (ملل - علل) و (برائت - مظهریت)
و خصوصاً (عثمان - خان) سجعلرینی یوقاریکیلر قیلندن صرف
کندیلکنندن کیش کی تلقی ایتمک طوغری اوله مز. شوقدر که
سجعلر صنعتدن بتون بتون بری دکلسه ده بتون بتون بری
کورنمک مزیتنه مالکدر.

افاده بی مبدأنده آلمش اولدینی خط استقامتدن انحراف
ایتدیر مامک، لفظاً مطابق سنزلکدن سالم بولنمق وحشو، تکرار
معنوی تتابع اضافات، غرابت، ربط سنزلق، معنائک لفظه تبعیتی
کی تقایصدن هیچ برینی ایجاب ایلامک اسجاع طبعیه نک
خواص متمیزه سندنر.

بو حاله کوره امثله آتیه ده کی سجعلرک - که هر بری شونعداد
اولنان تقایصدن براییکینسی داعی اولمشدر - طبعی اولمدقلرینه
وبناء علیه مردودیتلرینه حکم ایدرز :

«کمال بنده نوازی و مرحمت (!) و فرط احیا سازی و شفقت (!)
اقتضای عالسی اوزره بودفعه نشان مذکورک برنجی رتبه نشان (!)
درخشانیه (!) تبدیله ...
عرفان پاشا

§

چند برف مضمحل (!) و شدت شنا متحمل (!) اولغله آفتاب عالمتاب (!)

ونیر اعظم زرین نقاب (!) برج حملدن رو (!) بلکه گوشه ابرو (!)
کوسترنجه . . .

لطائف انشا

§

مرهم جریحه فوآد (!) ومومیانخس داغ درون مخلص وفامعتاد (!)
اولان . . .

کنعان بك مرحوم

§

آستان بلند ایوان شهنشاهینک چا کراخصی (!) وعنایت علیای جهان احتوای
شاهانه نک چراغ مختصی «!»

وله

§

جناب مکرم لرنی طرفزدن استفسار امر محال وارسال اخبار رتبه
استحاله ده برخیاال ایکن بودفعه پدرلریله ارسال تاریخ «» وبردفعه دخی
پاشامن احمد افندی ایله ایصال سلام بی رخ «» اولنشدی .

ویسی

قریضه ذمت عبودیه «» وخطبه تسبیحات دائمیه من «» اولان تراید
عمر . . .

عرفان پاشا

§

حلیه اصابتدن عاری واسلامیانه ناجسبان اولدینی غیر متواری اولان
عقل صرف ایله عمل «» واکثر عمللری دخی اغراض ایله معل «» اولغله . . .
تاریخ عاصم

(۲) سجع طبیعی اولنجه او قدر چوق دوشوریه من کی

کورینورسده تسجیع کلامی، قلمرینه طبیعت نایه اوله جق قدر،
اعتیاد ایدن ادباملکات مخصوصه لری سایه سنده بونک هر درلوسنی
بولمقدده دوچار تکلف اولمز لر. شو قدر که کثرت اسجاع - طبیعی
دخی اولسه - اسلوبک اطرادینی و بوده ارباب مطالعه ایچون
کاللی داعی اولق مقرر وهله هر شیده چوقلق تدنی قیمته سبب
اوله جنی مسئله می بوبابده بشقه جه ملاحظه یه شایاندر .

مثلاً « دور استیلا » رساله سیله « امیرنوروز » ترجمه حالی
یان یانه کتیروبده معاینه و موازنه ایلدیکمز حالده البته ایکنجیسنی
برنجیسنه زینت و لطافت جهتیله ده مرجع بولورز . حال بوکه
برنجیسی ایکنجیسنک نصفدن دها کوچوک ایکن انده کی
اسجاعک عددجه اون ده برینی بریکنده بوله میز .

بر فقره ایچنده برجنسدن برچوق اسجاعک تعاقب ایتدیرلمسی
دخی افاده نک آهنگنی اخلال ایتدیکندن بونده ده توقی لازمدر
بو حقیقتی دخی شو مثال اکلا دیر :

« اول مظهر غضب (!) و منظر قهر رب (!) شرف حسب (!) و نسب دن (!)
محروم ایکن غلبه کوکب (!) مساعده سته استناد ایله ترک ادب (!) وادیسنی
مذهب (!) ایدینوب... »

خواجه تاریخی

آثار هزلیه و مقالات مزاحیه ده ایسه سجج براز چوقده اولسه
بأس یوقدر . وحتی اومقوله شیرل ایچنده پارلاق پارلاق، تحف

تخف اسجاعك تعاقب وتوالیسی افاده نك رونق و شطارتی تزئیده
خدمت ایده جکی چون مقبول عد اولنور .

مثال :

بعده صاحب لقب (!) کثرت سرور (!) و وفرت جبور (!) ایله اظهار
شور (!) و شغب (!) ایدرك خانه سنه واروب اهل دردمند خاتونه تبشیر!
ولفظ اشك صیایه تبدیل اولندیغنی تقریر (!) ایدیجك عورت برآه سوزناك (!)
چكوب اولاً ضیافت ایچون صرف اولنان تقدینه سنك عرضه تلف
اولدیغنه تأسفه :

« بیچاره قاطر مفتہ صاندی سمریله »

دیهرك سینہ سنی چاك (!) و ثانیاً تبدیل لقب بر فائده بی منتج اولیوب همان
تجدید حماریت ایتمش اولغله :

« سن ینه اسکی خرو اسکی پالان »

« چقن آدم اوله جقسك حیوان ! »

دیهرك چشم حیرت دیدہ سنی کریه ناك (!) ایلش و دیمش که ای
خرلایفهم (!) بو عقل قلیل (!) و بواذن طویل (!) سنی اشكلك دكل
بوندن بدتر نیچه ورطه هوانا که القا و ایقاع ایده جکنده قطعاً شبیه م (!)
قالمدی . بونی ادراك ایتدکمی که صیادید کبری خرنیچه رفته رفته پدر دراز
کوش (!) و مادر خراشیده دوشنك (!) خیر الحافی (!) و کندودن اول
آرایش خندق هلاک اولان اسلاف مؤثر الشهیمتك مایه شان و شرفی (!)
اولوب هیچ اولازسه انلر ایله همرته و همنام اولق درجه سته وصوله
اشك اشك اوله جفی دلیل و بیانه محتاجیدر ؟ ایکی سنه دن صکره ینه اشك ...
ینه اشك ... !

کافی مرحوم

(۳) انواع اسالیبدن هر درلو سجعہ اك زیاده مساعد اولان

(اسلوب مزین) در .

(اسلوب ساده) بی‌ترین ایده‌جك سجع‌لر آز اولمقه برابرلفظاً
زیاده مأنوس ولطیف اولمق اقتضا ایدر .

(اسلوب عالی) به‌کلنجه بونده‌دخی اقتضاسنه‌کوره قول‌لانماق
ولفظاً علوی اولمق شرطیه‌سجع بولنه‌بیلیرسه‌ده بوسجع‌لر‌شاید
برزینت حقیقیه مقامنه کچه‌میه‌جك اولورسه افاده‌نك جدیدتی
وموضوع بحك علویتتی اخلال ایتك مقرردر . بناء علیه
انواع اسالیب ایچنده سجع یایمق خصوصنجه اك چوق احتراز
اوزره بولنه‌جغمز (اسلوب عالی) در .

سجع ایچون اسلوب ساده‌یه مثال :

«خاتم الانبیاء علیه‌الکمل التحایا حضرت‌لری جبرائیلک یوزینه‌باقدی . اودخی
(یارسول‌اه‌ملاء اعلی‌سکا منتظردر) دیدی (انك اوزرینه اول‌فخر‌عالم
(یاعزرائیل ! کل مأموریتکی یرینه‌کتور) بیوردی . حضرت عزرائیل‌دخی
روح برفتوح محمدی‌بی‌قبض ایله‌اعلای علیینه اولاشدردی . صلی‌اه‌علیه
وسلم . ایشته دنیانك حالی بودر : کشی نقدر یاشاسه انجامی فنادر باقی
انجیق‌خدادر . بوقوناغه هرکون کلوب‌کیدن چوق اما دونوب کلان‌یوق .
وفاسز دنیا کیمسه‌یه قالماز . دنیا وارلنی کسنه‌یه مال اولمازه .»

جودت پاشا - قصص انبیا

اسلوب مزینه‌یه مثال :

«بوجزیره‌نك سکنه‌ذ کوری دشمن کسب‌منفعت واطفال ونسای حریص
زیب‌وزینت اوله‌رق بونلرده کوردیکم نقصانی لطافت طبیعت دل‌محبت
موله محظر مباحدت اولدینی حالده رفیق‌لرم بزم الفت وانسیته دعوت
ویوم‌مخصوص‌لرنده ، شکل‌بناسنده تمامی صنایع معماریه موجود ورسانت
ومتانت وکلفنده مثل ونظیری نامشهود اولان ، بر معبد مشید زیارتنه
دلالت ایتلریله کیدیلهرک درونی و بیرونی مشغول‌عبادت وپرستش‌پروبرنا

و نائوان و توانا ذکور و نسایله طولش و جوانب زواردن کردن و شاخی
 قوردلر ايله مزین قراين لاتخصا تقديم و اهدا اولمش اولوب ميادين
 و زوایاده ايقاد اولنان بخوردانلردن صعودايدن دود عنبر و عود منتشر
 ایوان فلک کبود اولور و جابجا کف محناء ساقیات بنات زهره سماندن
 التون کاسه لرله حضاره باده کسکون صونیلور کوردیکمده اورکدم ايسه ده
 بو حالت آهسته آهسته عروق و اعصابه سرایت یعنی برنهر سریع الجریانک
 ایچنه دوشمده رسن زرین تار شعاع مهرجهانابه صاریلوب ساحل
 نجات و سلامت چقمغه چالشمقدن بیتاب اولان بیچارکان کبی بی کانه
 لذت ادب و فضیلت ایتکه باشلامقله...

یوسف کامل پاشا - ترجمه تلای

اسلوب عالی به مثال :

حکما دیدیکمز قدما ی اشراقیوندن یکدیگری ادراک ایدرک کلش و طریقه
 تمیز و تذله متسلسل اولمش یدی نفر مراد معارف اثر در . و متأخرلری
 (افلاطون) اولوب بونک دخی شاگردی (ارستطاليس) در . لکن
 ارستطاليس بعض مسائل فلسفیه تفرد و استادینه مخالفتله تمردايدوب
 سلسله اشراقیدن منفک و مشائی گروهه رئیس نومسلك اولدی . فقط
 مسئله توحید و تفریده اثر قدما دن جدا اولوب . موحد و امور معنویه بی
 معتقد در . منطقیاتی ابتدا قوه دن فعله کتورن و طبیعات و ریاضاته بیان
 واضح و یرن بو استاد صاحب نظر اولغله نامداشت معلم اول و فو و گذاشت
 اشتهار مکمل اولدی . فلاسفه اسلامیه دن ابن سینا علیه الرحمه بو حکیم فهیمک
 فلسفیاتی منهجه اقتدا و تألیف کتبه کثیره به اعتنا ایدوب بین العالم
 معروف و مستتنا اولمدر . آلهیاتده اولان تدقیقاتی شریعت و حکمتاه
 آمیخته و قالب اعتقاد اهل سنه ریخته در . نبوت حقنده دیرکه : « عالم
 روحانیه و جسمانیه ده موجود اولان اجناس مخلوقاتک هر یزی نوعی تیرینه
 مختص اولان خاصیتله یکدیگر نندن ممتاز در . و هر نوعک فعل و حرکتی عالم لرینک
 منشاء اولان عالمک مقتضای طبیعتیدر . مثلا ملائکه کرام عوالم روحانیه

موجوداتی اولوب کثافتدن عاری اجسام لطیفه اولدقلرندن هر فعل و عمل لری
عالمینک حال و شانی اولان روحانیت اثریدر. چونکه لطیف و کشیف
هر جسم وجه پرورده سی اولدینی عالمنک ثمره سیدر. و ثمره شجرینک
طبیعت و خاصیتیه متکیف و متخصص اولق ضروریدر. بوتقدیرجه کافه
اجسام مخلوقه منتمی اولدقلری عالم لک طبایع مخصوصه لری مزاجنده اولق
اقتضا ایدر.

سامی پاشا - رموز الحکمه

شواوچ مثال - اسلوبک عمومیتی اعتباریه سدا جتنه، شعشه سینه
شدتنه، علویتنه کوره قولانیله حق اسجاعک دخی لفظاً
لطیف، پارلاق، شدید، علوی اولسی لزومنی اراده ایچوندردر.
بوندن بشقه شوده بیلنملی که سجعک بالنسبه الک چوق یاقشدینی
شیلر (مراعاة نظیر) ی (تنسیق صفات) ی شامل فقره لر در.

مراعاة نظیر ایچون مثال :

عسا کر اسلامیه سرعسکرینک اسمی عبدالله بن سعد اولوب قلب لشکر
انکه معمر (!) و میمنه جنود عبدالله بن عمر ایله منصور (!) و میسره
عسکر عبدالله بن زبیرک قدومیله مسرور (!) و مقدمه جیوش دخی حضور
عبدالله بن عباس ایله پرنور (!) اولدیقتن محاربه مذکوره (حرب
العباده) دیکله شهرت بولش الح ...

ضیا پاشا - اندلس تاریخی

تنسیق صفات ایچون مثال :

صالح یهودی اول فصاحتدن متأثر اولوب ایتدی : « ای عزیز! والدهک

کیمدر؟ اما حسن ایتدی : «صفوت خاندان رسالت ، قدوت دودمان نبوت ، صدف عفت وعصمت ، غره چهره علم وحکمت نقطه دائرة مناقب ومفاخر ، نغمه ناصیه محامد ومأثر ، مادر سادات ، مجمع سعادات ، شمع عرصه عرصات ، بتول عذرا یعنی فاطمه زهرا در .

فضولی - حدیقه السعداء

على العموم مواد رسمیه ومؤلفات علمیہ ایلہ مکاتبات وخصوصاً اخوانیات سجعک بالنسبه الك چوق یاقشمدینی شیلردر . تیاترو او یونلرنده ، مکالمه طرزنده یازیلان ائارده ، عمومی نطقلرده ایسه سجعک هیچ مناسبت المنز .

(۴) اسجاع مقیده ده جل وفقراتک تطاولنه ویاخود بری دیکرندن حد واعتدالی تجاوز ایده جک صورته قصیر اولسنه میدان ویرلماسی لزومنی مثال آتی اراهه ایدر : حد اعتدالی بیلدیره جک شی ایسه ینه ذوق سلیمدر .
مثال :

... بو واقعه مسرت افزادن عموم بندکان وایه دار ابتهاج ومسار (!) وبتخصیص عدم لیاقت جهتیه مایوس وطبیعت بشریه اقتضاسندن اولان طول امل حکمنجه فرط آرزو واشتیاق ایلهمأ نوس ایکن محض نعمت غیر مترقبه اولیق اوزره معیت علیه اصفانه لرله کامیاب اولان بو عید ذره مقدار خارج از حیطه تعبیر و اشعار مسرور و منتدار (!) اوله رق مواطی...
عرفان پاشا

بو مثالده (مسار) کله سنه قدر اولان فقره اون اون ایکی کله دن مرکب ایکن فقره متعاقبه مسجعه فقره اولیده کینک همان درت مثلی قدر کله دن ترکب و تطاول ایتش اولسندن طولانی

معلق قالان (مسار) ك (اوله رق) كله سنه ارتباطی
تبشیرایدن (متدار) ه كنجه یه دكین مؤلم و دورادور برانتظارده
قائمه قله بالطبع صنعت سجعك ذوقه واریه میور !

بونك سبی ایسه فقرات كلامیه دن برینك اتقطاعی دیگرینك
انقطاعه تعلیق ایدلك ذاتا لسانمك شیوه سنه توافق ایتدیکله
برابر برده فقرات مسجعه بیننده کی فاصله زمانیه نك اوزونلخی
موسیقیده صباحلین نقصان بر اقلمش بر نغمه نك اقشاملین اكمالی
کبی بر حکم آلمسی ماده سیدر ظن اولتور .

(۵) فقرات مسجعه اره سنه کیرن جمله لر بیننده دخی سجع
رعایتدن عبارت اولان (سجع اندر سجع) - که بوندن بر بچق عصر
اوله كنجه قدر یازلش شیلرده هیچ کورلمزکن انشای قدیم
مقطعك شمذیکی اسلوب مسلسلله تحولنده تحدث ایتشدرد - اگر
ایکی مرتبه یی تجاوز ایتمز و مسجع اولان جمله لر اوزون دده اولمزه
بأس یوقسه دده اوچ مرتبه سی - و باخصوص جمله لر مطول
دخی اولورسه - آهنگ افاده یی کرکی کبی اخلاص ایدر که بونی دده
مثال آتی افهام ایدر :

«الحاصل ذات ملك سمانی یی یالکیز کندم اینچون دکل بتون زمره
مستمندان حقنده عالم معنادن مؤکل بر نصیر مشفق اولق اوزره بالتلق (مشفق
بر خلق نافع همچو آب) وصف جمیلنی شان عالیه یی لایق و صادق (۱)
و بوخصایص فطریه اوزرینه وظائف انسانیتی دها زیاده اتمام و ایفایه
موفقت جلبله لرخی تسهیل ایده جك مراتب ترقیاتك متباسبه قدر واصل
(۲) و تناهیدن مصون بر عمر جاوید (۳) و تجلیات الطاف مترادفه یه مقرون
بر فیض خاص عذیم الدید (۴) ایله ابدیاً مظهر شادی غیر منفصل (۲)

اولری دعاسنی استکثار مناقب جمیلہ لری وظیفہ سیلہ برابر اداره و تذکارہ
جدیر ولایق () بولہ رق ...»

آثار جدیدہ عزت

فی الحقیقہ بودرلو تداخل اسجاع فضولیدہ ، ویسیدہ ،
ترکسیدہ یوقدر. و بو جہتلہ آثار قدما مسجعیتی اعتباریلہ
صکرہ لری اسلوب مسلسل اوزرہ یازیلان آثار مسجعیہ مرجع
عد اولنور .

ها کرچک اونو تیمہ لم :

ترجہ الفاظ ایلہ پاییلان سجعلر ایچندہ کوزلی پک نادر درکہ
او نوادر دن بریسی وبلکہ برنجیسی شو فقرہ ادیبانہ در :

«خزان نقدر حزین ایسه بہار اونسبتدہ روحپرورد. وقتا کہ نیشان
حلول ایدر، ہرشدہ بر بشقہ لقی کوریلور. ید قدرت خزانک زہری
روز کارلریلہ قورومغہ یوزطوتان آغا جلرک ہبسنہ روح سرپر. طراوتدن
برر تاج کیدیرر. ہر طرفدہ موج موج چیچکلر آچیلیر (!) ہر چیچکدن
رنک رنک نورلر صاچیلیر (!) . »

سجع حقندہ یوقاریدن بری بیان اولسان قیود و شروط
ترصیع حقندہ برشی دیمکہ محل براقدی ظن ایدرم .

— بر استطراد —

انشا پردازان اسلافک و خصوصیلہ آنلرہ علی العمیا مقلد
اولان معرفت فروشان اخلافک تسجیع کلامہ ویردکاری اہمیت
وسائر صنایع بدیعہ نک جملہ سندن زائد اولدیغہ میدانده بولنان

اثر لری شاهد در. شو قدر که بوحال عند القدما ادبایه مخصوص
بر عادت جاریه ایکن صکره لری الی قلم طوتانلرک جمله سیچون بر
علت ساریه حکمنی آلدیغندن مثلاً دولتک ضبط و قایغنه مأمور
اولان مورخ رسمیلره وارنجیه قدر عموم مؤلفلر هر نوع آثار
خامه لرنده و تألیفه الی ایرمیان صنوف کتاب ایسه آرد صره
مدید و منفرد واسطه عرض هنر عدایتدکاری خلوصنامه لرنده
سجعیسز بر جمله قاجیر مزاولمشلر ایدی. بونک دها زیاده رهین
غرابت اولان جهتی اسلوب قدیم مقطعلک شمیدیکی طرز مسلسله
تحوئلدن صکره دخی دوائر رسمیه دن یازیلان محررات عادیه ده
ینه بر آراق سجیع التزام اولمش اولسی کیفیتدر.

حالبوکه سجعلک اسلوبجه مضراتی فائده سنه غالب یعنی ،
موضوعنک طبیعی مساعد اولوب اولدیغنه دخی باقلمقسزین ،
هر نه یازیلیرسه هر سطر نده براییکی سجیع بولمسنی التزامدن لفظ
و معناه انواع تقایض و قبائح مترتب اولقله برابر الای الای
استعاراتک تعاقب و توالیسندن تشکل ایدن اسلوب قدیم مقطعه
نسبه بسیط و ساده عد اولنه بیلان شمیدیکی طرز مسلسل ایچنده
کثرت اسجاعک هیچده یاقشمیدی و تکلفسنلک الی بویک مزیتی
اولق لازم کلان کتابت رسمیه ده ایسه سجیع چوق دخی اولسه
ینه غریب کورندیکی جهتلرله کرک محررات رسمیه و کرک هر درلو
آثار ادبیه مزجه شو مانعه فصاحت و بلاغتنک تأثیرات مضره سنی
محو و ازاله یه همت اربابنه واجب اولمشیدی.

عصر اخیرده بر برنجی متعاقب مساند اقتداره کلان ومهارت ادبیه لرینه آثار قلمیه لری برهان اولان عاكف ورشید ورفعت وفؤاد پاشا لرك باب عالیجه رسماً اجرا ایتدکری تنبیهاً وتلشبات (*) وطرز جدید ادبک واضع اساسی ، شناسی مرحوم ایله ، معماری حسن طبعی اوبنای متینه طرح آرایش وزیبایش ایدن ، کمال بکک دخی هوسکاران حسن انشایه قارشی خارجاً میدان قویدق لری امثال ومواخذات سایه سنده سجع مراقی ارباب قلم اده سنده بر درجه یه قدر زائل اولدیسده مطلوب تمامیه حاصل اولدی .

بو کونکی کون مثلاً عاكف پاشانک ، الک اولکی لطافتی ساده لکنه عائد اولان ، تبصره سنی - الک بیوک مزیتی هر فقره سنده براینکی سجعک اجتماعندن عبارت بولنان - معهود کهنه منشأته

(*) پدرم رجائی افندی مرحومک قلمه الدینی برمسوده رسمیه نک کنارینه مشارالیه رشید پاشا سرخله شو عباره فی یازمیشیدی « تصویب وتسریب سجع لرینی برلشدیرمک ایچون مصلحت افاده صحیحه وسلیسه بولندن چیقارلقدن وعباره لر تعقید اولمقدن ایسه ساده جه تعبیرات وحسن افادات طریق التزام بیورلسه دهها مناسب اوله جنی . »

اوزماندن بری ایسه « تصویب - تسریب » سجعنک عموماً استعمالدن ساقط اولسی پاشانک کرامت قلمیه سنه عائد موافقیاتدن دکلسه غرائب اتفاقیاتدن عد اولمغه لایقدر .

برده علی العموم محررات رسمیه نک منقح وساده عباراتله موضح صورتده یازلمسی وخصوصیه بو نلرده قطعاً سجع التزام اولتامسی ۱۲۶۲ تاریخنده مجلس والایه تحت قراره التمشدرکه بوقراری حاوی مضبطه صورتی ، محرری اولان ، رفعت پاشا مرحومک مطبوع مجموعه اثارنده مندرجدر .

رجحان مطلق ایله ترجیح ایدنلر عکسینی ادعا ایدنلردن البته
 دون وربط کلام کبی ال عادی قواعد انشائی و بلکه اصول
 املائی اوکرنیان برچو جونک پدرینه ویا والده سنه برمکتوب
 یازدیغی زمان ال اولکی همتی (درکار) ی (آشکار) ه سجع
 دوشورمک جهته معطوف اولدیغی کورمکه ممنون اولانلر ایسه
 بو حالدن متأثر و محزون اولانلردن اه اعلم برقاچ قات افزوندر!
 مع مافیه بزده دخی امید اولندیغی وجهله بی غرضانه و کرچکدن
 ادبیانه و حکیمانه مؤاخذات سایه سنده برکره ذوق بلاغت و تمیز
 ادبیانه دینیلان شیلر حقیله انتشار و تعمم ایدنجه او مقوله تکلفات
 زائده و تصنعات بلا فائده یه طرفدار اوله جقلرک النادر کالمعدوم
 و اسالیب و ادبیات عثمانیه نک نجات و اصلته لایق محسنات معنویه
 و تزیینات صحیحه لفظیه ایله فائده بخش خصوص و عموم اوله جنی
 بی اشتباه و بوکا ادبیات مزجه او وقت ایچنده وقوعه کلان ترقیات
 کلیه بریبوک کواهدر .
 انتهى .

— وصف تحسینی —

وصف تحسینی دیدیکمز شی موصوفک تعیین ماهیتی ایچون
 دکل انجق تزیین افاده مقصدیله ایراد اولنان صفتلر، وصف ترکییلر
 و یا خودبونلرک مقامنه قائم اوله جق تعییرلر درکه قاعده زواندن عد
 اولنه بیلیرسه ده فائده ادبیه جه اهمیت مخصوصه یی حائر درلر .

عبدالحق حامد بکک « صحرا » سندن :

مثلا آفتاب (عالمتاب)

عزم مغرب قیلنج، ظامت شب

چهره عاله چکر پرده ؛

برسکوت (عمیق) اولور پیدا ،

صانکه خوابه واریر بتون اشیا .

عکس برف زمانه پرورده

کورینور وجه لیل (اسمرده)

نشیده سنده کی (عالمتاب - عمیق - اسمر) وصفلری و شیخ غالب

مرحومک « حسن و عشق » ندن :

بوشعر (تری) او قورکن اول ماه

برصوت (غریب) ایشندی ناکاه

بر طوطی سبز آل (منقار)

بر شاخده ایلر آتی تکرار

کیم دختر شاه چین او خونریز

بوباغه کلور چو صبیح (کلینز)

بیترلنده دخی (غریب - سبز - آل منقار - کلینز) سوزلری

ترتین کلام ایچون اختیار اولنمش اوصاف تحسینیه دن اوله رق

بونلر افاده دن طی اولنقی لازم کلسه معناجه واقعا بر نقصان

ترتیب ایتمز . شو قدرکه وزن عروضدن قطع نظر بونلرک شعریجه

حائر اولدقلری رنگ لطافت ، رونق تصویر دخی قالماز .

وصف تحسینی شعر مخصوصاتندن دکلدرد . بونک نثرده دخی

بک اعلا یا قشیدیغنی اشاعیکی فقره لردن اکلایه بیلیرز :

« هله کوشکی قوجاقلیه جق کی اوزرینه مستولی اولان صالقم سکودایله

یپراقلرینک اره سنده کچمکده اولان انوارماهتات - بارحسرتله بلی بوککش
سودازده درکه یارینک قارشیدنده یابر جای قیام اوله رق پریشان صاچلریله
جمائی نگاه استرقا بدن صافلامغه چال شیر . لبال وصالده مشاطه حسن و آن
اولان ماه (منیر) ایسه او عاشق معشوق ادانک کیسوی (تارومارینی) شانه
الماس ایله طاریبور - تخیلیله وصف اولنسه لایق ایدی.»

کمال - انباه

انسانک (الدقیق) حساباتی - افکارک (العلوی) درجاتی تشریحاتیله، تفصیلاتیله،
کمالیله تیاتروکتابلرنده کوریلور، افکارک شاعرانه و اقتدار ادبیانه تک الکیزاده
مهارت نمای (کمال) اولدینی برلرتیاتورورساله لریدر. ایچنده اویله (فیضافیش)
بهارلره تصادف اولنور که هیجان ایله چارپنیر برکوکل اوغاشای (روح افزانک)
قارشیدنه کچوبده ساعتلرجه لذتله صفالره غرق اولیق ممکن دکلدور.

ادبیات جدید (برنازنین) دلربادرکه غریبک ککالات ادبیه سی استاد حکمتی
و شرقک همت و فصاحتی مشاطه حسن و آئیدر .

سامی پاشا زاده سزایی بک

هر حالده موصوفلرینک ملایمی بولسان احوالی مین اولیق
صفت کشفه لری اولان (وصف تحسینی) لردن بشقه ادبانک
اره صره استعمال ایتدکلی برنوع وصفلر ده اوارد درکه ظاهرده
اوته کیلره بکزر سده بونلرتزین کلامه عاندکل مجرد خیالده کی
غرابتی، تصورده کی نکته ولطافتی کوستر مک مخصوص اوله رق
بناء علیه افاده دن حذف لری بروجهله قابل اوله مرز . نشیده
آتیده کی (مظلم - روشن - پر نور - خوشبو) وصف لری کبی .

مطلق بو یرده اولسون زواله

خورشیدم ایشته قارشیده غارب

خورشید او لکن خورشید مظلم

مشرق قرارمش ، یا عقدہ مغرب
 ماتم لباسم عکسیلہ کلشن
 بر لیل ایسہ مدہ برلیل (روشن)
 ہپ بشقہ بشقہ ازہار آچلمش
 نخل املی چشم نزارک ؟
 بکنزر شہابہ سنک مزارک
 دوشمش زمینہ نوری صاچلمش !
 کوکمی یارلمش یارب نہ در بو ؟
 ازہار (پرنور) انوار (خوشبو) !

شعرده اکثریا اکال وزن ایلہ برابر ننکین قافیہ لر بولد یرمق
 ونثرده ایسہ پارلاق پارلاق سجعلرہ مدار اولمق جہتیلہ لسان
 ادبمزنک لفظہ حقیقہٴ پک فیضلی وسائط تریینہ سندن بریسی
 اولان وصف تحسینی سوزجہ مطلوب اولان اہنک سلاستک
 خصوصتہ دخی خیلیدن خیلی مداردر .

مثلا امیر نوروز ترجمہٴ حالتندن : « غازان بہادر - کہ زور بازودہ
 زماننک فریدی ایدی » اثنای کیر وداردہ امیرہ راست کلہرک
 اندہ بولنان ویارم قنطار اغراغندہ اولان کرز (اہنینی) برشدت
 فوق العادہ ایلہ کوکسنہ اوردیسہدہ . . . « فقرہ سیلہ
 ینہ اوکتابدن : « غازی عظیم المآثر الینہ خدمت دینہ صالح
 بویلہ برواسطہ کچجہ ہان آنی ریاست ادارہ یہ کتیرمک وبارقہٴ
 افکار حق پرستانہ سنی ضیای مہر (منیر) کبی عالم بالادن نشرایتمک
 تصورندہ بولندی » فقرہ سندہ کی (آہنین) و (منیر) وصفلری بولنمہ
 سوزک اہنک لطافتی بیاغی بتون بتون انتفایدہ جک کبی کورینور .

اشاغیکی شعرلرده بولنان وصف تحسینیلردن بو حقیقتدها
واضح استنباط اولنور ظن ایدرم :

جهانبان یکانه آفتاب آسمان سایه
خداوند زمانه مسند آرای نکوکاری
بساط هفت اقلیمک چراغ عالم افروزی
سریر نه رواقک پادشاه ماه دیداری
خدیو نامور آرایش تخت سلیمانی
بهانگیر مظفر صف شکاف رزم کرای
علی رزم و سلیمان کوکبه سلطان عثمان کیم
روادر طاق عرش اوزره آصلسه تیغ خونباری
نفی

عالم حیات نو بولور جانلر باغشلر دمبدم
انفاس روح اللهدر کویا نسیم صبحدم
صحن فلکده جلوه کر طاوس زرین بال و پر
باغ جهان پر زیب وفر عالم کلستان ارم
.

مشکین نسیم اولدی هوا غنبر شمیم اولدی صبا
کلزاره کلسه غالباً اورمن خنتدن نافه دم
باد سچردن خوش نسیم خلق خداوند کریم
سلطان عادل خان سلیم شاهشه صاحب کرم
کیخسرو جمشیدفر جمشید کیخسرو کهر
دارای اسکندر ظفر اسکندر دارا چشم
خورشیدوش پرنور وفرناهیروش روشن کهر
کبوان صفت عالی نظر شاهشه انجم چشم
باقی

(وصف تحسینی) نك اك چوق استعمال اولندي يى يرلر
تصاوير شاعرانه يى حاوى اثرلر درر.

— ايجاد و ترویج الفاظ —

ايجاد الفاظ تعبيرندن اكلايه جغمز معنی لغت كتابلرنده
اصلا يری بولنمیان کلماتی کیفی اوله رق یکیدن تشکیل واستعمال
ایتمک دیمک دکلدر. آنجق کلامده اکثریا یکی ونکته لی برفکری
برطرز نوین وخوش آینده ایله بیان ایچون ترکیب وانشایی
اعتباریله بتون بتون ناشینده تعبير ایراد ایتمکدر.

کندیلرینی ترکیب وتشکیل ایدن لغتله ذاتاً موجود وحقی
مأنوس اولمق اقتضا ایدن او درلو مرکبات محضاً صورت
ترکیه لری اعتباریله درکه ايجاده نسبت اولتورلر.

ايجاد الفاظک مقالات ادبییه یی نه درجه لره قدرشعشه دار
لطافت ایلدیکنی آشایگی فقره لردهن آکلايه بیلیرز:

«امیرمجاهد بوهمت «تغیر ناپذیر» ینه نظراً جوهر صلابتدن مصنوع
برهیکل عنصری نه درجه نوادر روز کاردن عداوانسه روادرا!»
کمال - ترجمه حال امیر نوروز

«امیرک جلادت» رسم پسندانه «سیله برطاقم مهاجمات شدیدده دنصکره
غلبه محمود غازان طرفده قاهره رق بایدوخان فرقه سی هزیمت کلیه ایله
رجعت ایلدی.»

کمال - کنذا امیر نوروزدن

«... و بر قوجه زور بازوی عرفانیله ایستدیکي شکله کتیرمک
استعدادنی حائر اوله رق وجوده کلان فاع باروت کبی بر قوه «مقاومت
سوز» ی طو بمحلیق صنعتنده اجرا ایلدیکي تعدیلات و کمالات ایله اساسجه نك
هر نوعنه تفوق ایده جک بر حاله طقوزنجی عصرده کتیرمشدی.»

کمال - جزمی

«بوملعونه ایسه دهها صاغ ایکن آرزوسنی جادیلره اسناد اولنان قان
ایچمکه، جان یاقعه حصر ایلشدی. کاه پریشانک شاهانه جمال «عالم
تسخیر» نی، نازنده ادای (روح ائتلافی) کندی لطافت پرمهرده سینه
قیاس ایدر، عادل کرای نظرنده کنسینک اکا تفوقنی آخر خریفک
اول بهاره رجعانی کبی محالآدن بولور و بو یأس ایله عمر گذشته سنک
هر دقیقه سنی کندنجیه بر دورۀ محنت بیلیردی.»

کمال - جزمی

«محشرده مزارندن قیام ایدن (التفات پروردگان) الهی کبی تعریفی
نا قابل بر شوق ایله یتاغندن فرلادی.»

کمال - جزمی

«اوجهته بر (خرم بهار سعادتده) کوکده انفلاق سحرک، یرده
کشایش ازهارک لطائفله خیالات عاشقانه سینه مستغرق اولش بر سودازده
اوزاقدن آقوب کیدن چایلرک چاغلدیسی نصل کلیرسه پریشانده مجلسک
محاوره سی او یولده تأثیر ایدردی.»

کمال - جزمی

«رنک طراوتی هاله ده پنبه لکنی کو سترن انعطاف ضیا قدر دلقریب
بر لطافت - جاذبه جمال وزینت اندامی بارقه مهتابدن بر الهیة الجمال تصویر
دو کلمشده سمانک اک رنکین اک (نجم آلود) بر پارچه سینه بورنش
طن اولنه حق قدر نظرربا بر بدیعه ایله قارشیسنه او توران پریشانی کورنجیه...»

کمال - جزمی

شومونه لردن آکلاشیله جنی اوزره ایجاد الفاظده بری معنایه،

دیگری لفظه عائد اولمق اوزره ایکی مزیت آرانیلیر : مزیت معنویه ، احداث اولنان ترکیب موجدینک فکر و مقصدینی دیگر مأنوس اولان تعبیرات و الفاظدن دهها بلیغانه، دهها پارلاق برصورتده مفید اولمسندن ، مزیت لفظیه ایسه ترکیک لفظاً سهل و آهنگدار ورنکین بولمئسندن عبارتدر. بوحاله کوره کمال بک افندینک ایجاد ایتدیکی تعبیر جمله سندن اولان « موانع بر اندازانه » ترکیبی سهل التلفظ ایلدینی اچون قصورلی عداولتورلر. شوراسیده بیلنمک لازمدرکه موقعنده اولیان ایجاد الفاظ بیان اولنان مزیتلری حائز دخی اولسه ینه مقبول صاییه مز.

اقتضاسنه کوره جابجا ایجاد الفاظ ایله تزیین کلام ایلک فوق العاده برذوق ادبه، اشیری بردقت افکاره، نهایت درجه ده ظرافت طبعه، حسن خیاله مقتدر در.

ایجاد الفاظ طرز جدید ادبه مخصوصدر ظن اولمئسون. آثار قدماده دخی مؤلفلرینک اثر ایجاد ایلر اوله رق پارلاق برطاقم تعبیرلره تصادف اولتور.

از جمله نابینک فقره آتیه سنده کی « خدا پسند » ترکیب موجدانه سی خصوصیه استعمال اولدینی موقعه نظر آکندی کندیسنه وصف اولغه لایق تعبیرات نفیسه و سلیسه دن اولدینی انکار اولنه مز.

« نوبت شهادت زیاد بن السکنه انتقال ایلدکده ستمکاران آهن دل اول نخل برومند ایمانی زخم تیغله آرایش فرش میدان ایدوب میوه پیش رس رأسین چیده انکشت شمشیر ایتک صد دنده ایکن اشارت سلطان رسالت

عليه الصلوة والسلامه بريجه چاپكخيزان تيز دست اسلاميان كفاردن
 رپوده دوش اهتمام ايلديلز . محبوب بارگاه قدس عليه الصلوة والسلام
 حضرتلري اول عاليهت مسعود العاقبتك سرسعادت مندين كنار مباركنه
 وضع ابدىحك دست نظره واپسينن كلچين جمال «خداپسند» محمدى ايدرك
 سير شكوفه زار نعيمه طيران ايلدى .

بوفقرده كوردى كمز «پيش رس» تعميرى دخى اوزمانه نسبتله
 الفاظ جديده دن ايسه كهنه برفكرى افاده يولنده وياقشقسز
 برصورتده استعمال اولنش اولديغى چون حكملى عدايتدك .
 سامى پاشا مرحومك رموزندن شو پارچه دهكى (عليين
 پرواز) دخى تعبيرات جديده دن اوله رق كلامى خيلدن خيلى
 تزيين ايلشدر :

« لكن انوار معارف توحيد ايله قلبى معمور وانبساط صلاح وعفتله
 هروقت وساعتى مسرور اولان پاكان درگاه آله عندالنوم وعندالانتباه
 فرشتهكان [عليين پرواز] ايله همراز و همراه اولورلر . »

اثر شعريه نثر قدر ايجاد الفاظه مساعد دكلدر . بونكه برابر
 فضولى كجى تقى كجى نديم كجى شيخ غالب كجى سخن آفرينانك
 اثرلري قارشديريله جق اولورسه زمانلرينه كوره برطاميكى تعبيرلر
 كوريلور كه بونلر كنديلرينك اثر ايجادى اولديغنه دها يوقارىكى زمانلره
 طوغرى چيقايدىغى حالده هيچ برشاعرك ويا منشيكت سوزلرنده
 كوريله مامسياه استدلال اولتور . اخلافه كوره ايسه اوتعيرلرك
 يكيكى رفته رفته زائل اوله رق هله برچوغي بوكونكى كونده بين الادبا

عادتاً تعیرات روز مره صره سنه کچمشدر . نته کیم کمال بک
افدینک دخی بعضیلری ارانه اولنان الفاظ موجودانه سندن بالنسبه
قدیم اولان برطاقی الحاله هذه تعیرات مأنوسه دن اولمشدر .
فقط هر حالده فضیلت ایجاد اربانه عانددر .

وسط حالده بولنان شاعر لر ، منشیلر دخی بعضاً ایجاد الفاظه
قالقیشیر لرسه ده اکثریا موفق اوله مزلر . از جمله شعرا دن ثابتک
ظفر نامه سندن :

حشر درحشر صف بصف طور دیلر

حشر درحشر اوز که دیوان ایدی

مصراع لر نده - شاعرک غالبایک بکنه رک - استعمال ایتدیکی (حشر در
حشر) تعیری برنوع اثر ایجاد صایلسه بیله یوقاریده بحث ایتدی کمزایکی
مزیتک ایکی سندن ده محروم قالدق دن بشقه (حشر) کله سی ساکن
ایکن متحرک قیلنمق کی برغلط تحکمی ایله ده آلوده بولنیور .
شیخ غالبک ایسه :

والحاصل او جیش موج در موج

صد رنگه کلدی فوج در فوج

الوانله هرکروه یکتا

انوار مجسم ایدی حقا

پرتولری قیلدی رنگ در رنگ

انوار خیالی جنک در جنک

شعرندن برنجی و اوچنجی بیتلرده کی (موج در موج) - (فوج
در فوج) - (رنگ در رنگ) - (جنک در جنک) تعیرلریده اثر

ایجاد عداولت معجزه ثابتك «حشر در حشر» ندن اهمیتلی دکسه ده
هیچ اولمزه بونلر اوتنه کی کبی مناسبتر و صغوق ده دکدر .
یکی برفکر افاده سیچون برکله بی لغتجه مقرر و یا خلقجه
معروف اولان معنیه ازجوق مغایر برمعناده استعمال ایتک دخی
ایجاد الفاظ توابعنددر .

(اوراق پریشان) ده مندرج : «صعوبت ایسه سلطان سلیم
کبی عظمتی صحیحاً عجایب عالمدن معدود اولان برتمثال تاریخینک
هیئت مجموعه سنی کوز اوکنه کتیر مکدر» فقره سنده و (طارق) ده
مندرج : «دمینکی لطیفه لر برطرف، قزم کرچکدن برتمثال
خوارق در» سوزنده بولنان «تمثال تاریخی» و «تمثال خوارق»
ترکیب لری کبی. چونکه تمثالک هر کسجه بیانان معناسی (صورت)
اوله رق بوراده ایسه لغتک بر بشقه فکر جدیدی متضمن اولدینی
محتاج اخطار دکدر .

یوقاریده کچن برمثالده کی «هیكل عنصری» ترکیبی دخی
بو قییلدندر . مؤاخذه ، هائله ، فاجعه ، حسیات کبی لغتله - که
زمانزده هربری بر بشقه فکرایله استعمال اولتمقده در - بتون
ایجاد الفاظه عائد اولور .

(۲) ترویج الفاظه کلنجه بوده ذاتاً مستعمل اولیسان
ویا خود مرور زمان ایله منسی واستعمالدن ساقط اولان تعبیرات
و کلماتی بر صورت حسنه ده یکیدن استعمال ایله رواجیاب ایتمکدر .

مثلاً ترکسینک: «جیش عرمرم کثیر الزحام آدمیان ساز
وسلب صورت و جثماندن عریان اولدقلری حالده...» عاره سنده
استعمال ایتدیکی (عرمرم) تعیرینی بوقدر سنه لردن صکره کال
بکک دخی بیت آتیده و بر صورت حسنه ده اوله رق استعمال
ایتمی ترویج الفاظدن معدود و بوتعیر جدید ايله شعرینک کسب
ایتدیکی رونق بیاندن مستغیدر .

بر حزب قلیل ایدی معینم

اعدا ایسه لشکر عرمرم

بوندن بشقه بوکونکی کونده ادیب مشارالیه کثارتارنده کورلمکده
اولان (صائل) کبی (باده) کبی لغتله و براز و قندیری عموماً
قوللانلقدده اولان (اتخار) کبی (عائله) کبی (تشریع) کبی
کملر زمانمزدده رواج بولش تعیرلردن دکلیدر :

ترویج الفاظ لزوم شریطه سنه موافق اولورسه نتیجه بخش اولور.
یوقسه لغت کتابلرینی قارشیدوبده بر طاقم ایشدلمامش سوزلری
هیچ بر لزوم دخی یوق ایکن استعماله قالقشقم فائده سزدر .

— خاتمه —

عجبا اول امرده بر لسانک قواعد عادیه و ادبیه سی تعیین و تدوین
اولنورده صکره خلق او قواعد توفیقاً می سوز سویلر وادبا
دخی اثارینی اکا کوره می یازار؟ یوقسه ابتدا خلق بر لسان ايله
متکلم اولور وادباسی دخی اولسانده اثارینی میدانده اثارده بعده

فصاحتك طرز، تكلمندن قواعد لسان وادبانتك اثار بدیعه سندن
دخی قواعد ادبی استنباط واستخراج اولنور؟...

شبهه یوقدرکه طوغری اولان ایکنجیسیدر. بو حالد بزم
عثمانلیجه برسان ایسه انك حقنده دخی بوقاعد طبعیه جاری
اولق و بناء علیه لسانك صرف ونحوی و بیان و بدیی (یعنی
بلاغتی) دخی کندیسندن چیقارلق لازم کلیردی .

ایشته مؤلف حقیر بو حقیقی دأمدار خاطر ایلسندن طولاییدر
که - شوخاتمه ایله قسم اولی رهین تمام اولان - اثر ناچیزانه سنه
درج ایتدیکی قواعد ادبی، اثار قلمیه لری ادبیات ملیه مزه بحق
شرف و یرن، اعظم ادبامزك اثار بدیعه سندن اخذ و وضع ایدرکی
یازمغه چالشمشدر .

بودرلو قواعد ادبی عربده ذاتاً يك مكمل اوله رق موجود
و مضبوط بولندیخی حالد بزم ایچون بونلری یکیدن یازمغه و بر
طاقنك اصطلاحات و تعریقاتی تغیره نه احتیاج وارایدی؟ دیانلره
جوابم شوندن عبارتدر: اوت بند کزجه احتیاج يك قطعی ایدی کاشکی
او احتیاجی کورمه ایدم ده یکیدن رشی یازمق ایچون بر چوق تتبعات
مزعجه ایله سنه لرجه اوغراشه جغمه حاضر ترجمه سی موجود اولان
مطولی خلاصه ایله ایشك ایچندن چیقوریدیم! لکن نظمده، فقط
تعقیده دوشولماك و سوزك طبعیلکنه دخی خلل گماك شرطیه،
ایستدیکمز کی تألیف کلام ایدوب طوریرکن ارتق معانیده کی ذاتاً بش
یاشنده بر چوجغك ده يك اعلا تقدیر ایده بیله جکی تقدیم و تأخیر مواقعی
اوزون اوزادی به تعیین واره ده کی عبثی دوشونن و بزم لسانده

کنایه تعبیرندن عمومیت اوزره اکلاشیلان معنی ساده جه مفهوم مخالفنی قصد ایله سوز سویلمکدن عبارت واکثریا تعریض ایله همپا کیدر بر قاعدهٔ بلاغت اولدینی حالد بونی عربک قواعد بیانیه سندن اولان وبتون بتون بشقه بر ماهیتده کوستریلان کنایه یه حمل ایتمک طوغری اوله میه جغنی ملاحظه ایدن واستعاره بحثی اوقدر تقسیمات و تعریفات دخی بوغقمسزین بر عثمانلی چوجوغنک اکلایه جغنی کبی ساده و مطرد بر یولده اکلاتمق امکاتی متفکر اولان وجناس کبی قلب کبی هیچ فائده سز بر طاق صنایع لفظیه یی، مجرد عربک بدیعنده بولندیغی و قدما ی ابدادن بر چوقلرینک دخی برتهالک تام ایله قبول و اجر ایتدکری ایچون بو کون ده بلاقید و شرط عینیه و تمامیه قبول و نقل ایدیویرمک، ادبیاتمک حال حاضرینه کوره، جا تراولسه بیله ثمره بخش اولور شیردن بولندیغنی تأمل ایدن و الحاصل - عربجه دیمک اولندیغنی تسلیمده چاره سزلک درکار اولان - عثمانلیجه نک قواعد ادبیه سی دخی کندی طبعیتنه، مزاجنه، حالنه کوره تعیین و تدوین ایدمک اقتضا ایده چکی اعتقادندن کنیدیسنی اله میان بر آدم ایچون بو یوله کیتمکدن بشقه چاره یوق ایدی .

بوافادادن اثر احقرانه مک حاشا مکملیتی، قصور سز لغتی، احتیاجه تمامیه موافق و یاسا ائامالنه فائق اولدیغی زعم ایلدیکم کبی بر حکم چیقارمق شیمة انصاف و مروته یا قشمز. بنده کنز نهایت درجه ده عجز می ییلانلردیم. بو عجز ایله برابرلساتمک و خصوصیه ادبیاتمک قواعد و ضوابطنه دائر یازیله جق شیک بو یولده اولسنی آرزو

ایدرم. ایسته بو آرزو نتایجنددرکه (تعلیم ادبیات) غالباً بر چوق
افکاره کوره بتون بتون پریشان، احتمالکه بعض فکره کوره
اولدقجه مرتب بر صورتده میدانه چیقدی !

شمذیلک بو بر چغیردر، فقط کر چکدن سرمایه دار علم
وادب اولان قلملرک مسلوک قدم اهتمای اولورسه ادبیاتمزی مرکز
کاله ایصاله قابل بر طریق اوله بیلیر امیدندیم .

نابجاعتصیب کی، عنادی مخالفت کی، اعراض واغراضدن بری
بر نظرله باقلدینی حالده تسلیمنده ترددایدلیه جک حقیقتلردندرکه
شیمدیکی حالده لسانمزیق قارمه قاریشق، ادبیاتمزی ایسه پک مختلف
الاشکال بر حالده در. مع مافیہ سائرملل متمدنه کی بزده لسانمزه لایق
اولدینی قدر احمیت ویردرک اصلاح واکانه حکیمانه چالیشیرسه ق
عثمانلیجه فنون و ادبیات ایچونک برنجی لسانلردن معدود اوله جق
درجه ده حائر اولدینی استعدادک انارینی پک ازوقده اظهاره باشلار.
فقط بر لسانک اصلاح واکالی تشبثات جسیمه دن برایش اولدیفنه
کوره بوبابده افرادک- اکثریا یکدیگرینه بکزه مز صورتده کی-
آمال و آراسی نتیجه بخش موفقیّت اوله مز. بونک ایچون البته بر
انجمن دانشه لزوم قطعی کورینور. خصوصیه لسان بحثده
اوله برهیئت علمیه نک مذاکره سنه معلق قالمش برطاقم مسائل
اساسیه واردرکه اعتقاد احقرانه مه کوره مسائل آتیه دخی اوجمله دندر:
(۱) لسان عثمانیده تداول ایدن کلمات والفاظ مفرداتجه
علوم و ادبیات ایچون کافیمیدر دگیلدر ؟

(۲) عثمانلیجه ایچون آریجه برلغت کتابی ترتیبی لازم میدر؟
لازم ایسه نه اساس اوزره یانلیدر .

(۳) روحانیاته، اخلاقیاته داتر پک چوق دقایق فکریه بی افاده
ایده جک تعییر بولمقد ضرورت چکر کن مثلاً ارسلا نك عربیده،
فارسیده موجود اولان اوتوزاییک درلو اسمنی بلله مکّه دائماً محتاج
اولوب طوره جقمی یز ؟

(۴) املا مسئله سی هر کسک کیفه می تابع اولوب کیده جک؟
وبونک ایچون قواعد مطرده تعینی قابل دکیدر ؟

(۵) قاعده جه، شیوه جه، اصول بلاغتجه بربرینک عینی
اوله رق دنیاده ایکی لسان بولنه بیلیرمی؟ برلسان دیکر برلسانک
اصول فصاحت و بلاغتجه محکوم و فرمانبری بولندجه اولسان
ایچون ترقی ممکن اوله بیلیرمی ؟

(۶) عرب و عجمک قواعد مخصوصه سندن بزده جریانی لابد
اولانلر هانکیلریدر. وبونلر ترکیه نك صرف کندی قواعدیله
مخلوطاً می تدوین اولنمیدر ؟

(۷) عربی و فارسی لسانلری عثمانلیلرجه اعتباردن بتون بتون
ساقطمی اولمی ؟

ایشته بونلر کی برطاق مسائل اساسیه تشکیلی ترقی جویان لسانک
جمله آمالندن بولنان، برانحمن علمینک حل و حسمه قالمشدر.
بنده کزک زرای مخصوصه کلنجه لسانمز مفرد اتجه هم ناقص، هم
زائددر. ناقصدر: اصطلاحات قنون ایله برابر روحانیاته، اخلاقیاته
داتر برچوق شیرلی افاده ایده جک الفاظ و تعییراتک بولنه مامسی

جهتیه زائده در: برطاقم حیوانات و اشیا نك هریرینه مخصوص
متعدد اسملر ، ككلر بولنمسی اعتباریه .

بناءً علیه نواقصی عربی و فارسیده بولدیغمز حالده
یکیدن استعاره ایله اكمال ایدر و شاید بوله من ایسه ك کندیمز وضع
ایلرز. زوائده كلنجه انلریده كلكلری یره کوندریرز.

عربی و فارسیدن آلدیغمز لغتلر تحدید و یکیدن استعاره
ایده جكمز شیلر علاوه اولندقدن صكره تركه سوزلرله مخلوط
اولمق اوزره برمكمل قاموس عثمانی ترتیبی اهم مهماتدر .

املاك تسبیق و تقریری قابل و بونك خلدن محافظه سی و دائماً
مطرد بر حالده بولنمسی تدوینی اقتضاییدن برمكمل (قواعد عثمانیه)
ایله برابر، دیدیکم یولده، بر قاموس عثمانینك وجودینه وابسته در.

هر بر لسانك شیوه سی ، طرز بلاغتی ، اصول ادبییه سی
کندیسنه مخصوص اوله رق بونلرك هیچ بریسی دیکرینك عینی
اوله مدینگی کبی عثمانلیجه دخی طرز بلاغتی ، اصول ادبییه سی
اعتباریه بتون بتون بشقه بر لساندر . (بوكا تركه دیموب
عثمانلیجه دیدیکم ایسه عربی ، فارسی ، صرف تركه الفاظدن
تركب و تشكیل ایتمسندن واصل كندی قواعدندن بشقه دیکر
ایکی لساندن اخذ اولنان برطاقم قاعده لره دخی تابع بولنمسن
طولاییدر) .

بر لسان دیکر بر لسانك اصول فصاحت و بلاغته تابع و فرمانبر
اولدجه ترقی ایده من . بناءً علیه لسان عثمانینك ترقیبی دخی
كندی استقلال احرارانه سنه ترك ایله اولور .

عرب و عجمك بزده جارى اولان قواعدى تفريق و قواعد
ترکيه ايله مزج اولملى و عموميه قواعد عثمانيه نامى ویرلملى و دائماً
او حکمده طوئلیدر .

عثمانلیر ایچون عربى و فارسى تحصیل الزمدر . فقط بونلر
عثمانلیجه يي تحصیله مدار اولور ديه دکل مستقل برلسان اولمق
اوزره جدی بریولده و بر اصول مطرده و مستحسنه تحتده تدریس
و تعلیم اولمئلیدر .

بيك شکر خدايه، قسماً ايسته
آتمام اثر میسر اولدی .
اولدجه نظام بولدی حالى ،
تمثیلی دخی مقدر اولدی .
عجزم بوكاده اولوردی حائل ،
توفیق آله یاور اولدی .
اقدامی ایلدی مشید ،
کوچلیکار اکا محقر اولدی .
ثانیسنه ده موفق اولسون
خامه م که بوكا مظفر اولدی .

- لاحقہ -

۲۸۳ نجی تحیفہ دہ کی (ادب کلام) بحثہ راجعدر .
 بعض کلمات و تعبیرات ترکیہ اولور کہ صورت املاسی هنوز
 تقرر ایتمامشدر و یا تقرر ایتمش ایسہ دہ کو چلکہ یازیلیر و اوقونور
 و یا خود دیگر الفاظ ایله داعی التباسدر . ایستہ اودرلو کلماتک
 و تعبیراتک یرینہ - غریب اولماق شرطیلہ - عربی و یا فارسی
 کلمہ لر استعمالندہ بر بآس اولمدقدن بشقہ من جهة یعنی املاجه
 بیان اولنان محاذیرہ میدان و یرمیہ جکندن طولای فائدہ بیلہ و اردر .
 مثلاً (یریندی) و یا دیگر املا ایله (یرینتی) لفظی ترکیہ بر کلمہ اولہرق
 اقتضاسنہ کورہ هر یردہ ایراد و استعمال اولمنسنہ (ادب کلام) جه
 بر مانع یوق ایسہ دہ صورت املاسی حقیقہ چاراشیق و سزعت
 و سہولتہ اوقونمسی مشکل اولدیغیچون حین اقتضادہ انک یرینہ
 او معنادہ مستعمل و مأنوس اولان (مأ کل) کلمہ عربیہ سنی ترجیحاً
 قوللانمق البتہ دها مناسب و (اصطلاح پارہلق) کبی محذورلردن
 سالمدر .

اتہی

شوبحث مهم، بالفعل معارف عمومیہ نظارت جلیہ سنہ رونق
 بخش استیہال بیوریلان، دولتو مصطفی پاشا حضر تلمینک بودفعہ
 یعنی اثر حثیرانہ مک طبعی قرین ختام اولدیغی ائنادہ مخصوصاً
 واقع اولان اخطارعالی دقیقہ دانیلرندن مقتبس و مستفاد بولنمشدر .

قون ادبیہ دہ کی مہارت ذاتیہ و تعمیق و تدقیق مباحثہ کی قدرت کلیہ لرینہ، تاریخ بی نظیر عالیہ دخی عادلانہ شہادت ایدن ناظر مشارالیہ حضرت لرینک مؤلف حقیرہ شویہ بر اخطار دہ بولملری ظاہراً تنزل ایسہ دہ معنائیہ کندیلرینک قدر عالی معارف و ریلرینی برقات دھا اعلا ایلہ جک افعال مشکورہ دن عد اوانسہ لایقدر، چونکہ بو حرکت مشارالیہ حضرت لرینک (تعلیم ادبیات) ی - ازہر جہت دکر سز لکنہ دخی باققسزین - کمال دقتلہ مطالعہ بیورد قلرینہ دلالت ایدرک بو مطالعہ نتایجندن اولان اخطار دقایق پرورانہ ایسہ وطنہ خدمت املیلہ چیقاریلان بومقوله آثارک اصحابی تلمطیف و تشویق مقصدینہ عائد بومقصد عالی دخی قدر شناسلق کبی وطن پرورلک کبی خصائل جلیلہ یہ منتہیذر .

ایستہ ہم مشارالیہ حضرت لرینہ قارشی وجیہ ذمت اولان تشکرات مخصوصہ می علناً ایفاء ہم دہ اخطار سامی معارف و ریلرینک فائدہ سنہ ارباب مطالعہ یہ تعمیم ایچون شولاحقہ فی تحریرہ مبادرت ایلدم .

استاد محترم عطفولو کمال بک افندی حضرت تیرینک
تقریضیدر

سوز نه قدر مؤثر بر بدیعۀ فطرتدرکه بونجه اقوام
فاضله نك معموره عرفان بشره یادکارایتدیکی تأسیسات عالیہ
وہ مصنوعات نفیسیہ دن بیکدہ برینک - انقلابات حوادث -
اعماق زمیندہ مستور اولان پارچہ لرندن بشقہ بر اثرینی
براقماش ایکن آثار ادبیہ لرینک - بر طاقنی بتون بتون
محوایدن - ظلم آتشری، جہالت طوفانلری بیلہ بر طاقنک
حتی بر حرفنی حافظہ انامدن ازالہ ایدہ مامشدر.

سوز نه قدر مؤثر بر قدرتدرکہ جہانک اک بیوک
علامہ لرندن برینی «ظہور اسلامدہ سیف شریعتہ قارشی
طوران متعصین عرب حکم بلاغتہ مقاومت ایدہ مدیلر»
مائلہ شانہ ستایشخوان ایلشدر.

سوز نه قدر جاودانی برجوہر طبیعتدرکہ بیت الہی
بر قاپ کرہ تعمیر ایدلدیکی خالدہ اوزرینہ تملیق اولنان قصائد

سبعه دن هیچ برینک بریتی تغییر ایدیه مامشدر.
 سوز نه قدر مقدس بر ماهیتدر که موجودات ایچنده
 خالق موجوداتدن بشقه مخلوق اولدق برشی وار ایسه
 اوده نوع کلامه داخلدر.

ایشته بو علویت اقتضاسندندر که سوز دنیاده هر
 موجودک تعریف ماهیتنه واسطه منفرده ایکن کنندی
 مزیتنک بحق تعریفندن عاجز قالیور.

او برخورشید روحانیدر: ابعاد مطلقه ذی حیات اولان
 فکر نامحدود بشردن ضیاءش اولدیغی عوالم تصور الوان
 کونا کونی، اشکال رنگارنگی ایله نکاده بتصاره اظهار ایدر.
 لکن ماهیتنی اکلامق ایچون آینه نظر و دریای خیاله
 عکس ایتدیر ملک ایستندجه کورینان عینی دکل نورانیلکنی
 بتون بتون غائب ایتماکله برابر شعشعه عالم آراسنده
 تجرد ایتش بر مضطرب سایه سیدر.

او بر رسام بدایعدر: بیک درلو خیالی لوحه ل اوزرینه
 بیک درلو نظری الوان ایله - محاسن طبیعتدن هانکیسنه

اولسه - بر صورت ویرر. حتی تمثالرینی عکس مشخص
کبی معدوم ایکن موجود کو سترر. فقط کندی نی تصویر
ایتمک ایستدجه یالکز ظواهرینی تجسم ایتدیره بیلیر. معنویانی
ینه بولندی نی عالم بالای استنارده منزوی قالیر.

یا بوجوهر علوینک حقیقتنی تمامیلہ تصویر وبلکه تصور
قابل اولمدیفیچون خواص و اوصاف ظاهر دسنی تحریدن بتریمی
لازم کایر؟ بالعکس بوتخری الزمدر، چونکه ادراک بشرده بر
سیماشناسلق قوت غریبه سی واردرکه مجردات و روحانیات
ایچون حاصل ایتدیکی فکرلری هب او قوتله اوصاف
ظاهر دن استدلال ایدر. ولو اوصاف ظاهر دنی اولسون
عجا تمامیلہ تعین و تدوین ایتمک ممکنیدر؟ البته دکادر.
نامحدود اولان فکرک آثارینه بر حد وضع ایتمک نصل
قابل اوله بیلسون؟ مع مافیہ انواع مخلوقاتک کافه سی
بیلنه مدیکه چون مناقب طبعیاتی تقسیمات فنون دن خارج
طوتمق لازم کلیه جکی کبی محاسن کلامک حصر و تعدادی

محال اولدیفیچون ادبیاته بر طاقم قواعد وضع ایتمکده
عبث عد اولنه مز .

اما دنيله جك كه : دنيايه بونجه مؤلفین ادب كیش،
هیچ بری - اوقویوب یازمق بیلدیکی مجهول اولان -
«اومروس» ویاخود «نابغه» کبی بر اثر میدانکه کتیره مامش!
- عصر مزده پك كوزل مطول اوقوده ییلیر بر چوق
ذاتلر وار، ایچلرندن بعضیلری ادیبانه ایکی سطر بر تذکره
یازمغه وشاعرانه ایکی مصراع سویلکه مقتدر اوله میور?
بویله مصنفلرینه، معلملرینه بیله افاضه اقتدار ایده میان
بر فنك تدویندن نه فائده حاصل اولور?

فی الحقیقه هر ادبیات اوقویان ادیب اولمق لازم کلیور،
بلکه برنجی درجه لرده ادیب اوله رق یارادیلانلر استعداد
فوق العاده سنك آثارینی ابراز ایچون ادبیات ایله اشتغاله
محتاج اولیور. حتی کونش ظلمتدن طوغدینی کبی اکثر
اقوامك الك بیوك شاعرلری جهالت زمانلرنده ظهور
ایده کیشدر، بونکه برابر شوراسی شایان دقتدرکه

بروقت مثلاً انکثرده فنون ادبیه حقیقه مدون دکل ایش،
 ایچلرنده «شکشیپر» کبی دنیایه مثلی پک نادر کلانلردن
 برشاعر ظهور ایش؛ فقط زماننده آنجق برقاچ ادیب
 ده وار ایش. شمدی فنون ادبیه مدوندر، آرهلرنده
 بر «شکشیپر» یوق؛ ایکن برقاچ بیك مؤلف وار.

کمالات فکریه یی و او قوتله ترقیات عالمی بودرجه یه
 کترین خاصه اصحاب ذلمک فوق العاده اولمسیله برابر ندرتی
 دکل فوق العاده اولمسیله برابر کثرتیدر.

نه حاجت! لسانزده ده وار برقاچ سنه اول ادبیات
 طرز حقیقیسنه میل ایتدی، طبیعتیه مطابق برقاچ مثال
 میدان کلدی. شمدیکی اثرلرده کوریلان لطافت وخصو-
 صیله او آثار لطیفه یی میدان کتیرمکده اولان سهولت
 محتاج تعریف دکلد.

ملک ادبیاته اولان قابلیت کلیه سنی طریق استکماله
 سوق ایچون لازم اولان اسبابک بریده قواعد ادبک بزه
 مخصوص برطرزده تدوینی ایدی، مزیاتنی افهامه نامنی


ذکر ایتمک کافی اولان ادیب معرفت پرور اکرم بک
تعلیم ادبیاتنده احتیاجی ایفا ایلدی.

مؤلف اثرینک برنجی اولدیغندن و اوجهته نقصانندن
بحث ایدیور. فی الحقیقه اثر لسانزده برنجیدر. و اوجهته
نقصانی دکل حق تقدم کی بر فضلی واردر. مع مافیہ احتمالکه
نقصانی ده بولنه بیلیر. فقط بر ملتده ادبیات کی اکثر
قواعد زمان و مکان ایله تبدل ایدن بر فنی تدوین ایتمکده
موجود اوله ییله جک نقصانی نه بشقه بر لساندن ترجمه ایتمکده
کوستریله جک کمالاته غبطه رسان اولور.

تعلیم ادبیات نورسیدگان معرفته نه قدر بیوک بر خدمت
ایسه من غیر استیصال منسوبلرندن عد اولندیغم طرز جدید
طرفدارلرندن بر برادر وجدانمک محصول عرفانی اولدیغی
ایچون نفسمجه دخی اوقدر معتنا بر مدار مفخر تدر.

خالق لوح و قلم سعینی مشکور ایتسون.

نامق کمال



برنجی قسم

اعتذار و اخطار

سہو ونسیان، کہ برلازمۂ بشریتدر، ہم کی سرمایہ سی
عجزدن عبارت اولانلر ایچون مطلق الوجوب اولور.

بو حقیقتی سویلمکدن غرض (تعلیم ادبیات) ک مندرجاتندہ
آزیمحق دقتلہ اصلاح ایدیلہ بیلہ جک برطاقم آجیق یا کلشلقمرہ میدان
ویرلدیکنہ اثرطبع اولندقدن صکرہ واقف اولدیغی عرض ایتمکدر.
ازجلہ ۷۸نجی صحیفہدہ عالینک. «آثار بحرینک . . . دیہرک
باشلایان عبارہ سنک اوراجہ هیچ مناسبتی یوق ایش و ۸۲نجی
صحیفہدہ، فتح ایلہ قوللانیلہ کلان، (اساس) کلمہ سی مفرد
ایکن سہوآ (اولاد - عجائب) جعلری آردہ سنہ قونلشدر.
کتابدہ ترتیب سہوی اولہرق (صلحاء بنت ایوب) یرینہ
«صلحاء بن ایوب» و (سایبان) یرینہ «سایبان» یازلمق کی غریبہ لردن
ماعدا نقطہ و حرف و حتی کلمہ زیادہ سی و نقصانی قیلندن دہا
برخیلی خطالر موجود ایسہدہ سیاق و سباق ایلہ بیلنیر،
آکلاشیلیر شیلردن اولدیغیچون ارانہ سنہ حاجت کورلمدی.

مقدمه ده بحث اولنان مطالعات و منتخبات ادبیه ایله بعض
تراجم احوالی حاوی (ذیل تعلیم ادبیات) ایریجه چیقارملق اوزره
در دستدر .

